

अर्हम्

श्रीआत्मवल्लभग्रन्थ-सिरीज्ञ नं. [१०]

श्रीमत्तपागच्छनभोनभोमणि-श्रीमद्देवेन्द्रमुनीन्द्रविनिर्मितं

# सुदंशणाचरियं ।

( सवलियाविहारो )



सम्पादकः संशोधकश्च

न्यायाम्भोनिधि-श्रीमद्विजयानन्दसूरीन्द्रपट्टालङ्कारश्रीमद्विजयवल्लभसूरिमुख्यविनेयरत्नतपोनिधि-

श्रीमद्विवेकविजयविनेयपंन्यास-उमङ्गविजयो गणी ।

प्रकाशकः-बालापुर( वलाद )नगरवास्तव्यश्रीमालीज्ञातीय-श्रेष्ठिवर्य-क्षेमचन्द्रात्मजः पुष्पचन्द्रः ।

[ प्रतीनां पञ्चशती ]

श्रीवीरसंवत् २४५९.

आत्मसंवत् ३७.

विक्रमसंवत् १९८९.

ईस्वीसन् १९३२.

[ मूल्यं सार्धरूप्यकम्. ]

## Shri Atmavallabha Granth Series No. 10.

Printed by Ramchandra Yesu Shedge, at the Nirnaya-sagar Press, No. 26-28, Kolbhat Lane, Bombay.

Published by Phulchand Khimchand, at Valad, ( Ahmedabad ).

प्रस्तुतग्रन्थमुद्रणे गुर्जरदेशान्तर्वर्ति 'पेथापुर' ग्रामवास्तव्यानां किञ्चित्साहाय्यप्रदायिनां सद्गृहस्थानां नामावली—  
२०० विमलगच्छोपाश्रयसत्कज्ञानद्रव्यम् । १०० सेठ. पूनमचंद रतनचंद ( भगत ) १०० सेठ. मणीलालभाई.....  
५० मेता. सकरचंद कालीदास । ५० सेठ. माणेकलाल मलुकचंद ।

अस्मिन् ग्रन्थे उपरोक्तैतावती सहायता मिलिता, शेषवसुव्ययपूर्णीकर्तुं सार्धरूप्यकं मूल्यं स्थापितमस्ति प्रकाशकेन ।  
इस ग्रंथके मिलनेका पत्ता—शाह फूलचंद खीमचंद स्टेशन मेदरा ए० पी० रेलवे पो० मु० वलाद ( गुजरात )  
इस ग्रंथकी कीमत १॥) डाक खर्च जुदा.

### सुदर्शनाचरित्राऽपरनामशकुनिकाविहारोपोद्धातः ।

भक्तिभरनम्रसुरपति-किरीटमाणिक्यकोटिघृष्टपदः । सुरपतिवचोभिर्विनुतः, स पातु वः सुव्रतजिनेन्द्रः ॥१॥

श्रीशकुनिकाविहारो विख्यातस्त्रिभुवनेऽप्ययं वन्द्यः । निर्वाणनगरगोपुर-कपाटयुगपाटनपटिष्ठः ॥२॥

दुर्वादिप्रथितान्धकारहरणे प्राभातिकं भास्करं, सम्यग्ज्ञानलतावितानविभवे श्रेयस्करं वारिदम् ।

दुष्पारे भवसागरे निपततामालम्बनं शोभनं, सूरीन्द्रं सततं स्मरामि विजयानन्दं सदाऽऽनन्ददम् ॥३॥

साराऽसारविचारचतुराणामनवद्यधियामशेषाणां विद्वज्जनानां नैवाविदितमस्त्येतदिह हि जन्मजरामरणाधिव्याध्युपाध्यादिकदुःखबहुले गभीरतरभीमभवसागरे बम्भ्रम्यमाणाः समे सत्त्वाः सुखाभिलाषिण इति । तच्च संसृतिजन्यदुरन्तदुःखौघनिबन्धनसकलकर्माऽभावेन ज्ञानदर्शनचारित्रवीर्याऽऽत्मकाऽनन्तचतुष्टयावाप्तावेव सर्वदाशान्तिनिदानमैकान्तिकमात्यन्तिकं समुपलभ्यते । तदवाप्तिश्च वीतरागतादशामन्तरेण कदाचिदप्यात्मनो नैव संभवति, तदुपलम्भे च कारणतया जिनप्रवचनमेव मुख्यतः प्रत्यपादि सदागमैरखिलतत्त्वविद्भिः केवलज्ञानभास्करोदयप्रत्यक्षीकृतत्रिविष्टपवस्तुचयैस्तीर्थनाथैस्तदन्तेवासिभिर्गणभृदादिभिश्च ।


तच्च द्रव्यचरणकरणगणितधर्मकथाऽनुयोगचतुष्टये विभागीकृतं तैरेव पूज्यतमैः । तत्र द्रव्यानुयोगत्रिकस्यातीव सूक्ष्मार्थप्रतिपादनविषयत्वाद्दुर्ग्राह्यत्वं विदुषामपि । धर्मकथानुयोग एव सुतरामुपकरोति मेधाविनो मन्दतममतिसत्त्वायुष्कान्देहिनश्च । अत्र कथानुयोगे च संस्कृतप्राकृतभारतीमयगद्यपद्यरचनात्मकानि नानाविधान्यनवद्यरसभरितानि बहूनि विद्वज्जनमनोरञ्जकान्यपूर्वाणि चरित्राणि प्रवचनरत्नाकरात्समुद्भूत्य गुम्फितानि स्फीतमतिभिर्ग्रन्थरचनाचणैः प्राचीनाऽऽचार्यप्रवरैः स्वपरोप-

सुदंसणा-  
चरियम्भि

॥ २ ॥

कृतिकरणैकनिष्णातैः । तथैवेदमपि सुदर्शनाचरित्रं (शकुनिकाविहार) प्राकृतपद्यात्मकं धर्मकथानुयोगेऽर्थतः समवतरति ।  
यद्यप्ययं ग्रन्थः प्राकृतभाषायां पद्यात्मकः प्रणीतस्तथाऽपि वैराग्यरसवर्षिभिर्विविधनृपादिदृष्टान्तैः समलङ्कृतोऽतीवोप-  
युक्तो विदग्धजिज्ञासूनाम् । अस्मिंश्चरित्रे च षोडशोद्देशकाः प्रथितास्सन्ति तेषु धनपालादीनामष्टौ अधिकारा वर्तन्ते  
प्रथमतः ते च प्रस्तुतचरित्रस्यैव विषयानुक्रमणिकाऽवलोकनेन समीचीनतयाऽवसेयाः पाठकगणैः ।  
चरित्रस्याऽस्य प्रणेतारः श्रीमद्देवेन्द्रसूरिपादाः संस्कृतप्राकृतादिभारतीकोविदाः एते च कं गच्छमलङ्कृतवन्तः ?, के च  
गुरवस्तेषां ?, कदा सूरिपदं भेजुः, कस्मिन्प्रदेशे च ?, के के ग्रन्था एतैर्विनिर्मिताः ?, जन्मना च कदा वसुन्धरां पावितवन्तः ? ।  
एते हि प्रस्तुतग्रन्थप्रणेतारो भूतपूर्वचैत्रवालगच्छाम्बरदिवाकराणां विक्रमीये पाण्डववस्वक्षिशशि ( १२८५ ) प्रमिते  
संवत्सरे यावज्जीवितविहितदुष्कराऽऽचामाम्लतपसा मेदपाटस्थचित्रकूट(चित्तोड)भूमिपालोपलब्ध'तपा'इतिविरुदानां सर-  
स्वत्युपलब्धप्रशस्तप्रसादतश्च मेदपाटा(मेवाड)न्तर्गतआघाटाऽ(आड)भिधाने पुरवरे विद्वत्प्रकाण्डैर्मण्डितायां जिज्ञा-  
सुभिः षड्दर्शनविदुरप्रधानप्रभृतिनियोगिवृन्दैः समधिष्ठितायां भूपालसभायां चतुरङ्गीवादप्रस्तावे द्वात्रिंशन्मितसार्ववैद्य-  
पटुतरधिषणविकटदिकृपट्वादिराजजेतृत्वे हीरकवदभग्नत्वादजेयत्वाच्च प्रमुदितनृपालप्रदत्त'हीरले'तिख्यातिविरुदमासा-  
दितवतां शशधरकरकुवलयनिकरोज्ज्वलकीर्त्तिवलयधवलितदिग्वलयानां चन्द्रवज्रगज्जनानामाह्लाददायिनां श्रीमज्जगच्चन्द्र-  
सूरीन्द्राणां भूरितरद्रव्यव्ययसाध्यदिव्यदेवालयविभूषितेर्बुदगिरौ गुर्जरराजाऽनुमतमन्त्रिप्रवरवस्तुपालमन्त्रिसमक्षं भव्यजन-  
जलदवृन्दविवोधनैककुमतकुतर्कवादवितततमस्ततिनिर्हरणचन्द्रायमाणश्रीमद्भुवनचन्द्रसूरिप्रदत्तसूरिपदाऽऽरूढा विनेयाऽ-  
वतंसाः पट्टालङ्कारभूताः समजनिषत ।

उपोद्धातः ।



॥ २ ॥



एतद्ग्रन्थकारैः सूरिभिः सवृत्तिकं कर्मग्रन्थपञ्चकं, श्राद्धदिनकृत्यप्रकरणं, सिद्धप्राभृतवृत्ति-धर्मरत्नप्रकरणवृत्तिर्बृहती, चैत्यवन्दनादिभाष्यत्रयी, सिद्धदण्डिकास्तवो वन्दारुवृत्तिश्चेत्यादिनानार्थानि स्तवप्रकरणानि समुद्धृतानि सुविदितशासन-स्यालङ्कृतये परोपकृतिप्रवणैः स्याद्वादसमयाब्धेरिति ।

अमीषां सूरिशिरोमणीभूतानां सत्तासमयस्तु युगप्रवरश्रीमन्मुनिसुन्दरसूरीन्द्रप्रणीतगुर्वावल्यवलोकनतः स्पष्टतया निश्चीयते वैक्रमत्रयोदशशतकमाधारभूतोऽनेहा इति नात्रोहापोहसमयः समयवेदिनाम् ।

चरितस्याऽस्य मुद्रणसमये संशोधने साहाय्यप्रदं हस्तलिखितपुस्तकानां सप्तकं समासादितम् ।

( १ ) प्रथमं पुस्तकं श्रीमद्विजयशिष्यमुनिवर्यसम्पतविजयज्ञानकोषसत्कं, तावदिदं पुस्तकमस्मद्ग्रन्थमागतं, एतच्चान्यपुस्तकाधारेण संशुद्धीकृतं अस्मादेव पुस्तकात्प्रेसकोपीलिखिता । नेदं प्राचीनं पञ्चनवतिपत्रात्मकं प्रायः शुद्धं दिव्यलिप्यातिदर्शनीयञ्च ।

( २ ) द्वितीयं पुस्तकमाग्राद्रङ्ग(आगरा)संस्थापितश्रीमद्विजयधर्मसूरिभाण्डागारसत्कं जीर्णप्रायं प्रायशः शुद्धं पञ्च-धिकशतपत्रात्मकम् ।

( ३ ) तृतीयमेतद्भाण्डागारीयमेव टब्बार्थसंवलितं प्रायोऽशुद्धं पञ्चपञ्चाशदुत्तरत्रिशतपत्रान्वितम् अवसानमष्टषष्ठ्युत्तराष्टादशतमशतके ( १८६८ ) मार्गशीर्षशुक्लत्रयोदश्यां जीववासरे श्रीशान्तिनाथप्रसादतः श्रीवीरपुरनगरे पण्डितनायकविजयेन स्वात्मार्थं लिपिकृतमेतल्लेखविभूषितम् ।

सुदंशणा-  
चरियम्मि

॥ ३ ॥

(४) चतुर्थं श्रीमद्विजयवल्लभसूरीशान्तेवासि पं. ललितविजयचित्कोषीयमर्वाचीनं नाऽतिशुद्धं नाप्यशुद्धिग्रस्तमष्टा-  
दशाधिकशतपत्रात्मकम् ।

(५) पञ्चमं वर्द्धमान(वढवाण)पुरसंस्थापितश्रीमद्विजयकेसरसूरिभाण्डागारीयं नवीनलेखप्रायं शुद्ध्यशुद्ध्युपेतम-  
ष्टादशोत्तरशतपत्रमयम् ।

(६) षष्ठं न्यायाम्भोनिधिजगद्विख्यातश्रीमद्विजयानन्दसूरीन्द्रसन्तानीयश्रीमन्मानविजयसम्बन्धिकं नवीनं शुद्धिमा-  
पन्नं द्वात्रिंशदुत्तरशतदलात्मकम् ।

(७) सप्तमं च स्तम्भन(खंभात)पुरसंस्थितपुस्तकागारसत्कं ताडपत्रीयं पुस्तकं प्राचीनं प्रस्तुतग्रन्थकारसमकालीनम-  
पूर्णं द्वात्रिंशदधिकशतद्वयपत्राङ्कितमवलोकनकृते लब्धम् ।

अस्मिन्पुस्तके पाठभेदो बहुधा दृश्यते कुत्रचित्पाठः समालोक्यते क्वचिच्च न मिलति किन्त्वस्माभिस्तु पूर्वोक्तानां षण्णां  
पुस्तकानां यथापाठं निजमत्यनुसारेण संशोधितमस्ति । अनुमीयते प्रायिकमेतद्ग्रन्थकारैः प्रथमतः संक्षेपतोऽयं ग्रन्थो रचि-  
तस्तत्पश्चात्सविस्तरतो दृष्टान्तान्वितः संस्कृत्य विनिर्मितोऽस्ति ।

एतत्पुस्तकसप्तकाधारेण संशोधितेऽप्यस्मिंश्चरित्रे प्रमादभ्रान्त्यादिदोषवशतो यत्र क्वचनाऽशुद्धिः स्खलनं वा भवेत्  
'गच्छतः स्खलनं क्वापि भवत्येव प्रमादतः' 'भ्रान्तेः पुरुषदोषत्वात्' इति वचनात् । तच्च गुणदोषविवेकनिपुणाः  
कोविदाः समीकुर्वन्त्वित्यभ्यर्थयते—सूरिप्रवरश्रीमद्विजयवल्लभसूरिमुख्यशिष्यतपोनिधिश्रीमद्विवेकविजयान्तेवासी

संवत् १९८९ कार्तिकशुक्लाप्रतिपत् ।

मु० व्यावर ( राजपूताना )

पं. उमङ्गविजयो गणी ।

उपोद्घातः ।

॥ ३ ॥

## सुदर्शनाचरित्रग्रन्थस्य विषयाऽनुक्रमः ।

विषयः	पत्रम्	पृष्ठम्
कथाङ्गम् । ... ..	१	१
<b>प्रथमोद्देशः</b>		
१ हिरण्यपुरनगरवर्धमानश्रेष्ठितत्पुत्रधनपा- लादिवर्णनम् । ... ..	१	२
२ धनपालं प्रति रैवतगिरिविषयकधनश्रीपृच्छा ।	२	१
३ धनपालपृष्टकिन्नरीखकथाकथनम् । ...	२	१
४ परिणयनकृते पाटलिपुत्रपुरे महसेननृपप्रया- णं मार्गेऽब्धौ प्रवहणं भग्नं विमलगिरिप्राप्तिश्च ।	२	२
५ तत्र चम्पकलताकृतं मुनिसुव्रतजिनस्तवनं चण्डवेगमुनिनमस्करणञ्च । ... ..	३	१

विषयः	पत्रम्	पृष्ठम्
६ महसेनप्रतिबोधकृते तन्मुनिवर्णितचतुर्धाधर्मकथा ।	३	२
७ सदृष्टान्तनरभवदुर्लभताप्रतिपादनम् । ...	४	१
<b>द्वितीयोद्देशः</b>		
८ केनेदं कारितं जिनभवनमिति चम्पकलतापृष्टच- ण्डवेगमुनिवर्णितसुदर्शनाचरित्रम् । ...	४	१
९ सिंहलद्वीप-श्रीपुरनगर-चन्द्रगुप्तनृप- चन्द्रलेखाराज्ञी-चन्द्रश्रेष्ठ्यादिसम्बन्धः । ...	४	२
१० चन्द्रलेखागर्भधारणम् । ... ..	६	२
११ नृपकारितपुत्रीजन्मोत्सवः । ...	७	१
१२ 'सुदर्शना' इति नामकरणं लेखशालामोचनञ्च ।	७	२

# सुदंसणा- चरियम्भि

॥ ४ ॥

विषयः

पत्रम् पृष्ठम्

## तृतीयोद्देशः

१३ राजसभायां ऋषभदत्तश्रेष्ठयागमनम् । ...	८	२
१४ सुदर्शनाकलाभ्यासपरीक्षणम् । ...	९	१
१५ सुदर्शनाजातिस्मरणप्राप्तिः । ...	९	२
१६ तत्कृतसवलियावर्णनम् । ...	११	१

## चतुर्थोद्देशः

१७ राजसभायां ज्ञाननिधिपुरोहितसमागमनम् ।	१२	२
१८ सुदर्शनाकृतगृहिधर्मखण्डनम् । ...	१४	१
१९ मुनिकथितधर्मप्रतिपादनम् । ...	१४	२

## पञ्चमोद्देशः

२० जयवर्मनृपकथानकम् । ...	१६	१
२१ विजयकुमारागमनम् । ...	१६	२
२२ शीलवतीपरिणयनम् । ...	१७	१

विषयः

पत्रम् पृष्ठम्

२३ शीलवतीहरणम् । ...	१७	१
२४ कुमारखेचरयोर्युद्धम् । ...	१७	२
२५ शीलवतीकृतप्रलापः । ...	१८	१
२६ श्रीमुनिसुव्रतप्रभुप्रतिमापूजनादिनिरूपणम् ।	१८	२
२७ सोमश्रेष्ठिसमागमः । ...	१८	२

## षष्ठोद्देशः

२८ श्रीधर्मयशश्चारणश्रमणकृतधर्मोपदेशः । ...	२१	२
२९ तृतीयपूर्वभववर्णनम् । ...	२३	१
३० नवविधपुण्यप्ररूपणम् । ...	२३	२
३१ द्वादशविधश्राद्धधर्मवर्णनम् । ...	२४	१
३२ पञ्चदशधातीर्थसिद्धादिनवतत्त्वादिनिरूपणम् ।	२४	२
३३ पुनःषड्विधावश्यकदिगृहिधर्मवर्णनम् । ...	२५	१

विषयानु-  
क्रमः ।



॥ ४ ॥

विषयः	पत्रम्	पृष्ठम्
<b>सप्तमोद्देशः</b>		
३४ भृगुकच्छपुरे सुदर्शनाप्रयाणप्रार्थना । ...	२५	२
३५ सुदर्शनाकृतसंसारदुःखवर्णनम् । ...	२७	१
३६ कालज्ञस्य कस्यचिन्मागधस्य वचनम् ।	२८	१
३७ भृगुकच्छे सुदर्शनाप्रयाणम् । ...	२८	१
३८ चन्द्रलेखामूर्च्छादिवर्णनम् । ...	२९	१
<b>अष्टमोद्देशः</b>		
३९ विमलगिरिप्राप्तिः । ...	३०	१
४० सुदर्शनाकृतगिरिवर्णनम् । ...	३०	२
४१ तत्र महामुनिदर्शनं तत्कृतोपदेशश्च । ...	३०	२
४२ विजयकुमारापहरणादिवर्णनम् । ...	३१	१
४३ कामार्त्ताया रत्नावल्याः कुमाराऽभ्यर्थना ।	३१	२
४४ कुमारकृतप्रतिबोधः । ...	३२	१

विषयः	पत्रम्	पृष्ठम्
४५ तस्य कुणालनगरीप्रयाणं स्वतातमातृकमलश्री- दर्शनञ्च । ...	३२	२
४६ जयवर्मननृपसन्निधौ विजयकुमारस्य गमनम् ।	३२	२
४७ शीलवत्या सह कुमारस्य विवाहोत्सवः ।	३३	१
४८ विद्याधरकृतस्तस्या अपहारः । ...	३३	२
४९ विष्किन्धगिरौ विद्याधरकुमारयो- र्युद्धं विद्याधरपराजयश्च । ...	३३	२
५० संसारमसारं विदित्वा विजयकुमारेण दीक्षागृ- हीताऽत्र तपस्युद्यतः । ...	३५	१
५१ मुनिना चतुर्धा धर्मः प्ररूपितः । ...	३५	२
५२ अनङ्गदत्तजातिस्मरणादिप्ररूपणम् । ...	३५	२
५३ अभयदानप्रभावप्ररूपणम् । ...	३७	१
५४ तद्विषये मेघरथनृपकथानकम् । ...	३७	२

# सुदंसणा- चरियम्भि

॥ ५ ॥

विषयः	पत्रम्	पृष्ठम्
५५ धर्मोपकरणदानमहिमवर्णनम् । ...	४०	२
५६ विशुद्धदानविषये वीरभद्रश्रेष्ठिदृष्टान्तः । ...	४१	२
५७ वीरभद्रपूर्वभववर्णनम् । ...	४५	२
५८ शीलव्रतप्रभाववर्णनं तद्विषये कलावतीकथा- नकञ्च । ...	४६	२
५९ भुजच्छेदविषये कलावत्याः प्रभस्तत्रिरूपणं च । ...	५३	२
६० सोदाहरणं तपःस्वरूपवर्णनम् । ...	५५	२
६१ तपःप्रभावविषये विष्णुकुमारदृष्टान्तः । ...	५६	१
६२ भावनाधर्मनिरूपणम् । ...	५९	२
६३ तद्विषये नरविक्रमदृष्टान्तः । ...	६०	१
६४ विमलगिरौ मुनिसुव्रतस्वामिनः प्रासादनिर्माणो- पदेशः । ...	७४	१
६५ विजयकुमारनिर्वाणप्राप्तिः । ...	४७	२

## विषयः

पत्रम्

पृष्ठम्

## नवमोद्देशः

६६ ऋषभदत्तकृतजितशत्रुनृपवर्णनम् । ...	७५	१
६७ मुनिदर्शनेन सुदर्शनाया वैराग्यभावना । ...	७६	२

## दशमोद्देशः

६८ नमस्कार (नवकार) मन्त्रनियमप्रभाववर्णनम् । ...	७८	१
६९ सभेदं मत्यादिज्ञाननिरूपणम् । ...	७८	१
७० श्रुतज्ञानविषये श्रेयांसकुमारकथानकम् । ...	७९	१
७१ प्रभुपारणके पञ्चदिव्यप्रकटनम् । ...	८०	१
७२ श्रेयांसकृतस्वपूर्वभववर्णनम् । ...	८०	१
७३ द्वितीयदर्शनरत्नस्य सभेदस्य निरूपणम् । ...	८३	१
७४ वरज्ञानचारित्रविषये श्रीमरुदेवीदृष्टान्तः । ...	८४	२
७५ आषाढबहुलचतुर्थ्यां वृषभादिचतुर्दशस्वप्नसूचितः प्रथमजिनेन्द्रो मरुदेव्याः कुक्षौ समवतीर्णः । ...	८८	१

## विषयानु- क्रमः ।

॥ ५ ॥

विषयः	पत्रम्	पृष्ठम्
७६ चैत्रबहुलाष्टम्यां निशीथसमये जिनेन्द्रजन्म ।	८८	१
७७ आद्यस्वप्नानुसारतस्तल्लच्छन्नतश्च नामनिर्देशा- दिवर्णनम् । ... ..	८८	१
७८ चैत्रकृष्णाष्टम्यामुत्तराषाढानक्षत्रगते चन्द्रे प्रभुः स्वयं दीक्षितः केवलज्ञानादिवर्णनं च । ...	८९	२
७९ मरुदेव्याः केवलज्ञानप्राप्तिः सिद्धपदप्राप्तिश्च ।	९१	१
८० श्रीऋषभप्रभोश्चतुर्विधसंघोत्पत्तिः । ...	९१	२
८१ श्रीऋषभप्रभुमोक्षप्राप्तिः । ... ..	९१	२
८२ भरतस्यादर्शभवनेऽनित्यभावमातः केवलोत्पत्तिः शत्रुञ्जये सिद्धिगमनञ्च ... ..	९२	१
८३ पञ्चविधमिथ्यात्ववर्णनम् । ... ..	९२	१
८४ मिथ्यात्वत्यागविषये नरसुन्दरनृपकथानकम्	९२	२
तत्र योगिसमागमस्तत्कर्मवर्णनम् । ...	९२	२

विषयः	पत्रम्	पृष्ठम्
८५ प्राप्तकेवलशशिप्रभाऽऽचार्यकृतो जडात्मकपञ्च- भूतानामात्मनश्च विवेकः पूर्वोपार्जितपुण्यपा- पाभ्यां सुखदुःखप्राप्तिरित्यादिवर्णनम् । ...	९३	२
८६ सम्यक्त्वस्य स्वरूपप्रभावभेदवर्णनम् । ...	९५	१
८७ चारित्रस्यैकविधत्वादिविवरणपूर्वकतत्प्रभाव- वर्णनम् । ... ..	९७	१
८८ तन्महिम्नि महाबलनृपदृष्टान्तः । ...	९७	२
८९ तन्मन्त्रिस्वयंबुद्धनामा जिनमतवेदी संभिन्नश्रोत- श्चापरो नास्तिकः सर्वकार्यसम्मतस्तयोर्धर्मवि- वादादिवर्णनम् । ... ..	९८	२
९० धर्माधर्मविषये कुरुचन्द्रदृष्टान्तः । ...	१०१	१
९१ ज्ञानदर्शनचारित्र्यत्रिकं समाराध्य जीवो लभ- ते सुगतिमित्यत्र जीर्णवृषभकथानकम् । ....	१०५	२

# सुदंशणा- चरियम्मि

॥ ६ ॥

विषयः	पत्रम्	पृष्ठम्
९२ पङ्कजमुखप्रदत्तनमस्कारप्रभावादिवर्णनम् ।	१०७	१
९३ धर्मरुचिमुनिना विहितो ज्ञानादिरत्नत्रयस्वरू- पोपदेशो वृषभध्वजपङ्कजमुखपूर्वभवस्वरूपा- दिवर्णनञ्च । ... .. १०८	१०८	१
एकादशोद्देशः ।		
९४ भृगुकच्छपुरे श्रीज्ञानभानुगुरुकृताऽश्वबो- धतीर्थवर्णनम् । ... .. १०९	१०९	२
९५ तत्र च जितशत्रुनृपजिनधर्मश्रेष्ठिप्रभृतिसंब- न्धवर्णनम् । ... .. ११०	११०	१
९६ अश्वबोधनकृते श्रीमुनिसुव्रतजिनस्य तत्रा- गमनम् । ... .. १११	१११	१
९७ अश्वस्य जातिस्मरणादिनिरूपणम् । ... १११	१११	१
९८ जिनभवनविम्बविधानपूजनादिफलवर्णनम् । ११२	११२	१

## विषयः

## पत्रम्

## पृष्ठम्

### द्वादशोद्देशः ।

९९ सुदर्शनाऽऽदेशात् प्रधानसूत्रधारविनिर्मितश्री- मुनिसुव्रतस्वामिप्रासादः । ... .. ११३	११३	१
१०० तत्प्रासादस्य मुनिसुव्रतजिनविम्बस्य प्रतिष्ठा- विधेश्च वर्णनम् । ... .. ११३	११३	२
१०१ सुदर्शनाविहिततत्पूजादिप्ररूपणम् । ... ११४	११४	१
१०२ सुदर्शनाविहितसप्तक्षेत्रधनव्ययः । ... ११४	११४	२
१०३ निजपित्रा ज्ञापितया सुदर्शनया निर्मापिते श्रीशकुनिकाविहाराभिधे जिनालये पूर्णीभूते तत्प्रशस्त्यादिविधापनम् । ... .. ११५	११५	१

### त्रयोदशोद्देशः ।

१०४ शीलवत्या साकं सुदर्शनाकृतरत्नावल्यादि- विविधतपश्चरणादिवर्णनम् । ... .. ११६	११६	१
---	-----	---

## विषयानु- क्रमः ।

॥ ६ ॥



विषयः	पत्रम्	पृष्ठम्
१०५ स्त्रीपुत्रसहितचन्द्रगुप्तनृपदीक्षादिवर्णनम् ।	११६	१
१०६ विज्ञातनिजमरणसमयसुदर्शनाकृतश्रीसुव्रतजि- नस्तवनम् । ... ..	११६	२
१०७ तद्विहितसर्वजीवक्षमापना ।	११७	१
१०८ अर्हदादीनां शरणाभ्यर्थना ।	११७	२
१०९ अनशनं प्रतिपद्य सुदर्शनास्वर्गगमनप्राप्तिः ।	११७	२

### चतुर्दशोद्देशः ।

११० श्रीचण्डवेगमुनिना श्रीमुनिसुव्रतस्वामिनस्तीर्थे भृगुकच्छपुरे सुदर्शनाकारितजिनालयकाल- प्रमाणवर्णनाद्यकारि चम्पकलतायाः पुरतः ।	११८	२
१११ सुदर्शनादेवीकृतचण्डवेगखेचरोपदेशः ।	११९	२
११२ श्रीशत्रुञ्जयतीर्थोपरि श्रीवीरजिनेन्द्रागमनम् ।	१२०	१

सुदं० २

विषयः	पत्रम्	पृष्ठम्
११३ तत्कृतजिनेन्द्रस्तवनम् । ... ..	१२०	१
११४ जिनेन्द्रोपदेशो जीवादितत्त्वनिरूपणञ्च ।	१२०	१
११५ चण्डवेगदीक्षादिविधिवर्णनम् ।	१२१	१

### पञ्चदशोद्देशः ।

११६ श्रीचण्डवेगमुनिकृतस्वव्यतिकरवर्णनम् ।	१२१	२
११७ मुनिकृतोपदेशं निशम्य जातजातिस्मरणस्य महसेननृपस्य प्रव्रज्याप्राप्तिः ।	१२४	१
११८ गुरुशिष्याबुभौ द्वैमासिकमनशनं प्रपाल्याऽ- नुत्तरविमाने देवत्वेनोत्पन्नौ ।	१२५	१

### षोडशोद्देशः ।

११९ सुदर्शनादीनामद्भुतं चरितं निशम्य जातसंवे-		
---	--	--

# सुदंसणा- चरियम्मि

॥ ७ ॥

विषयः	पत्रम्	पृष्ठम्
गायाश्चम्पकलताया भृगुकच्छपुरे गमनं तत्र च देवीसुदर्शनासंयोगकृते निदानेन किन्नरी- भवनम् । ... .. १२५	१	
१२० धर्मपालं प्रति किन्नरीकृतधर्माधर्मजन्यसुख- दुःखवर्णनम् । ... .. १२५	२	
१२१ जिनधर्मपालनापालने सदृष्टान्तफलवर्णनम् । १२६	२	
१२२ गृहीतगृहिधर्मायाः शीलमत्या विशेषतो धर्म- कर्मणि दृढत्वम् । ... .. १२८	२	
१२३ देवीकृतोपसर्गादिवर्णनम् । ... .. १२८	२	
१२४ गुटिकाप्रभावाद्धनदेवाद्येकादशसुतोत्पत्तिवर्ण- नम् । ... .. १२९	२	

विषयः	पत्रम्	पृष्ठम्
१२५ श्रीशान्तिनाथजिनभवननिर्माणतत्प्रतिष्ठा- होत्सवादिवर्णनम् । ... .. १३०	२	
१२६ श्रीमुनिचन्द्रकेवलि समवसरणम् । ... १३०	२	
१२७ पुत्रविषयकशीलमतीवृच्छा केवलिप्रदत्ततदु- त्तरं च । ... .. १३०	२	
१२८ तन्निशम्य जातिं स्मृत्वा शीलमत्या पापस्या- शुभविपाकपृच्छनं केवलिना तत्कथनम् । १३१	१	
१२९ श्रीपुञ्जश्रेष्ठिपृष्ठश्रीमुनिचन्द्रकेवलिना गृहिधर्म- कथनम् । ... .. १३१	१	
१३० धनदेवादिसहोदरगृहितत्प्रहणम् । ... १३२	१	
१३१ श्रीमुनिचन्द्रगुरुसमीपे प्रत्रय्यामङ्गीकृत्य प्रपाल्य च श्रीपुञ्जशीलमत्योर्मोक्षगमनम् । ... १३२	१	

विषयानु-  
क्रमः ।

॥ ७ ॥

विषयः	पत्रम्	पृष्ठम्
१३२ धनदेवादिसहोदराणां विषमस्वभावादिवर्ण- नम् । ... १३२	२	
१३३ श्राद्धप्रतिमानां वर्णनम् । ... १३३	२	
१३४ जयावलीसमेतजयघोषनृपस्य प्रभुमुखादे- शनां निशम्य गृहिधर्मपालनपूर्वकं पर्यन्तेऽन- शनविधिना सनत्कुमारदेवलोके गमनम् । १३३	२	
१३५ सुनन्दश्रेष्ठिपुत्राणां प्रधानगृहिधर्मप्राप्तिः । १३४	१	
१३६ श्राद्धधर्मारधनेन सुनन्दधारिण्योर्देवत्वप्रा- प्तिः । ... १३४	१	
१३७ ऋषभादिपुत्राणां सर्वविरतिचारित्राराधनेन सर्वार्थसिद्धविमाने गमनम् । ... १३४	१	

विषयः	पत्रम्	पृष्ठम्
१३८ किन्नरीप्रबुद्धधनपालस्वीकृतगृहिधर्मः । ... १३४	२	
१३९ रैवतगिरेः किन्नर्या भृगुकच्छपुरस्थशकुनिका- विहारे गमनम् । ... १३४	२	
१४० संघयुतस्य धनपालस्य रैवतगिरितीर्थयात्रा- वर्णनम् । ... १३४	२	
१४१ उज्जयन्तगिरिवर्णनम् । ... १३५	१	
१४२ तत्र श्रीनेमिजिनभवनवर्णनम् । ... १३५	१	
१४३ संस्कृताऽर्धसंस्कृतगद्यपद्यप्रबन्धेन धनपालकृ- तश्रीनेमिजिनवरस्तुतिः । ... १३५	२	
१४४ प्राकृतपद्यैर्धर्मपालविहितश्रीनेमिजिनस्तवनम् । १३७	१	

सुदंसणा-  
चरियम्मि

॥ ८ ॥

विषयः	पत्रम्	पृष्ठम्
१४५ श्रीभुवनभानुगुरुसमीपे प्रव्रज्यामङ्गीकृत्य प्र- पाल्य च धर्मपालः सौधर्मकल्पे समुत्पन्न- स्ततश्च्युतो मोक्षं गमिष्यति । ... १३७	२	
१४६ यात्रां कृत्वा संघयुतो धनपालः पश्चाद्		

विषयः	पत्रम्	पृष्ठम्
हिरण्यपुरे समागत्य तीर्थोद्यापनं विधाय चिरकालं च गृहिधर्मं प्रपाल्य स्वर्जगाम तत- श्च्युतो मुक्तिं प्राप्स्यति । ... १३७	२	
१४७ ग्रन्थकारप्रशस्तिः । ... १३८	१	

विषयानु-  
क्रमः ।

॥ ८ ॥



## सुदर्शनाचरिते अशुद्धि-शुद्धिपत्रम् ।

पत्रम्	गाथा	अशुद्धिः	शुद्धिः
१	६	अकलंया	अकलंकिया
”	”	सज्जण	सज्जण
”	९	गिरि	गिरी
”	११	तत्थत्थि,	तत्थत्थि
”	”	धणवइ नामेण	धणवइनामेण
२	२७	भत्तिए	भत्तीए
”	२८	नारीं	नारिं
”	४३	उट्ठ	उट्ठ
”	४५	सणिर्यं	सणियं
३	५६	सेव	सेवा

पत्रम्	गाथा	अशुद्धिः	शुद्धिः
३	५८	तणुहिं	तणूहि
४	८२	हेऊहि	हेऊहिं
४	८४	संसिज्जं तं	संसिज्जंतं
”	८८	मणुयत्ताई कमेण	मणुयत्ताईकमेण
”	१०	अविमाणिणीहिं	अवि माणिणीहिं
”	११	पयाप	पयाव
५	२७	पयावं	पयं च
”	४४	अज्जप्पभिई	अज्जपभिई
”	४५	देवीं	देविं
६	५३	तीइ	ती

# सुदंशणा- चरियम्मि

॥ ९ ॥

पत्रम्	गाथा	अशुद्धिः	शुद्धिः
६	५८	रिद्धिओ	रिद्धीओ
११	१०७	विहि ?	विहि !
१७	४५	कय सिंगारो	कयसिंगारो
२३	५०	तंऽसि	तंऽसि
२४	९८	विणिदिहं	विणिदिहं
२५	११६	देव	देवं
२७	३९	आणिच्च	अणिच्च
३०	१४	मुच्चंति	मुंचंति
३१	४९	अहवमल्ल	आहवमल्ल
३७	२२८	त्तणाइवि	त्तणाइ वि
४३	४१५	सरिसी ?	सरिसी !
४४	४३७	तीए	तीइ

पत्रम्	गाथा	अशुद्धिः	शुद्धिः
४४	४३८	रुयमाणी	रुयमाणी
५५	४४१	कणयप्पहो	कणयपहो
४५	४५९	निद	निद
५५	४७१	गणिणीइ इमं!ताओ	गणिणी इइ मंताओ
५५	५५८	विम्हइयाओ	विम्हइया उ
४७	नोट	आज्ञापयति	आज्ञापयति
४८	५५८	अत्थइसइ	अत्थइ सइ
४९	६०६	हा ? दुढे	हादुढे !
५०	६३२	पुच्छि यं	पुच्छियं
५१	६४७	अज्जउत्त	अज्जउत्त !
५५	६४९	नारी	नारि
५३	७०६	हिय ओ	हियओ
५५	७६८	भूमिगाइ व	भूमिगाइ व्व

शुद्धिपत्रम्।

॥ ९ ॥

पत्रम्	गाथा	अशुद्धिः	शुद्धिः
५७	८३०	समणिणओ	समणिणओ
६१	९३७	कावली	कावाली
॥	॥	कुलखय	कुलक्खय
६२	९६७	वेद्धावणयं	वद्धावणयं
६८	११४९	चिद्धिय ?	चिद्धिय !
७३	१३०८	उयारणं	ओयारणं
७५	१०	च्छाय	छाय
॥	नोट	अनृजुकः	अनृजुकाः
७८	१८	प्पभवेणं	प्पभावेणं
८१	हेडिंग	चरियम्मि सुदंसणा-	सुदंसणाचरियम्मि-
८४	२०३	खाओवसम्मं	खाओमसमं
॥	२१७	दुम्मुव्व	दुमुव्व

पत्रम्	गाथा	अशुद्धिः	शुद्धिः
८७	३०६	नगकुमारेसु	नागकुमारेसु
८८	३२६	मुत्तामाणि	मुत्तामणि
॥	३३३	भवयं	भयवं
॥	३३५	सुमंला	सुमंगला
८९	३५०(१)	पहरे	(१) प्रहरे
९०	३८४	वज्जे	मज्जे
॥	४०१	समोव	समो
९५	५२६	निण्दा	निंदा
९८	६४४	विसोपमा	विसोवमा
९९	६४९	इत्थंरम्मि	इत्थंतरम्मि
९९	६६४	मानम्मि	माणम्मि
॥	६७३	वयण	वय
१०१	७२५	वंचना	वंचणा

सुदंसणा-  
चरियम्भि

॥ १० ॥

पत्रम्	गाथा	अशुद्धिः
१०२	७४२	सुबद्धि
१०४	८२५	विशुद्ध
१०८	९३९	दुलास
१०८	९५२	तेहिं
११५	७४	सम
११६	२९	भुवन
११६	२९	जलहीसु
११७	५४	पंचिदिय

शुद्धिः  
सुबुद्धि  
विसुद्ध  
दुबालस  
तेहिं  
समा  
भवन  
जलहिसु  
पंचिदिय

पत्रम्	गाथा	अशुद्धिः	शुद्धिः
११७	५९	पंचिदिय	पंचिदिय
११८	८०	सुरिदसण	सुदरिसण
११९	३६	मप्पणो	मप्पणो
१२४	८९	नोट-६ छेद	च्छेद
१२५	९३	विहरित्तु	विहरित्तुं
१२७	७४	विविहाइ	विविहाइं
१३६	पंक्ति ३	परित्यक्त माता	परित्यक्तमाता
१३८	२	श्री सुधानन्द विबुधा	श्रीसुधानन्दविबुध



शुद्धिपत्रम्

॥ १० ॥



णमो सिरिमुणिसुव्वयजिणस्स ।

न्यायाम्भोनिधि—श्रीमद्विजयानन्दसूरीश्वरपट्टालङ्कारश्रीमद्विजयवल्लभसूरिपादपद्मेभ्यो नमः ।

सिरिदेविंदसूरिरइयं

**सुदंसणाचरियं ।**

( सवलियाविहारो )

( कहांगं )

वंदित्तु सुव्वयजिणं, सुदरिसणाए पुरम्मि भरुअच्छे । जह सवलियाविहारो, कराविओ किंपि तह वुच्छं ॥१॥  
जह तीइ पढमजम्मे, विजयाखयरीइ मारिओ सप्पो । जह सा संतिजिणगिहे, पूयं दहुं पुलइयंगा ॥२॥ पत्ता सुबोहिवीयं,  
वेयावच्चं च कासि समणीणं । हरिउं च नेउरं जह, भरुअच्छे सवलिया जाया ॥३॥ जह बाणहया नवकारसवणओ  
सिंहलेसरस्स सुआ । उप्पन्ना जाइसरा, जह भरुअच्छम्मि संपत्ता ॥४॥ अस्संवावोहत्तित्थे, कारविओ सवलियाविहार-  
वरो । विहियाणसणा पत्ता, जह ईसाणे तह कहेमि ॥५॥ इय सुयणकमलवोहणरविव्व सुकहा अदिट्ठदोसेयं । अकलंया य

सुदंस० १.

सुदंसणा-  
चरियम्मि

॥ १ ॥

नवससहरुव सज्जणमणाणंदा ॥६॥ एयं कहाइ अंगं, बुहजणमणजणियचंगसंवेगं । अवणेइ विसयसंगं, कुणइ सुणंताण  
सिवरंगं ॥७॥ अह एयं सवंपि हु, साहिस्सं वित्थरेण सपसंगं । भवभयभीया भवा !, ता निसुणह सावहाणमणा ॥८॥  
अह पढमो उद्देसो ।

तथा हि—अत्थि इह भरहखित्ते, मज्झिमखंडम्मि दाहिणहुस्स । नामेण नंदिवद्धण-गिरि समुत्तुंगघणसिंगो ॥९॥ तस्सग्गे-  
यदिसाए, वरणयरं अत्थि सुत्थियजणहुं । सयलसिरीए ठाणं, दिअवरठाणं हिरण्णउरं ॥१०॥ तत्थत्थि, वद्धमाणो सिद्धी  
जिणधम्मपालणपहाणो । धणवइ नामेण पिया, जिणधम्मधणप्पिया तस्स ॥११॥ जीवाइमुणियतत्तो, उत्तमसत्तो पमायप-  
रिचत्तो । निम्मलदढसम्मत्तो, सामाइयपोसहपसत्तो ॥१२॥ जिणवरनामसुतुट्ठो, चउगइसंसारसरणसंतट्ठो । देवगुरुविणय-  
लट्ठो, जिणिंदधम्मम्मि लद्धट्ठो ॥१३॥ सिवसुहकारणसम्मत्तरणिकरनियरदलियतमतिमिरो । दाणाइगुणपवित्तो, धणपालो  
ताण वरपुत्तो ॥१४॥ उवसंता सुविणीया, सब्भावओ भाउवच्छला सच्छा । तस्सत्थि धम्मनिरया, धन्ना नामेण लहुभइणी  
॥१५॥ पयईइ भइओ भाविभइओ भइधम्मसवणरुई । धणपालस्स वयंसो, अत्थि वरो धम्मपालो त्ति ॥१६॥ अह  
अन्नदिणे सहसा, रोगायंकेहि पीडिया धन्ना । पंचनमोक्कारपरा, मरिउं सग्गे समुप्पन्ना ॥१७॥ तो तीइ मयगकिच्चं, काउं  
वेरग्गसंगओ मइमं । रेवयगिरिम्मि पत्तो, धणपालो मित्तसंजुत्तो ॥१८॥ वंदिय नेमिजिणंदं, समागओ नियगिहम्मि पत्थावे ।  
विम्हियमणाइ पुट्ठो, पियाइ सो धणसिरीइ इमं ॥१९॥ उज्जिते नेमिजिणो, तुम्हेहि नमंसिओ पुरा बहुसो । इण्हिं पि

१ संतट्ठो० संवत्तः ।

कहाबंध-  
नामो पढ-  
मो उद्देसो ।

॥ १ ॥

समित्तेहिं, तो हं पुच्छामि इय तुम्हे ॥२०॥ सच्चं तत्थ सुणिज्जइ, कक्करकप्फाडविसमसिहरेसु । ज्ञाणट्टियमुणिणो, किण्णरेहिं अज्जवि थुणिज्जंति ? ॥२१॥ सच्चं अज्जवि सिरिनेमिनाहभवणम्मि रयणिसमयम्मि । पारद्धपिच्छणाओ, सुरंगणाओ पण-  
 च्चंति ? ॥२२॥ सच्चं अइरावयखर-खुरग्गखुंम्मियसुखोणिदेसाओ । सुणईइरंतनिज्झरझंकाररवो सया तत्थ ? ॥२३॥ तं निसुणिऊण पभणइ, धणपालो सुयणु ! सच्चमिह सबं । अन्नं पि महच्छरियं, जं दिट्ठं तं निसामेह ॥२४॥ अहमिणिं पिय-  
 भइणीमरणसमुप्पण्णगरुयवेरग्गो । मित्तजुओ संपत्तो, उज्जिते वंदिउं देवे ॥२५॥ पक्खालियनियअंगो, सियवत्थो विहिय-  
 उत्तरासंगो । पूओवगरणसहिओ, पविसिय जिणमंदिरे विहिणा ॥२६॥ काउं पयाहिणतिगं, पत्तो पूएवि नेमिजिणनाहं ।  
 भत्तिए भुवणगुरुं, सयलदिणं पज्जुवासेउं ॥२७॥ दसआसायणभीरू, निसामुहे जिणगिहाओ जा णिहरे । पिच्छामि दिवरूवं,  
 ता नारीं जिणहरे पत्तं ॥२८॥ तीएवि सुसरवीणं, तंतिं सारेवि कररुहग्गेहिं । थुणिऊण वीयरायं, अहं पि संभासिओ महुरं  
 ॥२९॥ भणियं च मए सुंदरि !, तं संपइ आगया इहं कत्तो ? । देवी व माणुसी वा, कासि तुमं ? किं च तुह नामं ? ॥३०॥  
 तो तीइ इमं भणियं, भाउय ! एसा हि मह कहा महई । ता सुणसु तुमं धणपाल !, इत्थ उवविसिय मित्तसमं ॥३१॥ तो हं  
 विम्भियमणो, पिए ! पएसम्मि तत्थ उचियम्मि । मित्तजुओ उवविट्ठो, अह तीइ पयंपियं एवं ॥३२॥ मणुयत्तपरिब्भट्ठा,  
 भाउय ! किण्णरपयं अहं पत्ता । मिच्छत्तमोहिया परिभमामि जह तं निसामेह ॥३३॥

तंजहा-दाहिणदिसाइ इह अत्थि, मलयगिरिमंडिओ मलयदेसो । रिद्धित्थिमियसमिद्धा, मलयवई नाम तत्थ पुरी ॥३४॥

१ कक्करकप्फाड० कठिनगुहा । २ खुम्मिय० नमित । ३ महमोह इत्यपि ।

सुदंसणा-  
चरियम्मि

॥ २ ॥

तत्थ य महसेणनिवो, सोभामित्तं तु जस्स किल सेणा । केवलपयावनिज्जियदुज्जयपडिवक्खवग्गस्स ॥३५॥ अह अन्नदिणे एसो, पाडलिपुत्ताहिवेण जयरत्ता । भणिओ दूयमुहेणं, सप्पणयं एरिसं वयणं ॥३६॥ भुवणच्छेरयभूया, वररूवा अत्थि मज्झ निव ! धूआ । नामेण चंपगलया, पाणिग्गहणं न सा मंहई ॥३७॥ अन्नदिणे तुह रूवं, मह चित्तयरेण दंसियं तीए । दट्ठूण साणुराया, तं सहसा सा तओ जाया ॥३८॥ नाऊण इमं च मए, सा कण्णा नरवरिंद ! तुह दिण्णा । तीए परिणयणत्थं, आगच्छसु अमुगदिवसम्मि ॥३९॥ इय सोउं महसेणो, राया सचिवाण साहिउं णियं कज्जं । चलिओ हरिसियहियओ, पंचहि वहणेहि सुमुहुत्ते ॥४०॥ पडिकूलपवणपिहियदसदिसिखित्तेसु जाणवत्तेसु । कह कहवि विमलसेले, लग्गं निवपवहणं भग्गं ॥४१॥ अवि य-सुहकंखिरो नरिंदो, पडिओ विसमावईसु किह ? अहवा । विसयासत्ता सत्ता, लहंति दुक्खाइं किं चोर्जं ? ॥४२॥ जलसंगयं दुरंतं, विहडियसंधाणतुट्ठुगुणजालं । कुकलत्तं व कुजाणं, खणेण चत्तं निवेण तयं ॥४३॥ गुहिरे अणोरपारं, भवजलहिम्मि व दुहावहे तहियं । पत्तो सुमाणुसत्तं, व कहवि रत्ता विमलसेलो ॥४४॥ छुहतण्हासुसियतणू, सणियं सणियं स तत्थ जाव निवो । आरूढो गिरिसिहरे, ता पिच्छइ जिणहरं रम्मं ॥४५॥ तस्स य दुवारदेसे, वाविं दट्ठुं स तत्थ पविसेउं । सलिलं पिएवि सुत्थो, संजाओ निग्गओ बाहिं ॥४६॥ सिसिरच्छायाइरे, उवविट्ठो तीइ मत्तवारणए । ता जिणभवणदुवारे, पलोयए पाउयाजुअलं ॥४७॥ चिंतइ जो इह भवणे, कोवि सया एइ देवयाभत्तो । सिद्धस्स तस्स एयं, मन्निज्जइ पाउयाजुयलं ॥४८॥ तत्तो विग्गियचित्तो, जा सहसा नियइ जिणगिहस्संतो । ता तत्थ इत्थिरयणं, दट्ठुं इय चिंतए राया ॥४९॥

१ न वांछतीत्यर्थः । २ आश्चर्यम् ।

कहाबंध-  
नामो पढ-  
मो उद्देशो ।



॥ २ ॥

लायण्णरूवसोहगसंगया जेण निम्मिया एसा । गुणकित्तणे समत्थो, इमीइ नारीइ जइ सो वि ॥५०॥ अह सा कयमुह-  
कोसा, सिरिमुणिसुव्वयजिणं गरुयहरिसा । एगगमणा पूअइ, सुगंधिवरसेयकमलेहिं ॥५१॥ उच्चियट्ठाणम्मि ठिया,  
विहिपुव्वं वंदिऊण जिणनाहं । भत्तिव्वभरनिव्वभरंगा, एवं थोउं समाढत्ता ॥५२॥

तंजहा—संपत्तविमलकेवल !, केवलबलहणियतिहुयणतमोह ! । मोहमहाभडभंजय !, जय जय मुणिसुव्वयजिणिंद ! ॥५३॥  
जेहिं न तुह मुहकमलं, पलोइयं पुलइएहिं कइआवि । पिक्खंति परमुहाइं, सयावि ते हीणदीणमुहा ॥५४॥ जेहिं न तुह  
पयकमलं, पणयं भत्तीइ ते नमंति पए । सबेसिंपि जणाणं, पवण्णपाणामियवय व ॥५५॥ तिहुयणपहुणो पहु ! तुह, सेव  
विहिया न जेहि मूढेहिं । ते जिय जियं ! भणंता, सामण्णजणंपि सेवंति ॥५६॥ तुममच्चिओ न जेहिं, न संथुओ जीइ जेहि  
य न दिट्ठो । ताणि नणु पाणिवाणीनयणाणि जणाण विहलाइं ॥५७॥ मणवयतणुहिं जेहिं, पुबिं नाराहिओ तुमं नाह ! ।  
ते आहिवाहिविहुरा, सहंति दुस्सहं दुहं सुइरं ॥५८॥ तं संपइ मह माया, ताओ वंधू पइ गुरू सरणं । तं पइ एगगस्स  
उ, जीयस्स जं होइ तं होउ ॥५९॥ सिरिमुणिसुव्वयसामिय !, देविंदमुणिंदनमियकमकमल ! । खमिउं अविणयनिवहं,  
वियरसु लहु मज्झ सिवसुक्खं ॥६०॥ इय थोऊण जिणिंदं, भाउअ ! जा जिणहराओ नीहरइ । ता एगम्मि पएसे, पिच्छइ  
सा महरिसिं एगं ॥६१॥

सो य केरिसो—चंदुव्व सोमलेसो, सूरुव्व फुरंतउग्गतवतेओ । धम्मव मुत्तिमंतो, उवविट्ठो वरसिलावट्ठे ॥६२॥ दइणं  
परितुट्ठा, गंतुं सा तत्थ भत्तिसंजुत्ता । तं चंडवेगसाहुं, वंदइ विहिणा सबहुमाणं ॥६३॥ अइसयनाणसमग्गो, मुणी वि

सुदंसणा-  
चरियम्मि

॥ ३ ॥

चंपगलय त्ति जंपंतो । नरसुरसिवसुहहेउं, वियरइ सो धम्मलाभं से ॥६४॥ नियनामसवणसंजायविम्हया सावि सायरं  
पुरओ । कयकरअंजलिउडा, उवविट्ठा सुद्धमहिवट्ठे ॥६५॥ राया उण महसेणो, तीए रूवेण मोहिओ अहियं । किंकिल्लियंत-  
रिओ, तं पिच्छइ सुणइ मुणिवयणं ॥६६॥ दट्ठुणं महसेणं, ओहिनाणेण मुणिय तच्चरियं । तप्पडिवोहणहेउं, भणइ मुणी  
एरिसं वयणं ॥६७॥ अइदुलहं मणुयत्तं, भदे ! चंपगलए ! इमं लहिउं । धम्मकहा कायवा, विकहा पुण दूरओ वज्जा  
॥६८॥ राइत्थिंभत्तंजणवैयकहा न सोअविया न कहियवा । धम्मकहाओ चउद्धा, अक्खेवणिमाइ कहियवा ॥६९॥ गंभीर-  
महुरसदा, सुजुत्तिजुत्ता अपुवचित्तत्था । अक्खिप्पइ जीइ जणो, जिणवयणे सा कहा पढमा ॥७०॥ जं सुणमाणो जीवो,  
परववएसेण कुसमएहिंतो । विक्खिप्पए विरज्जइ, सयंपि विक्खेवणी एसा ॥७१॥ जं सुणिऊण सयणो, सिवमयलमणंतम-  
क्खयमवाहं । अहिलसइ मुखसुक्खं, सा खलु संवेइणी भणिया ॥७२॥ बहुआहिवाहिगेहा, जाइजरामरणदारुणाओ  
य । जं निविज्जइ जीवो, भवाओ निवेइणी सा उ ॥७३॥ चऊहि इमाहि कहाहिं, विणीयपरिसाइ सोउकामाए । जइणा  
गीयत्थेणं, जिणधम्मो होइ कहियवो ॥७४॥

भणियं च—भवसयसहस्समहणो, विबोहओ भवियपुंडरीयाणं । धम्मो जिणपणत्तो, पगप्पजइणा कहेयवो ॥७५॥  
इह तिण्णि कहा कारणभूया तुरिया उ कज्जभूअ त्ति । वेरगगभावजणणी, निसुणह निवेइणी तम्हा ॥७६॥

तथाहि—जीवो कालो कम्मं, अणाइ तिहुयणगुरूहिं निदिट्ठं । कालस्स इमं विस्सं, उवयारे वट्ठए सबं ॥७७॥ जीवो देहं  
पावइ, अणाइनियकम्मसंगदोसेणं । पुढवीजलजलणवाऊवणस्सईसु भमइ तत्तो ॥७८॥ सुइरं थावरकाए, जीवो तो कहवि

कहाबंध-  
नामो पढ-  
मो उहेसो ।

॥ ३ ॥

पावइ तसत्तं । लहुकम्मो य तओ जइ पावइ पंचिंदियत्तं च ॥७९॥ मणुअत्तं च तओ जइ, पुण्णविहूणो न अज्जखित्तम्मि । लद्धेवि अज्जखित्ते, न कुलं जाई बलं रूवं ॥८०॥ एयम्मि वि संपत्ते, अप्पाऊ होइ अहव वाहिलो । दीहाउओ निरोगो, हविज्ज जइ पुण्णजोगेणं ॥८१॥ पत्तेवि निरोगत्ते, आलस्साईहिं णवरिहेऊहि । न य पावइ जिणधम्मं, विवेयपरिवज्जिओ जीवो ॥८२॥ लद्धूण वि जिणधम्मं, दंसणमोहणियकम्मउदएणं । संकाइकलुसियमणो, जिणवयणं नेय सहहइ ॥८३॥ अहिगयसम्मत्तो वि हु, उस्सग्गववायसंगयं सुत्तं । नाणावरणस्सुदए, संसिज्जं तं न बुज्झेइ ॥८४॥ अह संसियं पि बुज्झइ, सयं पि सहहइ बोहए अन्नं । चारित्तमोहदोसेण, संजमं न य सयं कुणइ ॥८५॥ खीणे चरित्तमोहे, विमलतवं संजमं च जो कुणइ । सो पावइ मुत्तिसुहं, इय भणियं धुयकिलेसेहिं ॥८६॥ चुल्लगपासंगधंने, जूए रयणे य सुमिणचंके य । चम्मजुंगे परमाणू, दस दिट्ठंता सुयपसिद्धा ॥८७॥ एएहिं इमं सबं, मणुयत्ताई कमेण दुल्लंभं । लद्धं करेह सहलं, काऊण जिणिंदवरधम्मं ॥८८॥ एवं जिणधम्मकहा, तह जिणमुणिसंघजिणगिहाणुगया । भावेण कीरमाणी, निहणइ चिरसंचियं पावं ॥८९॥ इय सिरिसुदरिसणाए, कहाइ बुहकमलदिणयरपहाए । नामेण कहाबंधो, समत्थिओ पढमउद्देसो ॥९०॥ [ पढमो उद्देसओ सम्मत्तो ]

अह बीओ उद्देसो ।

भाउअ ! सोऊण इमं, भणियं चंपगलयाइ केण इमं । जिणभवणं कारवियं, तो भणइ स चण्डवेगमुणी ॥१॥ एयं वरजिणभवणं, कारवियं जीइ नियगभावेणं । देवीसुदंसणाए, तीए चरियं निसामेह ॥२॥

तंजहा-इह अत्थि जंबूदीवे, भारहखित्तस्स दाहिणद्धम्मि । धम्मत्थकाममोक्खाण, कारणं मज्झिमं खण्डं ॥३॥ तस्स य

सुदंसणा-  
चरियम्मि

॥ ४ ॥

दाहिणभाए, रम्मो रयणायरस्स तीरम्मि । सिंघलनामो दीवो, दीवाण सिरोमणी अत्थि ॥४॥ तत्थत्थि पवरणयरं, नामेणं  
सिरिउरं सिरिनिवासं । मन्ने जं वन्नेउं, मंदमई सुरगुरू वि जओ ॥५॥ कणयमयमयरतोरणविरइयसिहिकीरसारियाईहिं ।  
संसित्तणओ न मुणइ, नियभवणाइं पि जत्थ जणो ॥६॥ भवणुच्छंगे सरणागयं पि रविकिरणपसरभयभीयं । कवलज्जइ  
जत्थ तमं, थंभट्टियमणिमऊंहेहिं ॥७॥ सुकईहिं सया बंधो, जत्थ परं किज्जए सुकवाणं । कयदोसो जत्थ परं, गसिज्जए  
राहुणा चंदो ॥८॥ दण्डो जत्थत्थि परं, सुछत्तविंधाण न उण लोयाणं । जत्थ परलोयभीरू, साहुजणो न उण नरनाहो ॥९॥  
तत्थच्छरियमिणं जं, कसायपरिणामदुक्खभीयाहिं । अविमाणिणीहिं माणो, चइज्जए पणयकुवियाहिं ॥१०॥ तत्थ नरिंदो  
दुस्सह-पयापपडिवक्खदप्पनिहलणो । नामेण चंदगुत्तो, लोयपसिद्धो सिलामेहो ॥११॥ सत्तित्तयसंजुत्तो, गुरुसत्तो  
सोममुत्ती सियकित्ती । चायनयसच्चविक्रमबलेण परिवट्ठियपयावो ॥१२॥ जुवईण वुहजणाणं, सत्तूणं जो मणे वसइ कमसो ।  
कामुव गुरुव रविव, रइसुविज्जापयावेण ॥१३॥ सत्तूणं भयं भयवज्जिओ वि जो जणइ हरिकिसोरुव । सुयणकुमुआण  
सारयससिब जो कुणइ हरिसभरं ॥१४॥ अकलंका जणसुहया, तस्सत्थि नवीणचंदलेहव । नामेण चंदलेहा, किं तु अवक्का  
महादेवी ॥१५॥ दट्ठूण जीइ रूवं, निरुवमसोहगसंगयमुदारं । विलियँउ व न कस्सइ, अमरीओ दंसणं दिति ॥१६॥ तीए  
कमेण संपुण्णपुण्णलायण्णसुंदरा भदा । गुरुसत्ता सत्तसुया, जाया सिरिचंदलेहाए ॥१७॥ अह अन्नदिणे सिरिउर-नयर-  
म्मि तम्मि चेइयहरम्मि । नामेण चंदसिट्ठी, कारइ अट्ठाहियामहिमं ॥१८॥ रत्थाचउकतियचच्चरेसु घोसावए अमारिं च ।

१ सदृशत्वात् । २ मऊह० मयूख-किरण । ३ चाय० त्याग-दान । ४ व्रीडिता इव ।

जम्मणपवं-  
धसंबद्धो  
वीओ  
उहेसो ।



॥ ४ ॥



साहूण देइ दाणं, करुणाए दुत्थियाणंपि ॥१९॥ तस्स य वच्चावणए, वच्चइ आणंदिओ नयरलोओ । आवंतजंतमग्गण-  
गणेण लब्भइ न मग्गो वि ॥२०॥ कमलाधाई भणिया, तं नाउं देवीचंदलेहाए । एयं वच्चावणयं, सिद्धिघरे केण कज्जेणं ?  
॥२१॥ सा भणइ इमस्स सुओ, सोमो नामेण सोमसमवयणो । अज्जियपभूयविहवो, पत्तो कुसलेण अज्ज इहं ॥२२॥ देवीइ  
तओ भणिया, सा तुज्झवि तत्थ जुज्जए गमणं । उच्चियपवित्तिविमुक्को, पावइ गरुओवि जमवण्णं ॥२३॥

उक्तं च-आरङ्गाद्भूपतिं यावदौचित्यं न विदन्ति ये । स्पृहयन्तः प्रभुत्वाय, खेलनं ते सुमेधसाम् ॥१॥ एवं आइट्ठाए, कम-  
लाए गंतु चंदसिद्धी सो । वच्चाविऊण तुरियं, आगंतुं तीइ विण्णत्तं ॥२४॥ सामिणि ! धणियस्स घरे, माइज्जइ नेय पउरलो-  
एहिं । देवीइ तओ भणियं, भद्दे ! किं कारणं इत्थ ? ॥२५॥ सा भणइ तत्थ एगा, समत्थइत्थीपसत्थगुणकलिया । तमसेस-  
जणो वच्चइ, इत्थीरयणं पलोएउं ॥२६॥ सा पुण जुवई सामिणि !, इहाणिया तेण सिद्धिपुत्तेणं । अमरच्छराण परिहवपया-  
वं जा वहइ रूवेण ॥२७॥ नवि हसइ नेव जंपइ, पलोयए नेय पमुइयंपि जणं । हरिणिब जूहभट्टा, चिट्ठइ अवहरियचिट्ठा  
सा ॥२८॥ जा पुण सुंदरी सुंदरुत्ति नामेणं भण्णइ जणेहिं । सा सायरंपि पुट्ठा, न कहइ नामाइयं निययं ॥२९॥ जो  
पुण तीए रूवं, निएइ सो लहु पणट्ठमणलक्खो । पासट्ठिओ य चिट्ठइ, निच्चिट्ठो चित्तलिहिओ व ॥३०॥ तवयणजणियगुरु-  
कोउयाइ देवीइ पभणियं कमले ! । जइ एवं ता वच्चसु, पुणो वि चंदस्स भवणम्मि ॥३१॥ सिद्धिस्स तस्स पुत्तो, सपरियणो  
लहु पभायसमयम्मि । आमंतसु तीइ समं, भोयणकज्जेण मह गेहे ॥३२॥ देवीवयणेण तओ, गंतूणं तत्थ तीए कमलाए ।  
सो सिद्धिसुओ सोमो, निमंतिओ परियणसमेओ ॥३३॥ जाए पभायसमए, सरसाए रसवईइ विहियाए । आहूओ सप्प-

सुदंसणा-  
चरियम्मि

॥ ५ ॥

णयं, सपरियणो चंदसिद्धिसुओ ॥३४॥ सा सुंदरीवि कहमवि, निरुवमसुंदेरिमा तहिं पत्ता । दूराउ च्चिय कलिया, देवीए चंदलेहाए ॥३५॥ भुंजाविऊण गुरुगउरवेण सह परियणेण सिद्धिसुओ । सम्माणिऊण वत्थाइएहिं संपेसिओ भवणे ॥३६॥ सा सुंदरी सहरिसं, भणिया देवीइ महुवरयणेहिं । चिद्धसु भइणि ! मुहुत्तं, जावुच्चियं तुज्झ उवणेमि ॥३७॥ एवं भणमाणीए, देवीए गहेवि दाहिणकरेण । कह कहवि निययभदासणम्मि उववेसिया एसा ॥३८॥ एगंते मिउवयणेहिं, पभणिया एरिसे वए रूवे । का तुह मणम्मि चिंता?, खीणतणू जेण लक्खियसि ॥३९॥ किं दुक्खं तुज्झ मणे?, विच्छायं कह णु तुज्झ सबंगं? । चिंताउरा कलिज्झसि, सिसिरे हिमदड्डनलिणिव ॥४०॥ अण्णं जं भणसि तुमं, साहीणं साहिमो तयं सबं । ता मा मणम्मि थेवंपि, कुणसु खेयं कुरंगच्छि ! ॥४१॥ कह कहवि जंपियं तीइ, सुयणु ! लज्जापएण एएणं । साहुजण-निंदिएणं, किं मम चरिएण सुणिएणं ? ॥४२॥

किंच-विसयासत्तो पियविरहजलणजालावलीइ डज्झंतो । पावइ इहेव दुक्खं, तिक्खं ता किं वियारेण ? ॥४३॥ तं निसुणि-ऊण भणियं, देवीए सुयणु ! सबमलमिमिणा । किंतु मह अज्जप्पभिई भइणी तं होसु किं बहुणा ? ॥४४॥ इत्थंतरम्मि सिद्धी, वि आगओ तत्थ पाहुडविहत्थो । सासंको सो सभओ, देवीं विण्णवइ विणएणं ॥४५॥ सामिणि ! समुद्दमज्जे, विमलमहापवयस्स सिहरम्मि । एगागिणी भमंती, एसा दिट्ठा मह सुएणं ॥४६॥ विज्जाहरेण हरिया, मुणेवि कस्सइ निवस्स वरधूया । पडिवज्जि-ऊण भइणिं, इहाणिया सुंदरी एसा ॥४७॥ मज्झवि नियधूया इव, विसेसओ नियगुणेहिं गउरविया । जा चिद्धइ तुह पासे, तुमंपि गउरवपयं दिज्जा ॥४८॥ सुणिऊण तस्स वयणं, पयंपियं देवीचंदलेहाइ । तुह दुइयाऽहं धूआ, सिद्धि ! भयं मा करि-

जम्मणपवं-  
धसंवद्धो  
बीओ  
उद्देसो ।

॥ ५ ॥

ज्जासु ॥४९॥ सम्माणिऊण सिद्धी, विसज्जिओ अह गिहम्मि तत्थ दिणा । वच्चंति ताण दुण्हवि, सुहेण नणु एगचित्ताणं ॥५०॥  
 अण्णम्मि दिणे सा सुण्णमाणसा जाव चिट्ठए देवी । ता सुंदरीइ भणिया, सुयणु ! तुहं केरिसी चिंता ? ॥५१॥ अवमाणं किं  
 नेहच्छलेण तुह दंसियं सदइएण ? । पणइजणेणं केणवि, किं वा तुह खंडिया आणा ? ॥५२॥ इय सोउं तीइ उत्तं, न इमं  
 दुक्खस्स कारणं किंतु । सुंदरि ! सत्तसुयाणं, एगावि सहोयरी नत्थि ॥५३॥ ता एगा मह धूआ, पुण्णनिओगेण होज्ज जइ  
 कहवि । तहियहाओ मह विसयसंगसुक्खेहिं पज्जत्तं ! ॥५४॥ ता सुयणु ! कुणसु तं किंपि वइअरं ओसहं व मंतं वा । एगा  
 मह हवइ सुया, जेण लहुं तुह पसाएणं ॥५५॥ इय सुणिय सुंदरीए, पयंपियं नणु ममावि जणणीए । पुत्तत्थे बहुया देव-  
 याओ आराहिया बहुसो ॥५६॥ विहियाइं तिलयाइं, ण्हाणाइं ओसहाण पाणाइं । तह वि न जाओ मणनयणनंदणो  
 नंदणो तीए ॥५७॥ ता सुयणु ! विउलरिद्धिओ हुंति पुत्ता य पत्तदाणेणं । देहं च वाहिरहियं, पाविज्जइ अभयदाणेणं  
 ॥५८॥ नवरं कुलदेवीए, विहीइ आराहणं तुमं कुणसु । अज्जरयणीइ एसा, संसइ दाणं नियाणं वा ॥५९॥ भणियं च  
 चंदलेहाइ, सुयणु ! तुह संतियं इमं कज्जं । जो तुज्झ कुलदेवो, मज्झवि सो अज्जदियहाओ ॥६०॥ तो गंतुं सिद्धिगिहे,  
 उववासं सुंदरीइ काऊण । सिरिमुणिसुवयत्तिथे, नरदत्ता सुमरिया देवी ॥६१॥ तो देवी अप्पाणं, दंसिय इय भणइ तुज्झ  
 भइणीए । होहिइ धूआ एयं, च सुविणयं पाविहिइ सा उ ॥६२॥ कहिऊण तीइ तं तह, सेसं दाउं तिरोहिया देवी । तो सुंदरी  
 पहाए, गिहे गया चंदलेहाए ॥६३॥ देवीदिणं सेसं, तीए हत्थम्मि दाउं इय भणियं । होहिइ तुह धूआ खलु, जं इय दिट्ठो  
 तए सुमिणो ॥६४॥ कणयमयसवलियाए, निसाविरामम्मि सुहप्पसुत्ताए । चंचूइ कुसुममाला, खिविया तुह खंधेसम्मि

सुदंसणा-  
चरियम्मि

॥ ६ ॥

॥६५॥ इय सोउं भणइ इमा, अवितहमेयं कहं तए नायं ? । तो सुंदरीए निसिगयवुत्तंतो साहिओ सबो ॥६६॥ भणियं च तीइ सुविणं-तरस्स एयस्स सुयणु ! तक्केमि । दहपंचदियहमज्झे, निस्संदेहं फलं जम्हा ॥६७॥ सुहसुत्ता पढमनिसाइ, जे नरा सुविणयाइं पिच्छंति । पावेंति ते फलं वरिससूइयं नूण सुहमसुहं ॥६८॥ बीयम्मि रयणिजामे, फलाइं पावेंति अट्टमे मासे । वरिसद्धे तह तइए, चउत्थजामम्मि पुण पक्खे ॥६९॥ जो पक्खइ अप्पाणं, ण्हायं लिच्छं अलंकियं हसिरं । गायंतयं च सुमिणे, सो लहइ अणत्थसंघायं ॥७०॥ जो पुण असुइविलिच्छं विलीणगत्तं सयं तयं नियइ । सो पावइ अब्भु-दयं, अर्चितियं दिव्वजोएणं ॥७१॥ हयगयरहवसहगयं, जो अप्पं नियइ पवरविहगं वा । कणयमयं वा वत्थुं, तस्स पभूया हवइ रिद्धी ॥७२॥ जो पउमसरवरगओ, नलिणीपत्तम्मि पायसं हिट्ठो । भुंजइ सो लहइ लहुं, रज्जं दासो वि पुढवीए ॥७३॥ जइ कहवि देवभवणे, धवलहरे खीरपायवे चडिओ । पडिबुज्जइ ता पावइ, रिद्धिं सक्कारसम्माणं ॥७४॥ सरदहलीलाइ लहुं, भुयाहि जो तरइ सागरमपारं । नरसुरसुहाइ भुत्तुं, कमेण सो लहइ सिद्धिसुहं ॥७५॥ वेयालभूयडाइणीनाहं-सिंणिसुतिक्खसत्थेहिं । भेसिज्जइ जो सुविणे, सो पुण पावइ महावसणं ॥७६॥ जेसिं तु सुरहिसियकुसुममालिया कोवि खंधदेसम्मि । पक्खिवइ रयणिविरमे, तेसिं रिद्धी य पुत्ता य ॥७७॥ चंचुकयकुसुममाला, कणयमया सवलिया सुविणयम्मि । जं पत्ता तुह भवणे, भविस्सए तुज्ज तं धूआ ॥७८॥ सियसुरहिकुसुममाला, पक्खित्ता जं च तीइ तुह खंधे । तं निम्मलसी-लगुणा, सा तुज्ज सुहंकरा होहिइ ॥७९॥ निसुणेवि इमं देवी, तुट्ठा दिवसाइं जा गमइ कइवि । ता कम्मधम्मजोएण, तीए

१ सयं तयं० स्वकां त्वचं । २ नाहर० व्याघ्र ।

जम्मणपवं-  
धसंवज्जो  
बीओ  
उहेसो ।

॥ ६ ॥

गब्भो समुब्भूओ ॥८०॥ तो संतुट्ठा देवी, सुहेण उवहइ जाव तं गब्भं । ता डोहलओ तीए, जाओ सुहसूअगो पवरो ॥८१॥ रत्थाचउक्कचच्चरतिगेसु दुहियाण देइ दाणाइं । जिणमंदिरेसु अट्ठाहियाओ महिमा करावेइ ॥८२॥ साहूण भत्त-  
पाणोसहासणाईणि परमभत्तीए । अणवरयं कालोचियफासुयदाणाइं सा देइ ॥८३॥ हरिसियहियया देवी, संपुन्नमणो-  
रहा इमं भणइ । भुवणत्तए वि सुंदरि ! सुहओ तुह संतिओ धम्मो ॥८४॥ भणियं च सुंदरीए, धम्मो जो जिणवरेहिं पणत्तो ।  
सुच्चिय सिवसुहमूलं, मोहस्स वियंभियं सेसं ॥८५॥ उप्पायठिइविणासो, जीवाणं कम्मपरिणई विविहा । तह पुगलपरि-  
णामो, जाणिज्जइ जिणमए चेव ॥८६॥ तह जीवदया सम्मं, नज्जइ सत्तीइ किज्जइ सुयणु ! । देवीइ तओ भणियं, अवितहमेयं  
न संदेहो ॥८७॥ इय तीए देवीए, सुहेण वोळिति जाव नव मासा । ता सोहणम्मि दिवसे, सुमुहुत्ते पसविया देवी ॥८८॥  
गुरुदियहे रिक्खे वीसइम्मि सुहए सुसिद्धिजोगेसुं । उच्चट्ठाणगएसुं, गहेसु सुरगुरुपमुक्खेसुं ॥८९॥ सयलजणजणिय-  
हरिसा, पीइकरा जणणिजणयपमुहाणं । संपुन्नंगोवंगा, जाया से सोहणा धूया ॥९०॥ वद्धाविओ नरिंदो, कमलाधार्इइ  
तुरियगमणाए । रत्ना वि तीए दिन्नं, सवंगहरणमविअप्पं ॥९१॥ आइट्ठं नरवइणा, वद्धावणयं च सिरिउरे नयरे । मिल्हा-  
विया उ गुत्ती, माणुम्माणण बुद्धिकया ॥९२॥ कणगमयखंभसंठियमणिमयपंचालियापवंचेण । मणिरयणामयतोरणम-  
ऊहमालाहिं चिंचइयं ॥९३॥ मंचाइमंचकलियं, वंदणमालासहस्ससंकिन्नं । सुरहिघणघुंसिणरसपसरसिच्चनीसेसभूमितलं  
॥९४॥ सुविरइयहट्टसोहं, चंदणघडसुकयचारुसोहिल्लं । ठाणट्ठाणारंभियअणेगवरनाडइज्जजुयं ॥९५॥ डज्झंतागुरुगुरुमघमघं-

सुदंसणा-  
चरियम्भि

॥ ७ ॥

तघणधूमधूसरदियंतं । अमिलाणमल्लदामं, अणेगतालायराणुगयं ॥९६॥ सुविरइयफारसिंगारसारसंभारअंविहववहूहिं ।  
वद्धाविज्जइ राया, करयलकलियक्खवत्ताहिं ॥९७॥ घोसावेइ अमारिं, राया दुहियाण देइ दवाइं । सक्कारइ सुयणजणं,  
सम्माणइ नयरलोयं च ॥९८॥ वज्जंततूरमंगलरवेण णच्चंततरुणिसत्थेणं । एवं दसदिवसाइं, वद्धावणयं कयं रण्णा ॥९९॥  
देवीइ तओ सम्माणिऊण गुरुगउरवेण सा सुंमई । भणिया एसा बाला, वड्डउ लहु तुह पसाएणं ॥१००॥ एगम्भि  
गए मासे, सुमुहुत्ते सुंदरीइ पियरेहिं । बालाइ तीइ विहियं, हरिसेण सुदंसणानामं ॥१०१॥ दियहे दियहे लायण-  
कंतिपूरिज्जमाणगत्तेहिं । नवनवकलाहि वड्डइ, सियपक्खे चंदलेहव ॥१०२॥ चंदेण जहा रयणी, सरोवरं सुरहिसेयकम-  
लेहिं । सोहइ तह सा जणणी, उच्छंगगयाए बालाए ॥१०३॥ कुमुयाण ससी कमलाण दिणयरो सिहिकुलाण जह मेहो ।  
उल्लासं जणइ तहा, सुदंसणा बंधुवग्गस्स ॥१०४॥ एवं सुहेण जा जंति तीइ वरिसाइं पंच अहियाइं । ता सोहणम्भि दिवसे,  
निवेण भणिओ उवज्झाओ ॥१०५॥ पुण्णब्भहिया एसा, धूआ अइवल्लहा तओ सम्मं । लिविगणियप्पमुहाओ, कलाउ  
सयलाओ सिक्खवह ॥१०६॥ आमंति तेण वुत्ते, वज्जंते गहिरसद्धतूरगणे । गिज्जंतमहुरगेए, नच्चंतविलासिणीसत्थे  
॥१०७॥ दिज्जंतमहादाणे, मागहगणघुट्टजयजयारावे । कयकोउयमंगल्ला, मंगलरवभरियभुवणयला ॥१०८॥ सिबियारूढा  
सहिसयणविंदसहिया महाविभूर्इए । बाला सुदंसणा सा, पत्ता उवज्झायसालाए ॥१०९॥ इय बुहजणसवणसुहासमाइ  
जम्मणपबंधसंबद्धो । भणिओ सुदंसणाए कहाइ उद्देसओ बीओ ॥११०॥ [ इइ बीओ उद्देसो ]

१ अविहवा० सधवा । २ सुंदरी । ३ प्रत्यन्तरेषु 'वट्टइ' इति दृश्यते ।

जम्मणपबं-  
धसंबद्धो  
बीओ  
उद्देसो ।

॥ ७ ॥

अह तइओ उहेसओ ।

अण्णम्मि दिणे सामंतमंतिभडचडंगरेण परियरिओ । विजयापडिहारीए, विण्णत्तो चंदगुत्तणिवो ॥१॥ सो देव ! चरो वेलोउलाओ रयणायलाओ संपत्तो । पहसियवयणो तुह दंसणूसुओ चिड्डइ दुवारे ॥२॥ तो नरवइणा भणियं, सो साहइ पवरपवहणागमणं । ता तुट्टिदाणजोगो, भहे ! लहु एस पविसेउ ॥३॥ तीइ वि तहेव विहिए, सो णिवइं नमिय विण्णवेइ इमं । पहु ! तुम्ह निओगेणं, सयावि निवसामि रयणगिरिं ॥४॥ तत्थ ठिओ बहुपोए, निएमि न य मज्झ कोउयं होइ । जा अज्जपभाए पुण, निएमि उत्तरदिसाहुत्तं ॥५॥ ताव महलपमाणं, पवहणमेगं निएमि दूराओ । तं दट्ठुं अहं जाओ, अतुच्छअच्छरियभरभरिओ ॥६॥

तं च एरिसं—धवलधयछत्तचामरचउपासलसंतवाउवट्टेहिं । तुंगट्टालोमालियधएहिं जं सुरविमाणं व ॥७॥ चउपक्खेसु नरेसर !, पक्खरियं पक्खराहिं निविडाहिं । ठाणे ठाणे दढसत्तभडसमूहेहिं दुग्गिज्झं ॥८॥ तिन्नि य कूवाखंभा, सत्त सिढा लोहणंगरा तीसं । कूवाखंभोवरिपंजराइं सुहडाण जुज्झत्थं ॥९॥ चउदिसिउलंबियखगकुंतकोदंडतूणजुयलेहिं । विसमी-कयं समंता, विसमपरिब्भमिरजंतेहिं ॥१०॥ पत्तासा (?) वीस तहिं, वीसं हट्टाइं पणिअपुण्णाइं । कट्टाहराइं पंचास, तत्थ गुरु-मंदिरं एगं ॥११॥ चत्तारि वाडियाओ दस दस पेच्छहराइं दोपासे । घयतिलसस्सवत्थिधणाण संखा वि न हु तत्थ ॥१२॥ इअ एरिसं च तं जाव, पवहणं सच्चवेमि नरणाह ! । अण्फालियजयतूरं, संपत्तं मंदिरे ताव ॥१३॥ निज्जामयस्स वय-

१ चडगर० समूह । २ बन्दरात् । ३ रत्नगिरेः । ४ आज्ञया । ५ आहुत्त० सन्मुख । ६ पश्यामि । ७ बन्दरे ।

सुदंसणा-  
चरियम्मि

॥ ८ ॥

णेण देव ! तं पवहणं पडिक्खलियं । खंचेवि सिढा मुक्का, चउदिसिं नंगरा झत्ति ॥१४॥ जो नत्थ धणेसो देव ! देवि निजा-  
मयस्स परिओसं । उत्तरिओ रयणायरतडम्मि कयमंगलाचारो ॥१५॥ सो तुम्ह दंसणत्थं, धणवई जा एइ पाहुडविहत्यो ।  
तो पढमं देव ! मए, तुमं सि वद्धाविओ एवं ॥१६॥ चरवयणेण णरिंदो, साणंदो जाव किंपि उल्लवइ । ता विजयाए पडि-  
हारियाइ आगम्म विण्णत्तं ॥१७॥ देव ! तुह सीहवारे, सत्थवाहो उस्सभदत्तनामुत्ति । पहुपायकमलदंसणसमूसुओ चिठ्ठए  
सिद्धी ॥१८॥ भणइ णरिंदो भदे !, लहुं पवेसेह इत्थ तं सिद्धिं । तो तीइ सो धणेसो, पवेसिओ रायअत्थाणे ॥१९॥

अवि य-सो सहइ उस्सभदत्तो, पाहुडहत्यो पसणवरमुत्ती । कम्मविवरेण सिद्धो, णिवस्स जिणधम्मदूओ व ॥२०॥  
पारसियतेजिगज्जणयसंभवे ढोइऊण वरतुरए । दिण्णासणो वइद्धो, कयप्पणामो णरिंदस्स ॥२१॥ गुरुगउरवेण दाउं, तंबोलं  
तस्स पभणियं रण्णा । सपरीवारस्स वि सत्थवाह ! नणु सागयं तुज्झ ? ॥२२॥ भणइ धणेसो णरवर !, कुसलं मह तुम्ह  
दंसणेणावि । सबत्थ सागयं तह, परियणसहियस्स सविसेसं ॥२३॥ पुणरवि रण्णा भणियं, सप्पणयं तुम्ह सागयं कत्तो ? ।  
कत्थ य वासो ? साहेह, कोउयं अम्ह अइगरुयं ॥२४॥ अह भणियमुस्सभदत्तेण, देव ! उत्तरदिसाइ अइरम्मो । नामेण  
लाढदेसो, तत्थ पुरं नाम भरुअच्छं ॥२५॥ कविसीसजयंतट्टालएहिं वलणेहिं जत्थ दुल्लंघो । चाउदिसिं पायारो, विणि-  
म्मिओ फालिमसिलाहिं ॥२६॥ निम्मलजलोहपूरियदुल्लंघा खाइआ सहइ तत्थ । कलिकलुसपडिक्खलणे, णिवेसिया धम्म-  
रेहव ॥२७॥ सुणिसुवयसामिजिणिंदपायपडिबिंबजयंपवित्तं जं । ताओ भरुअच्छपुराओ, आगओ तुम्ह पयमूले ॥२८॥

१ राजते । २ कविसीस० कपिशीर्ष । ३ राजते । ४ जय० जगत् ।

जाईसरण-  
निबद्धो  
तइओ  
उहेसो ।

॥ ८ ॥



दाऊण कणयकच्चोलयाउ सिद्धिस्स पुणवि तंबोलं । उल्लवियं णरवइणा, धणवइ ! तुरया इमे कत्तो ? ॥२९॥ तो भणइ उस्स-  
 भदत्तो, पारसगज्जणयतेजिया एए । उत्तरदिसिप्पसूआ, बहुतेआ जच्चतुक्खारा ॥३०॥ बज्झंति जस्स बारे, सत्तुसिरी नूण  
 तस्स साहीणा । ता लक्खणसवस्सं, निसुणसु सामिय ! तुरंगाणं ॥३१॥ अश्वलक्षणनिरूपणम्—मुहमंडलम्मि तुरया,  
 निम्मंसा दिस्समाणनसजाला । उरसि विसाला मज्झंम्मि, परिमिया पिहुलभालयला ॥३२॥ लहुकण्णा कण्णंतरसंकिण्णा  
 पिहुतरा य पिट्ठीए । पीणा पच्छिमपासे, दुब्बलया पांसुलिदेसे ॥३३॥ रोमोगमम्मि निज्जा, बंधुरखंधा सुजायघणकेसा ।  
 सुपमाणवालिहाणा, वट्ठखुरा पवणसमवेगा ॥३४॥ रत्तच्छिणो सुदप्पा, सिरोरसुपसत्थदाहिणावत्ता । परिभवपयं रिऊणं, जुज्झ-  
 म्मि जयंकरा पहुणो ॥३५॥ अशुभलक्षणम्—आसणकक्खावत्ता, जे पुण तुरगा कल्लैयाहीणा । किणहुट्टतालुदेसे, सिरसिंगा  
 छायदुक्खुरा य ॥३६॥ जे वि य वामावत्ता, वियडे तह हुंति पुच्छमूले वा । ते तुरगा नियपहुमहिलियाण दरिसंति सियवत्थं  
 ॥३७॥ इय राया तुरयाणं, लक्खणे सुणइ सिद्धिवयणाओ । पढिऊण सओज्झाया, सुदंसणा ता तहिं पत्ता ॥३८॥ दूरा-  
 उच्चिय पुहईसरेण साणंदलोयणजुएण । सच्चविया सा विज्जाहरिब देहस्स कंतीए ॥३९॥ चिरकालदंसणुकंठमाणसा माण-  
 गंजिरसरा सा । पिउपायवंदणपरा, उच्छंगे ठाविया रण्णा ॥४०॥ पिच्छंतस्स य धूअं निवस्स नयणाइं पिम्मपसरेण ।  
 पावेंति नेव तित्तिं चूयवणे छप्पयकुलं वा ॥४१॥ णाऊण मणं रण्णा, सा भणिया मा तुमं कुणसु माणं । विज्जाकएण वच्छे !,  
 न मए तत्ती कया तुज्झ ॥४२॥ उक्तं च तथा तात !, प्रत्यक्षं धर्मविनयविघ्नकरम् । ज्ञात्वा करोति क इह श्रुतशीलविनाशनं

१ तुरंगविशेषाः । २ उदरे । ३ वालिहाण० वालिधान-पुच्छ । ४ कल्लैया० कलाचिका—हस्तावयव । ५ गजिर० गर्जित । ६ सादृश्यार्थवाचकः ।

सुदंसणा-  
चरियग्मि

॥ ९ ॥

मानम् ? ॥४३॥ ज्ञात्वा कवित्वपटुतां, वक्तृत्वं दक्षतां च जगतीशः । हृष्टो वदति गुणाढ्ये, ! प्रश्नमिमं कथय कीदृक्षम् ? ॥४४॥  
तद्यथा—कः क्रमते गगनतलं, ? किं क्षीणं वृद्धिमेति च नितांतम् ? । को वा देहमतीव, स्त्रीपुंसां रागिणां दहति ? ॥४५॥

[ व्यस्तं समस्तं च ]

ततः—ज्ञात्वा कथितं च तया, गगने विर्याति तात ! विख्यातः । अहरेति वृद्धिमनिशं, प्रियरहितं दहति विरहश्च ॥४६॥  
भणियं सुदरिसणाए ताय ! इमं मज्झ संतियं एगं । पण्होत्तरं वियाणह, निरुवियं रूवसिद्धीए ॥४७॥ बोध्यो देववरः कथं बहुषु  
वै ? कः प्रत्ययः कर्मणां, ? संबोध्यस्तु कथं सदा सुररिपुः ? किं श्लाघ्यते भूभृताम् ? । किं त्वन्यायवतामहो क्षितिभृतां लोकैः  
सदा निंद्यते, व्यस्तन्यस्तसमस्तकंचनततः शीघ्रं विदित्वोच्यताम् ? ॥४८॥ तो भणियं णरवइणा, पुत्ते ! पण्होत्तरं इमं  
विसमं । विउसाण वि दुब्भेयं, ता साहसु कोउयं मज्झ ॥४९॥ [ कथितं च तया—अयशः ] तां बुद्धिमतीं दृष्ट्वा, दध्यौ राजेति  
मानसे सुचिरं । कः स्यादनंगमूर्तिः, प्राज्ञः शूरश्च भर्ताऽस्याः ? ॥५०॥ तीए विजाइसयं, रूवाइसयं च दहुं सिद्धी वि । चिंतइ  
किं पच्चक्खा, सरस्सई तह सिरी य इमा ? ॥५१॥

इत्थंतरंमि तिकडुअतिहलासंजविओ ओसहविहत्थो । सत्थत्थसत्थकुसलो, समागओ अवसरे विज्जो ॥५२॥ आसण्णवि-  
ज्जतिवोसहाण गंधेण उस्सभदत्तस्स । कह कहवि खलंतस्स उ, नीहरिया उक्कडा छीया ॥५३॥ हाछीइ भणेवि नमो अरिहं-  
ताणं ति तेणमुल्लवियं । इय सोउं संभंता सुदंसणा तक्खणे जाया ॥५४॥ चिंतइ देवविसेसो अरिहंतो सिद्धिणा समुच्चरिओ ।

१ पक्षी । २ तिकडुअ० त्रिकटुक—( सूठमरीचपीपर. ) । ३ संजविअ० वद्ध । ४ विहत्थ० कुशल ।

जाईसरण-  
निबद्धो  
तइओ  
उदेसो ।

॥ ९ ॥

एसो मए वि निसुओ कस्सवि पासाओ किं कइया ? ॥५५॥ इय जाव रुद्धमणवयणकायपसरा विचिंतए बाला । मणसा बंधइ लक्खं पुवभवो सुमरिओ ताव ॥५६॥ ता तिरियजोणिवाणप्पहारगुरुवेयणाभवं दुक्खं । सुमरेवि कंपियंगी, धसत्ति धरणीयले पडिया ॥५७॥ दट्ठूण महीवडियं, तं सहसा मुच्छिओ नरिंदो वि । जणणी वि बंधवा परियणो य अक्कंदए दुहिओ ॥५८॥ तं तारिसं अवत्थं, अदिट्ठुपुवं णिवस्स बालाए । दट्ठूणऽत्थाणजणो, सहसा सबो वि संखुहिओ ॥५९॥ अह हाहारव-  
विरसो, महंतकलकलरवो समुच्छलिओ । अक्कंदरवरउद्दो, पलावसद्दो पयट्ठो य ॥६०॥ तो खुहिओ णयरजणो, तक्कालु-  
प्पण्णगरुयभयभीओ । तरलनयणो असरणो, सुण्णमणो वुण्णवयणो अ ॥६१॥ णाणावियप्पसंकप्पकप्पणाकंपमाणकरच-  
रणा । ठाणे ठाणे मंतंति थेरवणिया निहुअंनिहुअं ॥६२॥ णेसत्थियप्पसारा, सहसा सबेवि संवरिज्जंति । दोसियहट्ठाणं तो,  
सिचयचया लहु चइज्जंति ॥६३॥ सोवणियपुत्तेहिं, पुत्ताविज्जंति सुवण्णरुप्पाइं । खडकिज्जंति खणेणं, कंसारियकंसउ-  
क्करडा ॥६४॥ पसरन्ति तक्करनरा, तह तालिज्जंति हट्ठसंघाया । धावंति गंठिछोडा, पुट्टलिया लहु पलायंति ॥६५॥ भयसं-  
भमभरभिंभलउट्ठितपडंतजंतभजंता । जरजुन्नबुड्डवणिया, संवाहिज्जंति तरुणेहिं ॥६६॥

अन्नं च—अत्थाणसमीवे निसुणिऊण भिच्चेहि कलकलारावं । अण्णायकज्जमज्झेहिं संभरिज्जंति सत्थाइं ॥६७॥ कुंजरघडा  
गुडिज्जंति पक्खरिज्जंति सारतुक्खारा । सज्जिज्जंति रहवरा, सण्णाहिज्जंति वरसुहडा ॥६८॥ पुवविणिज्जियपडिवक्खलक्खद-  
प्पुद्धुरा महावीरा । मागहगणेहिं गिज्जंति, उवहसिज्जंति काउरिसा ॥६९॥ वज्जंति विजयढक्का, अप्फालिज्जंति समरतूराइं ।

१ वुण्ण० व्रत्त । २ निभृतभृतम्-गुप्तम्-प्रच्छन्नमित्यर्थः । ३ भिंभल० व्याकुल । ४ अण्णाय० अज्ञात ।

सुदंसणा-  
चरियम्मि

॥ १० ॥

भंकारभरियभुवणा, तह पूरिज्जंति भेरीओ ॥७०॥ हकंता वग्गंता सुहडा उट्ठंति खग्गवग्गकरा । खग्गखंडक्खडभीया, काय-  
रपुरिसा पलायंति ॥७१॥ निवडंतनिविडदढगूढधयवडमुहसंकुडंतकुंभयडा । नासंति कायरगया मोडंता विडविसंधायं ॥७२॥  
इत्थंतरंमि कहमवि सिसिरुवयारेण लद्धचेयणो । सिंहासणे निसन्नो, सुत्थावत्थो पुणो राया ॥७३॥ तो तक्खणेण संखु-  
हियपट्ठणं जाणिऊण विजयाए । सहसत्ति कुट्टवालो, आणत्तो रायवयणेण ॥७४॥ तेणावि सुणिअकज्जेण, साथरं झत्ति कुट्ट-  
वालेण । उब्भियथिरघोरकरेण, धीरविज्जंति पुरलोया ॥७५॥ नासंति धुत्तगोहा भयभीया तक्करा निलुक्कंति । वज्जंति गंठि-  
छोडा य, कण्णतोडा हणिज्जंति ॥७६॥ गयतुरयरहा पाइक्कजोहसामंतमंतिभडनिवहा । सव्वेवि मुणियकज्जा सुत्थावत्था खणे  
जाया ॥७७॥ अह कप्पूरसुवासियहरियंदणमयनाहिसित्तंगा । सिसिरसमीरणसुत्था, रायसुया नियइ दिसिभागं ॥७८॥ पुण-  
रागयचेयन्ना, सुविवेया उट्ठिऊण लज्जंती । सुदरिसणा उवविट्ठा, निवअंके मुणियजिणधम्मा ॥७९॥ सिट्ठिस्स तस्स संमुहं,  
भवभयभीया पुणो पुणो नियइ । हरिणिब्व जूहभट्ठा, चिट्ठइ अवहरियचित्ता सा ॥८०॥ दुहियं पि जणणिजणयं न य दुहियं  
धीरवेइ सयणज्जणं । एगं च उसभदत्तं संभासइ महरवयणेहिं ॥८१॥ अब्बो सुधम्मबंधव ! जिणिंदमयकुसल ! कुसलमिह  
तुज्झ ? । भरुअच्छमहानयराओ, संपयं सागयं तुम्ह ? ॥८२॥ निव्वुइरयाण तत्थ य, कंदप्पगार्थिंदहरिकिसोराण । कुसलं  
परोवयारिक्कदिण्णचित्ताण साहूणं ॥८३॥ सुणिऊण तीइ वयणं, सो सिट्ठी विम्हउम्महियहियओ । चिंतइ इमीइ कइया भरु-  
अच्छे वंदिया मुणिणो ॥८४॥ अहव न चुंजं संसारसरणवसवत्तियाण जंतूण । तं नत्थि जं न दढकम्मरज्जुवद्धाण संभवइ

१ खडक्खड० खटखट-खटखट आवाज । २ हरियंदन० केसर । ३ मयनाहि० कस्तूरी । ४ 'अब्बो' इति संभाषणार्थसूचकोऽव्ययः । ५ चुजं० आश्चर्यं ।

जाईसरण-  
निवद्धो  
तइओ  
उहेसो ।

॥ १० ॥

॥८५॥ ता नूणं तत्थ पुरे पुवभवे मुणिवराण पासंमि । कइयावि सुयं एयं जाईसरणेण तं सरियं ॥८६॥ इय चिंतिऊण भणियं हरिसियचित्तेण उस्सभदत्तेण । भदे ! भरुअच्छपुरे, कुसलं तेसिं सुसाहूणं ॥८७॥ धन्नाऽसि तुमं कयलक्खणाऽसि आसण्ण-सिद्धिगमणाऽसि । जं खलु कुदिट्ठिकुलसंभवा वि सहसत्ति पडिबुद्धा ॥८८॥ इय एरिसअस्सुयपुवदिट्ठगुरुकोउयो य णरिंदो वि । जंपइ पुत्ति ! किमेयं, कइया दिट्ठं सुयं च तए ? ॥८९॥ भणियं सुदरिसणाए, आयण्णह ताय ! तत्थ भरुअच्छे । सरिन्मयासमीवे, कोरिंटं नाम उज्जाणं ॥९०॥ मज्झे य तस्स तुंगो, विसालगहिरो वडडुमो अत्थि । बहुसउणगणावासो तत्थेगा सवलिया वसइ ॥९१॥ सा तत्थ कयावासा, समए गुरुगव्ववेयणकंता । अइदूसहसूलुप्पणवेयणा पसविया दुहिया ॥९२॥ पसवुवभवगुरुवेयणकरालियाए पिओ वि न सहाओ । अहव सया दुहियाओ आजम्मं हुंति महिलाओ ॥९३॥ विल-वंताइं सुदुक्खं, पंखाजुयलेण झंपिवि सुयाइं । तम्मोहमोहियमई, मणंमि जा किंपि चित्तेइ ॥९४॥ ता मुक्कचंडपवणो, दसदिसिउच्छलियधूलिसंघाओ । पसरंतमेहजालो, संपत्तो पाउसो कालो ॥९५॥ अलिउलकज्जलकोमलतमालदलसामलेहिं मेहेहिं । अच्छाइयं नहयलं, कुपुरिस अयसेण व खणेण ॥९६॥ हरंगलसामलगयणे, चवला किह विज्जुला चमक्केइ ? । खण-दिट्ठनट्ठरिद्धिब, चंचला मंदपुण्णाणं ॥९७॥ फोडंता विव वंभंडमंडवं निविडचंडउडुमरा । गुरुपयद्विय व नीया, गज्जंति घणा-घणा सुघणं ॥९८॥ वरिसंति निरंतरगरुयधारसंभारनिव्वभरा मेहा । विरहियजणहिययाणं, हुयासतिल्लव दाहकरा ॥९९॥ कह कह वि सत्तरत्तिं वरिसित्ता जा विलंबिओ मेहो । छुहसुसियतणू सा ताव सवलिया नियइ दिसिभाअं ॥१००॥ संकुइ-

१ करालिया० करालिता-दन्तुरिता । २ आच्छादयित्वा । ३ हरगल० महेशकण्ठ ।

सुदंसणा-  
चरियम्मि  
॥ ११ ॥

यसव्वगत्ता वि कह वि गयणंगणं समुद्धेवि । आमिसकएण सकरंक्रमिच्छवाडंमि संपत्ता ॥१०१॥ बहुहड्डुचम्मवसरुहिरपूयदुग्गं-  
धमंसगिद्धेहिं । विकरालकरंकोवरिनिविट्ठगिद्धेहि भीसणए ॥१०२॥ भमिऊण भूरि सा तत्थ मिच्छवाडंमि सवलिया कह  
वि । गहिऊण मंसखंडं झडत्ति जा गयणमुद्धीणा ॥१०३॥ मिच्छेणिकेण पयंडचावगुणनिसियतिक्खसरलेण । आयणवि-  
सज्जियमग्गणेण निहया उरे ताव ॥१०४॥ सरविद्धा वि हु सा ताव सवलिया वेयणाविहुरगत्ता । उडुंतपडंता कहवि, काण-  
णुद्देसमणुपत्ता ॥१०५॥ डिंभोवरि गुरुनेहा वि, सवलिया निवडिया महीवीढे । विलवेइ विअलिया सा, अइकरुणं करंयर-  
सरेणं ॥१०६॥ चिंतइ हा विहि? निग्घिण !, मए विणा तुज्झ किं न पज्जत्तं ? । दीणाए मह सरिसो तुह साहीणो न किं  
अण्णो ? ॥१०७॥ किं वा मए कयाइ वि, तुज्झ कओ को वि गरुयअवराहो ? । एमेव निरवराहा जेण हयाऽहं तए पाव !  
॥१०८॥ अह ताइं डिंभरूवाइं अकयउण्णाइं पंखरहियाइं । छुहियाइं देव ! संपइ मह विरहे कह भविस्संति ? ॥१०९॥  
विलवेइ जाव एवं, बाणहया सवलिया अहोरत्तं । सुहसंगमुव ता साहुजुअलयं तत्थ संपत्तं ॥११०॥ उँब्भेवि करं अभयंकरेहिं  
भुवणस्स तेहिं भणियमिणं । अभओ भदे ! तुज्झ अम्ह गेयं मा भयं कुणसु ॥१११॥ किं तु चइत्ता मोहं, उभयभवदुहा-  
वहं तहा कोहं । एगग्गमणा निसुणसु, परमहियं अम्ह वयणलवं ॥११२॥ ठाऊण कण्णमूले, तेहिं मुणिपुंगवेहिं इय भणियं ।  
अरिहंतो तुह सरणं, जगुत्तमो मंगलं च तहा ॥११३॥ कम्मकलंकविमुक्का अणंतसुहनाणदंसणसरूवा । लोयग्गपइट्ठाणा,  
तुह सरणमणंतया सिद्धा ॥११४॥ परिचत्तपंचविसया, पंचमहवयधरा महावीरा । पंचसमिया तिगुत्ता, सुसाहुणो हुंतु तुह

१ करंक० अस्थिपञ्जर । २ पतिता । ३ 'करकरे' ति स्वरेण । ४ करमुत्क्षिप्त्वा । ५ विज्ञातम् ।

जाईसरण-  
निवद्धो  
तइओ  
उद्देसो ।

॥ ११ ॥

सरणं ॥११५॥ पंचासवपरिमुक्को, पंचिंदियविजयलद्धमाहप्पो । केवलिकहिओ रम्मो, तुह सरणं होउ जिणधम्मो ॥११६॥  
 एवं कयचउसरणा, भद्दे ! भवगयसमत्तभयरहिया । रागदोसविमुक्कं देवं सुमरेह अरिहंतं ॥११७॥ अरिहंतनमोक्कारं, इक्कं  
 चिय कुणह परमभत्तीए । इहलोए अत्तिहरं, सुहजणयं नूण परलोए ॥११८॥ किंच तइलोयसारं, एयं चिय सरह पंचन-  
 वकारं । जम्मंतरे वि दुक्खाण भायणं जेण न हु होसि ॥११९॥ चउविहकसायचत्ता विसयविरत्ता ममत्तपरिचत्ता । संजमनि-  
 यमुज्जुत्ता तह चयसु चउबिहाहारं ॥१२०॥ सयलं पि दिणं सा तत्थ, सवलिया गलियसयलमोहमला । कण्णंजलीहिं घुंटइ,  
 अमयं व तयं सुसाहुगिरं ॥१२१॥ मुणिवयणवद्धलक्खा, मणेण नयणेहिं तहय सवणेहिं । मरिऊण समुप्पन्ना, सा तुह धूआ  
 अहं ताय ! ॥१२२॥ सइसुमरियमित्तेण वि, जिणिंदवयणेण एरिसी रिद्धी । जइ पुण सया सरिज्जइ, तो हुंति अणंतसुक्खाइं  
 ॥१२३॥ सुणिऊण संपइ नमो अरिहंताणं ति सिद्धिमुहपढियं । जायं जाईसरणं ताय ! मह विवेयतरुबीयं ॥१२४॥ इय सुद-  
 रिसणाकहाए, बुहाण चिंतामणि व सुहयाए । जाईसरणनिबद्धो, समत्तओ तइयउद्देसो ॥१२५॥ [इइ तइओ उद्देसो]

अह चउत्थो उद्देसो ।

जह तत्थ तया तीए कहियं तह तं मए वि तुह इत्थ । इय किण्णरीइ भणियं भाउय ! सुण अगओ इण्हिं ॥१॥ तं  
 पुव्वजम्मसंभरणभावियं नियसुयं मुणेऊणं । चिंतइ राया नणु किं सच्चं बालाइ जं कहियं ? ॥२॥ अहवा तं कत्थ पुरं ?, ते  
 कत्थ मुणी ? वडो वसो कत्थ ? । कह सवलिया मरिउं, उप्पण्णा इत्थ मह धूआ ? ॥३॥ इय चिंतिऊण राया, सप्पणयं सायरं

१ सइ० सकृत्-एकवार ।

सुदंसणा-  
चरियम्मि

॥ १२ ॥

सबहुमाणं । जंपइ पुत्ति ! किमेवं अलियमिणं कुणह वेरगं ? ॥४॥ एसा जणणी गुरुदुक्खदुक्खिया परियणो य कयसोओ । एयाउ वि बालवयंसियाउ संठवह निद्धगिरा ॥५॥ एयाइं तुंगवरमंदिराइं एसा य विउलरायसिरी । उवभुंजह सबोवाहि-संजुया किं न तं वच्छे ! ? ॥६॥ जाइकुलरूववीरियविज्जाविन्नाणपमुहगुणकलिया । आणावडिच्छए परियणे वि कह कुणसि वेरगं ? ॥७॥ सुणिऊण रायवयणं, सुदंसणा भणइ ताय ! सबमिणं । अथिरमसारं परिणामदारुणं विसमविससरिसं ॥८॥ किंपागफलसमाणेहि तेहिं किं विसयसंगसुक्खेहिं ? । सयणेहि वि किं तेहिं ? अदंसणं जाण मरणंते ॥९॥ जाइ-कुलेहिं वि किं तेहि ? इत्थ जे हुंति असुहकम्मेण । विप्पो वि होइ मिच्छो, मिच्छो वि दिओ सुकम्मेण ॥१०॥ रूवेण तेण किं ? जुवणंमि जं होइ भूसणाईहिं । रोगेहि होइ अबलो, वलेण किं तह असारेणं ? ॥११॥ विज्जाविन्नाणगुणेहिं तेहि किं ? जे न अप्पकज्जंमि । ता कह कीरउ गवो, कुलबलसिरिजाइरूवेहिं ॥१२॥ परमत्थओ य नियजणणिजणयसुंहिबंधवा वि दढबंधो । पिच्छणयभूसणाइं, रंगे नडवेससरिसाइं ॥१३॥

भणियं च—सवं गीयं विलवियं, सवं नट्टं विडंबणा । सबे आभरणा भारा, सबे कामा दुहावहा ॥१४॥ अह नाणनि-ही नामं पुरोहिओ आगओ तमत्थाणं । दिन्नासणो बइट्ठो, मंतं भणिऊण रायस्स ॥१५॥ भणियं णिवेण दियवर ! धम्मो धम्मत्थियाण को सुहओ ? । जेणेसा मह धूआ, धम्मत्थे सरइ अरिहंतं ॥१६॥ तो नाणनिही जंपइ, नरिंद ! धम्मो इह समक्खाओ । सामण्णेण अट्ठविहो जेण इय भणियमारण्णे ॥१७॥ इज्या १ ऽध्ययन २ दानानि ३ तपः ४ सत्यं ५ क्षमा ६

१ म्लेच्छः । २ सुहि० सुहृद् ।

धम्माधम्म-  
वियारो  
चउत्थो  
उद्देसो ।

॥ १२ ॥



दमः ७ । अलोभ ८ इति मार्गोयं, धर्मश्चाष्टविधः स्मृतः ॥१८॥ भणिओ य विसेसेणं, चउरासमनिस्सिओ पुराणेसु । ते वंभयारिगिहिवाणंप्पत्थजईभेयओ हुंति ॥१९॥

तथाहि—यावत्तु नोपनयनं, क्रियते वै द्विजन्मनः । कामचेष्टोक्तिभक्ष्यस्तु, तावद्भवति पुत्रकः ॥२०॥ कृतोपनयनः सम्यग्ब्रह्मचारी गुरोर्गृहे । वसेत तत्र धर्मोयं, कथ्यते तन्निबोध मे ॥२१॥ सत्यं शमस्तपः शौचं, संतोषो ह्रीः क्षमाऽऽर्जवं । ज्ञानं दया दमो ध्यानमेष धर्मः सनातनः ॥२२॥

ततश्च—गार्हस्थ्याश्रमकामस्तु, गृहस्थाश्रममावसेत् । वानप्रस्थाश्रमं वापि, चतुर्थं चेच्छयाऽऽत्मनः ॥२३॥ अह माहण—खत्तियवइससुइयचाउवण्णभेएणं । होइ गिहासमधम्मो चउप्पयारो इहं तत्थ ॥२४॥ छक्कम्मरया विप्पा, पढंति पाढंति दिंति दाणाइं । गिण्हंति अप्पदाणं, कुणंति जण्णे करावेंति ॥२५॥ तह खत्तिया वि नरवर ! हवंति अहिगारिणो तिकम्मेसु । दाणाइं दिंति विज्जं पढंति जण्णं करावेंति ॥२६॥ नाएण सयल्लोयं सया वि पालेंति हुंति धम्मपरा । रक्खंति अणायारं, करेण लोयं न पीडंति ॥२७॥ जूअं मंसं मज्जं, वेसां पारैद्धिं परैधणं परित्थिं । इहपरलोयविरुद्धं चयंति निव ! खत्तिया दूरं ॥२८॥ विज्जावाणिज्जकलानिवसेवाईपसत्थकम्माइं । वइसा कुणंति नरवर !, नयधम्मपरा य हुंति सया ॥२९॥ वंभणखत्तियवइसाण वज्जियं करिसणंतिवण्णस्स । एयं किलिद्धकम्मं, पामरलोयच्चिय कुणंति ॥३०॥

उक्तं च स्मृतिषु—संवत्सरेण यत्पापं, कुरुते मत्स्यबंधकः । अधोमुखेन काष्ठेन, तद्दिनैकेन लांगली ॥३१॥ सुदा वि

१ यज्ञोपवीतम् । २ संन्यासाश्रमम् ।

सुदंसणा-  
चरियम्मि

॥ १३ ॥

देवगुरुभक्तितप्परा हुंति दिंति दाणाइं । एसो उ गिहत्थासमधम्मो कहिओ समासेण ॥३२॥ भूमिशय्याब्रह्मचर्यतपो-  
मिश्रात्मकर्षणं । वानप्रस्थस्य धर्मोऽयं, यतिधर्मस्त्वसौ पुनः ॥३३॥ सर्वसंगपरित्यागो, ब्रह्मचर्यमकोपिता । जितेंद्रि-  
यत्वमावासे, नैकत्र वसतिश्चिरं ॥३४॥

यतः—ग्रीष्महैमंतिकान्मासानष्टौ भिक्षुर्विचक्रमेत् । दयार्थं सर्वभूतानामेकत्र वर्षास्वावसेत् ॥३५॥ अनारंभस्तथाऽऽ-  
हारो, भैक्षान्नेनानकल्पता । आत्मज्ञानावबोधेच्छा, तथा चात्मावलोकनम् ॥३६॥ इय चउरासमविसओ, धम्मो चउवण्ण-  
निसिओ तह य । सिरिचंदगुत्तनरवर !, संखेवेणं मए कहिओ ॥३७॥ एसा पुण तुह धूआ, धण्णा जीए णु बालभावे  
वि । निव्विण्णकामभोगोचियंमि धम्मे मणं रमइ ॥३८॥

अवि य—दालिदियस्स दाणं, पहुणो खंती विउस्स न हु गब्बो । जुवणवंतस्स तवो, दया य धम्मस्स कसवट्ठो ॥३९॥  
तथापि—सर्वेषामपि धर्माणामादिधर्मो गृहाश्रमः । गृहमाश्रित्य यत्किंचित्, क्रियते धर्मसाधनम् ॥४०॥ यथा  
नदीवहाः सर्वे, सागरं यांति संश्रिताः । तथैवाश्रमिणः सर्वे, गृहस्थे यांति संस्थितिम् ॥४१॥ इय सोउं दियवयणं, भणइ  
णिवो पुत्ति ! एरिसो धम्मो । घरवाससंठिया वि हु, करेहि मा वच्च वेरगं ॥४२॥

किंच—मज्झत्यो नीरागी, घरवासठिओ वि जं लहइ पुण्णं । नीसंगो वि हु न तहा, सरागभावो वणत्थो वि ॥४३॥  
अण्णं च—जाइकुलरूवविक्रममाईहिं जो णिवो णिवपहाणो । सो पवरवरो वच्चे ! तुह जुगो लहु गवेसिस्सं ॥४४॥

१ संन्यासधर्मः । २ नृपेषु प्रधानो मुख्य इति ।

धम्माधम्म-  
वियारो  
चउत्थो  
उहेसो ।

॥ १३ ॥

ता मा कुणसुवेयं, निरत्थयं सयणजणणिजणयाणं । अण्णं पि जं तुमं भणसि, पुत्ति ! सव्वं करेमि तयं ॥४५॥ तो जंपइ सुदरिसणा आरंभपवत्तणेण कहं ताय ! । पवरो गिहत्थधम्मो ?, सुयसंवाए वि जं भणियं ॥४६॥ तात ! दुःखं गृहारंभो, दुर्भरः पार्थिवैरपि । पातयंति नरा मूढास्तात ! पापे गृहाश्रमे ॥४७॥ स्वामिनामुपकारं हि, भृत्याः कुर्वन्ति नित्यशः । स्वामिनो हि प्रधानत्वं, भृत्यानां नोपपद्यते ॥४८॥ भिक्षुकाः स्वामिनो ज्ञेया, गृहस्थाः किंकराः स्मृताः । गृहस्थाः सर्वतो निंद्याः, स्तुत्याः सर्वत्र भिक्षुकाः ॥४९॥ मेरुसर्षपयोर्यद्वद्भानुखद्योतयोरिव । समुद्रसरसोर्यद्वत्, तद्वद्भिक्षुगृहस्थयोः ॥५०॥ गृहस्थानां कुतो धर्मस्ताताऽऽरम्भजुषां सदा । पोषणे परिवारस्य, रतानां च यथोदितं ॥५१॥ खंडनी पेषणी चुल्ली, जलकुंभः प्रमार्जनी । पंच सूना गृहस्थस्य, तेन स्वर्गं न गच्छति ॥५२॥

अवि य—हुज्जा जलणे वि जलं, विसहरदाढाइ होज्ज अमयं पि । होज्जा ससस्स सिंगं, न हु धम्मो जीवहिंसाए ॥५३॥ अकएहि महातवसंजमेहि पाविज्जए कहं सग्गो ? । किं कुहवाण खित्ते, कइयावि लुणिज्जए साली ? ॥५४॥ जइ सुरनरसिवसुखं, लब्भइ गिहवाससंठिएहिं पि । ता किं रज्जं चइउं, तप्पंति तवं णिवा तिबं ? ॥५५॥

अण्णं च—तुब्भे य ताय ! इत्थं, किमत्थमित्थं निरत्थयं खेयं । उव्वहह ? किंतु धम्मं, सुणेह परमत्थवित्थारं ॥५६॥ जो जाणइ जस्स गुणे, सो तं दूरट्ठियं पि अहिलसइ । गयणट्ठिए वि चंदे, दिट्ठे विहसंति कुमुयाइं ॥५७॥ सो सोहणुत्ति धम्मो, जो कीरइ दिट्ठपच्चयगुणेहिं । ता कह कीरइ धम्मो, अमुणियगुणगुरुसयासाओ ? ॥५८॥ सुगुरूवएसरहिओ, पर-

१ सूना० प्राणिवधस्थानम् । २ 'धम्मस्स' इति प्रत्यन्तरे ।

सुदंसणा-  
चरियम्मि

॥ १४ ॥

लोगहिओ न होइ सो धम्मो । इहलोए वि हसिज्जइ, अगूढगुज्झं व सिहिनट्टं ॥५९॥ निसुणेह ताय ! तइया, मुणीहि जं मज्झ साहियं तेहिं । भवजलहिजाणवत्तं व देवगुरुधम्मतत्ततियं ॥६०॥

तथाहि—जो पुत्तकलत्तासानिवद्धदढबंधणेहिं न य वज्झो । वच्छत्थलंमि न हओ, कयावि जोऽणंगवाणेहिं ॥६१॥ जो सबभयविमुक्को, कयावि न करेहिं पहरणं धरइ । पहरणीणो वि हु न कयावि चडइ जो जाणवाहणयं ॥६२॥ बुद्धव मंत-मालाकयहत्यो गहियजोगमुदकरो । न य ज्ञायइ जोऽमूढो, हत्थे न य पुत्थयं धरइ ॥६३॥ जो दुज्जयकामगइंदवियड-कुंभयडपाडणहरिव । कोहमहानलउल्लहवणपुक्खलावत्तमेहुव ॥६४॥ सोयभुयंगमगरुडव मोहतरुभंजणेक्कहत्थिव । गुरु-माणमहीहरचूरणेक्कदढवज्जदंडो व ॥६५॥ जो चत्तसवसंगो, जिइंदिओ निम्ममो निरभिमाणो । समसत्तुमित्तचित्तो, सो देवाणं महादेवो ॥६६॥

अवि य—सर्वदयः सर्वगुरुः, सर्वीयः सर्वसौख्यदाता च । सर्वनतपादपद्मः, सर्वज्ञः सर्वदर्शी च ॥६७॥

अन्यच्च—क्रोधो मानो भयं द्वेषो, रागो मोहश्च चित्तनं । जरां रुजां च हांसश्च, खेदः स्वेदो मंदो रतिः ॥६८॥ वंचनं जर्जनं निद्रां, लोभश्चाष्टादशाप्यमी । दोषा यस्य न विद्यन्ते, परमात्मा स उच्यते ॥६९॥ इय अट्टारसगुरुदोसवज्जिओ सय-लकम्ममलमुक्को । वण्णकलासररहिओ, निरंजणो कोइ परमप्पा ॥७०॥ जो देवाण वि देवो, केवलवरनाणलोयणवलेणं । लोयालोयं करयलकलियामलयं व जो कलइ ॥७१॥ सासयसुक्खनिहाणं, अप्पडिहयनाणदंसणचरित्तो । तियसिंदपणयच-लणो, अरिहंतो ताय ! सो देवो ॥७२॥ निसुणेहि तहा गुरुणो, उज्झियघरघरिणिपुत्तपरिवारा । समसुहदुक्खा अवगयजी-

धम्माधम्म-  
वियारो  
चउत्थो  
उदेसो ।

॥ १४ ॥

वाइपयत्थपरमत्था ॥७३॥ दुद्धरपंचमहवयगुरुभारुवहणधीरधुरधवला । सीलंगद्वारससहसभारनिवाहणसमत्था ॥७४॥ दू-  
 हवावीसपरीसहाण सहणुज्जया महासत्ता । विज्झवियकोहजलणा, निरुद्धमणवयणकायपहा ॥७५॥ सज्झायज्झाणवक्खि-  
 त्तमाणसा विविहनियमसंजुत्ता । खमदमसंतोसपरा, समतिणमणिसत्तुमित्तगणा ॥७६॥ छज्जीवदयापरमा, महुअरविच्चीइ  
 दोसपरिसुद्धं । संजमजत्ताहेऊं, भिक्खामेत्तं पि गिण्हंति ॥७७॥ अप्पानईइ संजमजलपुण्णाए दयातरंगाए । ण्हायंति सील-  
 कूलाइ सच्चंसोयाइ जे णिच्चं ॥७८॥ जेसिं चउरो सोआ सच्चं तवकरणनिग्गहो करुणा । गरुयं पि पावपंकं, हरंति  
 किं तेसिं सलिलेण ? ॥७९॥ उवसमविवेगसंवरपवित्तकुंडाई तिण्णि काऊणं । झाणजलणं च जालंति नाणघयसित्तमण-  
 वरयं ॥८०॥ कोहो माणो माया, लोहो कामो य रागदोसो य । हुणिऊण इमे पसवे, भक्खंति खमापुरोड्डासं ॥८१॥  
 बंभचेरमहवयपवित्तसुहसंतिवाणियजलेणं । खालंति पावपंकं, पुणो वि जह तं न संभवइ ॥८२॥ अभओ सबजियाणं, दिंति  
 सया दक्खिणा वि खलु एसा । तारंति परं अप्पं च ताय ! एयारिसा गुरुणो ॥८३॥ धम्मो वि देवगुरुगण(गुण)अभिन्न-  
 रूवो त्ति एत्थ विन्नेओ । भिन्नसरूवो य पुणो, इय भणियं जिणवरिंदेहिं ॥८४॥ जीवेसु दया निच्चं, सच्चं वयणं अदिण्ण-  
 अग्गहणं । तिगरणसुद्धं सीलं, परिग्गहारंभपरिहारो ॥८५॥ खंती गुत्ती मुत्ती, इंदियविजओ कसायविजओ य । समसत्तु-  
 मित्तभावो, सिवसुहफलओ इमो धम्मो ॥८६॥

किं बहुना—वीतरागो महादेवो, ब्रह्मचर्यं महाव्रतं । महादानं दया नित्यं, ब्रह्मचारी महागुरुः ॥८७॥

१ सोअ० खोतस्-प्रवाह । २ शौचानि । ३ पुरोडाश० अवशिष्टहव्यद्रव्य ।

सुदंसणा-  
चरियम्मि

॥ १५ ॥

अण्णं च—नवजोवणगुणकलिओ, ताय ! तए जं वरो समुवइट्ठो । तं पुवभवे वि मए, अणुभूअं विसयसुक्खफलं ॥८८॥  
भुत्तं संसारफलं, दिट्ठो दइयस्स नेहपरिणामो । अलमिमिणा ताय ! धुवं, विडंवणामित्तसोक्खेणं ॥८९॥ ता गंतवं खु मए,  
भरुअच्छे ते सुणी पणमियद्वा । कायवं जिणभवणं पज्जत्तं विसयसोक्खेहिं ! ॥९०॥ लद्धे सुमाणुसत्ते, बुहेण तं किं पि  
होइ कायवं । जेण जरमरणवाही, पुणो वि देहे न संभवइ ॥९१॥ जायंति मरंति जिया, भमंति जायंति पुणरवि मरंति । जे  
पुण एगगमणा, कुणंति धम्मं खु ते धण्णा ॥९२॥ इय बुहसिहिसुहयाए, घणमालाइ व सुदरिसणकहाए । धम्माधम्मवि-  
यारो, भउय ! उहेसओ तुरियो ॥९३॥ [ इइ चउत्थो उहेसो ]

अह पंचमुहेसो ।

सत्थत्थनीइवित्थरियमइसमत्थं निएवि नियधूयं । भणइ निवो सप्पणयं, सहासमह सुंदरीसमुहं ॥१॥ सुंदरि ! महाणु-  
भावा !, सहावओ तं सकज्जमुज्जुत्ता । जइवि हु तहवि ममेगं, भदे ! वयणं निसामेह ॥२॥ तुज्झ पसाएणेसा, उप्पण्णा कुव-  
लयच्छि ! मह धूया । ता तह भणेषु एसा, जह रज्जइ विसयसुक्खंमि ॥३॥ अण्णं च इमा तुह भइणिअत्तआ तुज्झ  
वलहा तह य । ता तुह वयणेण धुवं काहिइ अइदुकरं पि लहुं ॥४॥ ता इत्थ भणसु जं तुज्झ जुज्जए जेण बुज्झए बाला ।  
सुयणाण वसणकाले हवंति समदुक्खिया गरुया ॥५॥ इय सुणिउं निववयणं, सा चिंतइ सुंदरी नियमणंमि । अम्हाण

१ भगिन्यात्मजा ।

सीलवइ-  
संविहाणो  
पंचमु-  
हेसो ।

॥ १५ ॥

इत्थ जुज्झइ, भणियवं किं विसेसेणं ? ॥६॥ जेणेसा सुदरिसणा, जाईसरणोवलद्धपुवभवा । मुणियजिणधम्मतत्ता, किं बुज्झइ मज्झ वयणेणं ? ॥७॥

किंच—विसयकहा गाढयरं, विसयविरत्ताण दूमए चित्तं । ता जिणधम्माणुगयं, सुदरिसणं किं पि जंपेमि ॥८॥ इय चित्तिज्जण निउणं, उल्लवियं सुंदरीइ नरनाह ! । एरिसकज्जे अम्हारिसेहिं किं होइ भणियवं ? ॥९॥ जंपेमि तहवि जं किंपि इत्थ पावइ न चेव उवहासं । तं आयण्णह नरवर ! पत्थावगयं समाहितो ॥१०॥ इह विसयसुक्खलुद्धाण हुंति दुक्खाइं जाइं नरनाह ! । विसमाइं ताइं अंतेसु विसंमविसकंदलिसमाइं ॥११॥

तथाहि—अत्थित्थ भरहवासे मज्झिमखंडंमि दाहिणहुस्स । धणकणरयणसमिद्धा अउज्झणयरी जयपसिद्धा ॥१२॥ निहिठवियदविणसंखा, भवणोवरिरइयधवलचिंधेहिं । नणु संसिज्झइ अमराण, संपया णयरलोएहिं ॥१३॥ घरसिहरमत्त-वारणतोरणथंभग्गरइयरयणेहिं । रयणायरो कलिज्झइ, जलावसेसो कओ विहिणा ॥१४॥ इक्खागुवंसतिलओ, जयवम्मो नाम तत्थ नरणाहो । रिउवग्गदप्पदलणो, नीइलयासजलजलवाहो ॥१५॥ मुणिसुव्वयसामिगुणाणुरायरंजियमणो महा-सत्तो । मिच्छत्ततिमिरसंभारहरणखरंकिरणसारिच्छो ॥१६॥ अइगंभीरो अंभोनिहिब पयईइ न उण जो खारो । न य तावकरो कस्सवि रवि व पुण तेयवंतो वि ॥१७॥ मणयंपि जो न थहो, गरुओ मेरुव गुणगणेहिं पि । सोमसहावो वि सया, कलं-किओ जो न चंदुव ॥१८॥

१ प्रत्यन्तरे विससमविसयविसमाइं इत्यपि । २ मत्तवारण० गवाक्ष । ३ 'रिउवग्गभग्गदप्पो' प्रत्यन्तरे इत्यपि । ४ स्वरकिरण० सूर्य ।

सुदंसणा-  
चरियम्भि  
॥ १६ ॥

अवि य—किन्ती सुरलोयावही सत्तुखयावहिपरक्कमो जस्स । भक्ती जिणनमणावही दालिद्वखयावहिचाओ ॥१९॥ वर-  
सुरहिसीलरयणेण सिसिरवयणेण विजियवरपउमा । तस्सऽत्थि महारण्णो देवी पउमावईनामा ॥२०॥ सा अण्णदिणे पुत्तस्स  
कारणा विमणदुम्मणा संती । पद्दांइआइ भणिया, भविस्सए सुयणु ! तुह पुत्तो ॥२१॥ एवं भणिउं तीए ण्हवणं काऊण  
ओसहं दाउं । गहिउं पूयादवं खणेण कत्थ वि इमा नट्ठा ॥२२॥ तह वि न तीए पुत्तो जाओ सिरिचंदगुत्तनरणाह ! ।  
कालेण पुणो धूया जाया से सोहणा इक्का ॥२३॥ कुलदेवयाए, रयणीए साहियं कुवलयच्छि ! तुह धूया । सबजणवंद-  
णिज्जा, भविस्सए साहुणी एसा ॥२४॥ जम्मदियहाओ लायण्णरूवसोहग्गुणसमिद्धिजुया । कयसीलवईनामा, कमेण सा  
जुवणं पत्ता ॥२५॥ दट्ठुण तीइ रूवं राया चिंतइ इमीइ बालाए । अणुरूवो को वि वरो पावेयवो मए कत्थ ? ॥२६॥ इय  
चिंतासंतत्तो, जयवम्मनिवो पहाणपुरिसेहिं । अवलोयइ रायसुए, बहुए वि न रुच्चए को वि ॥२७॥ चिंतइ विसण्णचित्तो,  
जइ विसयण्णाउ होंति धूयाओ । तह वि हु चिंतासंताणकारणं पंडियाणं पि ॥२८॥

यतः—जातेति चिंता महतीति शोकः, कस्य प्रदेयेति महान्विकल्पः । दत्ता सुखं स्थास्यति वा न वेति, कन्यापितृत्वं  
खलु नाम कष्टम् ! ॥२९॥ इय चिंतागयपहुणो, ओलंगत्थं कुणालनयरीओ । आहवमल्लस्स सुओ, विजयकुमारो तहिं  
पत्तो ॥३०॥ दूराओ कयपणामो, पुच्छिओ तो स राइणा कुसलं । दिन्नासणो बइट्ठो, नहविज्जालद्धमाहणो ॥३१॥ रूवेण  
तस्स वक्खित्तमाणसो नयरनारिनरनिवहो । तदंसणत्थमखिलो, इओतओ धावए खुहिओ ॥३२॥ इत्थंतरंमि जयवम्मराय-

१ प्रवाजिकया । २ सेवार्थ । ३ इतस्ततः ।

सीलवइ-  
संविहाणो  
पंचमु-  
द्देशो ।

॥ १६ ॥



धूया नरिंद ! सीलवई । पिउपायवंदणत्थं, सहीहि सह तत्थ संपत्ता ॥३३॥ दइण तं कुमारं, सा चिंतइ नियमणंमि जीइ  
इमो । होहिइ दइओ सच्चिय, नारी नारीसु कयउण्णा ॥३४॥ भावरहियाइ तीए जइवि कुमारंमि पेसिया दिट्ठी । पास-  
ट्टिए वि तह वि हु, तहत्ति परिभावियं सहसा ॥३५॥

अण्णं च—रूवेण दिट्ठिपसरो, पसरेण रई रईइ संसग्गो । तेण खलु गलइ सीलं, पणट्ठसीलाण संसारो ॥३६॥

किंच—रसणिंदियवंभवयं, मणगुत्ती तह य मोहणियकम्मं । चउरो इमाइं नूणं, जिप्पंति जइक्कवीरेहिं ॥३७॥ इय  
सोउं संभंतो, भणइ तहिं चंदगुत्तनरनाहो । किं तत्थ पुरे जायं?, तो एवं सुंदरी भणइ ॥३८॥ अह सा निहुंयं निहुंयं, जणाण  
मिउजंपियं कलेऊणं । लज्जंती तह पिउणो, नियआवासं गया बाला ॥३९॥ राया वि तीइ भावं अमुणंतो देवयाइ वयणं  
च । असरंतो सीलवईं, विजयकुमारस्स सो देइ ॥४०॥ गणिऊण सुहमुहुत्तं, विवाहकंजुज्जया जणा जाव । विमलीकुणंति  
रत्थामुहाइं धवलंति भवणाइं ॥४१॥ ता अण्णदिणे उज्जाणपालपुरिसेण तस्स नरवइणो । विण्णत्तं संपइ देव ! सिसिरका-  
लस्स पज्जंतं ॥४२॥ कलयंतो महुरसरपूरियंबरो सुरहिपाडलागंधो । पत्तो वसंतराओ, माणंसिणिमाणविहवणो ॥४३॥ इय  
सोउं तस्स निवो, तुट्ठो उज्जाणपालगनरस्स । दाऊण पारिओसियदाणं मणवंच्छियवभहियं ४४॥ सयलंतेउरसहिओ, विज-  
यकुमारेण सह परियणेण । पुप्फकरंडुज्जाणे, कय सिंगारो निवो पत्तो ॥४५॥ जलकीलाईहिं तहि, जा कीलइ नरवई सप-  
रिवारो । ता खयरेणं हरिया, कुमाररूवेण सीलवई ॥४६॥ सा निज्जंती गयणे, कुमारसंकाइ भणइ इय वयणं । परिहासो

१ निभृतम्—प्रच्छन्नम् । २ विवाहकिञ्चुज्जया इत्यपि ।

सुदंसणा-  
चरियस्मि

॥ १७ ॥

वि न जुत्तो, अमुणियचलचित्तनारीहिं ॥४७॥ ता मुंच ममं लहु जा, न कोइ पिच्छइ सहीण मज्झंमि । लज्जामि अहं निय-  
जणणिजणयपमुहाण वि जणाणं ॥४८॥ सोउं खयरो ससंको जाणंतो विक्कमं कुमारस्स । वेयड्डपहं मुत्तुं, चलिओ रयणा-  
यराभिमुहं ॥४९॥ जा पत्तो सो सभओ, समुहमज्झट्टिए विमलसेले । ता करवालविहत्थो, पत्तो पिट्ठीए सो कुमारो  
॥५०॥ दट्ठोद्विभिउडिभीसणमुत्तिधरो उद्धकेसरत्तच्छो । जंपंतो रे तिर्यहर ! जमेण किं अज्ज संभरिओ ? ॥५१॥ तो दोवि  
सरिसरूवा पिच्छंती सरिसवसणआहरणा । सा चिंतइ सीलवई इमाण मज्झंमि को कुमरो ? ॥५२॥ मन्ने विजयकुमारो,  
एसो जो आगओ कुंढे पच्छा । ता जइ मज्झ सइत्तं, जयवंतो होउ तो कुमरो ॥५३॥ अह सो खयरो चक्कं कुविओ जा  
खिवइ विजयकुमरस्स । सहसत्ति ता कुमारो, इयरो वि नहं समुप्पइओ ॥५४॥ अह खिप्पं तिव्वेणं, खग्गेणं तस्स पा-  
डिओ मउडो । कुमरेण तओ खयरो निवधूयं मुत्तु लहु नट्ठो ॥५५॥ पिट्ठीइ तस्स कुमरो वि धाविओ कोवजलणपज्ज-  
लिओ । रे ठाहि ठाहि तिर्यहर !, जंपंतो फरुसवयणाइं ॥५६॥ सा बाला सीलवई, दिसिभायं दट्ठुं तं अपुबं ति । जा नियइ  
ता न पिच्छइ, न सा पुरी न य तमुज्जाणं ॥५७॥ न य जणणी नेव वयंसियाउ ताओ वि नेव जयवम्मो । न य रज्जं  
हयविहिणा खणेण दूरीकयं सब्बं ॥५८॥ अह सो वि नत्थि कुमरो, आसाबंधो व जो कुंढे पत्तो । अहिययरं तं दुक्खं,  
जण्णीहिं किं एसं जिबिहिए ? ॥५९॥ तं सब्बमपिच्छंती, जा पासं नियइ कत्थई ताव । णंगूलफालियधरणिमंडलं नियइ पंच-  
मुहं ॥६०॥ कत्थ य घुरघुरंतं नियइ वराहं च सम्मुहमवित्तं । कत्थइ उक्खिवियकरं करिरायं नियइ गज्जंतं ॥६१॥ सिंगग-

१ तिर्यहर ! ० स्त्रीकाचौर ! । २ कुठ० चुरायी हुई वस्तु की खोज में जाना । ३ नारीभिः । ४ जेष्यते ।

सीलवइ-  
संविहाणो  
पंचमु-  
हेसो ।

॥ १७ ॥

खणियसिलं, धावंतं नियइ कथई महिसं । कथइ चवलं कुवियं, कविजूहं नियइ रत्तच्छं ॥६२॥ फणफुक्कारमुयंतं, दुप्पिच्छं नियइ कथइ भुयंगं । कथ वि य किलकिलंतं, वेयालं नियइ विगरालं ॥६३॥ कथइ रउइसहं, नियइ पिसायं बिभीसणागारं । कथइ कत्तियहत्थं, नियइ महासाइणिसमूहं ॥६४॥ एवं समंतओ तं, सावयवेयालरुइसहेहिं । पडिसह-दीहरोरालिभीसणं पव्वयं नियइ ॥६५॥ पवणाहयपत्तं विव, भएण कंपंतसव्वगत्ता सा । चित्तेइ असरणाऽहं, किं काहं ? कथ वच्चांमि ? ॥६६॥ हा विहिनिट्ठुरनिग्घिण !, मुक्का एगागिणी तए कथ ? । किं कोइ मए कइया, तुज्झ कओ गरुय-अवराहो ? ॥६७॥ एगं पि जणो दुक्खं, सहसा सहिउं न सक्कए पायं । कह हेलाए ठवियाइं मह तए सयलदुक्खाइं ? ॥६८॥ अहवा हयविहि ! गहिय जणस्स पासाओ सब्बदुक्खाइं । वीसंभमुवगयाए, समप्पियाइं मह तए किं ? ॥६९॥ इय एवं सा भयवेविरी वि गुरुआवयासु पडिया वि । धीरवइ कह वि नरवर ! अत्ताणं अत्तणा चेव ॥७०॥

तंजहा—किं अन्नभवे नियमो, काऊण न पालिओ मए विहिणा ? नासो य कस्स वि मए किं अवहरिओ हयासाए ? ॥७१॥ वीसंभमुवगओ वा, किं को वि हु वंचिओ मए कइया ? । अहवा कया वि कस्स वि कुमई कवडेण मे दिन्ना ? ॥७२॥ अहवा किं जणणीए, परिहासेणावि पियअवच्चाइं । विच्छोइयाइं किं वा आहरणं कस्स वि हरियं ? ॥७३॥ जं पुव्वभवनिबद्धं, तं खलु वेयंति पाणिणो सब्बे । ता सहियव्वं सब्बं रे जिय ! किं विलविण्णेवं ? ॥७४॥ जह संपयाइ हरिसो, विवेयवंतेहिं नेव कायवो । तह आवयागएहिं वि न विसाओ गरुयसत्तेहिं ॥७५॥ इय सा विवेयकलिया, सीलवई

१ ओराली० शब्द । २ वेविरी० वेपित्री कांपनेवाली । ३ नासो० न्यासः । ४ विरहितानि ।

सुदंसणा-  
चरियम्मि  
॥ १८ ॥

सुद्धसीलसम्मत्ता । उवसग्गवग्गसंसग्गसंगया धरइ धीरत्तं ॥७६॥ विसमदसा पत्ता वि हु, सहावओ असमसाहससहाया । भयमोहसोयरहिया एग्गमणा अदीणमुहा ॥७७॥ कम्मट्ठगंड्विनिट्ठवणजिट्ठपरमिट्ठिघुट्ठनवकारा । भवजलहिजाणवत्तं व सरइ सा सुव्वयजिणिंदं ॥७८॥ तह धीरमणा नरवर !, सीलवई सा तहिं समुब्भेइ । तण्णपूलं तरुसिहरे, आसा दुपरिच्चया जम्हा ॥७९॥ जह कोइ कयाइ इहं, करुणाए दट्ठु भिन्नपोयमिणं । आगच्छिज्ज तओऽहं, तेण समं जामि वसिगभुवं ॥८०॥ अह एगंमि पएसे, सिलायले आलिहेवि जिणपडिमं । सिरिमुणिसुव्वयपट्ठणो, सपरियरं चंदणरसेण ॥८१॥ सुरहिसयवत्त-कुसुमेहिं भावओ विरइऊण वरपूयं । कयपंचंगपणामा, भत्तिभरुक्करिसिया थुणइ ॥८२॥

तंजहा—सिरिमुणिसुव्वय ! सुव्वय !, सुव्वयमुणिविंददिसियसिवमग्ग ! । सिवमग्गरहसुसारहि ! रहियजरामरणवरनाण ! ॥८३॥ वरनाणपयासियपुण्णपाव ! पारिंधणोहसंजलण ! । संजलणकोहजलहर ! जलहरनिग्घोससमसद् ! ॥८४॥ समसद्-सुवोहियसव्वजीव ! जीवाइकहियनवतत्त ! । तत्ततव ! तवविणासियसियगुरुकम्मगय ! गयगइय ! ॥८५॥ इयथुणिउं चउग-इगमणनास ! नासवियभवियभवदुक्ख ! । भवदुक्खकक्खपावय ! पावय ! मुत्तीइ जयसु । चिरं ॥८६॥ [संकलिकाबंधः] इय थोउं जिणनाहं, पंचनमोक्कारतप्परा देव ! । जा चिट्ठइ सीलवई, जिणपुरओ वरसमाहिए ॥८७॥ ता तरुणतर-णिकरनियरसुसियतरुपत्तसुरसुरारावो । कंसालज्झुणिसरिसो, सुइविवरे आगओ तीए ॥८८॥ अह एगो वरपुरिसो, वरवत्था-हरणभूसियसरीरो । परिमियपरियणसहिओ, संपत्तो तत्थ तं नियइ ॥८९॥ चिंतइ य इमा अमरी खयरी वा माणवी व

सीलवइ-  
संविहाणो  
पंचमु-  
हेसो ।

॥ १८ ॥

१ भग्नप्रवहणचिह्नम् । २ दुष्परित्यजा । ३ वासस्थाने । ४ सयवत्त० शतपत्र-कमल । ५ कक्ख० तृण । ६ पावक ! पवित्र करनेवाला ।

निवधूया । सावयकुलप्पसूया, केण व हरिउं इहाऽऽणीया? ॥९०॥ ता धीरवेमि एयं, भयसंभंतं विओयदुक्खत्तं । इय चिंतिय सो वि जिणं, वंदित्ता थुणइ भत्तीए ॥९१॥

तंजहा—विन्नायसयलजयजीयकम्मपरिणामठिईगइसहाव ! । दंसियसासयसुहठाण ! जय जयाणंद ! जिणइंद ! ॥९२॥ एगगमणा जे पहु ! धरंति अमणं पि नियमणंमि तुमं । परिचत्तसयलजोगा, ते झाइज्जंति जोगीहिं ॥९३॥ कुंठाइ वि वाणीए थुणंति उक्कंठिया तुमं जे उ । थुवंति सबकुसला, ते खलु सुयकेवलीहिं पि ॥९४॥ अणिमिसनयणा जे पुण, तुमं नियच्छंति हरिसपडिंहत्था । तेसिं भत्तीइ मुहं अणिमिसपहुणो वि पिच्छंति ॥९५॥ तुह कमकमललीणा, लीलाइ विमाणसुक्खमलीणा । ते भवसुहनिरवेक्खा, हवंति साहीणसिवसुक्खा ॥९६॥ इय संथुओ सि सामिय ! मणवयकाएहिं सुवयजिणिंद ! । कुणसु पसायं मणवयकायाणमभावदाणेणं ॥९७॥ इय सो वि जिणिंद संथुणित्तु कयपढमवंदणो तीए । दिन्नासणे वइट्ठो नासन्ने नाइदूरंमि ॥९८॥ भणियं तेण सविणयं, कासि तुमं भइणि ! ? कत्थ व वसेसि ? । एगागिणी कलिज्जसि, किं जूहभट्टा कुरंगिब ? ॥९९॥ विसमेरिसंमि सेले, उयहीमज्झट्टिए कहं पत्ता ? । किं नामा ? कस्स सुया व ? किं व दुहकारणं तुज्झ ? ॥१००॥

अवि य—उच्छुट्टचिहुरंभरकुसुमदामपिंजरियकुंकुमसुवत्था । किं भइणि ! नणु कलिज्जसि, मज्जणजलभिन्नमुहसोहा ? ॥१०१॥ तवयणजणियगुरुमाणगंठिपूरिज्जमाणकंठाए । नियपयगयदिट्ठीए, कह कह वि इमीइ उल्लवियं ॥१०२॥ भाउय ! जे विसयसुहाभिलासिणो विरइसुक्खमलहंता । पावेंति महावसणाइं, तेसिं किं होइ कहियव्वं ? ॥१०३॥

१ पइयन्ति । २ पडिहत्थ० पूर्ण । ३ अणिमिसपहु० इन्द्र । ४ अलीण० आलीन-तल्लीन इति । ५ चिहुर० चिकुर-केश ।

सुदंसणा-  
चरियम्मि

॥ १९ ॥

तहाहि—फरिसरसगंधरूवज्जुणिजणियसुहसंगवाडलियचित्ता । जह जीवा जंति खयं, तुमं पि तह निव ! निसामेहि ॥१०४॥ सयणासणसंबाहणवरंगणासंगसुक्खतल्लिच्छो । फरिसिंदियसुहलुद्धो, करि ब पावेइ गरुयदुहं ॥१०५॥ महुरन्नपाण-  
भोयणविविहरसासत्तमूढो मच्छुव । रसणिंदियसंगिद्धो, पावइ अन्नो वि खलु मरणं ॥१०६॥ मयणाहिकुसुमकुंकुमकालागु-  
रुसुरहिगंधलुद्धमणो । नाससुहासत्तो छप्पउ ब पावेइ खलु वसणं ॥१०७॥ विब्भमविलाससोहगगरूवलायण्णकंतिकलिएसु ।  
रूवनिरूवणपवणो, पावइ मरणं पयंगु ब ॥१०८॥ कलमहुरगेयवरजुवइनेउरारावअवहरियचित्तो । सवणसुहाऽऽसंगपरो,  
पावइ हरणु ब लहु दुक्खं ॥१०९॥ इक्किक्को वि हु विसओ, इहयं पि दुहावहो परत्थ पुणो । जीवं पाडइ नरए, किं पुण पंचेव य  
पउत्ता ? ॥११०॥ एवं भाउय ! पंचविहविसयसुहकंखिरो सया जीवो । अलहंतो विरइसुहं, पुणो पुणो भमइ संसारे ॥१११॥  
परिभाविऊण एयं, तुमं पि मा भाय ! पुच्छिहिसि जम्हा । एसा महई खु कहा, जाणिहिसि जणस्स पासाओ ॥११२॥

किंच—नियदुक्खया वि वत्ता, साहिज्जंती परस्स कमवि गुणं । न कुणइ सपरस्स पुणो, विसेसओ जणइ संतावं ॥११३॥  
अह भणइ सिट्ठिपुत्तो, अवितहमेयं तए समुल्लवियं । उवहासं जणइ जणे, जं नियदुक्खं कहिज्जंतं ॥११४॥ किं तु सदुक्खे  
अइदुक्खियं परं पिक्खिऊण विहसेइ । सुक्खे पुण अइसुहियं, हरिसविसाओ न कायवो ॥११५॥

अण्णं च—जे आवईसु धीरा विहवंमि अगबिया अमच्छरिणो । परवसणेसु सहाया, ते पुरिसा पुरिसगणणाए ॥११६॥  
किं चुज्जं ? जं खलु आवयाओ बहुआओ हुंति मणुआणं । खंडणगहणत्थमणं, पावइ चंदो वि दिव्वसा ॥११७॥ इड्ढवि-  
ओगो वहवंधणाइं विहवक्खओ अबित्ती । ठाणब्भंसो मरणं विहिणा विहियं इमं सुलहं ॥११८॥ ता मा कुणसु विसायं, जं

सीलवइ-  
संविहाणो  
पंचमु-  
हेसो ।

॥ १९ ॥

नियइ नरो जियंतो भदसए । अहव गरुए वि वसणे, अकायरा हुंति जे गरुया ॥११९॥ सुहियं पि विही विनडइ दुहियं पि विडंबए विसेसेण । न गणइ बालं बुहुं न मुयइ रायं च रंकं च ॥१२०॥ न य मंततंतवाइं विज्जं नीरोगमहव वाहिलं । छड्डेइ निग्घिणो एस हयविही किं च सोएण ? ॥१२१॥ किच्चियमेत्तं एयं, सोयवं इत्थ मणुअजम्मंमि ? । संसारो जं नूणं, दुक्खनिहाणं कओ विहिणा ॥१२२॥ नणु तणविलग्गजललवतरलं जीयं चलं च लायणं । अइचवलतरा य सिरी धम्मुच्चिय निच्चलो एगो ॥१२३॥ जिणधम्मे पुण सारो, नवकारो तस्स गुरुप्पभावेण । जलजलणाइं पसमंति सयलइट्ठाइं सिज्झंति ॥१२४॥ अन्नह समुहमज्जे कत्थेसो विमलगिरिवरो तुंगो ? । कत्तो य इत्थ महपवणपिलियं पवहणं पत्तं ? ॥१२५॥ कत्तो मह संजायं, दंसणमेयस्स भिन्नपोयस्स ? । ता एयं तुह सबं नवकारपभावओ मिलियं ॥१२६॥ ता डहइ सयणविरहो, दुहचिंताडाइणी वि ता छलइ । ता पडइ भवसमुदे, जिणनवकारं न जा सरइ ॥१२७॥ ता साहम्मिणि ! नियमाणसंमि मा कुणसु किं पि उब्वेयं । तुज्झ कणिट्ठो बंधू अज्जप्पभिई अहमवस्सं ॥१२८॥ संसारुव समुदो, विसमो वि इमेण जाणवत्तेणं । जिणवयणसमेण तुमं तरह मए लहु सहाएण ॥१२९॥ इय एवं सोहयरं, वणियकुमारस्स वयणमप्पहियं । सुणिऊण तीइ भणियं, भाउय ! सुहयं तुमे भणियं ॥१३०॥

जओ—जो विहलियमासासइ, आवइपडियं च जो समुद्धरइ । सरणागयं च रक्खइ, तीसु तेसु अलंकिया पुहवी ॥१३१॥ लायणरूवजोवणविहवाइगुणेहि संजुया वि जए । परदुक्खदुक्खिया जे हवंति ते सज्जणा विरला ॥१३२॥ इय संतगुणे सा संसिऊण निव ! जाणवत्तमारूढा । थोवदियहेहि जलहिं, तरेवि सा इत्थ संपत्ता ॥१३३॥ सा चंदसिद्धिपुत्तेण, तेण

सुदंसणा-  
चरियम्भि  
॥ २० ॥

सोमाभिहाणवणिण । साहेवि तीइ वत्था, समप्पिया देव ! नियपिउणो ॥१३४॥ जा जयवम्मनराहिवधूया नामेण आसि सीलवई । साऽहं संपइ नामेण सुंदरी इत्थ विक्खाया ॥१३५॥ नामस्स य परिवडिया, तुह भवणे मुहपियाइं कुवंती । सिरिचंदगुत्त ! चिट्ठामि इच्चिरं निव ! परायत्ता ॥१३६॥ पंचंतवासगुरुदुक्खदुक्खिया सयलसुक्खपरिचत्ता । नियसयणवग्गचुक्का, चिट्ठामि नरिंद ! दुक्खेण ॥१३७॥ ताव कुलीणा गुरुया विउसा सोहग्गरुवगुणकलिया । सुहधम्म-सीलनिरया, जा नियठाणं न मुंचंति ॥१३८॥

अवि य—हिमगिरिवरप्पसूया, रयणायरसंगया जयपयडा । सुहिया वि सया महिला वहइ जलं अमरसरिअव्व ॥१३९॥ ता नरवर ! नियदुक्खं, साहिज्जइ कहां जणंमि एमेव ? । पत्थावमुवगयं तुम्ह साहियं गउरवाहितो ॥१४०॥ सहि ! चंदलेहि ! तइया, तए वि जं पढमदंसणे पुट्टं । तं अज्ज मए सबं एयं तुह पणयओ कहियं ॥१४१॥ अहव कुलदेवयाए न पालियं जं मए तया वयणं । तं एयं दूसहवज्जपडणदुक्खं मए पत्तं ॥१४२॥ ता जे विरइविरत्ता, रइमयमत्ता विसायगयचित्ता । विसयासत्ता सत्ता निव ! पत्ता पउरदुक्खाइं ॥१४३॥ दिट्ठेवि विसयविसए, जाया मह देव ! एरिसा वत्था । जइ सेविज्जंति पुणो तो दुक्खं दिंति नरयंमि ॥१४४॥ एरिसदुक्खाइं मए, विसयपसाएण देव ! पत्ताइं । विसयसुहभीरुयाए इमीइ साहेमि कहां विसए ? ॥१४५॥ एसा निव ! तुह धूया, सुदरिसणा मुणियपुवभवदुक्खा । मज्झ वयणेण सहसा, पाणिग्गहणं कहां मंहइ ? ॥१४६॥ सत्थत्थनयसमत्था, जिणिंदधम्मोवलद्धपरमत्था । संभरियपुवजम्मा, परम्मुही विसयसुक्खाणं

१ पंचंत० अनार्यदेश । २ काङ्क्षति ।

सीलवइ-  
संविहाणो  
पंचमु-  
हेसो ।

॥ २० ॥



॥१४७॥ ता निव! इमीइ धम्मो, पत्तो सिवसोक्खसाहणो तं च । ता कह मह वयणेणं, मुंचइ पत्तं व वररयणं? ॥१४८॥  
 अह कहमवि मह वयणं तुह धूया जइ न कुणइ नरनाह! । तोऽहं जणाण मज्झे, तिणं व सहसा हविस्सामि ॥१४९॥  
 जंपंतो वि हु अत्थं, न गणिज्जइ जं तिणं व लोएण । निदोसस्स वि दोसं, ठवंति जं अलियवायाए ॥१५०॥ जं जम्मो नीय-  
 कुले, जोवणवंतस्स जं च दालिहं । वरसीलरूवरहियं, जं च कलत्तं च पडिकूलं ॥१५१॥ जं वाहिलं देहं, जं च विओगो  
 समं सवंधूहिं । जं च पवासो वसणं, सेवाविच्चीइ निव्वहणं ॥१५२॥ जं मुक्खत्तं दूयत्तणं जं भोयणं परायत्तं । तं एयं  
 सबं पावपुंजकडुरुक्खफलमसुहं ॥१५३॥ एएण कारणेणं, न भणामि नरिंद! किंपि तुह धूयं । अब्भत्थणाइ भंगो,  
 आजम्मं डहइ गरुयाणं ॥१५४॥ इय सुदरिसणकहाए बुहकाणणअमयकुलतुलाए । सीलवइसंविहाणो, भाय! इमो  
 पंचमुद्देसो ॥१५५॥ [ इइ पंचमुद्देसो ]

अह छट्ठो उद्देसो ।

नयहेउजुत्तिकलियं, सीलवईए कहाणयं सोउं । भणियं सिंघलवइणा, भद्दे! संगयमिणं किं तु ॥१॥ महिनिवडिया वि  
 करिणो तीरंति न लंघिउं तुरंगेहिं । इयरेहिं समा विसमठिया वि न हु हुंति जे गरुआ ॥२॥ ता मा कुणसु विसायं, तुमं  
 सुयाऽसि सयलपुहइनाहस्स । जस्साऽऽणं नरवइणो, सिरेण तिलउ व धारंति ॥३॥ अम्हाण वि सो मित्तो, तुमं पि ता  
 कुवलयच्छि! गउरविया । एसा मह रायसिरी, साहीणा तुज्झ सवा वि ॥४॥

अवि य—आवइगया वि गयसंपया वि देसंतरंमि पत्ता वि । ठाणच्चुया वि गरुया, ठाणं पावेंति गरुययरं ॥५॥ अह

सुदंसणा-  
चरियम्भि

॥ २१ ॥

भणइ उसभदत्तो, एसा जयवम्मरायपियधूया । जियसत्तुभांइणेई कम्मवसा इत्थ निवसेइ ॥६॥ भज्झ वि य भाइणेई इत्थ मए पाविया सुपुण्णेहिं । कुंदिलग्गंमि कुमारे, सबत्थ गवेसिया तइया ॥७॥ रण्णा भणियं एसा, बालाइ सुदरिसणाइ माउंसिया । अहमेगो इत्थ परो तुम्हे सबे वि नियसुयणा ॥८॥ इय सप्पणयं सोआवहारवयणेहिं सुंदरी ठविया । भणियं निवेण भहे!, जिणधम्मो केरिसो? भणसु ॥९॥ जाणैयवं सबं, कायवं जं तु होइ अप्पहियं । पढमं नाऊण जणो, पच्छा कज्जं समायरइ ॥१०॥

इत्थंतरंमि चारणसम्मणो नंदीसरंमि वच्चंतो । धम्मत्थियं नरिंदं, गयणत्थो नियइ धम्मजसो ॥११॥ सो पव्वेओहि-  
नाणी भावं नाऊण तस्स नरवइणो । चिंतइ जिणिंदधम्मोवएसदाणं महातित्थं ॥१२॥

जओ—जिणभवणविंवपूयादाणदयातवसुतित्थजत्ताणं । धम्मोवएसदाणं, अहियं भणियं जिणिंदेहिं ॥१३॥ एगं पि जो पबोहइ, पावासत्तं जिणंदधम्मंमि । सबजियाण वि दिन्नं, अभयमहादाणमिह तेण ॥१४॥ धम्मोवएसदाणं, जिणेहि भणियं इमं महादाणं । सम्मत्तदायगाणं, पडिउवयारो जओ नत्थि ॥१५॥ सम्मत्तमहादाणं, जीवे जो देइ धम्मबुद्धीए । तन्नत्थि जए जं तेण न य विढत्तं सुहं पण्णं ॥१६॥ तियसिंदनमियचलणा वि जिणवरा जंति जोयणसयाइं । जीवस्स बोहणत्थं, एगस्स वि पावदुहियस्स ॥१७॥ पडिबोहिओ य जीवो, धम्मं आयरइ वज्जए पावं । जम्मे जम्मे सुहिओ, हवेइ सासयसुहं लहइ ॥१८॥ ता पडिबोहेयवो, सपरिवारो वि एस नरनाहो । जाईसरणपहाणा, सुदरिसणा पुण विसेसेण ॥१९॥

१ भागिनेयी । २ पृष्ठलघ्ने । ३ मातृस्वसा । ४ श्रोत्रापहारवचनैः । ५ परमावधिज्ञानी । ६ अर्जितम् ।

णिवचंदगु-  
त्तपडिबो-  
हअनामो  
छट्टुहेसो ।

॥ २१ ॥

इय चिंतिऊण निउणं, चारणसमणो जणेहिं थुवंतो । जिणधम्मं उवइसिउं, अवयरिओ रायपरिसाए ॥२०॥ अब्भुट्ठिओ य सहसा, वरासणे णीणिंयंमि नरवइणा । पडिलेहिय पमज्जिय, उवविट्ठो मुणिपवरो तत्थ ॥२१॥ तो उसभदत्तसुंदरि-  
सुदंसणापमुहरायपरिसाए । नमिओ पुणो वि विणएण पुच्छिओ रायधूयाए ॥२२॥ भयवं ! भवभयभीसियपभूयभवान  
सिद्धिसुहकरणं । धन्नाऽहं जं दिट्ठं, पावहरं तुम्ह पयकमलं ॥२३॥ ता साहिज्जउ भयवं ! भरूयच्छे सवलियाइ पुवभवे ।  
जं च मए तं दुक्खं, केण वि कम्मेण अणुभूयं ? ॥२४॥ केण वि नियडिंभाणं, विओइया पसविया य दुक्खेण ? ।  
बाणेण हया कम्मेण केण अकयावराहा वि ? ॥२५॥ करुणं कंदंतीए, आवइपडियाइ दीणवयणाए । पत्तं सुसाहुवयणं,  
अत्तिहरं केण सुकएण ? ॥२६॥ मा भाहि जंपमाणेहि तेहिं सपरोवयारनिरएहिं । नवकारो नियमजुओ, महाणुभागेहि  
मह दिण्णो ? ॥२७॥ केण य पुण्णेण तओ, मुणिवयणं भावओ य भावंती । मरिऊण समुप्पण्णा, इत्थ अहं रायभवणंमि ?  
॥२८॥ एवं सुमाणसत्तं, लहिऊण मुणिंद ! केण कम्मेण । दुल्लहजिणिंदधम्मो पुणो वि पत्ता मए बोही ? ॥२९॥ सुणिऊण  
तीइ वयणं भणइ मुणी मुणियकम्मपरिणामो । लब्भंति दुक्खसुक्खाइं, जेण कम्मेण तं सुणह ॥३०॥

तंजहा—रागहोसवसगओ जीवो चउविहकसायपज्जलिओ । दढमोहरज्जुवट्ठो, आरंभपरिग्गहासत्तो ॥३१॥ परपरिहव-  
परनिंदापरधणपरदारपरविवायरओ । जीववहबंधनिरओ, निबद्धकम्मो भवं भमइ ॥३२॥

तंजहा—पुढविनिकाए सत्तसु, सत्तसु लक्खेसु आउकायंमि । तेउनिकाए सत्तसु सत्तसु तह वाउकाएसुं ॥३३॥ दससु य

१ नीते—लेजाये गये इत्यर्थः ।

सुदंसणा-  
चरियम्मि

॥ २२ ॥

पत्तेयवणे, चउदसलक्खेसुऽणंतकायवणे । दुसु दुसु लक्खेसु पुढो, बित्तिचउरिंदीसु जोणीणं ॥३४॥ सुरनरयतिरियवासे, पत्तेयं चऊसु चऊसु लक्खेसु । ईसाविसायवहबंधपमुहदुक्खाइं विसहेइ ॥३५॥ मणुयत्तणंमि चउदसलक्खेसु सकम्म- नियलिओ जीवो । परिभमइ सरणरहिओ जम्मणमरणेहिं अक्कंतो ॥३६॥ इय एवमाइदूसहचउरासीजोणिलक्खदुक्खाइं । विसहंतो भमइ जिओ, सुइरं संसारकंतारे ॥३७॥ एवं सामण्णेणं, सहंति जीवा अणंतदुक्खाइं । इक्को वि जिओ जं पुण सहेइ तं संपयं सुणसु ॥३८॥

तंजहा—मणवयणकायदुट्ठो, परिग्गहं कुणइ हणइ बहुजीवे । वसणासत्तो लोही निस्सीलो वच्चए नरयं ॥३९॥ सढ- चित्तो गूढमणो, समग्गपणासणो ससल्लो य । न गणइ परलोयहियं वच्चइ तिरिएसु माइल्लो ॥४०॥ दुट्ठकसाओ कूरो मायाकवडेहिं जो परं मुसइ । पुरिसो वि होइ महिला, दोहग्गकलंकिया दुहिया ॥४१॥ धम्मपरा रिउभावा, गुरुभत्ता सीलगुणसमाउत्ता । महिला वि होइ पुरिसो सोहग्गसुरूवगुणकलिओ ॥४२॥ हयकरहवसहपसवाण कुणइ निलंछणं अहम्मो जो । परभवइ परं वेसो, नपुंसओ होइ दुट्ठमई ॥४३॥ अक्खुदो दाणरओ न कुणइ कोहं न भासए अलियं । मज्झ- त्थमणो बंधइ मणुयत्तं सबजीवहिओ ॥४४॥ दुक्करतवनियमसुसंजमेहिं दुद्धरमहवएहिं च । उवसमगुणेहिं जुत्तो, देवत्तं पावए जीवो ॥४५॥ खवियकसायचउक्को, परिसोसियपुण्णपावपब्भारो । उप्पण्णविमलनाणो, सिद्धिसुहं सासयं लहइ ॥४६॥ इय संखेवेण मए तुह कहियं पुण्णपावफलमेयं । इण्हिं जह तत्थ तए पत्तं दुक्खं तह सुणेहि ॥४७॥

१ द्वेष्यः ।

णिवचंदगु-  
त्तपडिबो-  
हअनामो  
छट्टुहेसो ।



॥ २२ ॥

तहाहि—इत्तो तं तइयभवे, जंबूद्दीवस्स भारहे वासे । वेयड्ढसेलसिहरे दाहिणसेढीइ रम्माए ॥४८॥ नयरंमि गगण-  
वल्लहनामे रम्मंमि अमरनयरिव । अमियगई तत्थ निवो, देवी जयसुंदरी तस्स ॥४९॥ ताण य कमेण जाया विजया-  
नामेण तंऽऽसि वरधूया । जणजणियचमुक्कारा, वरजोवणरूवलायणा ॥५०॥ उत्तरसेढीइ पुणो, सुरम्मनयरीइ सहिसगा-  
संमि । वच्चंतीए कइया कुकुडसप्पो तए दिट्ठो ॥५१॥ उप्पण्णकोउयाए तुमए संधियसराए मूढाए । अवसउणुत्ति कलंतीइ  
तिक्खवाणेण सो पहओ ॥५२॥ मरिऊण समुप्पण्णो, भरुयच्छपुरंमि सप्पजीवो सो । मिच्छो अतुच्छपावो तुच्छमई  
मच्छरच्छण्णो ॥५३॥ जं च तए सो कुकुडसप्पो निहओ गयावराहो वि । कमेण तेण मिच्छेण तेणं तं सवलिया  
निहया ॥५४॥ अह अन्नया कयाई तत्थ य वेयड्ढसेलसिहरंमि । सिरिरयणसंचयपुरे, सुवेगविज्जाहरनिवेण ॥५५॥  
सिरिसंतिनाहभवणे, पूया काराविया अइसुरम्मा । तत्थ य तुमं पि दट्ठुं, सपरीवारा गया संती ॥५६॥ पिच्छंती जिणपूयं  
सहसा जं पुलइयाऽऽसि भावेण । जिणधम्मबोहिबीयं, तेण तए अज्जियं तइया ॥५७॥ तह तत्थ जिणाययणे पूयं दट्ठुं तया  
समिंतीणं । पहखिन्नसाहुणीणं, दुक्करतवचरणनिरयाणं ॥५८॥ विहियं वेयावच्चं, जं च तए सुद्धभत्तपाणेहिं । भत्तिब्भर-  
निब्भराए सुस्सूसणं वंदणाईहिं ॥५९॥ तवसओ पुवभवे नवकारो नियमसंजुओ तुमए । इह जम्मे जिणधम्मो जाईसर-  
णेण तह पत्तो ॥६०॥

अवि य—सुरमणुयसिद्धिसुखं, जीवा पावंति जं च लीलाए । तं जिणपूयागुरुनमणधम्मसद्वहणकरणेणं ॥६१॥ भावेण

१ कुकुटजातीयसर्पः ।

सुदेसणा-  
चरियमि

॥ २३ ॥

मुणीण कए वेयावच्चंमि जं हवइ पुण्णं । भरहाहिवं पि बलपोरिसेण तं तुलइ लीलाए ॥६२॥ भणियं जिणेहि सुहबोहि-  
कारणं नवविहं जए पुण्णं । संवेगभावियाणं, समणाणं सावगाणं पि ॥६३॥

तंजहा—वेयावच्चं संघस्स पूयणं जिणकहाए आणंदो । वत्थेण्णपत्तंसिज्जासर्यणासणंसंपयाणाइं ॥६४॥ एयाणं समगाणं  
पुण्णनिमित्ताण तह य अन्नाणं । उत्तमपुण्णनिमित्तं वेयावच्चं जओ भणियं ॥६५॥ पडिभगस्स मयस्स व नासइ चरणं  
सुयं अगुणणाए । न हु वेयावच्चकयं सुहोदयं नासए कम्मं ॥६६॥ अह अन्नदिणे दिट्ठं, दक्खावणमज्झसंठियं तुमए ।  
सिरिरिसहनाहभवणं चउवारं तत्थ रमणीयं ॥६७॥ अह तत्थ सुरवरिंदो सहिओ सुरसुंदरीहिं पिच्छणयं । दिट्ठो तए  
कुणंतो उप्पण्णं कोउयं तुज्झ ॥६८॥ तत्थ ठिया जा पिच्छसि पिच्छणयं जिणहरंमि कयहरिसं । अमरच्छराइ सहसा उक्खि-  
त्तविवित्तकरणाए ॥६९॥ चलणाउ तीइ तुट्ठेवि नेउरं निवडियं तुहुच्छंगे । संगोवियं तए तं अतुच्छमुच्छाभिभूयाए ॥७०॥  
भीया सुरंगणाणं, वरनेउरमुच्छिया तुरियतुरियं । तो गगणवल्लहपुरे, समागया गगणमग्गेणं ॥७१॥ अट्ठवसट्ठा तत्तो,  
विजया विज्जाहरी तुमं मरिउं । भरुयच्छे उप्पन्ना वडरुक्खे सवलिया तुंगे ॥७२॥

भणियं च—अट्ठेण तिरियजोणी, रोहज्झाणेण गम्मए नरयं । धम्मेण देवलोए सुक्कज्झाणेण निव्वाणं ॥७३॥  
तंमि भवे खलु तेणं, नेउररयणावहारदोसेणं । तुह सवलियाओ जाओ विच्छोहो सह सडिंभेहिं ॥७४॥ इत्थंतरंमि राया  
सपच्चए नियसुयाइ पुव्रभवे । सोऊण साहुकहिए विसुद्धसद्धो इमं भणइ ॥७५॥ धम्मोवएसबंधव! भयवं! जाणंति  
नाणिणो सबं । सच्चं जिणिंदधम्मे, न तवस्स दुस्सज्झयं किं पि ॥७६॥ ता भवसमुद्दमज्झे, पडियं जत्तेण मं समुद्धरह ।

णिवचंदगु-  
त्तपडिबो-  
हअनामो  
छट्ठुहेसो ।

॥ २३ ॥

भवजलहिजाणतुलं, संसह जिणदेसियं धम्मं ॥७७॥ भणइ मुणिंदो नरवर!, जइ एवं ता सुणेह अप्पहियं । सुविवेयगुण-  
पहाणा, जिणधम्मपरायणा हुंति ॥७८॥ जस्स न सयं विवेओ, भवसयदुलहं पि सो लहेऊण । कह वि जिणधम्मरयणं,  
हारइ जम्मंधरोरुव ॥७९॥ सो पुण धम्मो दुविहो, जिणेहि भणिओ अणंतनाणीहिं । सिवनयरगमणमग्गो व्व, साहु-  
धम्मो य गिहिधम्मो ॥८०॥ तत्थाइमंमि सावज्जकज्जपरिवज्जणुज्जओ उज्जू । पंचमहवयपवयगुरुभारसमुव्वहणपवणो ॥८१॥  
समिईगुत्तिपवित्तो, अममत्तो सत्तुमित्तसमचित्तो । परपरिवायविरत्तो, अवगयत्तो महासत्तो ॥८२॥ एवं गुणसंजुत्तो,  
गुरुभत्तो कुणइ जो वयं सत्तो । सो अचिरेणं पावइ, सुमग्गलग्गो पवग्गपुरं ॥८३॥ तदकरणासत्तेहिं सावगधम्मो वि  
होइ कायवो । कालेण सो वि सिवसुक्खदायगो सुणसु तं इण्हिं ॥८४॥

तथाहि—तसजीववहनिवित्ती, कण्णालीयाइभासणनिसेहो । परदवपरिच्चाओ, परिहारो परकलत्तस्स ॥८५॥ परिमाणं  
संतपरिग्गहस्स इच्छाइ दुविहतिविहाए । निव! एयाइं अणुव्वयाइं भवजलहिमहणाइं ॥८६॥ दिसिपरिमाणं पढमं,  
वीयं भोगोवभोगमाणं च । जत्तेण वज्जणीओ चउव्विहोऽणत्थं दंडो अ ॥८७॥ सामाइयं च देसावगसियं पोसहो  
चउब्भेओ । साहूण संविभांगो, चउरो सिक्खावयाइं च ॥८८॥ इय दुल्लहपंचअणुव्वयाइं सुगुणवयाइं निव! तिण्णि ।  
सिक्खावयाइं चत्तारि एस खलु सावगो धम्मो ॥८९॥ महुमज्जमंसमक्खणपंचुवरिरयणिभोयणं चयह । जीवाजीव-  
पयत्थे, निसुणेवि करेह सद्दहणं ॥९०॥ तत्थ य जीवा नरवर! दुविहा संसारिणो तहा मुत्ता । संसारिणो य दुविहा,  
तसा य तह थावरा भणिया ॥९१॥ बेइंदियतेइंदियचउरो पंचिंदिया तसा चउहा । भूजलजलणानिलवणपंचविहा थावरा

सुदंसणा-  
चरियम्मि

॥ २४ ॥

जीवा ॥९२॥ मुत्ता पनरसमेया, तित्थे सिद्धा अतित्थसिद्धा य । तित्थगैरठाणसिद्धा अतित्थगरट्ठाणसिद्धा य ॥९३॥ सयमेवबुद्धसिद्धा, अन्ने पत्तेर्यबुद्धसिद्धा य । तह पत्तंबोहिसिद्धा, सलिंगसिद्धा य जे अन्ने ॥९४॥ तह अन्नलिंगसिद्धा, गिहत्थलिंगेण जे पुणो सिद्धा । ईत्थीलिंगे सिद्धा, नरलिंगेणावि जे सिद्धा ॥९५॥ जे य नपुंसगसिद्धा, इक्किक्का इक्कसम-यसिद्धा जे । इक्कसमये अण्णेगे, जे सिद्धाऽण्णेगसिद्धा ते ॥९६॥ एए जीवा जाणह, पंचविहा हुंति तहा अजीवा य । धम्माऽधम्मापुग्गलनहत्थिकाया तहा कालो ॥९७॥ जीवस्स सुहं पुण्णं पावं दुहहेउयं विणिदिट्ठं । पंचिंदियाणि रागो, दोसो वा ओस्सवो एसो ॥९८॥ तह संवरो उ पंचिंदियाणि इच्छानिरोहकरणं जं । तवसा अन्भितरबाहिरेण इह निज्जरा भणिया ॥९९॥ संसारवासकारणकम्माण समुच्चयो हवइ बंधो । सयलसुहासुहकम्माण जो खओ सो पुणो मुक्खो ॥१००॥ नवतत्ताइं नरेसर !, मूलं धम्मस्स हुंति एयाइं । जीवाण रक्खणट्ठा, जाणेयवाइं जत्तेण ॥१०१॥ नाऊण य जीवेहिं, जह-सत्तीए बुहेहिं नियजीवो । पालेयवो सययं, अइरेणं मुक्खकंखीहिं ॥१०२॥ लोयविरुद्धाइं तहा, वज्जेयवाइं सईपयत्तेणं । आवइअणत्थमूलं, हवन्ति धम्मे विरुद्धाइं ॥१०३॥

तंजहा—सगुणाण निग्गुणाण य, निंदा सबाण नेव कायवा । जणपूयाअरिहाणं, वाढं रीढां विवज्जेह ॥१०४॥ रायप-हाणनराणं, वज्जह निंदाइं तह विसेसेण । लोयविरुद्धेण समं संसग्गो नेव कायवो ॥१०५॥ नेय कुठाणनिवासो, देसाचारो न चेव चइयवो । सामत्थंमि उविकखा, गुणिणो वसणे न कायवा ॥१०६॥ इहपरलोयविरुद्धं, रायविरुद्धं च तह य

१ अत्र सप्तमीस्थाने द्वितीया ज्ञेया । २ सप्तमीस्थाने द्वितीया । ३ सइ० शत । ४ निंदा ।

णिवचंदगु-  
त्तपडिबो-  
हअनामो  
छट्टुहेसो ।

॥ २४ ॥



विकहाओ । सुविवेइणा हियत्थं, वज्जेयवं विसेसेणं ॥१०७॥ इयमेवमाइं नरवर!, परिहरणाऽऽसेवणेण जहजुगं । एसो संखेवेणं, गिहिधम्मो तुह मए कहिओ ॥१०८॥ अण्णं पि राय ! निसुणसु, पइदियहं सावएण कायवं । जम्मि कए सत्तीए पयणुतरो होइ संसारो ॥१०९॥

तंजहा—निसिचरिमजामसमए, बुद्धो सुमरित्तु पंचनवकारं । जाइकुलदेवगुरुधम्मसंगयं चिंतए सट्ठो ॥११०॥ तो छविहमावस्सयमणुट्ठिउं अह दिणोदए ण्हाउं । सियवत्थो मुहकोसं काउं पूएइ गिहबिंबे ॥१११॥ सुमरिय पच्चक्खाणं, इट्ठि-जुओ जाइ जिणहरं तत्थ । पविसिय विहिणा पूइय जिणबिंबे वंदए तत्तो ॥११२॥ गंतूण गुरुसमीवे, वंदिय गुरुसक्खियं च संवरणं । काउं निसुणिय धम्मं, ववसायं वज्जइ विरुद्धं ॥११३॥ मज्झणहे पुण काउं, जिणपूयं ढोइऊण नेवेज्जं । पडिला-भइ मुणिवसहे, फासुयएसणियदाणेणं ॥११४॥ साहम्मियवच्छलं, काउं दीणाइयाणमणुकंपं । बहुबीयाइविवज्जियमाहरइ सरिय संवरणं ॥११५॥ देवगुरुं च वंदिय संवरणं काउं कुणइ सज्झायं । इगभत्तो पुण सट्ठो, भुंजइ दिवसट्ठमे भागे ॥११६॥ संझासमए गिहचेइयाइं पूइत्तु पुण वि वंदेइ । विहियावस्सयकम्मो, सज्झायं कुणइ सुहभावो ॥११७॥ नियमाणु-साण तत्तो जहारिहं धम्मदेसणं कुणइ । पायं विसयविरत्तो पव्वदिणे पालए सीलं ॥११८॥ कयचउसरणगमाई, सावज्जं चइय गंठिसहिणं । पंचनमुक्कारपरो, सेवइ थेवं तओ निहं ॥११९॥ निहाविगमे चिंतइ, किंपागफलोवमं विसयसुक्खं । तह सिवपुरगमणरहे, चारित्तमणोरहे कुणइ ॥१२०॥ एवं पइदिणकिरियं, कुणमाणो माणवो विगयमाणो । गिहवासे वि वसंतो,

१ प्रतनुतरः—अल्पतर इति । २ प्रत्याख्यानम् ।

सुदंसणा-  
चरियम्भि

॥ २५ ॥

आसणं कुणइ सिवसुक्खं ॥१२१॥ इय सोउं गिहिधम्मं, पडिवज्जइ चंदगुत्तनरनाहो । तह विसयसुक्खविमुहा, सुदरि-  
सणा सीलवइसहिया ॥१२२॥ देसविरईअसत्ता सत्ता गिण्हंति के वि सम्मत्तं । महुमज्जमंसविरईपमुहे य अभिगगहे के वि  
॥१२३॥ इय पडिबोहिय भवे, चारणसमणो तओ समुप्पइओ । नंदीसरवरदीवं पइ चलिओ गयणमग्गेणं ॥१२४॥ इय  
सुदरिसणकहाए बुहकइरवसरयससिकलनिहाए । छट्ठुहेसो निवचंदगुत्तपडिबोहओ भाय ! ॥१२५॥ [ इय छट्ठुहेसो ]  
अह सत्तमुहेसो ।

अह सा पुणरवि नमिउं सुदरिसणा सविणयं भणइ जणयं । काउं महापसायं भरुयच्छे मं विसज्जेह ॥१॥ जं तत्थ  
ताय ! पायं मुणिणो गुणिणो सया वि सेविस्सं । तत्थ य मणिरयणमयं जिणभवणमवि कराविस्सं ॥२॥ सोऊण इमं रणणा  
दाऊण पारितोसियं सुबहुं । धूयाइ कलायरिओ विसज्जिओ सो नियावासं ॥३॥ उल्लसियविवेएणं जिणवयणामयपवित्तचि-  
त्तेणं । संभासिऊण उच्चियं पुरोहिओ पेसिओ सगिहं ॥४॥ तह सक्कारिय बहुयं सामंताईजणं पि पट्टविउं । परिमियसहा-  
निविट्ठो नरनाहो भणइ धणंनाहं ॥५॥ एसा मह पियधूया सुदरिसणा जीवियस्स अब्भहिया । अप्पत्तविओयदुहा अदि-  
ट्ठपरमंडलाचारा ॥६॥ अमुणियविएसभासा अदिट्ठवसणा अमुक्कसहिसयणा । अण्णुभूयवमाणा कयसम्माणा सया सुहिया  
॥७॥ ता कह भरुयच्छे उसभदत्त ! बाला गमिस्सए एसा । सुहलालिया य सययं सिरीसकुसुमं व सुकुमाला ? ॥८॥  
ता तुज्झ मए सवायरेण एसा समप्पिया भइ ! । कुसलेण जहा वच्चइ तत्थ तुमं तह करिज्जासु ॥९॥ अह उसभदत्तवणिणा

१ ऋषभदत्तश्रेष्ठिनम् । २ अण्णुभूय० अनुभूत—अज्ञात इति ।

सिरिचंद-  
लेहदेवीप-  
डिबोहअ-  
नामो सत्त-  
मुहेसो ।

॥ २५ ॥

भणियं एवं ति किं पुणो सामि !। पूर्ईज्जंति जणेणं गुणिणो सबत्थ जत्तेणं ? ॥१०॥ रण्णुंभवं पि कुसुमं वज्झइ सीसेण सुर-  
हिगंधं । उज्झिज्जइ अविसंकं नियअंगसमुब्भवो वि मलो ॥११॥ एसा य पुणो दढसीलरयणकवयाऽवंगूहियसरीरा । नवका-  
रपहावपणदुदुसबोवसग्गगणा ॥१२॥ अवगयसमग्गतत्ता विसयविरत्ता सुधम्मपरिरत्ता । तियसगणाण वि पुज्जा सुदंसणा  
ताव सयमेव ॥१३॥ किं पुण एसा वरसीलसालिणी सामिसाल ! सीलवई । जियसत्तुभाइणेई सहाइणी तुज्झ धूयाए ? ॥१४॥  
सुकयपढमोवयारं सीलवईए सुणेवि बुत्तंतं, तुज्झोवरि सप्पणओ हविस्सए रायजियसत्तू ॥१५॥ ता मा करेह खेयं सो  
सुदरिसणाइ सबमवि काहिइ । धम्मपरो य कयणू साहम्मियवच्छलो राया ॥१६॥ सीलवई सप्पणयं निवेण संभासिउं  
इमं भणियं । तुम्ह सकज्जं एयं अम्हेहि न किंपि भणियवं ॥१७॥ इय जाणिऊण एयं जइवि सुदुक्खं ठिया तुमं इत्थ ।  
तहवि समीहियकज्जे सहाइणी हुज्ज बालाए ॥१८॥

अवि य—तुंगा वि वसणपडिया हयप्पयावा हवंति किं चोज्जं ? । तुंगयरमणुसरंता माणं पावंति भाणुव ॥१९॥ भणियं  
सीलवईए पुणो पुणो कह नरिंद ! तज्जेसि । एसा कुसलपउत्ती थोवदिणेहिं पि निसुणेसि ? ॥२०॥ ता वच्चउ एसा नरव-  
रिंद ! सुहयं समीहियं कुणउ । सयसुक्खदुक्खियाए इमाए पढमं हविस्सामि ॥२१॥ इय गमणिक्कमणाए धूयाए सब-  
निबुइं काउं । आएसिऊण तह पवहणाहिवं उट्ठिओ राया ॥२२॥ तो उस्सभदत्तसहिओ पढमं काऊण मज्जणं सुहयं ।  
देवच्चणं च विहिणा करेइ तं मुणिवरुद्धिं ॥२३॥ उचियं देवि दाणं सुहेण सुहभोयणं च काऊणं । जा ठाइ सिट्ठिसहिओ

१ अरण्योद्भवम् । २ अवंगूहिय० आलिङ्गित । ३ स्वामिश्रेष्ठ ! । ४ सम० प्रत्यन्तरे इत्यपि दृश्यते । ५ देह० इत्यपि ।

सुदंसणा-  
चरियम्मि

॥ २६ ॥

अक्खित्तो धम्मवत्ताहिं ॥२४॥ ता तुरियतुरियमहसमयघडियपहरेहिं निज्जियपयावो । आवइपडिओ व रवी अवरदि-  
सासंरणमावण्णो ॥२५॥

अवि य—मउलिज्जंति समाणं सूरवसणेण पंकयवणाइं । अहवा नियपहुविरहे झिंझइ विहवो किमच्छरियं ? ॥२६॥  
कत्थइ सउणकुलाइं सुपत्तच्छायादुमे निलुक्कंति । अहवा सया वि ठाणं हवंति सउणाण जे तुंगा ॥२७॥ नासियरविकरविहवो  
पसरइ घणकसिणतिमिरसंघाओ । जह मिच्छत्तपवाहो सम्मत्तज्झाण विप्फुरइ ॥२८॥ इत्थंतरम्मि विमलेण गोसंमूहेण तिमिर-  
मवणितो । कुवलयआणंदयरो सुगुरुव समुग्गओ चंदो ॥२९॥ पुढावरदिसिपसरंतचंदजुण्हा पयासए गयणं । उभयकुलुज्जो-  
यकरी निम्मलसीला सुनारिब ॥३०॥ वियसंति ससिकरासासियाइं कुमुयाइं लद्धविहवाइं । अहव पहुदंसणाओ पावइ सबो वि  
खलु रिद्धिं ॥३१॥ इय एरिसरयणिसमागमम्मि देवीइ चंदलेहाए । गुरुमोहमोहियाए सुदरिसणा सायरं भणिया ॥३२॥ कुल-  
देवयाइ दिण्णा मज्झ तुमं पुत्ति ! गरुयपुण्णेहिं । निरुवमरूवाइगुणे मणोरहे सुयणु ! पूरेहि ॥३३॥ अज्जवि न तुमं सुवयंसियाहिं  
सह विउलभवणरत्थासु । दिट्ठा मए किसोयरि ! कंदुयकीलाइ कीलंती ॥३४॥ अज्जवि कयसिंगारा न मए दिट्ठा वसंतमा-  
सम्मि । पियसहयरीहिं सहिया मज्जणजलभिण्णमुहसोहा ॥३५॥ अज्जवि न मए परिणयणलच्छिवच्छंकिया ससिंगारा । दिट्ठा  
दाणं दिंती थुबंती वंदिविंदेहिं ॥३६॥ ता मा वच्चसु वच्छे ! एयं सबं पि तुज्झ साहीणं । अण्णं पि जं दुसज्झं तं सबं तुज्झ  
साहेमि ॥३७॥ भणियं सुदरिसणाए मणुयत्तं जइवि सबगुणकलियं । तहवि जिणधम्मरहियाण निप्फलं रण्णकमलं व ॥३८॥

१ मरणमावण्णो इत्यपि पाठः । २ क्षीयते । ३ सगुणानाम् । ४ जड० त्यक्त । ५ किरणसमूहेन, सुगुरूपक्षे तु वाणीसमूहेन ।

सिरिचंद-  
लेहदेवीप-  
डिबोहअ-  
नामो सत्त-  
मुद्देसो ।

॥ २६ ॥

अण्णं च—अम्मो ! चिंतसु सम्मं बालत्ते जुवणम्मि बुद्धत्ते । असुइआणिच्चयरम्मि एयम्मि य मणुयजम्मे वि ॥३९॥  
 तद्वा हि—असुइविलित्तसरीरो पयपाणाउलियवयणदुगंधो । मच्छीहिं भणिहिणंतो कह धम्मं कुणइ बालत्ते ? ॥४०॥  
 विसयासत्तो सत्तो वामारत्तो सुभोगगयचित्तो । परधणदारपसत्तो विसयमहाजलणसंतत्तो ॥४१॥ नवजोबणमयमत्तो जीवो  
 संसारदुक्खमगणंतो । अलहंतो विरइसुहं कह धम्मं जोवणे कुणइ ? ॥४२॥ बुद्धत्तणे वि बालुव वयणलालाविलीणसवंगो ।  
 जंपइ ललविललं गयदंतो कंपियावयवो ॥४३॥ सहिज्जंतो य पुणो पुणो वि कह कहवि देइ पडिवयणं । बहुविहवगंघओ  
 ईसरो व बुद्धत्तणे पुरिसो ॥४४॥ जरजजरियसरीरो पुत्तायत्ताइ सयलरिद्धीए । अगणिज्जंतो नियपरियणेण कह कुणइ सो  
 धम्मं ? ॥४५॥ अम्मो ! एरिसदोसा हवंति मणुयत्तणस्स पच्चक्खा । ता जोवणे वि धम्मो किज्जइ इच्छानिरोहेणं ॥४६॥ जम्मे  
 जम्मे जीवो अविस्संतो लहइ सुक्खदुक्खाइं । सासयसुहं न पावइ जम्मणमरणेहि अक्कंतो ॥४७॥ अण्णं पि तुमं निसुणसु  
 कुटुंबवासं ठिओ जणो मूढो । अण्णुण्णं पि न याणइ गयागइं अत्तणो जम्हा ॥४८॥

तंजहा—देवाणं को वि चविउं समागओ कोवि नरयवासाओ । तिरियगईए अण्णो अण्णो इह मणुयवासाओ ॥४९॥  
 आहारवत्थभूसणसयणासणलाहलोहंनडियाइं । गुरुमोहमोहियाइं निवसंति कुटुंबवासम्मि ॥५०॥ वच्चंति पुरो मरिउं खणं  
 पि न रहंति अण्णमण्णस्स । नियकम्मनियलियाइं पुणो वि जो जत्थ सो तत्थ ॥५१॥ माया मरेवि धूया धूया माया

१ 'आडलिअ' आकुलित । २ गव्विओ इत्यपि पाठः । ३ अविसन्नो इत्यपि । ४ णडिअ० वञ्चित ।

सुदंसणा-  
चरियम्भि

॥ २७ ॥

पिया वि पुण पुत्तो । पुत्तो मरेवि जणओ उप्पज्जइ कम्मदोसेण ॥५२॥ बंधू वि रिऊ सत्तू वि बंधवो नियसुओ वि भत्तारो । भत्तारो वि हु पुत्तो मरिऊण हवेइ कम्मवसा ॥५३॥

अवि य—अइगरुयकिलेसावज्जिओ वि अत्थो सया विरोहकरो । पयमेगं पि असारो न वच्चए सह मरंतेहिं ॥५४॥ सुयणा वि मरणकाले सकज्जनिरया परम्मुहा ठंति । पुत्ता वि अत्थलुद्धा कुद्धा गेहं विलुंपंति ॥५५॥ ससिणेहा वि सभज्जा होहिति अमंगलं च मण्णंती । न छिवइ मयपइदेहं गवेसए अत्थठाणाइं ॥५६॥ ता मा करेह खेयं असारदेहेण सारम-प्पहियं । जं किज्जइ तं लाहो भाडयकयसगडतुल्लेणं ॥५७॥ अथिरेण थिरो समलेण निम्मलो परवसेण साहीणो । देहेण जइ विढप्पइ धम्मो ता किं न पज्जत्तं?! ॥५८॥ ते धण्णा जे निज्जियसुरवहुरूवाहि तरलनयणाहिं । मोहिज्जंति न मणवल्लहाहि रइकुसलदइयाहिं ॥५९॥ ते धण्णा पंचिंदियतुरंगमे जे तिगुत्तिवग्गाए । संतोसमहानंदणवणम्मि खंचेवि धारंति ॥६०॥ ते धण्णा जे कामगइंदवियडकुंभत्थलं दलेऊण । बंभवयनियमसहिया कुबंति तवं महासत्ता ॥६१॥ ते धण्णा जे चउविहक-सायजलणं खमाइसलिलेणं । विज्झविऊणासेसं कुणंति कम्मक्खयं खिप्पं ॥६२॥ ते धण्णा रागदोसमोहदिढपांसबंधणं निविडं । संसारकारणं तोडिऊण वच्चंति परमपयं ॥६३॥ ता नूणमिणं मुणिउं मए वि जरमरणवाहिभीयाए । धम्मो सिव-सुहकारणमणुसरियवो पयत्तेणं ॥६४॥ जइ मह उवरि सिणेहो अम्मो ! ता जिणहराइं कारिज्ज । दाणं च देज्ज विविहं जीवेसुं दयालुया होज्ज ॥६५॥ मुत्तुं जिणिंदधम्मं न य सुयणो को वि कस्स संसारे । अत्थवसा सैयणजणो ससिणेहो होइ

१ उपाज्यंते । २ पावबन्धणं इत्यपि । ३ सयलजणो इत्यपि ।

सिरिचंद-  
लेहदेवीप-  
डिबोहअ-  
नामो सत्त-  
मुहेसो ।

॥ २७ ॥

लोहेण ॥६६॥ इय जा जणणिं बाला पडिबोहइ धम्मसारवयणेहिं । ता वीणासंखपहायतूरसदो समुच्छलिओ ॥६७॥  
जयजयसदो मागहजणेण भट्टेहि कवनिग्घोसो । विहिओ वरवारविलासिणीहि सुहमंगलुगारो ॥६८॥ इत्थंतरम्मि तक्का-  
लसमुचियं हियकरं च भवियाणं । एगेण मागहेणं पढियं कालण्णुणा एवं ॥६९॥ दिणरयणिघडियपहरच्छलेण मणुयाणं  
आउयं गलइ । इय जाणिऊण तुरियं सुधम्मकम्मुज्जया होह ॥७०॥ नक्खत्तकुमुयलच्छी मउलिज्जइ मंउलियम्मि रयणियरे ।  
अहव सकलंकसंगेण परिहवो होइ किं चुज्जं ? ॥७१॥ रविकरनियरोसारियतिमिरं संचरइ गिरिवरगुहासु । सरणं पत्तं खुदं  
पि अहव रक्खंति जे गरुया ॥७२॥ दिणयरकरनियरासासियाइं वियसंति कमलसंडाइं । अवियप्पं होइ फलं अहवा पडि-  
वण्णनिब्वहणे ॥७३॥ जाए पहायसमए पुबनिउत्तेण कडयवालेण । दिण्णा पयाणढक्का घुट्टं वेलाउलाभिमुहं ॥७४॥ लहु  
सण्णज्जंति भडा तुरया पुरिसेहिं पक्खरिज्जंति । सज्जिज्जंति रहवरा गज्जंति गया गुडिज्जंता ॥७५॥ इय सण्णद्धे कडए राया  
देवच्चणं करेऊण । लहु उसभदत्तसहिओ आरूढो संदंणे सुहए ॥७६॥ तह चंदलेहदेवी उच्छंगठियाए नियधूयाए ।  
सीलवईए सहिया सिबियारयणे समारुहिया ॥७७॥ रायकुमारा सत्त वि मंतियणो वरविलासिणीनिवहो । सबो वि नयर-  
लोओ सुदरिसणाए समं चलिओ ॥७८॥ तूररवपसरकलयलरवेण पूरंतओ सयलभुवणं । पुरजणपरियणसहिओ पत्तो वेला-  
उले राया ॥७९॥ सबो सबत्थ सुवित्थरेण सुपएसकयसुहावासो । गुडुरगुलणियपडमंडवेहि आवासिओ लोओ ॥८०॥ इत्थं-  
तरम्मि निज्जामएण पत्थावमुवगयं पहुणो । विण्णत्तं निव ! पउणीकयाइं वरपवहणसयाइं ॥८१॥ सोऊण तस्स वयणं नरनाहो

१ लोयम्मि इत्यपि । २ मुकुलिते-सङ्कुचिते इति । ३ गया गुडिज्जंति नज्जंता इत्यपि पाठः । ४ रथे ।

सुदंसणा-  
चरियम्मि

॥ २८ ॥

उसभदत्तधणवइणो । मुत्तूण सवदाणं पउरं पडिपाहुडं देइ ॥८२॥ वररयणकणयकप्पूरवत्थहरियंदणाइदाणेहिं । तं पूइ-  
ऊण सिट्ठिं समप्पिया तस्स नियधूया ॥८३॥ मंकणयनेत्तपट्टनियवत्थदोछडियपडियपट्टाणं । एगं बोहित्थसयं भरियं धूयाकए  
रणा ॥८४॥ मयणाहिनिक्कप्पूरचीणपट्टंसुयाइं वत्थाइं । कुंकुमकालागुरुपउमसाररयणाइं खविऊण ॥८५॥ पवहणसयाइं  
रणा तिण्णेव य कणयरयणभरियाइं । एगम्मि तहा पवहणसयम्मि विण्णाणिया चडिया ॥८६॥ घयतेलसस्सवत्थिधणाण  
वाणियगदासचेडाणं । गायणवायणसुविलासिणीणं पवहणसयं एगं ॥८७॥ एलाकंकोलतमालपत्तपोप्फलसुनालिकेराणं ।  
खजूरदक्खजाईफलाण खरकुल्लिया तीसं ॥८८॥ नारायकुंतमुग्गरसवल्लतूणाखुरप्पखग्गाणं । सण्णाहकवयसण्हियाण  
बावीस वेदुल्ला ॥८९॥ सण्णद्धबद्धकवयाण भिच्चसामंतमंतिसुहडाणं । आवत्ता तीस सुपंडियाण पउणीकया रणा ॥९०॥  
जंपाणसुहासणखट्टतूलिचाउरिमसूरियाणं च । अट्ट खुरप्पा गुड्डुरगुलणियपडमंडवाणं च ॥९१॥ बहुकणयरयणनित्तंसुयप्पमु-  
हपाहुडाण पउराणं । जियसत्तुनिवस्स कए निरुविया पंच खरकुल्ला ॥९२॥ कप्पूरदक्खचंपयहरियंदणजाइपोप्फलितरूणं ।  
खुरप्पाणं पंच तह पवहणाइं सुभरियाइं ॥९३॥ इय सत्तसयाइं पवहणाइं धूआकए नरिंदेण । पउणीकयाइं धणकण-  
यवत्थरयणाण भरिऊण ॥९४॥ इय एवमाइं सव्वं सुदरिसणा सज्जियं मुणेऊण । विहियकरयंजलिउडा संभासइ सविणयं  
जणयं ॥९५॥ जं तुज्झ मए न कओ विणओ दुल्ललियगोट्टिरसियाए । तं खमसु मज्झ सव्वं अण्णाणघरं खु बालत्तं ! ॥९६॥  
अम्मो ! तुमं पि हु मए गब्भप्पभिइं पि जं किलेसविया । तं खमसु मज्झ जम्हा पडिउवरिउं न सक्कामि ॥९७॥

१ पौरम् । २ मयणाहि० मृगनाभि-कस्तूरी, मयणित्त० मृगनेत्र-गोरोचन-पीतवर्णद्रव्यविशेष । ३ प्रवहणविशेष । ४ सव्वल० बच्छा । ५ प्रवहणविशेष ।

सिरिचंद-  
लेहदेवीप-  
डिबोहअ-  
नामो सत्त-  
मुहेसो ।

॥ २८ ॥



अवि य—जणणीइ पसवसमए जं दुक्खं होइ नारयाणं च । तस्स न लक्खंसेणावि इमाइं खलु सब्बदुक्खाइं ॥९८॥  
 आजम्मं सुकयं पि हु एगस्स वि जणणिगब्भसूलस्स । न समं संपइ अम्हाणं तं पि न हु मंदउण्णाण ॥९९॥ सुणिऊण तीइ  
 वयणं गलंतनयणंसुसित्तवच्छयलो । जंपइ राया वच्छे ! पुणो तुमं कत्थ दीसिहिसि ? ॥१००॥ तुह दीहविओयजलंतजलण-  
 डज्झंतयस्स मह तणुणो । विज्झवणत्थं पुण तुज्झ दंसणामयरसं कत्तो ? ॥१०१॥ जणणी वि माणमुग्गरगरुयपहाराहयव  
 सहसावि । वियलंतसव्वगत्ता धसत्ति धरणीयले पत्ता ॥१०२॥ चंदणजलेण सित्ता सुहुमानिललद्धचेयणा देवी । भणिया  
 सीलवईए अमंगलं कुणह मा सुयणु ! ॥१०३॥ धूयाविओयहुयवहधूमसिहाउलियवयणनयणाए । कह कहवि चंदलेहाइ  
 जंपियं गग्गरगिराए ॥१०४॥ जइवि मह सत्तपुत्ता तहवि तुह विरहजलणजलियाइं । अंगाइं तुज्झ संगमजलेण कह विज्झ-  
 विसंति ? ॥१०५॥ भणियं सुदरिसणाए अम्मो ! मा तुमं पुणो पुणो रुयसु । एसा धाईकमला लहु एसइ कुसलकहणत्थं  
 ॥१०६॥ तो सीलवई आलिंणिऊण देवीइ सायरं भणिया । सुंदरि ! नासो व मए समप्पिया एस तुह धूया ॥१०७॥ अह  
 सप्पणयं देवी जंपिया कहवि सीलवईयाए । अज्ज समप्पइ नेहो एयं पुण दंसणं दुलहं ॥१०८॥ वज्जघडियं व पियसहि !  
 मह हिययं जं न जाइ सयखंडं । तं अज्जवि तुज्झ विओयपउरदुक्खं सहेयवं ॥१०९॥ तुम्हम्ह दीहविरहग्गिजालिओ कुवल-  
 यच्छि ! नेहदुमो । दुक्खिखधणसंजलिओ अविस्संतो डज्झइ वराओ ॥११०॥ एयारिसं असारं संसारं मुणेवि दुक्खभंडारं ।  
 सारे जिणिंदधम्मे समुज्जया हुज्ज सुयणु ! तुमं ॥१११॥ एयारिससुहैयसुहासिएहिं संभासिऊण सा देवी । खामेवि नयरलोयं

१ न्यास इव । २ अतिसरलो इत्यपि । ३ सुखदसुभाषितैः ।

सुदंसणा-  
चरियम्मि

॥ २९ ॥

सीलवई पवहणे चडिया ॥११२॥ नियजणणिजणयबंधवनयरजणं सहियणं च खामेवि । सीलवईए सहिया सुदंसणा  
तत्थ आरुहिया ॥११३॥ सा तत्थ सहई सुहया सीलवईए समं सुहमईए । पवरविमाणारूढा लच्छिव सरस्सईइ समं  
॥११४॥ सिट्ठी य उसभदत्तो नरवइणो चंदलेहदेवीए । विणएण कयपणामो चडिओ नियए गरुयपोए ॥११५॥ इय  
पुणरवि पुण दंसणपणामजणियजणमणचमुक्कारा । रायसुया भरुयच्छे सिंहलदीवाओ संचलिया ॥११६॥ इय सुद-  
रिसणकहाए बुहकप्पलयाइ मंडवनिहाए । सिरिचंदलेहदेवीविबोहओ सत्तमुद्देसो ॥११७॥ [ इइ सत्तमुद्देसो ]

अह अट्टमुद्देसो ।

इत्तो भाउय ! काहलकंसालहुडुक्कढक्कभेरीणं । भंभामउंदमदलपडुपडहपवंचिपणवाणं ॥१॥ वाइज्जंताण तहा पूरिज्जंताण  
जमलसंखाणं । उच्छलिओ गहिररवो जयजयरवपूरियदियंतो ॥२॥ गायंति महुरसरगायणाउ गेयं चउबिहं सुहयं । नच्चंति  
सारसिंगारसंगया चारुतरुणीओ ॥३॥ अह तेसु पवहणेसुं सज्जा निज्जामया करिज्जंति । उब्भिज्जंति महंता कूयखंभा  
गयणलगा ॥४॥ ताडिज्जंति सिढवरा संसारिज्जंति हरिणिगंठीओ । हरिणीओ बज्झिज्जंति उक्खिविज्जंति नंगरया ॥५॥  
धवलधयचिंधचमरा उब्भीकिज्जंति बहुसियपडाया । तह सुहुमवाउवट्टा वित्थारिज्जंति घणवण्णा ॥६॥ निज्जामएहिं बहुसो  
दिवसे दक्खेहिं दिसिविदिसिभाओ । जोइज्जइ धुवचकं निसाइ तह निच्चलं सययं ॥७॥ संकेयलक्खणत्थं परुप्परं तह य  
किण्हरयणीए । दरिसिज्जंति पुणो पुणो लोयाणं जल्लणसरियाओ ॥८॥ अप्फालिज्जंति तूरं कत्थइ गुरुमच्छमगरभयज-

१ राजते । २ ज्वलणसरिकाः—अग्निविशेषकी मालायें दीवाडांडियो इति भाषायाम् ।

विजयकु-  
मारसरूव-  
प्परूवग-  
नामो अट्ट-  
मुद्देसो ।

॥ २९ ॥

णणं । चोरवहणाइं दट्ठं वहणाइं पक्खरिज्जंति ॥९॥ पुविं कयसम्माणा तह तज्जिज्जंति सुहडसंघाया । संसिज्जंति पुणो जे निवडिया समरसंघट्टे ॥१०॥ सण्णद्धवद्धकवया रणरसिया उल्लसंतमुहसोहा । तिक्खाइं आउहाइं खिप्पं गिण्हंति नियय-  
करे ॥११॥ तह पंजरेसु के वि खंभग्गठिएसु आरुहंति भडा । दट्ठं नट्टे तक्करवहणे तह हुंति सुत्थमणा ॥१२॥ निज्जामएण भणिया सव्वे सवायरेण भिच्चगणा । नियनियवहणेसु दढं नियनियकिच्चेसु लगंति ॥१३॥

तहा हि—मुच्चंति के वि हरिणीओ के वि सारंति हरिणिगंठीओ । के वि गंभिह्ला आवलगाइं वाहिंति अणवरयं ॥१४॥ वत्तवईवयणेणं पवहणच्छिड्डावलोयणत्थं तु । खारवेया पुणो पुण बुडुंति जले तरणनिउणा ॥१५॥ सुक्काणगाइं चालिंति के वि सुंकाणकिरियनामाणो । अण्णे पुण कम्मयरा कुणंति गामत्तमपमत्ता ॥१६॥ इय दाहिणपवणाउरियाइं जणनिवहजणि-  
यसुक्खाइं । निज्जियवाणगइपवहणाइं गच्छंति निव्विग्घं ॥१७॥ गुरुलहरिमच्छकच्छवभुयंगजीवाइसंकुलं रुढं । दट्ठूण समुदं भणइ निवसुया सीलवइ ! अम्मो ! ॥१८॥ संसारु व समुदो दुत्तारो दुस्सहो दुरालोओ । दुरहिगमो दुक्खनिही विउयह धीराण खलु सुतरो ॥१९॥ अह पिसुणो व सकलुसो दुप्पडियारो जडत्तकयसंगो । रुदो अलद्धमज्झो अणोवयारी य विसनिलओ ॥२०॥ एयारिसं समुदं रुढं जा सा सुदंसणा नियइ । ता तम्मि विमलसेले बेडादंडो लहुं पत्तो ॥२१॥ खलिऊण इत्थ ते पवहणाइं निज्जामएण आइट्ठा । इंधणजलस्स तुरियं चडिया कम्ममारया सेले ॥२२॥ भणियं रायसुयाए अम्मो ! सीलवइ ! उयहिमज्झम्मि । वणसंच्छण्णो दीसइ को एसो पवओ रम्मो ? ॥२३॥ सीलवईए भणियं वच्छे ! विज्जा-

१ कर्णधाराः । २ जहाजके आगेका ऊंचा काष्ठ, गुजरातीमें 'सुकान' । ३ वित्थ । ४ प्रवहणसैन्यम् । ५ कर्मकारकाः ।

सुदंसणा-  
चरियम्मि

॥ ३० ॥

हरेण हरिऊण । मुक्काऽहं जत्थ पुरा सो विमलगिरी इमो पयडो ॥२४॥ तं निसुणिऊण भणियं तीए जइ एवमंब ! अविलंबं । ता दट्टवो एसो सो य पएसो विसेसेण ॥२५॥ तो सीलवइसमेया कमलाए खंधदेसमणुलगा । चडिउं तं विमलगिरिं सुदंसणा नियइ चउपासं ॥२६॥

सो य केरिसो ?—निज्झरझरंतसलिलप्पवाहझंकारतसियगंधवो । गंधवविसंरमहुरसरहरियसुरजुवइमणभावो ॥२७॥ मणभावुलसियपणच्चमाणसुरजुवइरम्मसुपएसो । सुपएससीणमहोरगंगणागेयरमणीओ ॥२८॥ इय विज्जाहरसुरसिद्धजक्ख-गंधवकयनिवासम्मि । सा कमलाइ समेया रायसुया भमइ जा तत्थ ॥२९॥ ता एगम्मि पएसे फुरंततवतेयतुलियतरणिकरो । सोमत्तसुकंतीहिं अहरीकयसरयनिसिनाहो ॥३०॥ रुवविणिज्जियमयणो धम्मज्झाणट्ठिओ मुणी एगो । सहसत्ति तीइ दिट्ठो उवविट्ठो वरसिलावट्ठे ॥३१॥ दट्ठूण तं मुणिंदं सा तुट्ठा कमलिणिव दिणनाहं । चिंतइ एस महप्पा कोइ इमं तवइ तिब-तवं ॥३२॥ नासगनिसियनयणो उवसग्गपरिसहेहिं अक्खोहो । देहे वि निम्ममत्तो अहरीकयमोहमाहप्पो ॥३३॥ धण्णाऽहं जीइ मए इह सेले सेलरायथिरचित्तो । सुरअसुरपूयणिज्जो महामुणी जं इमो दिट्ठो ॥३४॥ इय चिंतिय विहिसारं सा तं पणमित्तु ठाइ जा पुरओ । संवरियज्झाणमुणिणा ता दिण्णो धम्मलाभो से ॥३५॥ भणियं मुणिणा भदे ! सुदंसणे ! मुणियपुव्वनियजम्मा । भरुयच्छे मुणिवंदणकए तुमं संपयं चलिया ॥३६॥ रायसुयाए भणियं भयवं ! एवं ति विम्हियमणाए ।

१ विसर० समूह ।

विजयकु-  
मारसरूव-  
प्परूवग-  
नामो अट्ठ-  
मुदेसो ।

॥ ३० ॥

सयलजयजीवभावं पि नाणिणो अहव जाणंति ॥३७॥ संसेह मह पसायं काउं वयगहणकारणं निययं । रयणायरस्स मज्झे समागओ कह व तं इत्थ ? ॥३८॥

अवि य—इय एरिसनवजुवणसिरीए सबंगदिप्पमाणो वि । निम्मलतवरयणफुरंतलच्छिवच्छंकिओ कीस ? ॥३९॥ लायण्णाऽमयंसोहगगरूवनिजिणियमयणरूवो वि । कंदप्पगइंदंकुससरिसं कह वहसि चारित्तं ? ॥४०॥ तवसिहिपज्जालियपावपुंजवरनाणलद्धमाहप्पो । अह भणइ मुणी भहे ! जइ एवं तो निसामेह ॥४१॥ सबो वि विसयविसहरकरालदाढगडसियवच्छयलो । विसयविसघारियंगो निवडइ विसमाऽऽवइकडिल्ले ॥४२॥ तह पावेइ सुदुक्खं हवंति गुरुवेयणाउ दुक्खेणं । गुरुवेयणाविसण्णो वेरग्गं वच्चए जीवो ॥४३॥ वेरग्गाउ सुवोहो हवइ विवेओ सुवोहमइज्जणओ । सुविवेयभावियमई जीवो जिणधम्ममणुसरइ ॥४४॥ सो पुण धम्मो दुविहो जइधम्मो दसविहो समाइट्ठो । बारसविहो य भणिओ सावयधम्मो जिणिदेहिं ॥४५॥ घरवाससंठियाणं भोगासत्ताण कत्थ परलोओ ? । इय भाविऊण सम्मं गिण्हंति तवं महासत्ता ॥४६॥ एवं संखेवेणं विसयविवागो मए समक्खाओ । विसयासत्ता सत्ता दुक्खं पावंति जह सुणसु ॥४७॥

तंजहा—अत्थित्थ भरहवासे कुणालनयरी जयम्मि सुपसिद्धा । जीए जिणचलणकमलंकिया धरा सरइ सक्को वि ॥४८॥ तत्थ नरिंदो दुवारवइरिवारणणिवारणमइंदो । सुयणजणकुमुयचंदो अहवमल्लो जए पयडो ॥४९॥ तस्स पिआ कमलसिरी चंदुज्जलविमलसीलवयसोहा । इकुच्चिय तीइ सुओ विजयकुमारो समुप्पण्णो ॥५०॥ बालत्तणे वि रूवत्तणाओ विज्जाहरेण

सुदंसणा-  
चरियम्भि

॥ ३१ ॥

हरिऊण । पुत्तत्थिएण नीओ सुरम्मनयरीइ वेयङ्गे ॥५१॥ तेणाऽमियतेएण रण्णा रयणावलीइ देवीए । दिण्णो पुत्तत्तेणं पडिवण्णो तीइ हिट्ठाए ॥५२॥ संवड्ढिओ सुहेणं समए य समप्पिओ गुरुस्स इमो । पिउणा तेण विविहिओ समत्तसुत्तत्थग-  
हियत्थो ॥५३॥ सुकलाकलावकलियं कीलंतं नियइ जह जह कुमारं । रयणावलीइ तह तह मणम्मि मयणो वियंभेइ ॥५४॥  
दट्ठं विजयकुमारं उदग्गसोहग्गसंगयमुदारं । लायण्णामयपुण्णं पडिवण्णसुपुण्णतारुण्णं ॥५५॥ अकुलीणयाइ सीलस्स अनि-  
म्मलयाइ चरणरयणस्स । अपउणयाए नियपइविणयस्स सिणेहसारस्स ॥५६॥ दुग्गइपहगमिरीए सुगइपुरीपंथगमणपंगूए ।  
अविवेयभूमियाए अच्चासत्तीए कामस्स ॥५७॥ रयणावलीइ देवीइ रहसि सहसा सरागहिययाए । लज्जमज्जायवज्जियाइ  
भणियं इमं कुमारस्स ॥५८॥ भो सुवियक्खण ! सुपुरिस ! न जंपिउं जइवि किं पि जाणामि । सब्भावसारहिययाइ तहवि  
मे सुणसु हियवयणं ॥५९॥

तहाहि—अप्पहियमायरंता जणाववायाओ नेव बीहंति । गिण्हंति असाराओ सारं च वियक्खणा पुरिसा ॥६०॥ अब्भत्थि-  
या य सूरा दक्खिणमहोयही महाभागा । परकज्जकरणनिरया सहावओ होंति सप्पुरिसा ॥६१॥ ता इत्थ सुरम्माए नयरीए  
भुवणतिलयभूयाए । दुल्लहरायसिरीसुहसंपत्तिकरं सुणसु वयणं ॥६२॥ मणुयत्तणस्स सारं जं देहं रोगवज्जियं रम्मं । वित्तस्स  
पुणो सारं भोगुवभोगो तहा दाणं ॥६३॥ नवजोवणस्स सारं पियसंगो ता सुणेहि परमत्थं । न हु होसि महं पुत्तो पुरिसुत्तम !  
सुहय ! निब्भंतं ॥६४॥ किं तु कुणालपुरीए कमलसिरीए य अग्गमहिसीए । आहवमल्लस्स सुओ इहाऽऽणिओ मह पिण्ण तुमं

१ अकुसलयाए इत्यपि ।

विजयकु-  
मारसरूव  
प्परूवग-  
नामो अट्ठ  
मुद्देसो ।

॥ ३१ ॥

॥६५॥ सोहगखूवजोवणमेयं मह संगमेण तं सुहय ! । सहलीकरेह दाहामि जेण तुह सबविजाओ ॥६६॥ विजाहरचक्कवई होउं नयरीइ इह सुरम्माए । उवभुंजसु रज्जसिरिं मए समं विसयसुक्खं च ॥६७॥ इय सोउं तवयणं विजयकुमारो विणिज्जियकुमारो । लज्जानलसंतत्तो चिंतिउमेवं समाढत्तो ॥६८॥ इत्तियकालं पुत्तत्तणेण जमहं इमीइ पालेउं । ववसियमकज्जमेयं धिरत्थु इत्थीसहावस्स ! ॥६९॥ संपइ पुण गिण्हिस्सं इमीइ पासाओ सयलविजाओ । इय चिंतिऊण कुमरेण जंपियं देहि मह विजा ॥७०॥ दिण्णा उ तीइ ताओ विजयकुमारेण तो इमं भणियं । इच्चिरमंवे ! जणणि त्ति मणिया ता नमो तुज्झ ॥७१॥ अण्णं च तुह पसाएण जं मए जाणियाउ विजाओ । ता अज्जदिणाउ तुमं विसेसओ मह गुरुद्वानं ॥७२॥ ता एयं दुच्चरियं अम्मो ! दुववसियं असब्भावं । जाव न जाणइ ताओ ता विरमसु एयपावाओ ॥७३॥ नाऊण निच्छयं तस्स तीइ रोसेण जंपियं सहसा । कामासत्तो जइवि हु मा पत्थह मह तुमं पुत्तो ॥७४॥ अहवा न तुज्झ दोसो रक्खइ सीलं कुलं चिय नराणं । अकुलीणो को वि तुमं सच्चमजाया कहं पुत्ता ? ॥७५॥ तवयणजणियगुरुकोउएण कुमरेण चिंतियं महिला । कामासत्ता कवडेण नत्थि तं खलु न जं कुणइ ॥७६॥ हारेइ धणं मारेइ नियपियं अहिलसेइ पुत्तं पि । भक्खेइ अब्भक्खं पि हु मैइलियचित्ता सया महिला ॥७७॥

अवि य—असुइत्तं अलियत्तं णित्तिं सत्तं च वंचगत्तं च । अइकामाऽऽसत्तिं एयाणं महिलिया ठाणं ॥७८॥ मरणं विएसगमणं दारिदं बंधणं च दोहगं । चिरसंसारनिवासो हवइ महिलाण संगेणं ॥७९॥ ता जइ तायस्स इमं संसिज्जइ तो न

१ दास्यामि । २ कुत्तिसत्तमार—काम कुमार । ३ मइलिय० मलिनित । ४ निस्सिंशत्वम् । ५ संसेमि इत्यपि ।

सुदंसणा-  
चरियम्मि

॥ ३२ ॥

सदहइ ताओ । लीलावयणेण वि महिलियाण सबो वि पत्तिहिइ ॥८०॥ चिट्ठामि जइ विरोहो अइवा वच्चामि सच्चयं एयं । इय वग्घदुत्तडीवसणनिवडिओ किं करेमि हहा !!! ॥८१॥ तह वि हु ताएण समं नूणं धम्मत्थमुक्खविग्घयरो । दोस-  
निलओ विरोहो परिहरियवो पयत्तेण ॥८२॥

अण्णं च—कोहाऽऽविट्ठो मारइ लोहाऽऽसत्तो य हरइ सबस्सं । माणिल्लो सोयकरो मायावी डसइ सप्पो व ॥८३॥  
एसा कामाऽऽसत्ता मायाबहुला य कूडकवडनिही । चत्तनयलज्जकरुणा सबपयत्तेण मुत्तवा ॥८४॥ इय चिंतिऊण एयं विजावि-  
ण्णाणलज्जमाहप्पो । गहिऊण खग्गरयणं उप्पइओ गयणमग्गेणं ॥८५॥ पिच्छंतो पुरपट्टणगामाऽऽगरनगरगिरिवरविसेसे ।  
पत्तो कुणालणयरिं विजयकुमारो खणद्धेणं ॥८६॥ दट्ठूण निययजणणिं कमलमिरिं सोयगल्लकयहत्यं । अत्ताणं पयडंतो  
अवयरिओ तीइ पयमूले ॥८७॥ कयसुपणामो नियजणणिजणयपमुहाण सयललोयाणं । नाऊण निययतणयं सा देवी चुंबए  
सीसे ॥८८॥ हरिसियहियओ जणओ कुमरं मूलाओ पुच्छिओ सुद्धिं । जा सो साहइ सबं ता दूओ आगओ तत्थ ॥८९॥  
आहवमल्लो दूएण भणिओ लहु अवज्जनयरीए । जयवम्मनिवेण तुमं ओल्लगकए समाहूओ ॥९०॥ सोऊण दूयवयणं  
विजयकुमारेण पभणियं रेरे !! । अम्हाण वि किं सामी अत्थि परो भरहवासम्मि ? ॥९१॥ भणिओ निवेण कुमरो वच्छ !  
सया अम्ह सो प्हू राया । साहम्मिओ सुमित्तो सुपसाओ तह विसेसेण ॥९२॥ ता गंतवं खु मए जयवम्मनराहिवस्स  
पयमूले । चिरदंसणसुहजणंओ चिट्ठ तुमं निययजणणीए ॥९३॥ सुणिऊण रायवयणं विजयकुमारेण सविणयं भणियं । जइ

१ वग्घदुत्तडी० व्याघ्रदुस्तडी । २ ओल्लग० सेवा । ३ 'हेउं' इत्यपि ।

विजयकु-  
मारसरूव-  
प्परूवग-  
नामो अट्ठ-  
मुद्देसो ।

॥ ३२ ॥



एवं ताऽहं तत्थ ताय ! गमणं करिस्सामि ॥९४॥ आणत्तो सो पिउणा हयगयरहभडसमूहपरियरिओ । थोवदिणेहिं पत्तो अवज्झनयरीइ सो कुमरो ॥९५॥ आवासियम्मि कडए सहिओ भिच्चेहिं अवसरे पत्तो । रायस्स कयपणामो कयसम्माणो य उवविट्ठो ॥९६॥

अवि य—विण्णाणकलालायण्णरूवनयवायविक्रमगुणेहिं । वित्थरिओ विमलजसो विजयकुमारस्स नयरीए ॥९७॥ इत्थंतरम्मि जयवम्भरायधूया सहाइ सीलवई । बहुपरिवारसमेया समागया तायनमणत्थं ॥९८॥ कुमरं विलोयमाणी विजयं सहियाहि सा हसिज्जंती । लज्जंती नियपिउणो पुणो गया निययभवणम्मि ॥९९॥ दट्ठूण तस्स रूवं सीलवई रायणा कुमारस्स । सहसत्ति तेण दिण्णा पारद्धो तह य वीवाहो ॥१००॥ इत्थंतरम्मि भदे ! वसंतसुहमज्जणुज्जओ राया । सपरियणो संपत्तो पुप्फकरंडम्मि उज्जाणे ॥१०१॥ तत्थुज्जाणे रण्णो मज्जणकीलापसत्तचित्तस्स । विज्जाहरेण हरिया सीलवई कुमररूवेण ॥१०२॥ अलियं अमुणंतीए खयरं पइ जंपियं इमं तीए । मा कुणसु सुयणु ! हासं लज्जामि अहं लहुं मुंच ॥१०३॥ सुणिऊण तीइ वयणं अपिच्छमाणाहिं तत्थ सीलवई । बीयं कुमाररूवं निएवि संभंतचित्ताहिं ॥१०४॥ सह परियणेण सहियाजणेण सभएण झत्ति पुक्करियं । उप्पिच्छ देव ! गयणे निज्जइ केणावि सीलवई ॥१०५॥ सहसत्ति इमं सोउं राया खगं करेण गहिऊण । मज्जणखयं चइत्ता ईओतओ धावए कुद्धो ॥१०६॥ सबे वि भडा चइऊण मज्जणं आउहाइं गहिऊण । पहणंता महिवीढं समुट्ठिया जुज्झसज्जमणा ॥१०७॥ इय वज्जपडणसरिसे भदे ! सहसा तहिं दुहे पडिए । उच्छलिओ अइकरुणो हाहा-

१ सभायाम् । २ निहुयं इत्यपि । ३ उच्छुओ इत्यपि । ४ खय० कुण्ड । ५ इतस्ततः ।

सुदंसणा-  
चरियम्मि

॥ ३३ ॥

SSरवगब्भिणो रोलो ॥१०८॥ एयारिसं असारं संसारनिबंधणं च विसयसुहं । विउसाण निंदणिज्जं सुइंसणे ! होइ चइअवं ॥१०९॥ अह सो सूरुो वि निवो किं कुणउ महीचरो नहयरेण ? । अहवा गुरुया वि लहंति परिभवं नूण धूयाहिं ॥११०॥  
अवि य—नियघरसोसा परगेहमंडणी कुलहरं कलंकाणं । धूया जेहि न जाया जयम्मि ते सुत्थिया पुरिसा ॥१११॥  
चित्तेइ मज्झ संपइ जलकीलाभिंभलस्स अवसस्स । सत्थत्थनयपरस्स वि संजाओ परिभवो एसो ॥११२॥  
अवि य—धाउवायरसायणजंतवसीकरणखण्णवाएहिं । कीलावसणेण तहा गरुया वि पडंति गुरुवसणे ॥११३॥ अहव कुलदेविवयणं जं न कयं धम्मसंगयं तेण । एसो दुक्खनिहँओ मज्झोवरि निवडिओ सहसा ॥११४॥ इय सोइऊण सुइरं भणियं तं कुमरवियडभुयदंडं । वच्च लहु मा विलंबह नहगमणं जं तुह सहीणं ॥११५॥ जोडियकरो कुमारो जंपइ पहु ! पंचदिवसमज्झम्मि । जइ तुह धूयं नाSSणेमि तो धुवं लेमि पवज्जं ॥११६॥ भणिऊण इमं कुमरो असिहत्यो नहयलं समुप्प-इओ । विज्जाहरपिट्ठीए जा वच्चइ कयपयन्नो सो ॥११७॥ ता इत्थ विमलसेले निएवि विज्जाहरो कुमारेण । रुट्ठेण हक्किओ सो निहुरवयणेहि दडुट्ठो ॥११८॥ रे ठाहि ठाहि तियहर ! सरणं कत्थेत्थ वच्चसि दुरप्प ! ? । मज्झ बलं न विद्याणसि अवहरसि नरिंदपियधूयं ? ॥११९॥ विज्जाहरो वि तवयणजणियगुरुमच्छरो सचक्केण । पहरेइ जाव कुमरस्स तिबकोवाऽनलपलित्तो ॥१२०॥ ता वंचेवि कुमारो चक्कं तडितरलतिक्खखगेण । पाडइ तस्स सिराओ मउडं विज्जाबलसमिद्धो ॥१२१॥ नाऊण कुमारवलं नरिंदधूयं चएवि तत्थेव । विज्जाहरो सरोसो पत्तो किक्किंधिगिरिसिहरे ॥१२२॥ कुमरो वि अमरिसेणं पधाविओ

१ कुलगृहम्—पितृगृहम्—पिताका घर । २ भिंभल० व्याकुल । ३ अवशस्य—पराधीनस्य । ४ निहाय० निघात—आघात इत्यर्थः ।

विजयकु-  
मारसरूव  
प्परूवग-  
नामो अट्ट  
मुद्देसो ।

॥ ३३ ॥

तयणु तस्स पिट्ठीए । मिलिओ य तक्खणेणं तम्मि नगे गरुयवेगेणं ॥१२३॥ ते जुज्झंता गाढं तत्थ ठिया दोवि पंचदिय-  
 हाइं । तो कुमरेणं कह कहवि निज्जिओ खेयरो नट्ठो ॥१२४॥ कुमरो वि तस्स पिट्ठीइ धाविओ जा खणंतरं इक्कं । ता पिच्छइ  
 वेयहे सुरम्मनयरीइ तं भवणं ॥१२५॥ एसो सो मह ताओ एयं भवणं इमा य सा जणणी । चिंतइ हा ! दुट्ठुकयं ताए जं  
 पहरियं तिबं ? ॥१२६॥ एएण अहं बालत्तणाउ वच्छलयाइ बहुमाणं । पुत्तुव पालिओ लालिओ य सुकलाउ सिक्खविओ  
 ॥१२७॥ ता सब्बहा वि एसो ताओ पुज्जो गुरुव मज्झ सया । जं एसरणे विजिओ कलंकिओ तं मए अप्पा ॥१२८॥ एवं जाव  
 कुमारो चिंतइ गुरुसोयसायरनिमग्गो । ता विज्जाहरपहुणा भणिओ सोयं परिच्चयह ॥१२९॥ पहुकज्जे पहरिज्जइ जणयस्स वि  
 एस खत्तियाऽऽयारो । किंच न नायं तुमए जह एसो मज्झ सो ताओ ॥१३०॥ अण्णं च तुह पसायणकए मए आगएण तुह  
 पिट्ठिं । तत्थेसा सीलवई दिट्ठा रइरंभसमरूवा ॥१३१॥ ता तीए अणुरत्तेण तुज्झ रूवेण सा मए हरिया । तहवि तएऽहं विजिओ  
 पुहईए इक्कवीरेण ॥१३२॥ अण्णं च तुज्झ सीलं कहियं सबं पि मह परियणेणं । जह एसा तुह जणणी कुविया तुज्झोवरि  
 सकामा ॥१३३॥ तो खलु इट्ठवियोगो अणिट्ठसंसग्गिआवईओ य । अत्थब्भंसो मरणं पि होइ महिलाकुसंगेण ॥१३४॥

अवि य—जाइकुलविणयसुयसीलचरणसम्मत्तवित्तदेहाइं । महिलाआसत्तमणो हारेइ नरो खणद्धेणं ॥१३५॥ भरिया  
 वि सिणेहेणं सकज्जलज्जासिणेहखयकारी । दीवसिहव सकलुसा मलिणकरी चयह खलु महिला ॥१३६॥ जलसंगया दुरंता  
 दोपक्खखयंकरी दुरायारा । सरियव विसमपहनीयगामिणी महिलिया चयह ॥१३७॥ पयपूरिया वि सविसा चरणविहीणा  
 वि गूढपयचारा । कुडिलगई दुस्सीला दुजीहसप्पिब चय महिला ॥१३८॥ इय साहिउं सरूवं इत्थीणं अमियतेयनरव-

सुदंसणा-  
चरियम्मि

॥ ३४ ॥

इणा । विजयकुमारो भणिओ संसारविरत्तचित्तेण ॥१३९॥ अज्जदिणाउ इमीए भज्जाए इमस्स तह य रज्जस्स । नियमो मह जाजीवं समप्पियं तुज्झ कुण रज्जं ॥१४०॥ तं निसुणिऊण कुमरो जंपइ इय एरिसम्मि संसारे । मज्झ वि एयं जुत्तं एयं खु निदरिसणं ताय ! ॥१४१॥ को इत्थ जाणमाणो निदयवहुकूडकवडभरियाणं । दुट्ठाणं महिलाणं अत्ताणं खाइउं देइ ? ॥१४२॥ तो सो खयरनरिंदो रज्जं चइऊण सुगुरुपयमूले । जइधम्मं पडिवण्णो कुमरो पुण आगओ इत्थ ॥१४३॥ जाव य किल सीलवई जयवम्मनिवस्स सो समप्पेइ । पडिवज्जिस्सइ दिक्खं न पिक्खए तं पि ता इत्थ ॥१४४॥ चिंतइ विसण्णचित्तो निरत्थयं मज्झ जीवियं विहलं । कज्जे इमीइ जम्हा ताओ वि विडंबिओ जुज्झे ॥१४५॥ एसा वि नेव पत्ता जयवम्मनिवो वि नेव तोसविओ । सुहडत्तणं च नट्टं भट्टपइण्णस्स जणमज्झे ॥१४६॥ अण्णं च सुपुरिसाणं कित्ती तिविहा बुहेहि पण्णत्ता । विक्कमकवित्त्ताएण ताण इक्कं पि न हु मज्झ ॥१४७॥ एवंविहम्मि कज्जे असमत्ताए सकज्जसिद्धीए । कत्तो विक्कमकित्ती ? असिद्धकज्जस्स हसणिज्जा ॥१४८॥ सुकवित्त्तेण कित्ती साहीणं छंदलक्खणं जइवि । सुसमत्तकव्वबंधेण तहवि नो किंचि जीवस्स ॥१४९॥ गुणदोसगुंफणेणं पराणुवत्तीइ संतऽसंतेणं । रागदोसकरेणं जियस्स किं कव्वकरणेणं ? ॥१५०॥ चाएण य जा कित्ती सा कत्तो चंचलाइ लच्छीए ? । आजम्मं ताऽवस्सं निरत्थयं जीवियं मज्झ ॥१५१॥ परिभाविऊण एयं जिणचलणाऽऽराहणेण जा कित्ती । सासयसुक्खनिहाणं कायवा सा मए इण्हि ॥१५२॥ सा पुण दुविहा जिणभवणाबिंबकरणऽच्चणाइदाणेहिं । बीया पंचमहवयदुक्करतवचरणकरणेणं ॥१५३॥ तत्थ पढमा असारा असासया परवसा य जीवस्स । बीया पुण विवरीया सच्चिय विबुहेहि कायवा ॥१५४॥

विजयकु-  
मारसरूव-  
प्परूवग-  
नामो अद्दु-  
मुद्देसो ।

॥ ३४ ॥

जओ—चिंतामणिव दुलहं लहिउं खणभंगुरं च मणुअत्तं । धम्मो चिय कायवो सासयसिवसुक्खसंजणओ ॥१५५॥ ता  
 बारसविहतवचरणजलणजालावलीहिं कम्मवणं । दहिऊण जयपडागा गहियवा तिहुयणम्मि मए ॥१५६॥ इय चिंतिऊण सम्मं  
 विजयकुमारेण विजियमारेण । सुद्धियगुरुस्स पासे पडिवण्णा तेण पवज्जा ॥१५७॥ कुणमाणो तिबतवं एगल्लविहारपडिम-  
 पडिवण्णो । उप्पण्णओहिनाणो इहाऽऽगओ विहरमाणो सो ॥१५८॥ जो आहवमल्लसुओ जयवम्मनराहिवस्स वरभिच्चो ।  
 जइधम्मं पडिवण्णो सोऽहं वयकारणं एयं ॥१५९॥ इय सोउं कमलाए धाईइ सुदंसणाइ सीलवई । देवच्चणं कुणंती  
 गंतुं वद्धाविया सहसा ॥१६०॥ अम्मो ! सो तुज्झ वरो विजयकुमारो खु इत्थ निवसेइ । उगं तवं कुणंतो उप्पिच्छह किं  
 वियारेणं ? ॥१६१॥ भणियं सीलवईए अलं हले ! सोवहासवयणेहिं । वायाए वि हु पेमं एरिसदुक्खाइं दरिसेइ ? ॥१६२॥  
 इय जंपंती एसा तीइ समं आगया तहिं दट्ठुं । विजयकुमारं तवलच्छिभूसियं नमइ भत्तीए ॥१६३॥ दाऊण धम्म-  
 लाभं भणियं मुणिणा सुसाविए ! धण्णा । संजमकए तुमं मह सुपुवपुण्णेहि संघडिया ॥१६४॥ तो सीवलई जंपइ तुभे  
 लहुकम्मुणो पहु ! सयं पि । अम्हारिसा इहं पुण निमित्तमित्तं जइ भवामो ॥१६५॥ भणियं सुदंसणाए कायवं कहसु जं मए  
 एवं । जेण कएणं न हवइ पुणो वि दुक्खं अइसुत्तिक्खं ॥१६६॥ भणइ मुणिंदो भदे ! जइ एवं ता करेहि जिणधम्मं ।  
 पाविज्जइ जेण अणंतमक्खयं सासयं सुक्खं ॥१६७॥ सो पुण चउहा धम्मो जिणेहि भणिओ तिलोयमहिएहिं । दाणं सीलं  
 च तवो य भावणा तह चउत्थी उ ॥१६८॥ तत्थ य दाणं तिविहं नाणपयाणं च अभयदाणं च । धम्मोवग्गहदाणं च  
 नाणदाणं पुणो एवं ॥१६९॥

सुदंसणा-  
चरियम्मि

॥ ३५ ॥

जीवाऽजीवसरूवं सबपयत्थाण अहव परमत्थं । जाणंति जेण जीवा तं नाणं होइ दायवं ॥१७०॥ उवलद्धविमलनाणो जीवो परमत्थकारणं मुणइ । तह नाणीण मुणीणं देवा वि कुणंति सुस्सूसं ॥१७१॥ नाणसहिओ सुसाहू थोवदिणेहिं पि खवइ जं कम्मं । तं कत्तो अण्णाणी बहुयाहिं वि वासकोडीहिं ? ॥१७२॥ अण्णाणंधो जीवो दुकरतवचरणकरणनिरओ वि । जयणं अयाणमाणो पुणो पुणो भमइ संसारे ॥१७३॥ सबसुहाण निहाणं जीवाणं सबदाणसुपहाणं । दिंतेण नाणदाणं वसीकयं सिवसुहं दुलहं ॥१७४॥ दिंतेण नाणदाणं भुवणे जिणसासणं समुद्धरियं । भुवणब्भहिओ अप्पा कओ सुवित्थारिया कित्ती ॥१७५॥ तित्थंतरेसु विजओ जाईसरणाइणा समुप्पणं । णाणं सया पहाणं जिणधम्मधुरंधरं भणियं ॥१७६॥ सण्णाणमुणियतत्ता जीवा दोछक्कनिम्मलतवेण । खविऊण कम्मरासिं खणेण वच्चंति निव्वाणं ॥१७७॥ ते धण्णा ताण नमो तेसिं कित्ती सुनिम्मला भुवणे । तेसिं कयत्थो जम्मो जे णाणं दिंति जिणभणियं ॥१७८॥ जाइकुलरूवबलकंतिवज्जिओ निद्धणो वि नाणेण । सबत्थ सया पुरिसो हवेइ पूआरिहो लोए ॥१७९॥ अधणस्स कओ दाणं ? कओ तवो होइ सत्तिरहियस्स ? । थोवं पि बहुफलमिणं ता देयं नाणदाणं तु ॥१८०॥ दंसणचरित्तभट्ठो नाणेण पुणो इमं समुद्धरइ । नाणेण विणा जीवो ताणि पुणो लहइ न कया वि ॥१८१॥ ता दायवं णाणं अणुसरियवा सुनाणिणो मुणिणो । नाणस्स सया भत्ती कायवा धम्मकामेहिं ॥१८२॥ किं जंपिण बहुणा ? नाणपयाणेण केवलालोयं । लहिऊण पावइ सिवं अणंगदत्तो इहं नायं ॥१८३॥

तहाहि—इह अत्थि मगहदेसे रायगिहं पुरवरं सिरीइ गिहं । तत्थ निवो जयचंदो देवी कमलावई तस्स ॥१८४॥

विजयकु-  
मारसरूव-  
प्परूवग-  
नामो अट्ठ  
मुहेसो ।

॥ ३५ ॥

ताणं च दुण्णि पुत्ता परुप्परं ते उ ईसिमच्छरिणो । पढमो य विजयचंदो बीओ पुण चंदसेणु त्ति ॥१८५॥ अह अण्णया  
 कयाई जयचंदनरेसरस्स सामंतो । सीमालो पवलबलो विउच्छिओ से बलो नाम ॥१८६॥ वारित्तु निवं गंतुं तत्थ सयं  
 विजयचंदवरकुमरो । जुद्धम्मि संपलग्गे पराजिओ से बलेण इमो ॥१८७॥ तो चंदसेणकुमरो विसेसकयमच्छरो सनिब्बंधं ।  
 पुच्छित्तु निवं पत्तो अइसरंभेण तस्सुवरिं ॥१८८॥ जुज्झित्ता सबबलेण तेण सो कहवि से बलो गहिओ । बंधित्ता आणेउं  
 समप्पिओ तायपायाणं ॥१८९॥ तो जयचंदनिवेणं सक्कारित्ता विसज्जिओ एसो । जुवरायपए ठविओ अ चंदसेणो पहि-  
 ट्ठेणं ॥१९०॥ तो विजयचंदकुमरो परिभूओ निग्गओ गिहाउ भुवं । भमडंतो निक्खंतो कित्तिधराऽऽयरियपासम्मि ॥१९१॥  
 कमसो समत्तसुत्तत्थपारगो नियपयम्मि सूरीहिं । ठविउं तहाऽणुसिट्ठो दाणे नाणस्स सो एवं ॥१९२॥ सगयं नाणं नयणं  
 इक्कं बीयं तु गुरुगयं भविणो । जो पुण तदुभयहीणो भवाऽवडे पडइ किं चुज्जं ? ॥१९३॥ ता सबबलेण तए तदुभयभूएण  
 सबजीवाणं । अप्पपरतारएणं जइयवं नाणदाणम्मि ॥१९४॥ ता गुणगुरुणो गुरुणो अणसणविहिणा मया गया सगं ।  
 सो नवसूरी सम्मं कइवि दिणे सारए गच्छं ॥१९५॥ अण्णदिणे पडिभग्गो सो सुत्तत्थप्पयाणविसयम्मि । पुच्छिज्जंतो  
 वि अणेगसो वि न पयं पि साहेइ ॥१९६॥ अणुसिट्ठो थेरेहिं अणेगवंदुत्तराइं तो कुणइ । भणइ य मासतुसाई नाणेण  
 विणा न किं सिद्धा ? ॥१९७॥ एवं नाणाऽऽयारं विराहिऊण कमेण कालगओ । सो विजयचंदसूरी सोहम्मे सुरवरो जाओ  
 ॥१९८॥ तो चविय पउमसंडे नयरम्मि धणंजयस्स सिद्धिस्स । भज्जाइ सिवाइ सुओ अणंगदत्तो त्ति सो जाओ ॥१९९॥  
 समयम्मि कलाऽऽयरियस्स अप्पिओ सो महाविभूईए । पिउणा सो वि तयं पुण सिक्खवइ सयं पयत्तेण ॥२००॥ सवायरेण

सुदंसणा-  
चरियम्मि

॥ ३६ ॥

तह सयलरत्तिंदिवसं पि पढणनिरयस्स । नाऽऽगच्छइ किच्छेण वि इकं पि हु अक्खरं तस्स ॥२०१॥ परिसंतो ओज्झाओ एवं अण्णो वि जाव पंचसया । तो सिट्ठी तस्स सुओ वि सोयभरनिब्भरा जाया ॥२०२॥ अण्णदिणे तम्मि पुरे अइसयनाणी कमेण विहरंतो । नाणदिवायरसूरी बहुपरिवारो समोसरिओ ॥२०३॥ तण्णमणत्थं सिट्ठी धणंजओ पुत्तसंजुओ पत्तो । नमिउं गुरुं निसण्णो पत्थावे पुच्छए एवं ॥२०४॥ भयवं ! महपुत्तेण इमेण किं दुक्कयं कयं पुबिं ? । नाऽऽगच्छइ जेणिकं पि अक्खरं कहवि एयस्स ॥२०५॥ तो गुरुणा वागरिओ पुव्वभवो तस्स सिट्ठिपुत्तस्स । जह तेणाऽऽयरियपए नाणं च विराहियं सुइरं ॥२०६॥ तक्कम्मविवागेणं नाणं एयस्स भइ ! न वि एइ । इय सोउ ऽणंगदत्तो जाईसरणं समुप्पण्णो ॥२०७॥ भयसंभंतो सो पुण पणमित्ता विण्णवेइ गुरुमेवं । भयवं ! कहसु उवायं जेण तयं खिज्जए पावं ॥२०८॥ भणइ गुरु वच्छ ! तए सबपयत्तेण नाणवंताणं । वंदणनमंसणाईवेयावच्चं विहेयवं ॥२०९॥ तह दाणं दायवं जहारिहं फलयपुत्थयाईणं । नाणस्स पूयणं लेहणं च सत्तीइ कायवं ॥२१०॥ इय सोउं गिहिधम्मं गहिओ सो पिउजुओ नमिय सूरिं । संपत्तो नियगेहे विहरइ अण्णत्थ सूरी वि ॥२११॥ गुरुउवइट्ठं सबं सम्मं परिपालिउं कयाइ इमो । पव्वज्जं पडिवण्णो सिरिगुत्ताऽऽयरियपयमूले ॥२१२॥ तिब्वतवचरणरओ विसेसओ णाणवंतभत्तिपरो । नाणबहुमाणसारो नाणऽब्भासे कयपयत्तो ॥२१३॥ नाणावरणे कम्मे कमेण पत्ते खओवसमभावे । सुवहुं पि सुहेण सुयं पढइ तहा मुणइ तस्सऽत्थं ॥२१४॥ कमसो पयाणुसारीत्तणेण सुयजलहिपारगो जाओ । सो ऽणंगदत्तसाहू सूरिपए ठाविओ गुरुणा ॥२१५॥ पंचपमायविमुक्को पंचविहाऽऽयारपालणपहाणो । पंचविहे सज्झाए पवत्तयंतो भवियलोयं ॥२१६॥ कइया वि खवगसेदिं आरूढो सुक्कज्झाणजलणेण ।

विजयकु-  
मारसरूव-  
प्परूवग-  
नामो अह-  
मुद्देसो ।

॥ ३६ ॥



खवियघणघाइकम्मो उप्पाडइ केवलं नागं ॥२१७॥ विहरित्तु बहुं कालं सचरियकहणेण नाणमुवइसिउं । कम्मकलंकविमुक्को सो पत्तो सासयं ठाणं ॥२१८॥ जंपइ विजयकुमारो सुदंसणे ! नाणदाणपरमत्थो । एवं दिट्ठंतजुओ समासओ तुह मए कहिओ ॥२१९॥

दुइयं तु अभयदाणं तं पुण अभएण सबजीवाणं । अभओ य दयामूलं दयाइ धम्मो पसिद्धमिणं ॥२२०॥ सबजियाणं जीयं इट्ठं जह होइ दुक्खियाणं पि । न तहा भज्जा न सुया न बंधवा नेव लच्छीओ ॥२२१॥ बलरूवजुवणेण य हवंति जे तिहुयणे वि अब्भहिया । जुवइमणजणियहरिसा ते सबे अभयदाणेणं ॥२२२॥ रज्जं पि चयइ जीवो जीवियहेउं न तं तु रज्जट्ठा । महइ जियं भयभीओ अमिज्झकीडो वि न हु मरणं ॥२२३॥

यतः—अमेध्यमध्ये कीटस्य सुरेन्द्रस्य सुरालये । समाना जीविताऽऽकांक्षा तुल्यं मृत्युभयं द्वयोः ॥२२४॥

एवं च—सधणाण निद्धणाणं दुत्थियसुहियाण बालबुद्धाणं । सवाण पिया पाणा ता पाणा सबहा रक्खा ॥२२५॥ जे अंधकाणमूया हीणंगा पंगुला विणट्ठनहा । करचरणसडियनासा ते सबे जीवहिंसाए ॥२२६॥ करचरणनासकण्णुडुसीस-पुच्छाइच्छेयणं जं च । नयणुद्धारो उल्लंबणं च हिंसाफलं सबं ॥२२७॥ नरतिरियनरयवासे वहंबंधुक्कत्तणाइविसहंता । हिंडंति आरडंता जीवा जीवाण दुक्खकरा ॥२२८॥ मारंति निरवराहे जीवे खायंति जे नरा मंसं । ते निरयतिरियदुक्खं अणंतकालं पि विसहंति ॥२२९॥ नाऊण इमं भयभीरुयाण जीवाण सरणरहियाणं । दायवमभयदाणं जीवेहि सया सुहत्थीहिं ॥२३०॥

१ काङ्कति । २ उल्लम्बनम्—उद्वन्धनम् फांसीलगाकर लटकना ।

सुदंसणा-  
चरियम्मि

॥ ३७ ॥

अवि य—विजाइ नाणदाणं साहीणं तह धणेण धणदाणं । रोराण वि साहीणं एवं खलु अभयदाणं ति ॥२३१॥  
पारेवयस्स दाउं भयसंतत्तस्स अभयदाणमिणं । जाओ मेहरहनिवो चक्की तह धम्मचक्की वि ॥२३२॥

तहाहि—इह दीवे पुव्वविदेहमंडले पुक्खलावईविजए । सीयानईइ तीरे नयरी पुंडरगिणी अत्थि ॥२३३॥ ओहि-  
जुओ संतिजिओ दसमभवे पियमईइ अंगरुहो । घणरहतिथयरसुओ मेहरहो नाम तत्थ निवो ॥२३४॥ तस्स पिया  
पियमित्ता ताण सुओ मेहसेणनामु त्ति । राया कयाइ पत्तो उज्जाणे देवरमणम्मि ॥२३५॥ पारद्धे पिच्छणए तप्पुरओ  
तण्णिउत्तलोएहिं । इत्थंतरम्मि भूया करंति अइविम्हयकरं तं ॥२३६॥ जा ते नच्चंति तहिं पवरविमाणं नहेण ता पत्तं ।  
तत्थेगं वरपुरिसं वरजुवइसंजुयं दड्ढुं ॥२३७॥ पियमित्ता भणइ निवं देव ! इमा का मणोहरा नारी ? । को व इमो  
वरपुरिसो ? केण व कज्जेण इह पत्तो ? ॥२३८॥ अह जंपइ मेहरहो इह दीवे भारहम्मि खेत्तम्मि । मलया नामेण पुरी  
उत्तरसेट्ठीइ वेयट्ठे ॥२३९॥ विज्जुरहो तत्थ निवो माणसवेगा पिया य से ताणं । सीहरहो नाम सुओ वेगवई तस्स  
वरभज्जा ॥२४०॥ कइया वि भवविरत्तो पुत्तं रज्जे ठवित्तु सीहरहं । गुरुपासे निक्खमिउं विज्जुरहो सिवपयं पत्तो ॥२४१॥  
विज्जाहरचक्कवई कयाइ चिंतइ निसाइ सीहरहो । जम्मो मह अकयत्थो जह रण्णे मालइकुसुमं ॥२४२॥ जं न जिणो  
दिट्ठो मे कयाइ न य पूइओ विहरमाणो । तह तम्मुहकमलभवा अमियसमा देसणा न सुया ॥२४३॥ तो गंतुं सकलत्तो  
धायइसंडम्मि वरविमाणगओ । अवरविदेहे विजए सुवग्गुनामम्मि खग्गपुरे ॥२४४॥ नामेण अमियवाहणजिणं तहिं  
पणमिउं सुहनिसण्णो । धम्मं सोउं तुट्ठो वंदिय सामिं पडिनियत्तो ॥२४५॥ जा एइ इत्थ उवरिं ता खलियं तस्स तं वर-

विजयकु-  
मारसरूव-  
प्परूवग-  
नाम अट्ठ-  
मुदेसो ।

॥ ३७ ॥

विमाणं । तो तेण नियंतेणं हिट्ठा सहसत्ति दिट्ठो ऽहं ॥२४६॥ तो सो सबबलेणं कुद्धो उप्पाडिउं ममं लग्गो । ता अक्कंतो वामो वाम्मकरेणं मए मणयं ॥२४७॥ तो विरसमारसंतं सीहक्कंतं गयं व तं दट्ठुं । सरणं मं पडिवण्णा तवभज्जा सपरिवारा वि ॥२४८॥ करुणाइ मए मुक्को सो तुट्ठो काउं विविहरूवाणि । भूयाणं सकलत्तो पिए ! इमो कुणइ पिच्छणयं ॥२४९॥ इय सोउं विम्हइया पियमित्ता पुणवि पुच्छए रायं । किमणेण कयं सुकयं पुबिं जेणेरिसी रिद्धी ? ॥२५०॥ अह पभणइ मेहरहो भरहे पुक्खरवरद्धपुव्वम्मि । संघपुरे कुलपुत्तो नामेणं रज्जगुत्तु त्ति ॥२५१॥ दुत्थो परकम्मकरो पइभत्ता तस्स संखिया भज्जा । अण्णदिणे संघनगे फलहेउं ताइं पत्ताइं ॥२५२॥ पिच्छंति सब्बगुत्तनाममुणिं खयरपरिसमज्झत्थं । भत्तीइ तयं नमिउं तो तप्पुरओ निसण्णाइं ॥२५३॥ मुणिणा वि तेसिं धम्मो विसेसओ साहिओ तवपहाणो । जं दुत्थिएसु गुरुयाण होइ वच्छल्लयं गरुयं ॥२५४॥ भत्तीइ पुणो वि नमिउं भवभयभीयाइं ताइं पुच्छंति । अम्हारिसाण जोगो पावाण वि अत्थि को वि तवो ? ॥२५५॥ बत्तीसइकल्लाणो नाम तवो तेण तेसिमुवदिसिओ । ताइं तयं पडिवज्जिय गयाइं मेहे गुरुं नमिउं ॥२५६॥ तो ताइं पहिट्ठाइं अट्ठमभत्ताइं दुण्णि कुवंति । बत्तीसचउत्थाइं पसंतचित्ताइं तम्मि तवे ॥२५७॥ पारणगदिणे दुण्णि वि निप्फण्णे भोयणम्मि पवरम्मि । चक्खुं खिवंति बाहिं जइ अतिही कोइ इह एइ ॥२५८॥ तो तत्थाऽऽगच्छंतं धिइधरनामं तवोहणं दट्ठुं । पडिलाभयंति तुट्ठाइं भत्तपाणेहि सुद्धेहिं ॥२५९॥ अह सब्बगुत्तसाहू पुणो वि पत्तो कयाइ तम्मि पुरे । तप्पासे सुयधम्माइं ताइं दिक्खं पवण्णाइं ॥२६०॥ सो रज्जगुत्तसाहू तवमं-

सुदंसणा-  
चरियम्भि

॥ ३८ ॥

दिलवद्धमाणनामाणं । काउं अणसणविहिणा मरिउं बंभे सुरो जाओ ॥२६१॥ दससागरोवमाइं दाणपभावेण भुत्तु भोगाइं । चविउं सो उप्पण्णो सीहरहो एस खयरपहू ॥२६२॥ सा संखिया वि समणी कयतिवतवा मया गया बंभे । चविउं इमस्स जाया वेगवई नाम भज्जेसा ॥२६३॥ एयाण देवि ! तेणं सुपत्तदाणेण सुरभवे रिद्धी । पुण्णाणुबंधिपु-  
ण्णाऽणुभावओ इह वि संजाया ॥२६४॥ इत्तो इमाइं सपुरे गंतुं पुत्तं निवेसिउं रज्जे । दुण्णि वि घेच्छंति वयं मम पिउ-  
जिणघणरहसमीवे ॥२६५॥ तवसंजमजोगेहिं अणुत्तरेहिं खवित्तु कम्ममलं । उप्पण्णकेवलाइं दुण्णि वि गमिहिंति निव्वाणं ॥२६६॥ इय सोउं सिंहरहो मेहरहं नमिय नियपुरे गंतुं । पुत्तं रज्जे ठविउं निक्खंतो तीइ सह सिद्धो ॥२६७॥ अह सो मेहरहनिवो उज्जाणाओ गिहाऽऽगओ कइया । पोसहिओ पोसहसालसंठिओ कहइ जिणधम्मं ॥२६८॥ अह गयण-  
मंडलाओ भयसंभंतो पकंपिरो दीणो । पारेवओ रडंतो पडिओ रायस्स उच्छंगे ॥२६९॥ अभयं च जायमाणं माणुस-  
भासाइ तं खगं राया । करुणारसनीरनिही मा भाहि पुणो पुणो भणइ ॥२७०॥ एवं वुत्तो रण्णा पसंतमुत्ती विहंगमो एसो । पिउउच्छंगे बालुव निब्भओ चिट्ठए जाव ॥२७१॥ मम भक्खं मुंच इमं राय ! न जुत्तं इमं ति जंपंतो । तप्पिट्ठीए सेणो पत्तो सप्पस्स गरुडव ॥२७२॥ तो भणइ भूमिनाहो सेण ! इमं तुह कहां समप्पेमि ? । एस न खत्तियधम्मो सरणाऽऽगयअप्पणं जमिह ॥२७३॥ किंच न तुज्झ वि जुत्तं जुत्ताऽजुत्तोवएसकुसलस्स । परपाणपहाणेणं सपाणपरिपोसणं एवं ॥२७४॥ जह उक्खणिज्जमाणे पीडा पिच्छे वि हुज्ज तुह गरुई । अण्णस्स वि किं न तहा ? मारिज्जंतस्स का वत्ता ? ॥२७५॥ अण्णं च भक्खिएणं खणमित्तमणेण तुह भवे तित्ती । एयस्स पुणो जम्मो वच्चइ सयलो वि एमेव ॥२७६॥

विजयकु-  
मारसरूव  
प्परूवग-  
नाम अट्ट  
मुद्देसो ।

॥ ३८ ॥

पंचिंदियघाएणं नरए जं नूण गम्मए तम्हा । खणमित्तसुहनिमित्तं को जीवे हणइ छुहिओ वि? ॥२७७॥ सा पुण छुहा समिज्जइ अवरेण वि भोयणेण जह पित्तं । पवरसियासमणिज्जं पि किं न पयसा उवसमेइ? ॥२७८॥ न उ उवसमंति केण वि जियवहपभवाउ नरयवियणाओ । ता मुंचसु जीववहं कुणसु दयं सयलसुहजणयं ॥२७९॥ सेणो वि भणइ नरवर ! सरणं तुह एस आगओ भीओ । किमहं करेमि सरणं कहसु महाभाग ! छुहगहिलो ? ॥२८०॥ जह रक्खसि दुक्खत्तं एअं करुणाइ तह ममं पि न किं ? । अइभुक्खियस्स पाणा नूणमिमे मज्झ वच्चंति ? ॥२८१॥ धम्माऽधम्मविचिंता वि चिद्वए सुद्विए सरीरम्मि । तं नत्थि जं न कुणइ बुभुक्खिओ कूरमवि कम्मं ॥२८२॥ तद्धम्मवत्तयाऽलं अप्पसु मह भक्खभूय-मिणमइरा । को धम्मो जं इक्को रक्खिज्जइ हम्मए अवरो ? ॥२८३॥ न य मज्झ हुज्ज तित्ती कहमवि भुज्जंतरेहिं जं सययं । सज्जो सयं हयं जियफुरंतमंसाऽसणो अहयं ॥२८४॥ भणइ निवो जइ एवं ता तुह वियरेमि सेण ! नियमंसं । पारेवएण तुलियं होसु सुही मा तुमं मरसु ॥२८५॥ आमि त्ति परे सेणे तुलाइ एगत्थ ठावइ कपोयं । अण्णत्थ खिवइ राया छित्तुं छित्तुं निय-यमंसं ॥२८६॥ जह जह खिवेइ मंसं राया उक्कत्तिऊण नियतणुणो । तह तह भारेण इमो वड्डइ पारेवओ अहियं ॥२८७॥ भारेण वड्डमाणं तं पक्खिं पिक्खिऊण अक्खुहिओ । सयमेवाऽऽरुहइ तहिं तुलाइ राया अतुलसत्तो ॥२८८॥ तुलमारूढं सहसा रायाणं दट्ठुं परियणो सयलो । हाहारवं करंतो आरूढो संसयतुलाए ॥२८९॥ सामंतमंतिपमुहा सबे वि भणंति भूवइं एवं । अम्हाण अभग्गेणं नाह ! किमेयं समारद्धं ? ॥२९०॥ खित्तेणिमिणा निखिला रक्खेयवा खयाउ खलु खोणी । तं कह

१ सद्यस्-शीघ्रम् ।

२ खित्तेण-सरीरेण ।

सुदंसणा-  
चरियम्मि

॥ ३९ ॥

खणेण खुण्णंसि रक्खंतो पक्खिणं खु इमं ॥२९१॥ किंच इमो लक्खिज्जइ माणुसभासापयंपिरो पक्खी । देवो व दाणवो वा को वि धुवं तुमह पडिक्खो ॥२९२॥ तो भणइ निवो भोभो ! दीणमुहो एस दीणवयणो य । अच्छउ जो वा सो वा रक्खेयवो मए ऽवस्सं ॥२९३॥ इय निच्छयमवगच्छिय निवस्स एगो अमच्छरो अमरो । वरमउडकुंडलधरो पयडीहोउं भणइ एवं ॥२९४॥ इक्को चिय तं धणो सुपुरिसचूडामणी तिहुयणम्मि । चालिज्जसि न सुरेहिं वि सट्ठाणाओ सुरगिरिब ॥२९५॥ इय ईसाणिंदेण वि वणिज्जंतं तुमं निसुणिऊण । तुह सत्तपरिक्खत्थं इहाऽऽगओ असहमाणो ऽहं ॥२९६॥ ता जुज्झंते दट्ठं वेराओ इमे खगे अहिट्ठित्ता । तुह उवसग्गमकाहं तं सबं खमसु पसिऊण ॥२९७॥ इय भणिय निवं सज्जं काउं नमिउं सुरो गओ सग्गं । सामंतमंतिपमुहा निवमह पुच्छंति विमहइया ॥२९८॥ देव ! इमे पुबभवे विहंगमा केरिसा ? किमेसिं वा । वेरनिमित्तं ? को वा देवो ऽयं आसि पुबभवे ? ॥२९९॥ राया जंपइ दीवे इह एरवयम्मि पउमिणीसंडे । नयरे सागरदत्तो महट्ठिओ आसि वरसिट्ठी ॥३००॥ तस्स य भज्जा नामेण विजयसेणा विसुद्धगुणकलिया । ताणं च दुण्णि पुत्ता धणो य तह नंदणो नाम ॥३०१॥ ते अण्णदिणे जणयं पुच्छिय बहुपणियसत्थसंजुत्ता । देसंतरम्मि चलिया पत्ता नागउरणयरम्मि ॥३०२॥ तत्थ पणायंतेहिं कुओ वि तेहिं महारयणमेगं । पत्तं सुमहामुल्लं भक्खं पिवं सारमेएहिं ॥३०३॥ तस्स कए जुज्झंता संखनईए तडम्मि ते लुद्धा । महिसा विव दुहंता कुद्धा सहसा दहे पडिया ॥३०४॥ मरिऊण समुप्पण्णा सेणो पारेवओ य ते विहगा । पुबभववेरवसओ इत्थ वि जुज्झंति एवमिमे ॥३०५॥ अण्णं च इत्थ दीवे पुबविदेहे नईइ सीयाए । तीरे रमणीयक्खे विजए

१ चूर्णीकरोषि ।

२ इव ।

विजयकु-  
मारसख-  
प्पखग-  
नाम अट्ठ-  
मुद्देसो ।

॥ ३९ ॥

सुभगा पुरी अत्थि ॥३०६॥ तत्थाऽऽसि थिमियसागरनामनरिंदो भवाओ एयाओ । अहमाऽऽसि पंचमभवे पुत्तो अप-  
 राजिओ तस्स ॥३०७॥ रामोऽहं तह भाया अणंतविरिओ हरी तया मज्झ । अम्हेहिं तहि निहओ दमियारीनामपडि-  
 विण्हू ॥३०८॥ सो भमिय भवं अट्ठावयस्स नियडम्मि नियडिनइतीरे । सोमप्पहकुलवइणो ससिप्पहो नंदणो जाओ  
 ॥३०९॥ सो बालतवं चरिउं सुइरं चरगत्तणेण मरिऊणं । ईसाणदेवलोए सुरूवनामसुरो जाओ ॥३१०॥ सो एस सुरो  
 संपइ ईसाणिंदेण मह पसंसाए । विहियाइ मच्छरेणं इहाऽऽगओ मम परिकखत्थं ॥३११॥ इय निवकहियं सोउं ते विहगा  
 मुच्छिया महीपडिया । लोए विहिया सत्था जाईसरणं समणुपत्ता ॥३१२॥ पभणंति सभासाए अम्हेहिं तया न केवलं  
 रयणं । लोभाओ जुज्झमाणेहि हारियं मणुयजम्मं पि ॥३१३॥ इह जम्मे नरयदुहं नियडं पि निसेहियं तए अम्हं । किं कर-  
 णिज्जं अम्हेहिं नाह ! इण्हिं समाइससु ? ॥३१४॥ ता मेहरहो तेसिं देइ सयं अणसणं इमे वि तयं । पडिवज्जिय मरिऊणं  
 उप्पण्णा भवणवासीसु ॥३१५॥ राया वि पोसहं पारिऊण रज्जं च पालए सुइरं । सुमरंतो खगचरियं वच्चइ परमं च वेरगं  
 ॥३१६॥ अह विहरंतो तहियं घणरहत्तित्थं करो समोसरिओ । तण्णमणत्थं पत्तो मेहरहनिवो सपरिवारो ॥३१७॥ वंदिय  
 पहुं निसण्णो धम्मं सोउं तओ गिहे गंतुं । रज्जम्मि मेहसेणं ठवइ कुमारं भवविरत्तो ॥३१८॥ पहुपासे निक्खंतो संजमजोगेसु  
 निच्चमुज्जुत्तो । इक्कारसअंगधरो सुदुकरं कुणइ तवचरणं ॥३१९॥ तित्थयरनामगोत्तं वीसहि ठाणेहिं तह समज्जेइ । सुय-  
 विहिणा कुणइ तवं च सीहनिक्कीलियं नामं ॥३२०॥ अह आरुहिउं अंबरतिलयगिरिं गिरिवरुव थिरचित्तो । काउं तत्था-  
 ऽणसणं मरिउं सब्बट्ठमणुपत्तो ॥३२१॥ तत्तो चविउं जाओ इह भरहे हत्थिणाउरे एसो । निवविस्ससेणअइरादेवीणं

सुदंसणा-  
चरियम्मि

॥ ४० ॥

संतिनामसुओ ॥३२२॥ पंचमचक्रहरपयं पालिय कालेण गहियसामणो । सोलसमधम्मचक्की होऊण इमो सिवं पत्तो ॥३२३॥ इय भदे ! तुह कहियं सुदंसणे ! अभयदाणमाहप्यं । धम्मोवग्गहदाणं एगग्गमणा सुणसु इण्हिं ॥३२४॥

तं पुण चउहा दायगगाहगतहकालभावभेएहिं । परिसुद्धं नेयवं दायगसुद्धं इमं तत्थ ॥३२५॥ नाओवज्जियविहवो उदारचित्तो अमच्छरो धीरो । सँद्धाविसुद्धबुद्धी अकूरहियओ गहियवक्को ॥३२६॥ पुरपच्छकम्ममुक्कं बायालीसाइदोस-परिसुद्धं । पिंडं सिज्जं वत्थं पत्तं च चरित्तरक्खट्ठा ॥३२७॥ अट्ठमयठाणरहिओ जो दाया देइ दाणविहिकुसलो । साहूण सुद्धहियओ दायगसुद्धं तयं दाणं ॥३२८॥

गाहगसुद्धं तु इमं, मूलुत्तरगुणजुओ उ जो साहू । पंचसमिओ तिगुत्तो खंतो दंतो सया संतो ॥३२९॥ गुरुपयसेवानि-रओ, निरीहचित्तो मुणी जमाइयइ । संजमजत्ताहेउं, गाहगसुद्धं तु तं नेयं ॥३३०॥ मुणिजणउवयारकरे काले दिण्णं बहु-फलं दाणं । किसिकम्मं पिव कोडुंबियस्स तं कालसुद्धं तु ॥३३१॥ भावविसुद्धं तु इमं, पुवुत्तगुणेहिं संजुओ सट्ठो । आसंसाइ विरहिओ, कयत्थमऽप्यं च मण्णंतो ॥३३२॥ हरिसवसवियसियमुहो, सद्धारोमंचकंचुइज्जंतो । साहूण देइ दाणं, भावविसुद्धं तु तं भणियं ॥३३३॥ इय चउहा परिसुद्धं, पिंडप्पमुहाण जो खलु इमाणं । एगं पि देइ दाणं, महिद्धिओ होइ सो पुरिसो ॥३३४॥ तित्थयरचक्कवट्ठी बलदेवा वासुदेवमंडलिया । जायंति जगन्भहिआ, सुपत्तदाणप्पभावेण ॥३३५॥ जह भयवं रिसहजिणो, घयदाणफलेण सयलजयनाहो । जाओ जह भरहवई, †भरहो य सुसाहुदाणेणं ॥३३६॥ दंसण-

\* प्रत्यन्तरे अनुत्तरपरिवारो इत्यपि ।

† प्रत्यन्तरे भरहो भत्ताइदाणेण इत्यपि ।

विजयकु-  
मारसरूव-  
प्परूवग-  
नाम अट्ठ-  
मुहेसो ।



॥ ४० ॥



मित्तेण व मुणिवराण नासेइ दिणकयं पावं । जो देइ ताण दाणं, तेण जए किं न सुविट्ठं ? ॥३३७॥ तं सुपवित्तं भवणं, मुणिणो विहरंति जत्थ समभावा । न कयाइ साहुरहिओ, गिहिधम्मो पायडो होइ ॥३३८॥ ता तेसिं साहूणं, सुसाहुगुण-संजुयाण सयकालं । सबविसुद्धं दाणं, सबपयत्तेण दायवं ॥३३९॥

अवि य—न तवो सुद्धु गिहीणं, विसयपसत्ताण होइ न हु सीलं । साऽऽरंभाण न भावो, साहारो दाणमेव तओ ॥३४०॥ आरंभजुएण सया, चत्ताऽऽरंभाण भावसुद्धीए । देयं मुणीण दाणं, खित्तं कालं च नाऊणं ॥३४१॥ दुब्भिकख-देसभंगे, पंथे रण्णे ऽवगाढगेलण्णे । बहुलाभमर्पत्थियं, देयं समओचियं दाणं ॥३४२॥

जओ—संथरणम्मि असुद्धं, दुण्हवि गिण्हंतदितयाण ऽहियं । आउरंदिट्ठंतेणं तं चेव हियं असंथरणे ॥३४३॥  
अण्णं च—अणुकंपोचियदाणं पि देइ सट्ठो जहासमयमेसो । जम्हा सामण्णेणं, दाणं भणियं सुए दसहा ॥३४४॥ दवत्थगंवरियणभयाऽणुकंपोर्वयारपावत्थं । लज्जाऽभयधम्मत्थं च दसविहं दाणमुद्धिं ॥३४५॥ तत्थऽणुकंपादाणं, जं दिज्जइ दीणदुत्थियजणाणं । छुहतिण्हपीडियाणं, दयाइ दाराऽऽगयाण तहा ॥३४६॥ पवयणपसंसणकरं, पवयणलाघव-निवारणत्थं च । जं खलु दिज्जइ दाणं, तं भण्णइ उचियदाणं तु ॥३४७॥ सबेसिं तु पहाणं, धम्मत्थं जं सया सुपत्तेसु । दिज्जइ दाणं तं होइ कारणं सासयसुहाणं ॥३४८॥ निज्जरकरं सुपत्ते, दाणं करुणाइ होइ रिद्धिकरं । पवयणपभावणकरं दाणं उचियं पि निद्धिं ॥३४९॥

१ साधारः—आलम्बनम् । २ अप्रार्थितम् । ३ संस्तरणे—निर्वाहे । ४ आउर० रोगी ।

सुदंसणा-  
चरियम्भि

॥ ४१ ॥

किं बहुणा?—जाइकुलसीलसुयबलगुणरूबकलाहि वज्जिओ जइवि । दाणं दिंतो पुरिसो, होइ सुराणं पि थोयवो ॥३५०॥ नासंति आवईओ अगुणस्स वि हुंति गुणसमिद्धीओ । दाणं दिंतस्स नरस्स होइ सत्तू वि लहु मित्तो ॥३५१॥ सूरुओ वि पंडिओ वि य, राया वि य सयललोयपुज्जो वि । जायइ दायारस्स उ, विणीयभिच्चुव वयणकरो ॥३५२॥ पियमित्त-  
सत्तुबंधवपुत्तकलत्ताइसयलसयणजणो । ससिणेहो होइ लहुं नरस्स दाणेक्कवीरस्स ॥३५३॥ जिणभवणविंवैपुत्थयसंघसरूवेसु  
सत्तखित्तेसु । जे दिंति ते उ नूणं, लहंति सुरनरसिवसुहाइं ॥३५४॥ इयरे पुण काऊणं, धणवंतनराण चाटुसयाइं । उयरं  
पि भरंति सया, परकम्मकरा नरा दुहिया ॥३५५॥ हुंति निरासा निच्चुस्सवेसु परिभवसयाइं पावंति । पुरिसा अदिण्णदाणा,  
खणे खणे जंति वेरगं ॥३५६॥ अच्छउ तंबोलाऽऽहरणवत्थपमुहा विलाससंपत्ती । दाणरहियाण चिंता, निच्चं चिय उयर-  
भरणे वि ॥३५७॥ ता दायवं दाणं, थोवा वि हु थोवयं ससत्तीए । इहलोए कित्तिकरं, सिवसुक्खकरं च परलोए ॥३५८॥  
सवोवाहिविसुद्धं, मुणिणो सत्तीइ दिंति जे दाणं । पावंति भूरिभद्दाइं वीरभद्दुव ते ऽवस्सं ॥३५९॥

तहाहि—इह भरहे कुरुदेसे, नयरे नामेण पउमिणीसंडे । सहसंबवणुज्जाणे, अरनाहजिणो समोसरिओ ॥३६०॥  
पहुणा कहिए धम्मे, पढमाए पोरिसीइ कहइ तओ । सिद्धंताऽमयकुंभो, धम्मकहं गणहरो कुंभो ॥३६१॥ सागरदत्तो  
सिद्धी, अह तत्थ समागओ समवसरणे । वामणगजुओ वंदित्तु गणहरं देसणं सुणइ ॥३६२॥ पत्थावं लहिय पुणो, जंपइ  
सो कुंभगणहरं नमिउं । भयवं ! अत्थि न अण्णो, मह सरिसो दुक्खिओ को वि ॥३६३॥ जं जिणमईइ भज्जाइ मज्झ  
पियदंसणा सुया जाया । सा सबकलाकुसला, वररूवा जुवणं पत्ता ॥३६४॥ अणुरूवं तीइ वरं, अपिच्छमाणो अहं

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ४१ ॥

विसण्णमणो । भणिओ पियाइ पिययम ! तुममेवं तम्मसे कीस ? ॥३६५॥ खेयनिमित्ते कहिए, मए तओ तीइ इय पुणो भणियं । पच्छा पच्छायावो, न होइ जह तं तह करिज्ज ॥३६६॥ इय चिंतासंतत्तस्स, अण्णया मज्झ आवणो मिलिओ । सत्थाहउसभदत्तो, समागओ तामलिच्चीए ॥३६७॥ साहम्मिओ महिद्धि त्ति तेण सद्धिं मए कया मित्ती । अह दहुं मह धूयं, तेण इमं जंपिओ अहयं ॥३६८॥ मह अत्थि वीरभद्दो, निरुवमरूवाइगुणजुओ पुत्तो । गंधवक्कवगुडियापओ-गमाईसु पत्तट्ठो ॥३६९॥ तस्सऽणुरूवं कण्णं, मग्गंतेण इमा मए दिट्ठा । ता एस होउ जोगो, मए वि भणियं पमाण-मिणं ॥३७०॥ तुट्ठेण तेण गंतुं, सपुरीए पेसिओ विवाहत्थं । इहइं स वीरभद्दो महईए जण्णजत्ताए ॥३७१॥ दट्ठूण तस्स रूवं, सुट्ठु पहिट्ठेण नियसुयाइ समं । परिणाविओ मए सो, महाविभूईइ सुमुहुत्ते ॥३७२॥ कइवि दिणे ठाउमिहं, घित्तुं पियदंसणं गओ सपुरिं । जं ससुरगिहे सुइरं, चिट्ठंति न माणिणो पुरिसा ॥३७३॥ अण्णदिणे निसुयं मे, जं सो जामा-उओ विणा हेउं । पियदंसणं पसुत्तं, निसाइ मुत्तुं कहिं वि गओ ॥३७४॥ का वि पउत्ती संपइ, कहिया मह वामणेण एएण । परमवत्ता भयवं ! ता कहसु फुडक्खरं मज्झ ॥३७५॥ अह कुंभो भणइ तया, स वीरभद्दो इमं विचित्तेइ । वावत्तरीकलाणं, पारं पत्तो अहं ताव ॥३७६॥ सिद्धा य मज्झ मंता, विण्णाणाणि य मए अवगयाणि । नाया य दिव्वगु-डिया, जोगा विग्गहयकरा बहवे ॥३७७॥ एयं निरत्थयं पुण, पिउलज्जाए अपायडंतस्स । देसंतरम्मि गंतुं, पयडेमि इमं तओ सव्वं ॥३७८॥ इय चिंतिय निगंतुं गिहाउ गुडियापओगओ अप्पं । काऊण सामवण्णं, पच्छा सेच्छाइ भमइ महिं

१ हटे । २ जण्णा० ब्रात-जान । ३ सत्त्ववाता ।

सुदंसणा-  
चरियम्मि

॥ ४२ ॥

॥३७९॥ सा तुह धूया ससुरं, पुच्छिय इह आगया विसायगया । जम्हा कुलनारीणं, पइं विणा पिउगिहे ठाणं ॥३८०॥  
सो पुण कयाइ पत्तो, सिंहलपत्तम्मि रयणउरनयरे । तत्थ य कहमवि पत्तो, हट्टे सिद्धिस्स संखस्स ॥३८१॥ पुट्ठो तेण  
कओ तं, इहाऽऽगओ वच्छ !? तेण पुण भणियं । अहमागओऽमि रूसिय ताय ! इहं तामलिक्कीओ ॥३८२॥ संखेण  
तओ भणियं न सुट्ठु तुमए कयं? पुण इयाणिं । मज्झ अपुत्तस्स तुमं पुत्तो भुंजसु इमं विहवं ॥३८३॥ इय भणिय वीरभद्दो,  
सप्पणयं तेण नियगिहे नीओ । पुव्वकयसुकयवसओ, चिट्ठइ नियजणयगेहव ॥३८४॥ अह तत्थ अत्थि कण्णा, निवस्स  
रयणायरस्स वररूवा । सा ऽणंगसुंदरी पुरिसंवेसिणी सब्बगुणकलिया ॥३८५॥ तीए पासे वच्चइ, पइदियहं संखसिद्धिणो  
धूया । विणयवई नामेणं, विणइक्कगिहं सही तीए ॥३८६॥ पुट्ठा य वीरभद्देण भइणि ! तं जासि कत्थ निच्चं पि? । तीइ  
कहिए सरूवे, भणइ इमो तं पुणो एवं ॥३८७॥ सा कह गमेइ कालं?, भणइ इमा वीणवायणाईहिं । सो भणइ तुह  
सहीए, पासे सद्धिं तए एमि? ॥३८८॥ भणइ इमा सा पिक्खइ नरस्स रूवं न बालगस्साऽवि । तो भणइ इमो रूवं, अहं  
करिस्सामि इत्थीए ॥३८९॥ आमं त्ति तीइ वुत्ते, इत्थीरूवं नडुव्व सो काउं । रायसुयाइ सगासे, विणयवईए समं पत्तो  
॥३९०॥ निवधूयाए पुट्ठं, सहि ! केयं दीसए पवरजुवई? । ती उत्तं मज्झ ससा एसा तं दट्ठुमिह पत्ता ॥३९१॥ अह  
रायसुयाइ तहिं, वरेहिं नववण्णएहि फलयम्मि । माणससरम्मि हंसी, विरहत्ता लिहिउमाढत्ता ॥३९२॥ तं भणइ वीरभद्दो,  
तए इमा विरहविहुरिया हंसी । आरद्धा किल लिहिउं न तारिसं दिट्ठिमाइं पुणो ॥३९३॥ अह लिहसु तुमं एयं ति

१ पुरुषद्वेषिणी ।

विजयकु-  
मारसरूव-  
प्परूवग-  
नाम अट्ठ-  
मुद्देसो ।

॥ ४२ ॥

तीइ फलयं समप्पियं तस्स। तेण वि लिहिया हंसी रायसुया दट्ठमिय भणइ ॥३९४॥ अंतब्भावपयासगमिमीइ आलेहकोस-  
लमउवं। उंअ अहो! हंसीए दिट्ठी नणु बाहजलभरिया ॥३९५॥ सिढिलमुणालाचंचू सिढिला गीवा मिलाणयं वयणं। सिढिला  
पक्खा उप्पडणअक्खमा खलु सुलक्खा य ॥३९६॥ सुण्णमवत्थाणमिणं, किं बहुणा? अकहिया वि एईए। विरहाऽऽकुला  
अवत्था सयं पि नज्जइ सुहेण अहो? ॥३९७॥ विणयवइ! इच्चिरं ते कलाविऊ दरिसिया न मे एसा?। तो भणइ वीरभदो,  
नाऽऽणीयाऽहं गुरूण भया ॥३९८॥ रायसुया भणइ इमीइ नाम किं सहि! तओ भणइ एसो। वीरमई मे नामं ति  
वुत्तु ताओ गया सगिहं ॥ ३९९॥ निच्चं पि तत्थ तेणं, वच्चंतेणं तु इत्थिरूवेणं। वीणापमुहकलाहिं, रायसुया रंजिया  
बाढं ॥४००॥ गिहमागओ य पिउणा, भणइ तं वच्छ! इच्चिरं कत्थ। चिट्ठसि? जमहं न तैरेमि उत्तरं दाउ लोयाणं  
॥४०१॥ तो तेण तं सरूवं कहिउं मा ताय! तं भयं कुणसु। निबंघे पुण रण्णो, मण्णिज्ज विवाहमवि तीए ॥४०२॥ अह  
निवसहाइ वत्ता, जाया जह इत्थ संखसिद्धिगिहे। को वि वररूवगुणवं, संपत्तो तामलिक्कीओ ॥४०३॥ भणइ निवो ता  
होही, पवरवरो एस नणु मह सुयाए। अणुरूवजोयणेणं तह विहिणो नूण निउणत्तं ॥४०४॥ अह तेण रायधूया, एगंते  
जंपिया कयाइ इमं। एरिसरूवाइगुणा, वररहिया चिट्ठसि किमेवं? ॥४०५॥ सा भणइ जं न लब्भइ वरोऽणुरूवो तओ  
वरेणाऽलं!। वरमुंबसा वि साला, तक्करभरिया न उ कया वि ॥४०६॥ तो भणइ वीरभदो भदे! दंसेमि तुह वरं उचियं।  
सा जंपइ जइ सच्चं, ता लहु दंसेसु तं मज्झ ॥४०७॥ तो तेण जुवइरूवं मुत्तूण पयडियं च तं रूवं। तो आह इमा परिणसु

१ विलोकन करो इसअर्थमें अव्यय। २ न शक्नोमीत्यर्थः। ३ उद्दसा—उज्जड।

सुदंसणा-  
चरियम्मि

॥ ४३ ॥

ममं ति तो जंपए एसो ॥४०८॥ एवं जणाऽववाओ, तो तं आहूय निवसमीवाओ । अब्भत्थिय मह जणयं, कारावसु नियय-  
वीवाहं ॥४०९॥ एवं च तेहिं विहिए परिणीया ऽणंगसुंदरी तेण । रण्णा वि दिण्णमेयस्स पवरपासायमाईयं ॥४१०॥  
पुबभवचरियसुचरियगुरुपसरुल्लसिरगरुयरिद्धिभरो । सो तत्थ तीइ सद्धिं, भुंजइ भोए सुरवरुद्ध ॥४११॥ तस्स य संसग्गेणं,  
सा जाया साविया निवइधूया । न परमिह संतसंगो, सुहओ नूणं परभवे वि ॥४१२॥ अह तीए पडिलिहिउं जिणपडिमा  
दरिसिया तहा संघो । जाणाविअं च तेणं, जिणमुणिवंदणपमुहकिच्चं ॥४१३॥ सा अण्णदिणे तेणं, पीइपरिक्खाकए इमं  
भणिया । गंतुं पिऊण मिलिउं, एमि अहं चिट्ठ तुममिहइं ॥४१४॥ ती उत्तमिमं सोउं पिई सरिज्जइ ? हवेमि तुह सरिसी ? ।  
तो तेणुत्तं मा कुव पिए ! तुमं सह नइस्सामि ॥४१५॥ तो आपुच्छिय निवइं, पोयगओ तीइ संजुओ चलिओ । जलहिम्मि  
इमो अह पबलवाउणा पवहणं भगं ॥४१६॥ पत्तं च तीइ फलयं, तेण विलग्गा समुद्धमुत्तरिउं । एगम्मि आसमपए, पत्ता  
कुलवइसमीवमिमा ॥४१७॥ अह तत्थ ठाविउं कइवि वासरे तेण पेसिया सद्धिं । एगेण तावसेणं नयरे इह पउमिणीसंडे  
॥४१८॥ सुव्वयगणिणिं एसा, सरीरचिंतागयं बहिं दट्ठुं । पडिलिहियदिट्ठसमणीउ सुमरिउं हरिसिया जाया ॥४१९॥ पुब-  
ब्भासेण तयं वंदिय सह तीइ आगया वसहिं । सा तत्थ तुह सुयाए, दिट्ठा पियदंसणाइ तया ॥४२०॥ पुट्ठाइ सुव्वयाए  
वुत्तंतो तीइ साहिओ नियओ । पियदंसणाइ पुट्ठा, केरिसवण्णो तुह स भत्ता ? ॥४२१॥ सा भणइ सामवण्णो, तो सा  
पियदंसणा भणइ भइणि ! । संवयइ सब्बमण्णं, कणयप्पहो मह पई किंतु ॥४२२॥ धम्मभइणीओ ताओ सुहेण चिट्ठंति  
दोवि तुह गेहे । धम्माणुट्ठाणपरा सेवंतीओ सया गुरुणिं ॥४२३॥ अह सो वि वीरभहो भग्गे वहणम्मि कयसहजरुवो । दिट्ठो

विजयकु-  
मारसरूव-  
प्परूवग-  
नाम अट्ठ-  
मुद्देसो ।

॥ ४३ ॥

फलविलगो, रइवल्लहखेरिंदेण ॥४२४॥ आरोविउं विमाणे, नियए वेयहुपवए तेणं । वेगेण गयणवल्लहपुरम्मि नियमंदिरे नीओ ॥४२५॥ तो वज्जवेगवइकुक्खिसंभवाए सुयाइ सह तेण । रयणप्पहानामाए विवाहिओ गरुयहरिसेण ॥४२६॥ अह अण्णदिणे रण्णा, पुट्ठेणं तत्थ तेणिमं भणियं । जह वत्थवो अहयं सिंहलदीवम्मि सिट्ठिसुओ ॥४२७॥ नामेण बुद्धदासो, भत्तो बुद्धाण तह य बुद्धस्स । तह ऽणंगसुंदरी मे, भज्जा सुरसुंदरीसरिसा ॥४२८॥ अण्णदिणे सकलत्तो, आगच्छंतो ठिओ पवहणम्मि । भग्गे वहणे दिट्ठो तुमए अहमाऽऽणिओ इहयं ॥४२९॥ ता कहसु तुमं नरवर ! इण्हिं सा कत्थ चिट्ठइ पिया मे ? । तेण वि कहियं विज्जाबलेण जह इत्थ सा अत्थि ॥४३०॥ अह तेणं बहुखयरे वच्चंते दद्धुमंवरपहेणं । पुट्ठा सा कत्थ पिए ! वयंति विज्जाहरा एए ? ॥४३१॥ ती उत्तं जत्तत्थं, सिद्धाययणम्मि इत्थ जंति इमे । तो सो वि विमाणगओ तीइ समं तत्थ संपत्तो ॥४३२॥ सासयजिणपडिमाओ भत्तीए तत्थ तेण नमियाओ । पुट्ठा सा कहसु पिए ! को देवो ? केरीसो च इमो ? ॥४३३॥ तीए भणियं पिययम ! किं न तुमं मुणसि एस अरिहंतो ? । जियरागदोसमोहो, देवो देवाहिदेवु त्ति ॥४३४॥ सो भणइ बुद्धपुत्तो, पिए ! अहं कहमिमं वियाणामि ? । सिंहलदीवे जं बुद्धदंसणं दीसए बहुयं ॥४३५॥ अह हिट्ठेणं रइवल्लहेण जत्तागयस्स तस्स सयं । दिण्णाओ विज्जाओ बहुयाओ पढियसिद्धाओ ॥४३६॥ सो अण्णदिणे कीडामिसेण सह तीए आगओ इहयं । संजइवसहिसमीवे, रयणप्पहं मुत्तु ओसरिओ ॥४३७॥ सा तं अपिच्छमाणी रूयमाणी सुवयाइ सुणिऊण । करुणाए निगंतुं, धीरविया <sup>१</sup>तेडिया वसहिं ॥४३८॥ मिलिया तासिं दुण्ह वि कहिउं नियपइविओगवुत्तंतं । ताण समीवे

१ तो गया इत्यपि पाठः ।

सुदंसणा-  
चरियम्मि

॥ ४४ ॥

चिट्ठइ इमा वि सधम्मकम्मरया ॥४३९॥ अह ऽणंगसुंदरीए पुट्ठा पियदंसणाइ रयणपहा । साहमु सहि! तुह भत्ता स केरिसो? किमभिहाणो य? ॥४४०॥ सा भणइ बुद्धदासो नामेण स आगिईइ कणयप्पहो । सिंहलदीवनिवासी अणेग-  
गुणगणरयणखाणी ॥४४१॥ तोऽणंगसुंदरी सा भणइ इमं भइणि! मिलइ मह पइणा । सबं पि किंतु विहडइ धम्मनि-  
वासाऽऽगिइनामं ॥४४२॥ पियदंसणा वि पभणइ, न घडइ मह धम्मनामवासित्तं । इय वुत्तु ताओ तिणिण वि भयणि व सुहेण ठंति तहिं ॥४४३॥ तं नाउं निबुयमणो स वीरभद्दो कुऊहलपहाणो । काउं वामणरूवं, विहरइ सिच्छाइ इह नयरे ॥४४४॥ विण्णाणनाणनवनवकलाहि कोउयसएहि पुरलोयं । विम्हावित्तो चिट्ठइ गुरुजणकयगरुयसम्माणो ॥४४५॥ ईसा-  
णचंदराया, सुणित्तु एयं तयं समाहूय । गरुएण गउरवेणं, नियपासे ठवइ वामणयं ॥४४६॥ अह अण्णदिणे रण्णा, निसुयं जह इत्थ तिणिण जुवईओ । संजइउवस्सयगया, चिट्ठंति सुरंगणाउ व ॥४४७॥ पुरिसेण समं ताओ, केण वि न हसंति नेव जंपंति । न निरिक्खंति य समुहं, चिट्ठंति सया वि धम्मरया ॥४४८॥ तो रण्णा वामणओ, सो भणिओ भद्द! तह तुमं कुणसु । जंपंति जह इमाओ, तो एसो भणइ आमं ति ॥४४९॥ तत्तो पहाणपुरिसेहि परिवुडो पउरलोयपरियरिओ । वामणओ संपत्तो बाहिं वसहीइ समणीणं ॥४५०॥ ठाऊण तहिं नियसहचराण कहिऊण जह ममं तुब्भे । पुच्छिज्ज किं पि कहं ति वुत्तु मज्झे गओ तत्थ ॥४५१॥ वंदित्तु साहुणीओ, वसहीमुहमंडवम्मि उवविट्ठो । वुत्तो तेहि नरेहिं, चित्तकहं कहसु किं पि तुमं ॥४५२॥ अह तत्थ ताओ तिणिण वि किमेस कहिहि? त्ति साहुणीहि समं । सोउं समागयाओ तो जंपइ वामणो एवं ॥४५३॥ जाव न रण्णो ऽवसरु त्ति ताव किंचिवि अहं कहिस्सामि । तेहि वि तहत्ति भणिए भणइ इमो निसुणह

विजयकु-  
मारसरूव-  
प्परूवग-  
नाम अट्ठ-  
मुद्देसो ।

॥ ४४ ॥



जहित्थ ॥४५४॥ भरहम्मि तामलिक्तीइ उसभदत्तस्स वीरभद्दसुओ । जह तेण सिद्धिसागरदत्तसुया इत्थ परिणीया ॥४५५॥ जाव तयं मुत्तूणं, पत्तो देसंतरे पई तस्स । ताव कहित्ता सो भणइ उट्ठिमो निवखणो जाओ ॥४५६॥ उट्ठित्तु ससंभंतं, भणिओ पियदंसणाइ सो एवं । साहसु सुपुरिस ! पच्छा स वीरभद्दो गओ कत्थ ? ॥४५७॥ तो वामणेण भणियं, नाऽहं जंपेमि परमहेलाहिं । सद्धिं कहिं पि नियकुलकलंकभीओ सयाकालं ॥४५८॥ सा भणइ अत्थि एवं, कहइ कुलं तुह विसुद्धसीलं पि । सुकुलीण ! तहवि साहसु जं गरुया नहि निहक्खिण्णा ॥४५९॥ जइ एवं तो कळे, कहिस्समिय वुत्तु निग्गओ एसो । कहिए निवस्स पुरिसेहि वइयरे सो वि विम्हइओ ॥४६०॥ तह वीयदिणे वि इमो कहइ तओ नियपुरीइ नीहरिउं । गुडियाइ सामवण्णं, अप्पं काउं परिभमंतो ॥४६१॥ जह पत्तो रयणउरे, परिणीया ऽणंगसुंदरी तत्थ । जह तेण ताण इंताण सायरे पवहणं भग्गं ॥४६२॥ तोऽणंगसुंदरीए उट्ठंतो सो पयंपिओ एवं । सो कत्थ वीरभद्दो ? सो आह सुंए कहिस्सामि ॥४६३॥ तइए वि दिणे एवं कहइ इमो पवहणम्मि भग्गम्मि । सो विहियसहजरूवो, दिट्ठो रइवल्लहेण जहा ॥४६४॥ इच्चाइ जाव इहयं रयणपहं मुत्तु सो गओ तुरियं । तीइ वि पुट्ठो पाओ कहिस्समिय वुत्तु नीहरिओ ॥४६५॥ इय सोउं सवाओ भणंति सवासिं नूनमम्हाणं । एगुच्चिय भत्तारो संपइ पुण कत्थ सो अत्थि ? ॥४६६॥ सो एस सिद्धिसागर ! जामाऊ वामणो इमो तुज्झ । तिण्हं पि तासि भत्ता कीलाए विरहदायारो ॥४६७॥ इय सोउ भणइ एवं ति वामणो कुंभगणहरं नमिओ । नाणनयणाण तुम्हं अगोयरं नत्थि किं पि जए ॥४६८॥ अह सिट्ठी तुट्ठमणो वंदित्ता गणहरं समं

१ श्वस्-आगामी कल ।

सुदंसणा-  
चरियम्मि

॥ ४५ ॥

तेण । पत्तो पडिस्सयम्मि ताओ तयं दट्ठमुट्ठित्ति ॥४६९॥ सिट्ठी भणइ स एसो तुम्ह पई वीरभद्वामु त्ति । कह ? ताहिं  
ति पभणिए कहइ तयं गणहरुद्धिं ॥४७०॥ गणिणीइ इमं ? ताओ विम्हइयाओ इमो वि वामणत्तं । मुत्तूण सहजरूवो  
जाओ ताओ हरिसियाओ ॥४७१॥ अह गणिणी भणइ इमं इक्कं चिय सुंदरं जए पुण्णं । गेहे रण्णे जलहिम्मि पव्वए अहव  
अण्णत्थ ॥४७२॥ लंघित्तु आवयाओ विसेसओ लहइ संपयं पुरिसो । किमणेण कयं सुकयं पुबिं जस्सेरिसा रिद्धी ? ॥४७३॥  
भोगा य दाणवसओ ता दिण्णं कस्स दाणमेण ? । एयं पुच्छिस्सामो अरनाहजिणेसरं तत्तो ॥४७४॥ सा गणिणी सो  
सिट्ठी स वीरभद्वो पियाहि संजुत्तो । गंतूण समोसरियं नमंति सबे वि अरनाहं ॥४७५॥ पुट्ठं पवत्तणीए किमणेण वीरभद्व-  
कुमरेण । विहियं सुकयं पुबिं ? अरनाहो भणइ तो एवं ॥४७६॥ तइयभवे इह दीवे वच्छे विजयम्मि धणवइनिवोऽहं ।  
पव्वइउं विहरंतो संपत्तो रयणउरनयरे ॥४७७॥ अह आसि तत्थ नयरे नयरपहाणो महिद्धिओ सिट्ठी । जिणदासो नामेणं  
सुसावओ समयविहिकुसलो ॥४७८॥ सो तं धणवइसाहुं दट्ठं चउमासखवणपारणए । गिहमितं अब्भुट्ठिय गच्छइ समुहं  
पहिट्ठमणो ॥४७९॥ तिपयाहिणी करेउं वंदिय तिगरणविसुद्धभावेणं । नेऊण गेहमज्झे निहाणमिव तं पयत्तेणं ॥४८०॥  
वंदित्तु सपरिवारो स महप्पा तं मुणिं विचित्तेइ । धण्णोऽहं मह भवणे जं रायरिसी इमो पत्तो ॥४८१॥ तं अज्ज मज्झ गेहे  
समुग्गओ कप्पपायवो नूणं । चिंतामणी पहाणो अहवा मह करयले चडिओ ॥४८२॥ ता पडिलाभित्तु इमं महामुणिं सुद्ध-  
भत्तपाणेहिं । सहलीकरेमि निययं जीयं जम्मं च वित्तं च ॥४८३॥ इय चिंतिय पडिलाभइ दाइस्सामि त्ति ताव परितुट्ठो ।  
दिंतो चिअ परितुट्ठो सद्धारोमंचियसरीरो ॥४८४॥ दिण्णे वि य परितुट्ठो कयत्थमप्पाणयं ति मण्णंतो । जं एरिसम्मि पत्ते दाणं

विजयकु-  
मारसरूव-  
प्परूवग-  
नाम अट्ठ-  
मुद्देसो ।

॥ ४५ ॥

दिण्णं मए एवं ॥४८५॥ इय सव्वसुद्धदाणप्पभावओ झत्ति पाउब्भूयाइं । अब्भुअभूआइं तहिं आगासे पंचदिवाइं ॥४८६॥  
 देवेहिं कया बुढी गंधोदगपंचवण्णकुसुमाणं । तह रयणहिरण्णाणं चेलुक्खेवो कओ गयणे ॥४८७॥ पहयाओ दुंदुहीओ  
 गयणे घुट्ठं अहोसुदाणं ति । सुरअसुरखयरनियरेहि पूरियं नहयलं सयलं ॥४८८॥ मिलिओ य तत्थ नरवइपमुहजणो पुर-  
 जणो य विम्हइओ । तह जिणदासो सिट्ठी पसंसिओ सयललोएहिं ॥४८९॥ दाणं दिंतेण तया तेण जिणदाससावण  
 पुणो । देवाउयं निबद्धं कओ परित्तो य संसारो ॥४९०॥ घणवइमुणी वि अज्जिय कइहि वि ठाणेहि तित्थयरगोयं । मरिउं  
 महिद्धियसुरो उप्पण्णो नवमगेविज्जे ॥४९१॥ तो चविउं इह भरहे सुदरिसणनिवस्स देविदेविसुओ । हत्थिणउरम्मि  
 जाओ सोऽहं अरनामजिणनाहो ॥४९२॥ जिणदासो वि हु सिट्ठी चिरकालं पालिऊण गिहिधम्मं । मरिउं अमरो जाओ  
 महद्धिओ बंभलोगम्मि ॥४९३॥ तो चविउं इह भरहे कंपिलपुरम्मि इब्भगेहम्मि । उप्पण्णो सो पुत्तो महिद्धिओ परमसद्धो  
 य ॥४९४॥ तत्थ वि उत्तमभोएहि संगओ पालिऊण गिहिधम्मं । सो मरिउं उप्पण्णो अच्चुयकप्पम्मि पवरसुरो ॥४९५॥  
 तत्तो चविउं जाओ तेणं पुण्णाणुबंधिपुण्णेणं । जिणदाससिट्ठिजीवो एसो सो वीरभहु त्ति ॥४९६॥ इय पहुकहियं सोउं  
 स वीरभहो सरित्तु नियजाइं । पणमित्तु पहुं पभणइ भयवं ! सवं पि सच्चमिणं ॥४९७॥ तो गिहिधम्मं गहिउं सकलत्तो  
 सिट्ठिसंजुओ एसो । संपत्तो पुरमज्जे विहरइ अण्णत्थ सामी वि ॥४९८॥ अह सो पुच्छिय ससुरं सपिओ उक्कंठिओ  
 नियपिऊणं । पवरविमाणाऽऽरूढो संपत्तो तामलिच्चीए ॥४९९॥ ओयरिय विमाणाओ सपरियणो सह पियाहि सप्पणयं ।  
 अम्मापिऊण पणओ आणंदियसयलपुरलोओ ॥५००॥ भुंजित्तु पवरभोए तेण सुचिण्णेण पुव्वपुण्णेण । पालित्तु इमो सुइं

सुदंसणा-  
चरियम्भि

॥ ४६ ॥

सावयधम्मं च सुविसुद्धं ॥५०१॥ समयम्भि सुगुरुपासे संविग्गमणो स वीरभद्दिजिओ । पवज्जं पडिवण्णो अकलंकं पालिऊण वयं ॥५०२॥ सुरलोए संपत्तो भोत्तु भोगाइं तत्थ दिवाइं । तत्तो चुओ चरित्ता चरणं लहिही स निवाणं ॥५०३॥ तिविहो वि दाणधम्मो भद्दे ! तुह साहिओ मए एवं । विवरियसिवसुहलीलं संपइ सीलं निसामेह ॥५०४॥

नियकुलनहयलममलं सीलं सारयससिब धवलेइ । सीलेण य जंति खयं खिप्पं सबे वि दुरियगणा ॥५०५॥ जाइकुलरू-  
ववलसुयविज्जाविण्णाणलच्छिरहिया वि । सबत्थ पूयणिज्जा निम्मलसीला नरा लोए ॥५०६॥ जाइकुलरूववलसुयविज्जावि-  
ण्णाणलच्छिसहिया वि । पावंति नेव ठाणं सबत्थ वि सीलपब्भट्ठा ॥५०७॥ लब्भइ सीलेण कुलं सीलं न कुलेण पायडं  
होइ । तम्हा सीले सिवसुहनिबंभधणे आयरं कुणह ॥५०८॥ तं पुण सीलं दुविहं देसे सबे य होइ नायबं । देसे गिहीण  
दंसणमूलाणि दुवालसवयाणि ॥५०९॥ साहूण सबसीलं सीलांगद्वारससहस्सा जं । बुज्झंति निरइयारा जावज्जीवं अवि-  
स्सामं ॥५१०॥ ता कायवा भत्ती साहूण विसुद्धसीलवंताणं । नियसत्तीए य तहा पालेयबं सया सीलं ॥५११॥ तत्थ वि  
उस्सग्गेणं सुसावओ धरइ निम्मलं सीलं । पालइ पवदिणेसु च काऊण सदारसंतोसं ॥५१२॥ अहवा वि ससत्तीए एगे-  
गविहायभेयपडिभिण्णं । नरयपुरनिविडदारं परदारं चयइ पुण निच्चं ॥५१३॥ लहुकम्मा गुरुसत्ता पवित्तसीला कलावइव  
जिया । पावंति पुण्णवंता कित्तिं च सुहं च सुगइं च ॥५१४॥

तहाहि—अत्थित्थ भरहवासे देसे सिरिमंगले सिरीनिलए । संखुज्जलगुणजणयाविराइयं संखउरनयरं ॥५१५॥ तं

१ विवरिय० विवृत-विख्यात । २ विहाय० विधा-प्रकार इति ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ४६ ॥

परिवालइ पबलप्पयाववलदलियसयलपडिवक्खो । असंखगुणनिवासो संखो नामेण नरनाहो ॥५१६॥ अह अण्णया कयाई  
 अत्थाणगयस्स तस्स नरवइणो । गयसिद्धिसुओ दत्तो पडिहारनिवेइओ पत्तो ॥५१७॥ नमिय निवं उवविट्ठो पुट्ठो रण्णा  
 चिराओ किं दिट्ठो ? । स भणइ दिसिजत्ताए गओ चिरेणऽज्ज इह पत्तो ॥५१८॥ भणियं निवेण भो दत्त ! किं तए तत्थ  
 दिट्ठमच्छरियं ? । भणइ इमो ऽहं पत्तो कयाइ पहु ! देवसालपुरे ॥५१९॥ तत्थ मए जं दिट्ठं अच्छरियं तं न सक्कए वुत्तुं ।  
 इय भणिय चित्तफलं निदंसियं तेण नरवइणो ॥५२०॥ रण्णा निरिक्खिज्जणं पुट्ठो तं कहसु का इमा देवी ? । सो भणइ  
 इमा देवी पहु ! न हु किं पुण ? इमा मणुई ॥५२१॥ रण्णा भणियं ता कहसु का इमा कण्णगा ? किमभिहाणा ? । दत्तेणु-  
 त्तमिमा पहु ! कलावई नाम मह भइणी ॥५२२॥ कहमेयं ? ति निवुत्ते भणइ इमो देव ! सत्थपुरओऽहं । वच्चांमि चोरसंकाइ  
 मग्गसोहणकए जाव ॥५२३॥ ताव मए मग्गतडे पडिओ मयतुरगपिट्ठिदेसठिओ । अमरकुमारुव नरो कंठाऽऽगयजीविओ  
 दिट्ठो ॥५२४॥ पवणप्पयाणपयपाणमोयगाईहि विहियसज्जतणू । पुट्ठो स मए कत्तो तं पत्तो ? कह व वसणमिमं ? ॥५२५॥ सो  
 भणइ देवसालनयराओ अहं इहं समाणेउं । विवरीयसिक्खतुरएण पाविओ एरिसं वसणं ॥५२६॥ तुब्भे वि भणह कत्तो  
 कत्थ व संपडियत्थ ? तेणुत्ते । भणियं मए गमिस्सं संखउरा देवसालपुरं ॥५२७॥ तो दोवि सत्थसहिया पवरसुहासणगया  
 पुरो जंता । पिक्खंति तक्खणेणं चउरंगदलं समुहमितं ॥५२८॥ जा खुहिओ सत्थजणो पडियं एगेण बंदिणा ताव । जयइ  
 जयसेणकुमरो विजयमहारायअंगरुहो ॥५२९॥ दट्ठं विजयनरिंदं कुमरो वि सुहासणाओ उत्तरिउं । पणमइ मए समाणं  
 नियजणयं जणियगुरुहरिसो ॥५३०॥ जयसेणकुमारेणं भणियमिणं ताव ! सत्थवाहेणं । जीवाविओऽमि अहयं दत्तेणिमिणा

सुदंसणा-  
चरियम्मि

॥ ४७ ॥

सुपुरिसेण ॥५३१॥ तुट्ठेण तओ रण्णा भणियं तं मज्झ पढमपुत्तु त्ति । काऊण सत्थसुत्थं नीओ सह अप्पणा सपुरं ॥५३२॥  
तह कहवि तेहि हरियं रायकुमारेहि देव ! मह हिययं । जह जणणिजणयनियनयरदेसवासस्स नो सरइ ॥५३३॥

अवि य—ते केइ मिलंति महीयलम्मि लोयणमहूसवा मणुया । हिययाओ खणं पि न ओसरंति जे टंकघडियाओ  
॥५३४॥ अत्थि पुण तस्स रण्णो धूया सिरिदेविकुच्छिसंभूया । लक्खणधरी सुरूवा अणुया जयसेणकुमरस्स ॥५३५॥  
तुलियतिलुत्तमतेया कलाकलावम्मि सुट्ठु पत्तट्ठा । जणमणहरणसुचरिया कलावई सच्चवियनामा ॥५३६॥ तीए अणुरूववरो  
सच्चत्थ गवेसिओ न उवलद्धो । चिंतानलेण डज्झंति तेण पिउभायहिययाइं ॥५३७॥ भणिओ तेहिं तओऽहं भइणीए  
लहसु किं पि वरमुचियं । जं बहुरयणा पुहई तह बहुदिट्ठोऽसि दत्त ! तुमं ॥५३८॥ एवं ति भणंतेणं मए वि लिहिओ इमो  
पडिच्छंदो । तयणुण्णाओ कमसो कल्ले गेहम्मि पत्तोऽमिह ॥५३९॥ फुरइ पुण मज्झ हियए एसा देवस्स चेव उचिय त्ति ।  
नियसामियं पमुत्तुं रयणं को संहइ अण्णस्स ? ॥५४०॥ कुलगिरिसमुब्भवाणं ठाणं रयणायरो हु सरियाणं । मुत्तूण पव्वणिंदुं  
गहंतरं घडइ किं जुण्हा ? ॥ ५४१॥ एवं विभाविऊणं अपडिरूवाइ तीइ पडिरूवं । देवस्स दंसियं मे संपइ देवो पमाणं ति  
॥५४२॥ इय सोउं संखनिवो तीए बालाइ, जायअणुराओ । जा चिट्ठइ वाउलिओ ता कालनिवेयणुत्तं ॥५४३॥ उल्लसि-  
यतेयपसरो सूरु जणमत्थयं कमइ एसो । तेयगुणब्भहियाणं किमसज्झं जीवलोगम्मि ॥५४४॥ तो राया अत्थाणं विसज्जिउं  
देवपूयणं काउं । भुत्तुं सयणीयगओ चिट्ठइ तं चेव चिंततो ॥५४५॥ दत्तो पुण तम्मि पुरे गंतुं विजयस्स राइणो कहइ ।

१ तिलुत्तमा० अप्सरा । २ आज्ञपयति ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ४७ ॥

सबं पि जहावत्तं संखणुरायस्स वुत्तंतं ॥५४६॥ तुट्ठेण तओ रण्णा जयसेणकुमारसंजुया सिग्घं । चउरंगवलसमेया सयं-  
वरे पेसिया धूया ॥५४७॥ अह सहसा संखउरे असंखसिण्णं समागयं नाउं । संखो संखुहियमणो जा चिट्ठइ रणरसप्प-  
उणो ॥५४८॥ ता दत्तेणाऽऽगंतुं विण्णत्तं संखरायणो खिप्पं । को एस समारंभो देव ! अकंडे पलयतुल्लो ? ॥५४९॥ नणु एयं  
तं रयणं सयंवरं एइ जमिह देवस्स । चित्तं द्वियं पि दिट्ठं चिट्ठइ चित्तं द्वियं निच्चं ॥५५०॥ सो एस जयकुमारो दिसि दिसि  
वित्थरियकित्तिपब्भारो । रूवविणिज्जियमारो संपत्तकलाजलहिपारो ॥५५१॥ दाऊण कणयजीहं सयलं दत्तस्स अंगलगं च ।  
भणइ निवो कह एयं सुंदर ! अइदुग्घडं घडियं ? ॥५५२॥ दत्तो आह हसंतो अचित्तमाहप्पयाइ देवस्स । घडइ अइदुग्घडं  
पि हु भण्णइ अण्णं किमम्हेहिं ? ॥५५३॥ तो रण्णा पुरमज्जे पवेसिया सा महाविभूर्ईए । दिण्णो वरपासाओ काउं सम्मा-  
णमसमाणं ॥५५४॥ सुमुहुत्ते सब्बिद्धीए परिणीया संखराइणा एसा । गरुयपमोयपरेणं सिरिब देवी सिरिहरेण ॥५५५॥  
जयसेणकुमारो वि हु सप्पणयं ठाविओ कइवि दियहे । कयसम्माणो रण्णा विसज्जिओ सनयरं पत्तो ॥५५६॥ अह संखो  
नरनाहो कलावईए समं अणुबिग्गो । माणइ उत्तमभोए सईइ सद्धिं सुरिंदुब ॥५५७॥ तीए अदंसणे हिययनिबुइं न हु  
खणं पि पावेइ । नियजीवियं पि दिच्छइ अत्थइसइ तक्कहाखणिओ ॥५५८॥ अत्थाणमंडवगओ चारयरुद्धं व गणइ  
अप्पाणं । तुरयाइवाहणं पि हु अभिओगं मुणइ तविरहे ॥५५९॥

किं बहुणा ?—कज्जाइं कुणइ अंगं चित्तं चिट्ठइ कलावई जत्थ । अंतेउरं पि सबं कलावईनामयं तस्स ॥५६०॥ तणुयं-

१ चित्रस्थितमपि । २ मनस्थितम् ।

सुदंसणा-  
चरियम्मि

॥ ४८ ॥

गीए वि तीए रुद्धं रण्णो तहा गरुयहियं । ओगासं वि य न लहइ जह अण्णा तत्थ थेवं पि ॥५६१॥ गलिओ सोहग्गमओ जाओ धम्मम्मि आयरो अहियं । तीए सोहग्गगुणं सोऊणं नयरनारीणं ॥५६२॥ सा पुण न मुणइ वुत्तुं अलियं पेसुण्ण-महव परदोसं । ईसावसं न गच्छइ न वहइ गवं सुथेवं पि ॥५६३॥ जाणइ पियाइं भणिउं जाणइ सबत्थ उचियपडिवत्तिं । जाणइ दुहिएसु दयं जाणइ पइणो य अणुअत्तिं ॥५६४॥ निरुवमरूवाइगुणंणिया वि मणवयणकायपरिसुद्धं । तह सा पालइ सीलं जह देवाण वि जणइ चुज्जं ॥५६५॥ अह अण्णदिणे तीए निसाइ सुमिणम्मि सुहपसुत्ताए । दिट्ठो उच्छंगगओ कंचणकलसो जहुत्तगुणो ॥५६६॥ तक्खणपडिबुद्धाए गंतुं संखस्स अक्खिओ एसो । तेण वि वुत्तं होही पहाणपुत्तो पिए ! तुज्झ ॥५६७॥ इय सोउं परितुट्ठा अवितहमेयं ति पडिच्छित्ता । सुपसत्थदोहला सुहसुहेण गब्भं धरइ तत्तो ॥५६८॥ पढमं पसवइ नारी पिउगिहे तेण पसवसमयम्मि । तीए आणयणत्थं जणएहिं पेसिया पुरिसा ॥५६९॥ वरकोसलं च पुणो वत्थाऽऽहरणाइं संखनिवजुगं । जयसेणकुमारेणं अंगयजुयलं पुणो पवरं ॥५७०॥ गयसिद्धिगिहे पत्ता ते पुरिसा दत्तसंजुया तत्तो । उक्कंठिया य पढमं कलावईए गिहम्मि गया ॥५७१॥ पणया य तेहिं देवी हरिसवसुप्फुल्लनयणकमलेहिं । निवपाहुडं च तीए निदंसियं हरिसियमणाए ॥५७२॥ अह चिरकालाऽऽसाइयजणयपउत्ती कलावई इत्ति । रोमंचकंचुयंचियकाया सहसत्ति संजाया ॥५७३॥ सागयमिह तुम्हाणं ? कुसलं तायस्स ? नीरुया अंवा ? । नंदइ भाया मज्झं ? ति तीइ वुत्ते भणंति इमे ॥५७४॥ तुह दंसणूसुयाणं सामिणि ! सवेसि तेसि नणु कुसलं । अइवल्लहं खु एयं अंगयजुयलं कुमारस्स ॥५७५॥ दत्तेण मगियं

१ अणुवृत्तिं अनुकूलप्रवृत्तिमित्यर्थः । २ गुणान्विता । ३ कोसलं प्राभृत ।

विजयकु-  
मारसरू-  
प्परूवग-  
नाम अट्ट-  
मुहेसो ।

॥ ४८ ॥



पि हु नियभज्जाए कए न पुण दिण्णं । जयसेणकुमारेणं पंहियमिणं संखनिवजुगं ॥५७६॥ अह तीइ तयं गहियं रण्णो  
 अहमेव सबमप्पिस्सं । इय वुत्तं सम्माणिय विसज्जिया ते गया पुरिसा ॥५७७॥ भायसिणेहेण तओ देवी नियभुयलयासु  
 परिहित्ता । निज्झाइउं पयत्ता सुसंगयं अंगयं जुयलं ॥५७८॥ इत्थंतरम्मि देवीभवणसमीवम्मि आगओ राया । सोऊण हसिय-  
 सइं गवक्खजालंतरम्मि ठिओ ॥५७९॥ पिक्खइ तीइ भुयासु भुवणब्भुयभूयमंगयाभरणं । पच्छण्णं च निसामइ सहीहिं  
 सह इय समुल्लावं ॥५८०॥ अमयरसेण व सित्तं मह नयणजुयं इमेसि दंसणओ । अहवा सो चेव मए दिट्ठो एएहि दिट्ठेहिं  
 ॥५८१॥ अण्णं च उअह चुज्जं गयसिट्ठिसुएण मग्गियं एयं । तहवि न हु तेण दिण्णं पाणपिओ सो वि जं तस्स ॥५८२॥  
 भणियं सहीहिं सामिणि ! तुमं पि जं तस्स नेहसवस्सं । अण्णत्थ तारिसं किं संभवइ ? किमित्थ किर चुज्जं ? ॥५८३॥ एवं  
 अगहियनामं उल्लावं तासि बहुविहं सोउं । ईसावसेण राया डसिओ कुवियप्पसप्पेहिं ॥५८४॥ हिययस्स कयाणंदो एईए वल्लहो  
 नरो अण्णो । अहयं विणोयमित्तं वसीकओ कवडनेहाए ॥५८५॥ किं निहणेमि इमं चिय ? किं वा मारेमि वल्लहमिमीए ? ।  
 इय कोवजलणजालाऽऽवलीइ कलिओ निवो चलिओ ॥५८६॥ अत्थमिए दिणनाहे पच्छण्णं वाहरित्तु तो रण्णा । मायंगमहि-  
 लियाणं छण्णा सिक्खा सयं दिण्णा ॥५८७॥ तह निक्करुणमणेणं निक्करुणो नाम नियभडो भणिओ । पच्चूसे पच्छण्णं देविं  
 उज्झसु अमुगरण्णे ॥५८८॥ अह सो पहायसमए पउणित्ता रहवरं तुरियतुरियं । पभणइ देविं आरुह रहम्मि एयम्मि अविलंबं  
 ॥५८९॥ कुसुमुज्जाणे राया रमिउं संपत्थिओ गयारूढो । तुह आणयणे सामिणि ! आएसो अम्ह संजाओ ॥५९०॥ सरल-

१ ग्रहितम् । २ उअह० 'देखो' इत्यर्थवाचको अव्ययः ।

सुदंसणा-  
चरियम्मि  
॥ ४९ ॥

सहावा एसा ससंभमा रहवरं समारूढा । तेणाऽवि चोइया तक्खणेण तुरया पवणजवणा ॥५९१॥ कित्तियदूरे राया ? सुंदरि !  
एसेस अगओ जाइ । एवं जंपंताइं ताइं रण्णम्मि पत्ताइं ॥५९२॥ ताव पहाया रयणी विमलीभूयाइं दिसिबहुमुहाइं । रायाण-  
मपिच्छंती आउलहियया भणइ देवी ॥५९३॥ हा निकरुण ! किमेयं न य दीसइ इत्थ कत्थई राया ? । उज्जाणं पि न दीसइ  
विलविया कीस तुमएऽहं ? ॥५९४॥ सुवइ य न तूररवो न जणरवो किं तु रण्णमेयं ति । सुमिणमिणं ? मइमोहो ? किमि-  
दयालं ? कहसु सवं ॥५९५॥ इय बहुविहप्पलावं देविं दीणत्तमागयं दहुं । निकरुणो वि सकरुणो न तरइ पडिउत्तरं दाउं  
॥५९६॥ ओयरिय रहाउ तओ पुरओ कयकरयलंजली होउं । सोयभररुद्धकंठो रुयमाणो भणिउमाढत्तो ॥५९७॥ हद्धी  
धिरत्थु पावो देवि ! अहं सच्चमेव निकरुणो । जेणेरिसम्मि कज्जे निओइओ ह्यकयंतेणं ॥५९८॥ सो देवि ! वरमजाओ  
पावयरो पावचिद्धिओ दुट्ठो । सेवोवज्जियवित्ती धरेइ जो जीवियं पुरिसो ॥५९९॥ जुज्झइ जणएण समं विणिवायइ भायरं  
सिणिद्धं पि । सेवयसुणओ वरओ पहुणा सह विसइ जलणं पि ॥६००॥ ओयरिय रहवराओ ता निविससु इत्थ सालछायाए ।  
एसो रायाऽऽएसो अण्णं भणिउं न पारेमि ॥६०१॥ विज्जुनिवायब्भहियं तवयणं सुणिय मुणियतत्तत्था । ओयरमाणी मुच्छा-  
वसेण धरणिं गया देवी ॥६०२॥ इयरो वि रहं घित्तुं रुयमाणो चेव पडिगओ नयरं । पत्ता चिरेण कह कहवि चेयणं अह  
पुणो देवी ॥६०३॥ जा चिट्ठइ रुयमाणी अइकरुणं कुलंहरस्स सरिऊण । ता पुवनिउत्ताओ पत्ताओ पाणविलयाओ ॥६०४॥  
कत्तियकराहि ताहिं कोवुब्भडभिउडिभंगभीमाहिं । पच्चक्खरक्खसीहि व भणियमिणं भीसणं वयणं ॥६०५॥ हा ! दुट्ठे पाविट्ठे !

१ हाधिक-खेद इति । पितृगृहम् । ३ श्वपचमहिष्ठाः ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ४९ ॥

अणिट्टुचिट्टे ! न याणसि मुंरुक्खे ! । रायसिरिं माणेउं न मुणसि निवइस्स पडिकूला ॥६०६॥ ता नियदुच्चरियफलं सहसु त्ति पयंपिरीहि कूराहिं । सहसत्ति ताहि छिण्णं सअंगयं तीइ बाहुजुयं ॥६०७॥ हा ताय ! माय ! किमियं ? ति मुच्छिंया निवडिया धरणिवट्टे । कह कहवि लद्धसण्णा कलावई विलविउं लगा ॥६०८॥ हा दिव ! कीस मज्झं एवं कुविओऽसि निग्घिणो होउं । जेण अतक्कियमेवं करेसि अइदारुणं दंडं ? ॥६०९॥ किं नत्थि तुज्झ गेहे मए समा काऽवि बालिया पाव ! । जेण न याणसि निद्धं हयविहि ! दिंतो दुहमणिट्ठं ॥६१०॥ हा अज्जउत्त ! जुत्ता असंमिक्खियकारिया न ते विउणो । दहिही अहियं हिययं अणुतावो नाह ! तुह विउणो ॥६११॥ जाणंतीए न कओ नाह ! मए तुज्झ विप्पियलवो वि । अण्णाणकए पिययम ! न हु जुत्तो एरिसो दंडो ॥६१२॥ कण्णेजवेण केणवि सिट्ठं तुह किं पि तं न याणामि । सहसु मा हु सुमिणंतरे वि सीलस्स मालिण्णं ॥६१३॥ खणरत्तखणविरत्ता नारी पडिवण्णपालगा पुरिसा । एसा वि जणपसिद्धी विवरीया अज्ज संजाया ॥६१४॥ इय विलवंती सहसा नईतीरे वणनिगुंजमज्झमि । सा दारयं पसूया देवकुमारोवमं देवी ॥६१५॥ दट्ठूण तस्स रूवं कलावई बाहुछेयणसमुत्थं । पसवप्पभवं च दुहं पँम्हुसिउं हरिसिया जाया ॥६१६॥ आवयगयं पि सुहयइ हासइ गुरुसोग-गहियहिययं पि । मरमाणं पि जियावइ सुपुत्तसंजीवणी जीवं ॥६१७॥ भणइ य पुत्त ! सुजायं होज्जसु दीहाउओ सुही सययं । वच्छ ! करेमि किमण्णं वद्धावणयं तुह अहण्णा ? ॥६१८॥ अह सो तडप्फडंतो लग्गो लुढिउं सुओ नईसमुहो । कहमवि तं चलणेहिं धरिओ अक्कंदिउं एवं ॥६१९॥ हा ! हा ! कयंत ! निग्घिण ! तुट्ठोऽसि न इत्तिएण किं पाव ! ? । दाऊण

१ मूर्खे ! । २ असमीक्षितकारिता-साहसकर्म इत्यर्थः । ३ कर्णेजपेन-पिशुनेनेत्यर्थः । ४ विस्मृत्य ।

सुदंसणा-  
चरियम्मि

॥ ५० ॥

पुत्तरयणं पुणो वि जं हरिउमारद्धो ॥६२०॥ संभंता भणइ इमा भदे ! नइदेवि ! दीणवयणाए । दुहियाइ असरणाए निहो-  
साए सुणसु वयणं ॥६२१॥ जइ जयइ जए सीलं निम्मललीलं कलंकियं न मए । ता दिव्वनाणनयणे ! कुण वालयपालणो-  
वायं ॥६२२॥ इय करुणं कंदंती कारुणगयाइ सिंधुदेवीए । सोहणतरवाहुलया निरुया य कया खणेणेसा ॥६२३॥ दिव्वप-  
भावेण इमा अणुहविरी तणुसुहं अणणुभूयं । करयलजुएण धित्तुं बालं संठवइ अंकम्मि ॥६२४॥ संपइ किमहं काहं ? ति  
जाव सा चिंतइ भउब्भंता । तावसमुणिणा केणइ ता दिट्ठा पुण्णजोगेण ॥६२५॥ करुणाइ तेण नीया कुलवइपासम्मि तेण  
वुत्तंतं । सा पुट्ठा असमत्था कहिउं तो तेण भणियमिणं ॥६२६॥ को इत्थ निच्चसुहिओ ? कस्स व लच्छी अखंडियच्छाया ? ।  
कस्स व सुथिरं पिम्मं ? कस्स व खलियं न संजायं ? ॥६२७॥ तो धीरत्तणमवलंबिऊण वच्छे ! इहं निययवच्छं । पालेह ताव-  
सीमज्झसंगया नियपिउगिहिब ॥६२८॥ इय धीरविया संती कलावई तावसीण मज्झगया । चिट्ठइ सुहंसुहेण पालंती  
अत्तणो तणयं ॥६२९॥ इत्तो य ताहि मायंगियाहिं केउरकंकणजुयाओ । नेऊण दंसियाओ बाहाओ ताओ नरवइणो  
॥६३०॥ जयसेणकुमारस्स उ नामं दट्ठूण अंगएसु निवो । चिंतइ महाअकज्जं रभसवसा ही मए विहियं ॥६३१॥ न य  
पच्चक्खं दिट्ठं न सुयं न य पुच्छि यं मए सम्मं । कुवियप्पकप्पणाहिं अहह ! कहं विनडिया देवी ? ॥६३२॥ तो बाहरित्तु पुट्ठो  
गयसिट्ठी संखराइणा सिग्घं । इह देवसालनयराओ संपयं आगओ कोइ ? ॥६३३॥ तेणुत्तं मम गेहे कळे चिय आगया  
पहाणनरा । देवी आणयणत्थं न तुम्ह मिलियाऽणवसरु त्ति ॥६३४॥ सद्दाविऊण रण्णा किमेयमंगयजुयं ? ति ते वुत्ता ।

१ अनुभवित्री ।

विजयकु-  
मारसरूव-  
प्परूवग-  
नाम अट्ठ-  
मुदेसो ।

॥ ५० ॥

कहियं च तेहिं सबं जह देवीमंदिरे मुक्कं ॥६३५॥ एवं च भणंताणं ताणं संखो असंखदुवखत्तो । मुच्छानिमीलियच्छो  
 धसत्ति धरणीयले पडिओ ॥६३६॥ तत्तो हाहारवपरपरियणउवयारपउणिओ वि निवो । पुण पुण मुच्छिज्जंतो कह कहमवि  
 चेयणं पत्तो ॥६३७॥ चिंतइ विसण्णचित्तो असमिक्खियकारिया अहो ! मज्झ । अकयण्णया अहो ! मे कुकम्मचंडालया ही  
 मे ॥६३८॥ एयस्स इत्थिरयणस्स मंदभग्गो अहं अजोग्गोऽमिह । इय जंपंतो पासट्ठिएहिं पुट्ठो किमेवं ? ति ॥६३९॥ भणइ  
 निवो मुट्ठोऽहं भो ! भो ! दुच्चरियचोरचक्केणं । जेण मए अवगण्णिय विजयनरिंदस्स वच्छलं ॥६४०॥ जयसेणकुमरमित्तिं  
 पमंहुसिउं अकलिऊण पिम्मं च । देवीकलावईए अवहीरिय कुलकलंकं च ॥६४१॥ संभाविऊण सहसा दोसमसंभावणिज्ज-  
 मवि तीए । अण्णाणंधेण हहा !! उदकमवियारिऊण मए ॥६४२॥ आसण्णपुत्तपसवाइ जं मए ववसियं अहण्णेण । तं चिंतिउं  
 ण तीरइ किमंग ! पुण जंपिउं पावं ? ॥६४३॥ ता सबहा वि संपइ असुइउक्कुरुडुव सुद्धिपरिहीणो । अदिट्ठवमुहो ऽहं विसि-  
 ट्ठलोयस्स किं बहुणा ? ॥६४४॥ ता भो मंतिपमुहा ! कट्ठेहिं चियं रएह पुरवाहिं । पविसित्तु तत्थ जेणं मरामि खिप्पं दुरप्पाऽहं  
 ॥६४५॥ इय निववयणमतक्कियमायणिय परियणो किमेयं ? ति । सुण्णो बुण्णो होऊण मुक्कपुक्को विलवइ त्ति ॥६४६॥  
 हा अज्जउत्त अइनिग्घिणोऽसि कह ववसियं तए एवं ? । सा मुहमंडणमम्हं कत्थ ? त्ति भणंति जायाओ ॥६४७॥ हा ! रायंगण-  
 मेयं वट्ठइ सुण्णं च तं विणा सबं । मा रूस्स पसिय आणसु सामिय ! तं परियणो भणइ ॥६४८॥ हा ! हा ! ह ! त्ति किमेयं ? धिच्ची  
 एयारिसं विहिविहाणं । नरनारीगणो नयरे रुयइ समंता इय भणंतो ॥६४९॥ दूरभुत्तयं पि भत्तं दरपीयं पाणियं पि परि-

१ विस्मृत्य । २ उदकम्-उत्तरकालम् । ३ भीतः-त्रस्त इति । ४ दर० अर्द्ध ।

सुदंसणा-  
चरियम्मि

॥ ५१ ॥

चत्तं । डिंभेहि वि तम्मि दिणे मुक्कं थण्णं पि किमु अण्णं ? ॥६५०॥ अक्कंदसद्भीमं निक्करुणाणं पि जणियकारुणं । दट्ठूण  
पुरं राया उव्विग्गमणो पुणो आह ॥६५१॥ भो मंति ! किं चिरावह किं न मुणह मज्झ वेयणं अंगे । हा ! निट्ठुरं न फुट्ठइ  
हिययं मे गरुयदुक्खं पि ॥६५२॥ अह मंतिदारसयणा सयराहमुदाहरंति रुयमाणा । मा कुण वियक्खण ! खए खार-  
क्खेवं खणेणऽम्हं ॥६५३॥ जइ कहवि बुद्धिखूणं संजायं दिव्वजोगओ एगं । ता मा करेह बीयं दट्ठोवरिफोडियातुल्लं  
॥६५४॥ भयकायराण सरणं हवंति धीरा धराधरत्थेज्जा । धीरा वि धीरयं जइ चयंति ता होउ किं सरणं ? ॥६५५॥

अण्णं च—चिरपरिपालियमेयं रज्जमसंपत्तसत्तुसंतावं । हयविप्पहयं होहिइ तुमए मुक्कं खणेणाऽवि ॥६५६॥ काऊण  
कुलच्छेयं मा पूर मणोरहे रिउजणाणं । पज्जालिऊण जलणं को किर उज्जोयए भवणं ? ॥६५७॥ इय सविणयं सप्पणयं गुण-  
दोसवियारसारमवि भणियं । अवगणिऊण राया चलिओ अणुतावतत्तंगो ॥६५८॥ न तहा तवेइ तवणो न जलियजलणो  
न विज्जुनिग्घाओ । जह अवियारियकज्जं विसंवयंतं तवइ कज्जं ॥६५९॥ तत्तो अणुगम्मंतो समंतसुद्धंतमंतिमाईहिं । कह  
कहवि अणिच्छंतो वि तुरयमारोविओ तेहिं ॥६६०॥ दिंतो दुक्खं सेवयजणाण धम्मज्जयाण वेरगं । सो अंसुवारिधोयाऽऽण-  
णाहिं तरुणीहिं दीसंतो ॥६६१॥ वारियगीयाऽऽउज्जो वज्जियधयल्लत्तचमरवरचिंधो । निगंतूण पुराओ पत्तो नंदणवणाऽऽसणं  
॥६६२॥ अह निवनिवारणोवायमणमनियंतओ गओ सिट्ठी । असुहस्स कालहरणं विचिंतिउं विण्णवइ एवं ॥६६३॥ देव !  
इहऽत्थुज्जाणे जिणस्स जियरागदोसमोहस्स । भवणमिणं गंतु तहिं परमप्पा पाविउं जुत्तो ॥६६४॥ तह संति इहेव वणे

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ५१ ॥

१ सयराहं० शीघ्रम् । २ खूण० हाणि । ३ सुद्धंत-अंतःपुर ।

ऽमियतेयगुरुपए नमिय तेसिं । उवएसाऽमयपाणेण देव ! पीणिज्जए अप्पा ॥६६५॥ एयं पि ताव किज्जउ संपइ परलोयसंबलं  
 ति निवो । गंतूणं जिणभवणे पूयइ देवं महिद्धीए ॥६६६॥ गंतुं गुरुणो नमिउं लज्जाणयकंधरो समुवविट्ठो । गुरुणा नाण-  
 बलेणं अवगयतत्तेण अणुसिट्ठो ॥६६७॥ जम्मजरमरणसलिलो इट्ठवियोगाइवाडवाऽऽलीढो । एस दुरंतो पावो भवोयही  
 दारुणो राय ! ॥६६८॥ नारयतिरियनरामरगईसु सबत्थ तिकखदुक्खाइं । पुणरुत्तमणंताइं पत्ताइं सव्वजीवेहिं ॥६६९॥ एयस्स  
 हेउभूया चउरो कोहाइविसहरा घोरा । दंसिज्जइ जेहि जणो अयाणओ हिययमज्झमि ॥६७०॥ दट्ठो कज्जाऽकज्जं जुत्ताऽजुत्तं  
 हियाऽहियं मूढो । वत्तवमऽवत्तवं साराऽसारं च न मुणेइ ॥६७१॥ किं बहुणा ? तवसओ तं तं आयरइ बुद्धिमंतो वि । इत्थ परत्थ  
 य जुत्तो पावइ गुरुदुक्खरिंछोलिं ॥६७२॥ तुमए इमो अणत्थो कसायवसणेण ता कओ पावो । वीओ पुण पावयरो अण्णा-  
 णओ समारद्धो ॥६७३॥ पावेण होइ दुक्खं पावं पुण पाणघायणाईहिं । परघायाओ भणिओ नियपाणवहो हि पावयरो  
 ॥६७४॥ इय अहियदुक्खहेऊ ववसाओ तुज्झ संतिओ एसो । भावेहि भूव ! सम्मं मा मुज्झसु सब्बकज्जेसु ॥६७५॥ पावुब्भ-  
 वदुक्खाणं पुण्णं धम्ममुब्भवं खु पडिवक्खो । आयरसु दुक्खभीरु ! ता धम्मं जिणवराणाए ॥६७६॥ अण्णं च मए नायं  
 नाणेण तुज्झ धम्मनिरयस्स । होहिइ लहु संजोगो देवीइ पुणं नवभुयाए ॥६७७॥ तिहुयणअब्भुयभूयं लद्धूण महोदयं  
 सुदीहद्धं । वज्जियरज्जो अज्जेसि नूणमणवज्जपव्वज्जं ॥६७८॥ ता पत्थिव ! दिणमेगं ठाहि मणं काउमविचलं धम्मे । संजा-  
 यपच्चओ नणु करिज्ज उवरिं जहाजुत्तं ॥६७९॥ इय सिसिरमहरवयणेहि वासिओ नरबई नमिय सूरिं । पुरवाहिं चेव ठिओ

१ रिंछोली० श्रेणी ।

सुदंसणा-  
चरियम्मि  
॥ ५२ ॥

सुमरंतो सूरिपयकमलं ॥६८०॥ निसिसुत्तो पच्चूसे पिकखइ सुमिणम्मि किर मए सहसा । दरंनिष्फण्णफलेगा छिण्णा सुर-  
तरुसिहा पडिया ॥६८१॥ तत्थेव पुणो लगा निष्फण्णफला विसेससोहिल्ला । इय दहुं पडिबुद्धो संखो पच्चूससंखरवा  
॥६८२॥ चिंतइ पहिद्वचित्तो सह गुरुवयणेण संवयइ सुमिणो । पयडत्थो य धुवं ता देवी पुत्तो य लहु मिलिही ॥६८३॥  
अह अत्थाणनिसण्णो दत्तं सहाविउं कहिय सबं । भणइ वणे लहु गंतुं सयं गवेसेहि तं देविं ॥६८४॥ तत्तो दत्तो खिप्पं  
पत्तो रण्णे तयं गवेसंतो । दहुं तावसमेगं पुच्छिय तं आसमम्मि गओ ॥६८५॥ कुलवइसहिओ दत्तो संपत्तो तावसीण  
मज्झम्मि । सो नियइ तत्थ देविं सिरिं व पज्जुणसुयकलियं ॥६८६॥ ददूण दत्तमह सा निरुद्धकंठं पैरोविया धणियं । कोडि-  
गुणं पिव जायइ दुक्खं खलु परिचिए दिट्ठे ॥६८७॥ धीरत्तणेण धरियं पि हिययरुद्धं दुहं अइमहंतं । रोयंतीए तीए झडित्ति  
दत्तगगओ वमियं ॥६८८॥ आसासिया य सहसा दत्तेण वि मंथरं रुयंतेण । मा कुणसु भइणि ! खेयं एसो खलु कम्मप-  
रिणामो ॥६८९॥ अणुभूयं सुयणु ! तए सबं अच्चंतदारुणं दुक्खं । इत्तो वि अणंतगुणं रण्णा वि अओ निमित्ताओ ॥६९०॥  
संपइ पच्छायावी इच्छइ सो साहिउं खलु हुयासं । अज्जेव जइ न पिच्छइ तुह वयणं जीवमाणीए ॥६९१॥ ता मुयसु  
मण्णुमहुणा कालक्खेवो वि खमइ नो इत्थ । आरुह रहवरमेयं एयं चिय संपयं सेयं ॥६९२॥ कयनिच्छयं नरिंद नाउं  
गमणुस्सुया इमा जाया । पडिकूलस्स वि पइणो हियमेव मणं कुलवहूणं ॥६९३॥ आपुच्छिऊण तत्तो कुलवइमह रहवरं  
समारूढा । पत्ता य पैओसे नयरबाहिरे पत्थिवाऽऽवासे ॥६९४॥ संपुण्णतणुं दइयं दहुं गरुयं हरिसवहंतो वि । लज्जोनामि-

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ५२ ॥

१ दर-अर्द्ध । २ प्ररुदिता । ३ प्रदोषे-संध्याकाले ।



यवयणो न तरइ तं पिक्खिउं राया ॥६९५॥ इत्थंतरम्मि रम्मं वद्धावणयं पवज्जियं तूरं । आरत्तियाइकज्जे समागयं पाउलं पवरं ॥६९६॥ पिसुणियपरमाणंदे मणहरगंधवतूररवमुहले । निवत्तियम्मि सयले संज्ञाकिच्चे पुहइनाहो ॥६९७॥ आणंदाऽम-  
यसंसित्तगतसामंतमंतिचक्केण । सलहिज्जंतो उचियं कालं दाऊण अत्थाणं ॥६९८॥ अह उट्ठिऊण पत्तो सुट्ठु सुउक्कंठिओ  
पियापासे । भणइ अणुताव एसो चिरकालाउ व मिलियाए ॥६९९॥ खमसु अवराहमेयं महंतमवि मज्झ मूढहिययस्स ।  
भणइ इमा ते दोसो नेसो मह किंतु कम्माणं ॥७००॥

जओ—सबो पुवकयाणं कम्माणं पावए फलविवागं । अवराहेसु गुणेसु य निमित्तमित्तं परो होइ ॥७०१॥ पुच्छामि  
तहवि सामिय ! केरिसदोसस्स एरिसो सहसा । दंडो मह आइट्ठो ? तो राया भणइ वयणमिणं ॥७०२॥ जह नत्थि फलं  
वंजुलदुमेसु वडउंवेरेसु वा पुप्फं । तह दइए ! तुह देहे न विज्जए दोसलेसो वि ॥७०३॥ अण्णाणंधेण मए असंतदोसो वि  
भासिओ तुज्झ । पिच्छंति ज्ञामलच्छी दीवे मंडलमसंतं पि ॥७०४॥ तत्तो निवेण कहियं नियवुत्तंतं इमा तओ पुट्ठा । साहइ  
उवसंतमणा नियचरियं सीलविप्फुरियं ॥७०५॥ सोऊण तीइ चरियं संखो संखंकविमलसीलहं । विम्हियहियओ अहियं तो  
देविं जंपए एवं ॥७०६॥ वज्जिस्सइ मम एसो आससिसूरं पिए ! अयसपडहो । तुह पुण सीलपडाया अप्पडिरूवा जए  
फुरिही ॥७०७॥ अणुतावगिपलित्तं विज्झाइस्सइ न माणसं मज्झ । वीसरिउमसक्कं तुज्झ दुहमिहं संभरंतस्स ॥७०८॥ जं च  
तुह संगमाऽऽसा जाया कारुणियपवरगुरुवयणा । तेण न मओऽमिहं सुंदरि ! दुक्खंतरभीरुओ तुज्झ ॥७०९॥ तो भणियं देवीए

१ पादुका । २ पिसुणिय० कथित । ३ अशोकद्रुमेधु । ४ ज्ञामरोगवाला ।

सुदंसणा-  
चरियम्भि

॥ ५३ ॥

मण्णे पुण्णेहिं एयवालस्स । विसमीभूया वि दसा समत्तमम्हाण संपत्ता ॥७१०॥ धण्णो य गुरु भयवं निम्मलनाणावलोयक-  
लिएण । जेण तुह सुद्धबुद्धी दिण्णा कारुणपुण्णेणं ॥७११॥ दंसेहि तं मुणिंदं महाणुभावं महं पहायम्भि । एवं ति अब्भुवगयं  
सम्मं रण्णा पसण्णेणं ॥७१२॥ इय अवरुप्परनिज्झुइयदुक्खसाणुणयवयणनिरयाण । खीणा खणेण खणया तेमिं नवघडियने-  
हाणं ॥७१३॥ सूरुगमम्भि दोहि वि पणिवइओ अमियतेयमुणिणाहो । तेणाऽवि कया गंभीरदेसणा सीलवयसारा ॥७१४॥

तहा हि—सीलं कुलुण्णइकरं सीलं जीवस्स भूसणं पवरं । सीलं परमं सोयं सीलं सयलाऽऽवयाहरणं ॥७१५॥ सीलं  
दुग्गइदलणं सीलं दोहग्गकंदनिदहणं । वसवत्तिसुरविमाणं सीलं चिंतामणिसमाणं ॥७१६॥ थंभइ खणेण जलणं वेयालवा-  
लभयहरं सीलं । सायरजलोहतरणं गिरिसरिनीरोहरंयधरणं ॥७१७॥ सीलद्वाण जणाणं तियसा वि वहंति मत्थएणाऽऽणं ।  
गुणसंकित्तणवग्गा कुणंति साहिज्जमेगग्गा ॥७१८॥ अहव सयं चिय दिट्ठं माहप्पमिमं विसुद्धसीलस्स । तुब्भेहिं पिययमाए  
देहस्स पुण्णवीभवणे ॥७१९॥ जइ पुण लहइ सहायं सम्मत्तमहानिलं महीनाह ! । ता एस सीलजलणो खणेण कम्मि-  
धणं दहइ ॥७२०॥ तत्थ गयरागदोसो अरिहं देवो सुसाहुणो गुरुणो । धम्मो करुणारम्मो सम्मत्तमिमेसि सदहणं  
॥७२१॥ ता अहरियचिंतामणिकप्पहुमकामधेणुमाहप्पं । सम्मत्तमिणं पत्थिव ! आहारो सब्बसुकयाणं ॥७२२॥

इत्थंतरम्मि नमिउं कलावई विण्णवेइ गुरुमेवं । कम्मेण केण मह पहु ! एमेव भुयाओ छिण्णाओ ? ॥७२३॥ तो भणइ  
गुरु निसुणह इह भरहे ऽवंतिजणवए रम्मे । नयरी अत्थि अवन्ती सिरीइ विज्जयं पि विजयंती ॥७२४॥ तत्थ निवो

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ५३ ॥

१ क्षणदा-रात्री । २ रय० वेग । ३ विजयविमानमित्यर्थः ।

नरचंदो चंदो इव जणियजणमणाणंदो । तस्स पिया चंदजसा चंदुज्जलसीलजसकलिया ॥७२५॥ तीए य अत्थि एगो  
 रायसुओ नियसुउव पाणपिओ । नामेण वयणसारो वयणविहिविसारओ मइमं ॥७२६॥ देवी परितुट्ठमणा पइदियहं  
 खाणपाणदाणेणं । पालावइ जत्तेणं मणिकंचणपंजरस्संतो ॥७२७॥ नवनवकवकहाओ सिक्खवइ सयं पढंतयं च तयं ।  
 सोऊणं हरिसिज्जइ खणं पि न रमइ विणा तेण ॥७२८॥ अण्णदिणे पुरबाहिं उज्जाणे देवरमणनामम्मि । सीसगणसंपरिवुडो  
 समोसढो सुवयाऽऽयरिओ ॥७२९॥ तण्णमणत्थं पत्तो नरचंदनिवो पियाइ संजुत्तो । वंदिय गुरुं निसण्णो सपरियणो सुणइ  
 इय धम्मं ॥७३०॥ धम्मो सबसुहाणं मूलं पावं तु सबदुक्खाणं । ता जइ दुहभीरुसुहेसिणो य भव्वा ! कुणह धम्मं ॥७३१॥  
 तं पुण धम्मरहस्सं निसुणह एगेण सारवयणेणं । अप्पडिकूलं कम्मं परेसि न कयाइ कायवं ॥७३२॥ इय परमत्थं सोउं  
 चंदजसाए संमण्णिओ राया । बारसवयाइ गिणहइ सम्मं सम्मत्तमूलाइ ॥७३३॥ वंदित्तु गुरुं पत्तो सपरियणो नियनिहम्मि  
 नरनाहो । पालइ गिहत्थधम्मं गुरु वि अण्णत्थ विहरेइ ॥७३४॥ अट्ठमीचउदसीसु कीरेण समं सुहासणनिसण्णा ।  
 चेइयहरम्मि गंतुं चंदजसा पूअए देवं ॥७३५॥ भत्तिवहुमाणसारं जहाविहं चेइयाइ वंदित्ता । नवनवथुइत्थुत्ताइ भणावए  
 वयणसारेणं ॥७३६॥ अह अण्णदिणे केण वि कज्जेण न चेइए गया देवी । तो उस्सुओ सुओ सो कहमवि जिणमंदिरे पत्तो  
 ॥७३७॥ पत्तेयं जिणविंवे वंदिय थोऊण परमभत्तीए । देवी पासे पत्तो तं दट्ठं तीइ कुवियाए ॥७३८॥ पाविट्ठ ! दुट्ठचिट्ठिय !  
 कयग्घ ! सच्छंदचारि ! निहज्ज ! । इय जंपिरीइ सहसत्ति मोडियं तस्स पक्खदुगं ॥७३९॥ पच्छायावपराए पच्छा तीए दुगुं-

१ समन्वित्तः ।

सुदंसणा-  
चरियम्भि  
॥ ५४ ॥

छिओ अप्पा। अइरभसकयं कज्जं आजम्मं दहइ सलं व ॥७४०॥ तप्पमिइं च पुणो सा विसेसकयउज्जमा परमसद्धा। पालइ  
सावगधम्मं सम्मं रण्णा समं देवी ॥७४१॥ कालक्कमेण राया देवी य समाहिणा मरेऊण। सोहम्मदेवलोए उववण्णा  
सुरवरा दोवि ॥७४२॥ जिणधम्मरागरत्तो मरिउं सो वयणसारकीरो वि। निम्मलदढसम्मत्तो तत्थेव सुरो समुप्पण्णो  
॥७४३॥ नरचंदजिओ तत्तो चविउं जाओ तुमंसि निवसंख!। चंदजसाइ जिओ पुण कलावइ! तंसि उप्पण्णा ॥७४४॥  
सो वयणसारजीवो तुम्ह सुओ एस पुण्णकलसु त्ति। पडिपुण्णपुण्णजोगा जाओ तुम्ह वि सुहनिमित्तं ॥७४५॥ जिणधम्म-  
मच्छरेणं तेण य पाणाइवायखलिएणं। भद्दे! कलावइ! तए बाहुच्छेओ तओ पत्तो ॥७४६॥ निम्मलसीलगुणेणं इहण्णभ-  
विण्ण पुण लहुं चेव। अच्छेरकरं जायं पुण्णणवं तुज्झ बाहुजुयं ॥७४७॥ इय सोउं पुवभवे भवभयभीओ नमिच्च पुणवि  
गुरुं। देवीइ समं राया विण्णवइ कयंजली एवं ॥७४८॥ संसारचारयाओ इमाओ अम्हे दढं विरत्ता उ। सिवसुक्खदाण-  
दक्खं दिक्खं चिय कंखिमो मंखु ॥७४९॥ किं पुण एसो बालो बालत्तेणं अपत्तपबलबलो। उवोढुं रज्जभरं न खमो पहु!  
तण्ण उव्वरहं ॥७५०॥ ता संपइ पसिऊण भयवं! अम्हाण देसु गिहिधम्मं। समए पुण संपत्ते गिण्हिसामो समणधम्मं ॥७५१॥  
तो अमियतेयगुरुणा सम्मं सम्मत्तसंजुओ रम्मो। दिण्णो गिहत्थधम्मो संखस्स कलावईइ समं ॥७५२॥ तो नमिय  
गुरुं नयरे पविसंते नरवरे सदेवीए। जाओ परमाणंदो ताण नियंताण पउराण ॥७५३॥ मंगलतूरनिनाओ उद्दामो नहयले  
वियंभंतो। उग्घोसंतो पयडं महासईणं व माहप्पं ॥७५४॥ देवीकोउयदंसणमिलियाऽणिमिसच्छिरमणिगणरुद्धं। जायं सहसा  
नयरं विसिद्धकमलायराऽऽयारं ॥७५५॥ काओ वि सुतोसाओ सियकुसुमंजलिजलेण देवीए। अयसमलं विव धोयंती सील-

विजयकु-  
मारसरुव-  
प्परुवग-  
नाम अट्ट-  
मुद्देसो।

॥ ५४ ॥

गुणसंथुइपराओ ॥७५६॥ इय नयरजणाणंदं जणयंतीए समं पिययमाए । कयमंगलसयसहसं राया नियमंदिरे पत्तो ॥७५७॥  
 आइट्ठं च विसिट्ठं वद्धावणयं तओ नरिंदेणं । उप्फालियसुयजम्मं चारगपरिमोयणाईयं ॥७५८॥ मरणा निवो नियत्तो  
 मिलिया देवी सुओ य पढमु त्ति । अमयंमयं पिव भुवणं जणाण जायं दिणे तम्मि ॥७५९॥ कयसयलजणच्छेरं उवहसिय-  
 कुवेररिद्धिसुंदेरं । दिण्णाऽवारियभत्तं वद्धावणयं तहि पवत्तं ॥७६०॥ एवं पमोयसारे समइकंते दुवालसाऽहम्मि । सुहिस-  
 यणसम्मणं वालस्स पइट्ठियं नामं ॥७६१॥ जं एस पुण्णवंतो जणणीजणयाण जीवणगुणेणं । कलमसुमिणेण लद्धो ता  
 भण्णउ पुण्णकलसु त्ति ॥७६२॥ तो कुमरो जत्तेणं लालिज्जंतो सुहेण अणुदियहं । गिरिकंदरमल्लीणो वड्डइ सो चंपगत-  
 रुव ॥७६३॥ राया तिवग्गसारं संखो संखंककुंदधवलजसो । सहिओ कलावईए चिरकालं पालए रज्जं ॥७६४॥ अह  
 तत्थ समोसरिया गुरुणो सिरिअमियतेयनामाणो । तण्णमणत्थं पत्तो देवीइ समण्णिओ संखो ॥७६५॥ विहिपुवं  
 वंदित्ता गुरुपयकमलं निवो सपरिवारो । उचियट्ठाणनिविट्ठो अह सूरी कहइ इय धम्मं ॥७६६॥ माणुस्सखित्तजाईकुल-  
 रुवाऽऽरुग्गमाउयं बुद्धी । सवणुग्गहसद्धा संजमो य लोगम्मि दुलहाइं ॥७६७॥ सामग्गीइ इमाए पत्ताए रयणभूमिगाइ व ।  
 गिण्हह चरित्तरयणं चिंतारयणं व सुक्खकरं ॥७६८॥ इय सोउं संविग्गो राया वंदिय गुरुं गिहे गंतुं । रज्जम्मि पुण्ण-  
 कलसं ठवइ सुयं गुरुविभूईए ॥७६९॥ देवीइ समं तत्तो पवइओ अमियतेयगुरुपासे । तिवतवचरणरओ विहरइ सबत्थ  
 सह गुरुणा ॥७७०॥ सुत्तत्थगहियसारो दुहाऽवि संलेहणं विहेऊण । अणसणविहिणा मरिउं सोहम्मो सुरवरो जाओ

१ उप्फालिअ० कथित । २ अमृतपूर्णसिब ।

सुदंसणा-  
चरियम्भि  
॥ ५५ ॥

॥७७१॥ देवी कलावई वि हु निम्मलतवचरणसीलसुपवित्ता । मरिउं तहेव जाओ तत्थेव सुरो महिद्धीओ ॥७७२॥ तत्तो चुयाइं दुण्णि वि कइ वि भवे सुरनरेसु सुक्खाइं । पाविय जहुत्तराइं कमेण पावंति निव्वाणं ॥७७३॥ इय भद्दे ! तुह कहियं सवित्थरं सीलधम्ममाहप्पं संपइ तवस्सरूवं सउदाहरणं सुणसु सम्मं ॥७७४॥

जह लंघणेहि खिज्जंति रसविकारुभवा गरुयरोगा । तह तिबतवेण धुवं कम्माइं सुचिक्कणाइं पि ॥७७५॥ सो पुण दुविहो भणिओ बज्झो अविंभतरो य जिणसमए । बज्झतवो छब्भेओ अविंभतरओ य छब्भेओ ॥७७६॥ अणसणमूणो-यरिया वित्तीसंखेवणं रसंच्चाओ । कायं किलेसो संलीणया य बज्झो तवो होइ ॥७७७॥ पायंच्छित्तं विणंओ वेय्यावच्चं तहेव सज्झाओ । ज्ञाणं उस्सग्गो वि य अविंभतरओ तवो होइ ॥७७८॥ मंतेहि ओसहेहि य जह विज्जो हणइ लहु बहुं पि विसं । चिरसंचियं पि कम्मं दुविहेण तवेण तह जीवो ॥७७९॥ जं नारया न कम्मं खवंति बहुएहिं वाससहसेहिं । तं खलु चउत्थभोई जीवो निज्जरइ सुहभावो ॥७८०॥ न तवेण विणा जीवो असंखभवसंचियं खवइ कम्मं । किं दहिउं कोइ प्ह दवं विणा गरुयकंतारं ? ॥७८१॥

किंच—सव्वासिं पयडीणं परिणामवसा उवक्कमो भणिओ । पायमऽनिकाइयाणं तवसा उ निकाइयाणं पि ॥७८२॥ जाइ-कुलरूवसुहिसयणलच्छिहीणो वि तिबतववसओ । थुवइ सुरेसरेण वि भत्तीए नंदिसेणुव ॥७८३॥ तवसा खणेण जिप्पइ कंदप्पो दलियतिजयदप्पो वि । इंदियतुरए दम्मंति तह य अस्संदमेणेव ॥७८४॥ दुरियाइं जंति दूरं तिमिराइं व समुदियम्भि

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ५५ ॥

तवसूरे । कल्लाणाइं विसंइंति तह य कमलागराइं व ॥७८५॥ ता कायवा भत्ती सयावि तवसंजुयाण साहूणं । कम्मक्खय-  
त्थमेवं तवो सयं चेव कायवो ॥७८६॥ संतोसथूलमूलो उवसमसंबंधसुथिरगुरुखंधो । करणजयगरुयसाहो अभयदलो सील-  
सुपवालो ॥७८७॥ सद्धाजलेण सित्तो सुरनरसुहसुरहिकुसुमसोहिलो । सिवसुहफलओ तवकप्पपायवो होइ भवियाणं ॥७८८॥

अवि य—दिवोसहिरसवायं नहगमणविसाऽपहारकामगवी । चिंतामणिकप्पतरू सिज्झंति तवप्पभावेणं ॥७८९॥  
निम्मलतवमाहप्पा हवंति लद्धीउ इह वि जीवाणं । परलोए खलु मुत्ती उभयभवेसु पि पुण कित्ती ॥७९०॥ लद्धिजुओ  
गुरुकज्जे करित्तु तित्थुण्णइं तववलेणं । विण्हुकुमारमहरिसी पत्तो सिद्धिं पसिद्धिं च ॥७९१॥

तहाहि— इह अत्थि जंबूदीवे भरहे वासम्मि हत्थिणउरम्मि । पउमुत्तरस्स रण्णो जालादेवी परमसद्धी ॥७९२॥  
वरसिंहसुमिणसूइयगुणमाहप्पो इमीइ संजाओ । वररूवलक्खणधरो विण्हुकुमारु त्ति पढमसुओ ॥७९३॥ बीओ य महा-  
पउमो चउदसवरसुमिणसूइओ जाओ । अहिगयकलाकलावा कमेण ते जुवणं पत्ता ॥७९४॥ विण्हुकुमारो पयईइ विस-  
यविमुहो अणायरो रज्जे । तत्तो जुवरायपए ठविओ पिउणा महापउमो ॥७९५॥ इत्तो य अवंतीए सिरिवम्मो नाम  
नरवई अत्थि । तस्स य मंती नमुइ त्ति नामओ पवलमिच्छत्तो ॥७९६॥ मुनिसुवयजिणसीसो सुवयनामा अहऽण्णया-  
ऽऽयरिओ । बहुसीसपरीवारो पुरीइ बाहिं समोसरिओ ॥७९७॥ तण्णमणत्थं पउरे वच्चंते दड्ढु निवइणा पुट्ठो । मंती किमे-  
स लोओ सब्बिहीए कहिं जाइ ? ॥७९८॥ सो भणइ के वि समणा इहाऽऽगया अत्थि बाहिरुज्जाणे । तेसिं पासे एसो मुद्धजणो

सुदंशणा-  
चरियम्भि

॥ ५६ ॥

गच्छए देव ! ॥७९९॥ भणइ निवो वच्चिस्सं अहं पि तो जंपइ इमं मंती । पहु ! तुह कहेमि धम्मं भणइ निवो तत्थ गच्छामि ॥८००॥ मंती जंपइ तुब्भेहिं तत्थ मज्झत्थभावजुत्तेहिं । ठायवं जेण अहं ते सबे निज्जिणिस्सामि ॥८०१॥ ते तत्थ गया मंती भणइ इमो जं व तं व तो मोणे । गुरुविहिण भणइ इमो किं तुब्भे मुणह गोणव ? ॥८०२॥ तो सूरि भणइ तुहं जइ जीहा खज्जए तओ वूहि । अह खुड्डुएण एगेण जंपिओ कुणसु तं पक्खं ॥८०३॥ सो भणइ तईवज्झा तुब्भे तह असुइणो तओ अम्हं । तुब्भेहि समं जुत्तं वुत्तं पि न केरिसो वाओ ? ॥८०४॥ खुड्डो वि भणइ तुब्भ वएहि सत्थेहि माहणा अम्हे । जह होमो निच्चं पि हु सुइणो य तहा निसामेह ॥८०५॥

जओ—सत्यं ब्रह्म तपो ब्रह्म, ब्रह्म चेन्द्रियनिग्रहः । सर्वभूतदया ब्रह्म एतद्ब्राह्मणलक्षणम् ॥८०६॥

तथा—पंचैतानि पवित्राणि सर्वेषां धर्मचारिणाम् । अहिंसा सत्यमस्तेयं त्यागो मैथुनवर्जनम् ॥८०७॥

तथा—ब्रह्मचर्यतपोयुक्ताः समलेष्टककांचनाः । सर्वभूतदयावन्तो ब्राह्मणाः सर्वजातिषु ॥८०८॥

किंच—ब्रह्मचर्यं भवेन्मूलं सर्वेषां धर्मचारिणाम् । ब्रह्मचर्यस्य भङ्गेन व्रताः सर्वे निरर्थकाः ॥८०९॥ 'नैष्ठिकं ब्रह्मचर्यं तु ये चरन्ति सुनिश्चिताः । देवानामपि ते पूज्याः पवित्रं मङ्गलं तथा ॥८१०॥ शीलानामुत्तमं शीलं व्रतानामुत्तमं व्रतम् । ध्यानानामुत्तमं ध्यानं ब्रह्मचर्यं सुरक्षितम् ॥८११॥ शुचिर्भूमिगतं तोयं शुचिर्नारी पतिव्रता । शुचिर्धर्मपरो राजा ब्रह्मचारी सदा शुचिः ॥८१२॥

१ ब्राह्मण-क्षत्रिय-वैश्यइतित्रयीवाह्याः शूद्रा इत्यर्थः । २ स्वमरणपर्यंतं गुरुकुलवासे उपविष्टा ब्रह्मव्रतपालनम् ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ५६ ॥



किंच—सत्यं शौचं तपः शौचं शौचमिन्द्रियनिग्रहः । सर्वभूतदया शौचं जलशौचं तु पंचमम् ॥८१३॥

किंच—नोदकक्लिन्नगात्रोऽपि स्नात इत्यभिधीयते । स स्नातो यो दमस्नातः स बाह्याभ्यन्तरः शुचिः ॥८१४॥ इच्छा-  
इजुत्तिजुत्तेहिं सारवयणेहि सत्थभणिणहि । बहुबुहजणपच्चक्खं खुड्डेण निरुत्तरो स कओ ॥८१५॥ सो जुत्ताऽजुत्तवियार-  
वज्जिओ लज्जिओ जुओ रण्णा । मेहे गओ निसाए वहाय पत्तो पुण मुणीणं ॥८१६॥ सो मुणिहणणप्पवणो सासणदेवीइ  
थंभिउं धरिओ । दिट्ठो पए जणेहिं तो निवपमुहो जणो बुद्धो ॥८१७॥ सो पुण मंती अवमाणदूमिओ हत्थिणाउरे पत्तो ।  
मंती तहेव विहिओ तत्थ महापउमकुमरेणं ॥८१८॥ इत्तो पच्चंतनिवो सीहबलो नाम पबलदुग्गबलो । कुमरस्स महापउ-  
मस्स कुणइ देसे अवक्खंदं ॥८१९॥ तस्सुवरि सो मंती आणत्तो तेण तत्थ तं दुग्गं । भग्गं सो गहिऊणं समप्पिओ कुम-  
रपायाणं ॥८२०॥ भणिओ य तेण मंती वरसु वरं नमुइणा वि पुण भणियं । अच्छउ पहु ! तुह पासे मग्गिस्सं अवसरम्मि  
इमं ॥८२१॥ अह जालादेवीए कराविओ जिणरहो परमरम्मो । तीइ सर्वत्तीइ पुणो लच्छीदेवीइ बंभरहो ॥८२२॥  
लच्छीइ निवो भणिओ नयरे परिभमउ मह रहो पढमं । जालाइ पुण भणियं जइ एवं अणसणं तो मे ॥८२३॥ तो रण्णा  
मज्झत्थेण ताण दुण्हवि निसेहिया जत्ता । माउदुहेणं रयणीइ निग्गओ अह महापउमो ॥८२४॥ सोऽणेगखयरनरवरक-  
ण्णाओ परिणिओ तहा भरहं । साहिय समग्गरयणो पुणो वि हत्थिणउरं पत्तो ॥८२५॥ पणओ पिऊण ताणि वि संजा-  
याइं पहिट्ठचित्ताइं । अह तम्मि दिणे सुव्वयनामगुरू तत्थ संपत्तो ॥८२६॥ पउमुत्तरो वि राया सपरियणो गंतु तत्थ तं

सुदंसणा-  
चरियम्मि

॥ ५७ ॥

नमिउं । धम्मं सोउं पत्तो गिहम्मि अह विण्हुमाहूय ॥८२७॥ रज्जम्मि ठविज्जंतो सो भणइ अहं पि पवइस्सामि । तो रण्णा सप्पणयं रज्जे ठविओ महापउमो ॥८२८॥ तो कयनिक्खमणमहो राया सह तेण विण्हुकुमरेण । पडिवण्णो सामण्णं सुव्वयगुरुणो समीवम्मि ॥८२९॥ तत्तो य महापउमेण निवइणा भामिओ पहिद्वेण । जालादेवीइ रहो संघेण समणिणओ नयरे ॥८३०॥ पउमुत्तरो मुणी वि हु विहरंतो सह गुरुहि कालेण । गयकम्ममलो उप्पण्णकेवलो निव्वुइं पत्तो ॥८३१॥ विण्हुकुमारो वि मुणी कम्मखयकंखिरो निव्वुइइक्खो । अइतिव्वं तवइ तवं सया वि आयावणापरमो ॥८३२॥ छट्ठदुम-दसमदुवालसेहिं मासद्धमासखमणेहिं । छम्मासखमणेहि य पइण्णगं कुणइ तवचरणं ॥८३३॥ कणगावलिरयणावलिमुत्ता-वलिमाइयं पिऽणेगविहं । चित्तचमुक्कारकरं कुणइ विचित्तं तवोकम्मं ॥८३४॥ अइउग्गेणं तेणं तवसा विहिणा पयत्तचि-त्तेणं । लद्धीओ जायाओ विण्हुकुमारस्स वहुयाओ ॥८३५॥ गरुडुव वच्चइ नहे कामियरूवाइं कुणइ अमरुव मेरुव होइ तुंगो चूरइ चकं पि जइ कुवइ ॥८३६॥ इच्चाइलद्धिजुत्तो वि निम्ममो निब्भओ निरासंसो । सब्बत्थ वि उवसंतो विहरइ गुरुणा समं एसो ॥८३७॥ अह सो सुव्वयसूरी सपरिवारो वि हत्थिणउरम्मि । वासारत्तम्मि ठिओ उवस्सए कस्स वि गिहिस्स ॥८३८॥ विण्हुकुमारो उ मुणी पुच्छिय सूरिं नहेण उप्पइओ । पत्तो सुमेरुसिहरे चउमासकएण चूलाए ॥८३९॥ अह तेण दुट्ठचित्तेण नमुइणा मग्गिओ वरं राया । भूएण व छलनिरएण मुणिय तत्थट्ठिया मुणिणो ॥८४०॥ रण्णा भणियं किं देमि? तेण वुत्तं दिणे कइवि रज्जं । मह देसु निवेण तयं रभसवसा दिण्णमेयस्स ॥८४१॥ अंतोउरम्मि राया ठिओ उ नमुई पुणो कुणइ रज्जं । वद्धाविओ य एसो आगंतुं सबलिंगीहिं ॥८४२॥ मुणिणो न आगया इय कुविओ गंतुं उवस्सय-

विजयकु-  
मारसरूव-  
प्परूवग-  
नाम अट्ठ-  
मुद्देसो ।

॥ ५७ ॥

दुवारे । भणइ इमो लोयठिइं न कुणह निंदह ममं च तुमे ॥८४३॥ तो भणइ गुरु अम्हं अतिहीण न कप्पए इमं काउं । निंदामो न य किंचिवि नरनाह ! तुमं विसेसेण ॥८४४॥ सो भणइ न मे कज्जं तुमेहि तो मुयह मह लहुं देसं । जइ सत्त-  
 दिणाणुवरिं ठाहिस्सह तो हणिस्सामि ॥८४५॥ अह भणइ गुरु मुणिणो समत्थि लद्धीसमत्थया जस्स । सो संपयं पउंजइ  
 लद्धीणं अवसरो एसो ॥८४६॥ मुणिणो भणंति छवरिससहसतवजायलद्धिसामत्थो । भयवं ! विण्हुकुमारो इक्कुचिय  
 समुच्चिओ इत्थ ॥८४७॥ गुरुणा भणियं को तं आणिस्सइ ? तो मुणी भणइ एगो । गंतुं समत्थि सत्ती भयवं ! मह तत्थ  
 नाऽऽगंतुं ॥८४८॥ तो गुरुणा सो भणिओ वच्छ ! तुमं गच्छ सो तमाणेही । तो सो खणेण पत्तो उप्पइओ मेरुगिरिसिहरे  
 ॥८४९॥ विण्हू वि तयं दट्ठुं चिंतइ नणु संघकज्जमावडियं । जंपइ इमो वि इहइं महामुणी वरिसकाले वि ॥८५०॥ अह  
 तेण वंदिऊणं विण्हूस्स निवेइयं तयं कज्जं । विण्हू वि तयं धित्तुं खणेण पत्तो गुरुसमीवे ॥८५१॥ भणिओ गुरुहिं सो वच्छ !  
 जह तुमं मुणसि तह इमं कुणसु । अह सो साहूहिं समं पत्तो निवमंदिरे विण्हू ॥८५२॥ सामंतमंतिमाईहिं वंदिओ सो विणा  
 नमुइमिक्कं । तो तस्स विण्हूमुणिणा मउयगिरा साहिओ धम्मो ॥८५३॥ भणियं च इमे मुणिणो तुह नयरे संठिया उ  
 चउमासे । ता चिट्ठंतु इहं चिय विहरित्तु न कप्पइ जमिणिं ॥८५४॥ किं च इमे पुबनिवेहि पूइया भरहसगरमाईहिं । जं  
 पालितो समणे तवछट्ठंसं लहइ राया ॥८५५॥ जियबाहुला इण्हिं विहरंति न भिक्खवित्तिणो किं च । वित्ते वरिसावत्ते  
 सयमवि जाहिति अण्णत्थ ॥८५६॥ इय महुनउणवयणेहि विण्हूणा पभणिओ वि सो नमुई । न मुयइ नियकुग्गाहं

१ भरहे इत्यपि ।

२ अतीते ।

सुदंसणा-  
चरियम्भि

॥ ५८ ॥

मिच्छत्तच्छणमइपसरो ॥८५७॥ पडिभणइ पावपुण्णो तुम्हं पुण्णेण मज्झ पज्जत्तं !। मुंचह लहु मह नयरं । तो विण्हू भणइ पुणवि इमं ॥८५८॥ पुरबाहिं उज्जाणे चिट्ठंतु अकिंचणा इमे मुणिणो । जं अवसिस्सइ थेवो कालो वि हु वरसयालस्स ॥८५९॥ तो भणइ इमं नमुइ गुंजारुणलोयणो फरुसवयणो । किं बहुणा भणिएणं ? गंधं पि सहेमि न हु तुम्हं ॥८६०॥ जइ जीवि-  
एण कज्जं ता लहु नीहरह मज्झ देसाओ । अण्णह तुब्भे सबे चोरव धुवं हणिस्सामि ॥८६१॥ नमुइवयणाहुईहिं फुरंतको-  
वानलो वि भणइ मुणी । देहि अहो मह ठाउं तेणुत्तं वियरिया तिवई ॥८६२॥ जइ पुण तिवईइ बहिं नीहरह तुमं पि ता नणु हणिस्सं । ओमिति जंपमाणो विण्हुरिसी फुरियगुरुकोवो ॥८६३॥ वेउवियलद्धीए विउवियं काउमप्पणो रूवं । वरमउड-  
कुंडलधरो वरमालाऽलंकियसरीरो ॥८६४॥ फलगाऽसिकुलिसधणुकलियकरयलो जुण्णपण्णमिव । खयरे फारफुक्कारेहिं भंसंतो वड्डिउं लग्गो ॥८६५॥ पउमिणिपत्तं व महिं कंपंतो पायंदहरेहि तहा । उच्छालितो अहियं जलनिहिणो पलयपवणुव ॥८६६॥ गुरुसेउबंधगो इव सरियाउ पईवगाउ कुवंतो । जोइसचकं च पुरो कक्करनियरं व विकिरंतो ॥८६७॥ वम्मियंमंडलं पिव गिरिवरसिहराइं दारयंतो य । वड्डंतो मेरुसमो सुरअसुरभयंकरो जाओ ॥८६८॥ धरणीइ खिविय नमुइं बहुरूवो तिहुयणं पि खोहंतो । चिट्ठइ ठविउं पाए विण्हू पुवावरसमुदे ॥८६९॥ कोवेण विण्हुमुणिणो तिलोयमवि पिक्खिउं खुहियमिंदो । तस्सो-  
वसमणहेउं पट्टवइ तहिं सुरवहूओ ॥८७०॥ ठाऊण कण्णमूले विण्हुकुमारस्स ताओ महुरसरं । गायंति सुयरहस्सं गंधारग्गा-  
मअभिरामं ॥८७१॥ कोहेण जिया डज्झंति तह य मुज्झंति अप्पकज्जेसु । इहयं परत्थ नरए वच्चंति अणंतदुहभरिए ॥८७२॥

१ पापूणो नमुचिः । २ त्रिपदी । ३ पादप्रहारैः । ४ कीटविशेषकृतमृत्तिकास्तूपसमूहमित्यर्थः ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ५८ ॥

किंच-जं अज्जियं चरित्तं देसूणाए वि पुवकोडीए । तं पि कसाइयमित्तो हारेइ नरो मुहुत्तेणं ॥८७३॥ परितावकरो कोहो सबस्सुबेगकारओ तहयं । वइरपरंपरजणओ भवे भवे दारुणविवागो ॥८७४॥ ता कयसवविरोहं महरिसि ! एयं परिच्चयसु कोहं । उवसमसु खमसु अम्हं खमापरा हुंति जं मुणिणो ॥८७५॥ तह चेव नच्चमाणा विज्जाहरअसुरकिण्णरीओ वि । गायंति विण्हुपुरओ उवसमसाराइ वयणाइं ॥८७६॥ राया वि महापउमो भयसंभंतो तहिं समागंतुं । नमिउं खमावइ मुणिं सिरेण चरणे परिमुसंतो ॥८७७॥ भयवं ! न मए नाओ मणयं पि हु दुम्मई इमो नमुई । कुणमाणो कूरमणो संघस्सा-SSसायणं एवं ॥८७८॥ ता खमसु पसिय भयवं ! अवराहं मज्झ तिक्कयमेवं । जमहं पि तुम्ह मिच्चो कयंजली सरणम-णुपत्तो ॥८७९॥ ससुराऽसुरं पि भुवणं भयवं ! भयभिंभलं इमं दीणं । चिट्ठइ पक्कपमाणं ता कोहं नाह ! संहरसु ॥८८०॥ इय तिहुयणविण्णत्तिं सवणाईयं पि पायफरिसेणं । विण्हुमुणी मुणिऊणं संघं च समाउलं दहुं ॥८८१॥ तत्तो उवसंतमणो करुणारसकुलहरं महाभागो । जाओ सहजसरूवो पारावारुव गयवेलो ॥८८२॥ संघाऽणुरोहओ पुण नमुइं पावं पि मुयइ विण्हुमुणी । निद्वासइ विसयाओ चक्की वि तयं महापउमो ॥८८३॥ रयणायरपज्जंता जेण मही तिहिं कमेहि अक्कंता । भण्णइ जयम्मि तत्तो तिविक्कमो तेण विण्हुमुणी ॥८८४॥ सो विण्हुकुमारमुणी एवं जिणसासणुण्णइं काउं । आलोइयपडिकंतो गुरुहि सह विहरइ महप्पा ॥८८५॥ तिव्वतवचरणनिरओ चिरकालं पालिऊण सामण्णं । उप्पण्णविमलनाणो संपत्तो सासयं ठाणं ॥८८६॥ चक्की वि महापउमो तणं व चइऊण चक्कवट्टिसिरिं । पवइओ

१ मनागमपि ।

सुदंसणा-  
चरियम्भि

॥ ५९ ॥

मुणिसुव्वयपहुपासे सिवपयं पत्तो ॥८८७॥ एवं तवमाहपं सुदंसणे ! तुह मए समक्खायं । संपइ सव्वपहाणं सुणसु तुमं भावणाधम्मं ॥८८८॥

इक्को चिय सुहभावो होइ धुवं दाणसीलतवहेऊ । जं धम्मो भावविणा कस्सइ कइया वि न हु होइ ॥८८९॥ दाणं सीलं च तवो भावेण विणा चिरं पि अणुचिण्णं । कासकुसुमं व विहलं तम्हा भावुच्चिय पहाणो ॥८९०॥ भावरहियं तु चरणं बहं पि अण्णाणतवमिव असारं । भावजुयं पुण वियरइ अंतमुहुत्तेण निव्वाणं ॥८९१॥ सामण्णेणं सो पुण समत्त-जिणवयणसद्दहणरूवो । भणिओ विसेसओ पुण बारसहाभावणाऽणुगओ ॥८९२॥ ताओ अणिच्चअसरणं संसारो ँग-अण्णंअसुइत्तं । आसवसंवरणिज्जरलोगो 'वोही गुरुदुल्लहो ॥८९३॥ एयाओ भावणाओ समत्तगणिपिडगसारभूयाओ । पंचविहाऽऽयाररयस्स साहुणो हुंति सयकालं ॥८९४॥ गिहिणो वि हुंति जइधम्मकंखिणो अंतरंतरा उ खणं । तस्स वि भवस-यसंचियअसंखकम्मखयकराओ ॥८९५॥ तो भावणा अवस्सं भवेहिं भवभावणासारं । भावेयवाओ सया भवभावविणास-णनिमित्तं ॥८९६॥ अधणाण कओ दाणं ? न तवो सीलं च मंदसत्ताणं । साहीणा सबेसिं तु भावणा सुद्धहिययाणं ॥८९७॥ जं सम्मत्तं मुक्खस्स कारणं तं पि मुणह भावमयं । समए पसिद्धमेयं सुहपरिणामु त्ति सम्मत्तं ॥८९८॥

किं च—तक्कविहूणो विज्जो लक्खणहीणो य पंडिओ लोए । भावविहूणो धम्मो तिण्णि वि गरुई विडंबणया ॥८९९॥ नेरइयतिरियनरसुरदुक्खियसुहियाण अंधबहिराण । सव्वाणं सामण्णो पावहरो भावणाधम्मो ॥९००॥

अवि य—सुहभावसहियनियमेण पालिएण तुमे वि पुव्वभवे । सामग्गी संपत्ता एसा सुकुलाइया इहयं ॥९०१॥

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ५९ ॥

किं बहुणा?—भावणभावियचित्तो सत्तो लंघित्तु सयलबुक्खाइं। धम्मं सुहं च सुगइं च लहइ नरविक्रमनिबुव ॥९०२॥  
तहाहि—इह भरहे कुरुदेसे भूरिहरीबहुसईसहस्सजुया। अत्थि जयंती अमरावइं पि नयरी जयंति त्ति ॥९०३॥ तथ  
य राया रिउकरडिकरडदलणिक्कपच्चलो धणियं। गुरुयपरक्कमभवणं समत्थि सीहुव नरसीहो ॥९०४॥ तस्स य दुइज्जचित्तं  
व राइणो परमपिम्मसवस्सं। चंपयपल्लवहत्था चंपयमाला महादेवी ॥९०५॥ तीइ समं विसयसुहं निसेवमाणस्स तस्स नरव-  
इणो। वच्चइ सुहेण कालो बहुओ नयविक्रमपरस्स ॥९०६॥ अह अण्णया निसाए पच्छिमजामम्मि सुहविबुद्धस्स। केणाऽवि  
मागहेणं गाहाजुयलं इमं पढियं ॥९०७॥ विद्धिं वयंतमसमं गुरुवंसं खमपइट्टसुहमूलं। कमविद्धनिद्धघणपवपत्तसाहासमा-  
इण्णं ॥९०८॥ कज्जभरे आरोविय पुत्तं पुरिसस्स सगुणधम्मरुई। जावऽज्ज वि न य वत्तइ ता कत्तो निबुइसुहाइं? [जुयलं]  
॥९०९॥ तं सोउं नरनाहो सुयचिंतागरुयसायरे पडिओ। पिच्छसु ममंतरायस्स विलसियं अपडीयारं ॥९१०॥ जं मज्झ  
अणेगासु वि विसिट्ठलायण्णरूवकलियासु। ओरोहपणइणीसुं सुयस्स एगस्स वि न लाहो ॥९११॥ इय चिंता संतत्तो तत्तो  
कहमवि गमित्तु निसिसेसं। लहु विहियगोसकिच्चो राया अत्थाणमुवविट्ठो ॥९१२॥ आमंतिय मंतियणं सुयचिंतावइयरं  
कहिय तेसिं। भणइ निवो भो! तुब्भे कहेह कह मह सुओ होही? ॥९१३॥ तो ते भणंति कम्मं कत्ता तह वि हु उव्वक्कमो-  
ऽवत्थि। जं पडइ नहाउ जलं तह चेव य भूमिखायाओ ॥९१४॥ इत्थत्थे कहवि जणो पुत्तसमुप्पत्तिकारणं कुसलो। देवा-  
ऽऽराहणण्हाणाइमूलियापाणगाइयं ॥९१५॥ एयम्मि कए कस्सइ कइया वि हु होइ कज्जनिप्फत्ती। कस्स वि य पुणो विहलं

१ हरी० ह्री-लज्जा । २ पञ्चल० समर्थ । ३ प्राप्तिप्रयत्नोप्यस्ति ।

सुदंसणा-  
चरियम्मि

॥ ६० ॥

पि होइ पडिकूलकम्मवसा ॥९१६॥ ता देव ! दुयं कीरउ पत्थुयकज्जम्मि संपइ जत्तो । एवं पि जइ न सिज्झइ कज्जं पुरिसस्स को दोसो ? ॥९१७॥ परमम्हमभिप्पाओ इह संपइ पहु ! कुओ वि संपत्तो । नियविण्णाणमहागुणविम्हावियसयलनयरिजणो ॥९१८॥ एसो महप्पभावो घोरसिवो नामओ महावइओ । सो पुच्छिज्जउ पत्थुयपओयणे एस अम्ह मई ॥९१९॥ तो रण्णा घोरसिवो सहावेऊण सायरं पुट्ठो । भयवं ! कत्तो तुब्भे इहाऽऽगया पत्थिआ य कहिं ? ॥९२०॥ स भणइ इहाऽऽगओ-ऽहं संपइ सिरिपवथाउ नरनाह ! । गंतवं पुण जालंधरम्मि उत्तरपहे इत्तो ॥९२१॥ पुणरवि भणियं रण्णा दंससु नियसत्ति-विलसियं किंचि । तो तेण दंसियाइं थंभणआगिट्ठिमाईणि ॥९२२॥ राया भणइ किमिमेहिं बालकीलावणेहिं किल अम्हं । तं कुणसु किं पि जेणं सुयलाभो होइ नणु भयवं ! ॥९२३॥ तेणुत्तमिमं कित्तियमित्तं मह किंतु मंतसिद्धीए । होसु सहाओ अह तं रण्णा अंगीकयं सहसा ॥९२४॥ तो किण्हचउदसिदिणे खग्गगहिओ कावालिण निवो । पत्थुयकज्जनिमित्तं पत्तो भीसणम-साणम्मि ॥९२५॥ आलिहिय मंडलं सो सकलीकरणं विहाणओ काउं । नियमंतं घोरसिवो थिरासणो जविउमारद्धो ॥९२६॥ भणिओ य निवो तेणं हत्थसयाओ परेण चिट्ठ तुमं । करवालकरो मा एसु सबहा तं अवाहरिओ ॥९२७॥ राया तहेव रहिओ कालविलंबं महंतमाकलिओ । सणियं तप्पिट्ठीए समागओ सुणइ से जावं ॥९२८॥ हुंफुडुसाहु त्ति हुणामि नरवइं इय निसामिउं रण्णा । सो हक्किओ दुरप्पा रे रे पुरिसो हवसु इण्हिं ॥९२९॥ तत्तो स कूरचित्तो कावाली कोवजलणपज्जलिओ । विप्फुरि-यतरलजमजीहसच्छहं कत्तियं कुडिलं ॥९३०॥ काऊण दाहिणकरे निब्भंछइ मिउडिभीमभालयलो । रे रे तं रायाऽहम ! कुणसु सुदिट्ठं मणुयलोयं ॥९३१॥ तत्तो पयडपरक्कमपयंडभुयदंडपहरणरउदा । जुज्जेण संपलग्गा ते कावालियमहीवाला

विजयकु-  
मारसरूव-  
प्परूवग-  
नाम अट्ठ-  
मुद्देसो ।

॥ ६० ॥



॥९३२॥ दुण्णि वि वग्गंति घणं दुण्णि वि पहरंति पयडियपहावा । दुण्णि वि रोसाऽरुणनयणवयणविकखेवदुप्पिक्खा ॥९३३॥  
 अह सो खणंतरेणं निहयनरवइपहारजज्जरिओ । मुच्छानिमीलियच्छो पडिओ धरणीइ कावाली ॥९३४॥ इत्थंतरम्मि विप्फु-  
 रियतणुपहापडलपयडियदियंता । चवलतरचरणरुणरुणिरनेउराऽऽरावरमणीया ॥९३५॥ विलसंतविविहभूसणविभूसियाऽसेस-  
 दिग्गहाऽवयवा । ठाऊणं निवपुरओ भणिउं देवी समाढत्ता ॥९३६॥ नरसिंहनरिंद ! तए भहं विहियं जमेस कावली ।  
 खत्तियकुलखयकरो जिणिओ जगंडिअजगजणोहो ॥९३७॥ तो तुट्ठा तुज्झ अहं महप्पभावेण तुह सुओ होही । विक्कमसारो  
 वरकेउसुमिणसूइयगुणकडंप्पो ॥९३८॥ एवं होउ त्ति भणित्तु भणइ भूवो वैई वि किह एस । खत्तियखयसंजणओ भणिओ  
 भवईइ कहसु इमं ? ॥९३९॥ ती उत्तमिमो पोअणपुरेसरो बीरसेणनामनिवो । रणमल्लरिउनिवेणं रज्जाओ भंसिओ नट्ठो  
 ॥९४०॥ पुहईपरिब्भमंतो पए पए परिभवं लहंतो सो । नियजीवियनिविण्णो भइरवपडणं समारद्धो ॥९४१॥ कहवि महा-  
 कालेणं जोगायरिणण वारिओ मरणा । तेणं चेव य दिण्णं तह कावालियवयमिमस्स ॥९४२॥ तइलुक्कविजयमंतो दिण्णो  
 गुरुणा मरंतएण तहा । तह अट्ठुत्तरनरवइसएण जावो समाइट्ठो ॥९४३॥ जहऽणेण कलिंगाइसु बहुया लक्खणजुया निवा  
 हणिया । देवीइ तीइ सबं नरसीहनिवस्स तह कहियं ॥९४४॥ इयकावालियवइयरमायणिणय देवयाइ परिकहियं । राया  
 सुयलाभपहिट्ठमाणसो अह गओ सगिहे ॥९४५॥ आरूढो जा सिज्जं चंपयमाला अहाऽऽगया तत्थ । जंपइ सनम्मवयणं  
 अहो ! हु सुहिओ जणो सुयइ ॥९४६॥ पुट्ठं रण्णा सुंदरि ! विसेसओ संपयं किमागमणं ? । अवरं च किंपि हु पिए ! हरिसि-

सुदंसणा-  
चरियम्मि

॥ ६१ ॥

यहिययव दीसिहिसि ? ॥९४७॥ ताहे पयडियविणया जोडियकरसंपुडा भणइ देवी । आगमणकज्जमेयं पहु ! अवहियमाणसो सुणसु ॥९४८॥ अज्ज मए रयणीए समुस्सिओ सरलवंसविकखाओ । विलसंतजयपडाओ कलकिंकिणिसइसवणसुहो ॥९४९॥ सयलजणाणंदयरो महलसोहिल्लदंसणमहग्घो । धम्मनिही परमधओ तुमं व सुमिणम्मि सच्चविओ ॥९५०॥ ताहे सुहसुमिण-समुब्भवंतरोमंचकंचुइयतणुणा । भणियं रण्णा सुंदरि ! सुहजणओ सुमिणओ एस ॥९५१॥ अम्ह कुलकेउभूयं पुत्तं पसवि-हिसि सुंदरि ! नवण्हं । मासाणमुवरिअद्धुमाणराइंदियाणं च ॥९५२॥ सो वि चउजलहिपज्जंतमहिमहिलाइ नायगो होहिइ । दुवारवइरिकरिकुंभदलणखरनहरपंचमुहो ॥९५३॥ सा वि हु सोउं पियवयणमेरिसं भत्तुणो मणोदइयं । हरिसाऽऽरियहियया वंधइ वत्थे सुमिणगंठिं ॥९५४॥ जह नरवइणा तह सुविणपाढएहि वि वियारिए सुमिणे । चंपयमाला परितुट्टमाणसा गब्भमुब्वहइ ॥९५५॥ गब्भप्पभिईदिवसाओ वहुमाणम्मि तइयमासम्मि । चिंतइ चंपयमाला देवी दोहलयगुणवसओ ॥९५६॥ विविहेहि पयारेहिं जइ पूयं आयरामि देवाणं । आणंदियमणवित्ती करेमि भत्तिं गुरुयणस्स ॥९५७॥ वियरामि विविहसुह-भक्खभोज्जवत्थाइएहि वत्थूहिं । दीणाईणमहं जइ दाणं अनिवारियप्पसरं ॥९५८॥ सवणाऽमयसरिसाइं परिणामसुहाइ निबुइ-कराइं । निसुणेमि गुरुसयासम्मि जइ अहं धम्मसत्थाइं ॥९५९॥ तत्तो मणोरहब्भहियवित्तवियरणगुणप्पयारेणं । रण्णा दोहलए पूरियम्मि पडिपुण्णदियहेसु ॥९६०॥ पणयजणमणवियप्पियपसत्थसंपयसमप्पणप्पवणं । कप्पमहीरुहभूमिब कप्पपाय-वमणप्पगुणं ॥९६१॥ चंपयमाला पसवइ पुत्तं पुण्णप्पभावओ रण्णो । नियतणुकंतिकडप्पप्पभावपज्जोइयदियंतं ॥९६२॥

१ तदा ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ६१ ॥

तत्तो हरिसविसंठुलगइवसपरिसिठिलवसणधम्मिल्ला । ओरोहदासचेडी वद्धावइ वसुमईनाहं ॥९६३॥ संपइ वद्धाविज्जसि  
नरनाह ! तुमं जएण विजएण । जेण पसूया पुत्तं चंपयमाला महादेवी ॥९६४॥ तो रण्णा दासित्तं अवणेउं तीइ दासचे-  
डीए । दिण्णं च पारिओसियदाणं सुयजम्मतुट्ठेणं ॥९६५॥ आणत्ता नायरया जहाविभूईइ नयरिमज्झम्मि । कारवह महा-  
ऽऽणाए सुयजम्ममहामहं सिग्घं ॥९६६॥ तेहिं वि तहत्ति पडिवज्जिऊण निस्सेसनयरिमज्झम्मि । वेद्धावणयं विहिणा  
कारवियं तं च एरिसयं ॥९६७॥ विरइज्जमाणतोरणवंदणमालं दुवारदेसेसु । ठाविज्जमाणचंदणचच्चियमुहपुण्णकलसजुयं  
॥९६८॥ उव्वभीयमाणनवरंगवसणपरिहाणजूवमुसलसयं । पढमाणचवलतरचट्टभट्टसूमाइयाइण्णं ॥९६९॥ पविसंतऽक्खय-  
वत्तं विद्धाजणकिज्जमाणसुयरक्खं । नच्चंतवारविलयं गिज्जंतसुमंगलरवट्ठं ॥९७०॥ इय गरुयविभूईए वद्धावणयं नरिंदचं-  
देण । आणंदियपउरजणं कारवियं पुत्तजम्मम्मि ॥९७१॥ अह नामकरणदिवसम्मि सोहणे तिहिमुहुत्तकरणम्मि । भोयाविऊण  
नीसेसपरियणं भोयणविहीए ॥९७२॥ सम्माणिऊण वरवत्थरयणअसणप्पयाणओ सम्मं । पुहइवई सप्पणयं सबं पि हु  
पुरपहाणजणं ॥९७३॥ कुलविद्धनारिनिवहेण मत्थए अक्खयखिवणपुवं । नरविक्कमु त्ति नामं सुयस्स कारवइ कालण्ण  
॥९७४॥ संजाओ य कमेणं वट्ठंतो अट्टवरिसिओ कुमरो । सुहसियपंचमीगुरुवारपुस्सनक्खत्तकरणेसु ॥९७५॥ उवणिओ  
लेहायरियस्स पायमूलम्मि गुरुविभूईए । सम्माणिय ससिणेहं कलागुरुं गरुयभत्तीए ॥९७६॥ नियपण्णाइगुणेणं जणयपयत्ताउ  
तिवमभियोगा । लेहायरियस्स गओ कलाण सवाण सो पारं ॥९७७॥ लेहम्मि लद्धलक्खो अहियं परिनिट्ठिओ धणुबेए ।

१ चट्टा० विद्यार्थी ।

सुदंसणा-  
चरियम्मि  
॥ ६२ ॥

गंधवकलाकुसलो पत्तच्छिज्जम्मि पत्तद्धो ॥९७८॥ नरनारितुरयगयरहपुरवरपरमत्थलक्खणविहिण्णू । गंधगयजुत्तिनिउणो  
चउरमई चित्तकम्मम्मि ॥९७९॥ लोयव्वहारविऊ मंतपओगेसु नायपरमत्थो । परचित्तगहणदक्खो विसारओ सहसत्थेसु  
॥९८०॥ सा नत्थि कला तं नत्थि कोउयं तं च नत्थि विण्णाणं । जत्थ न सो पत्तद्धो विसेसओ मल्लजुद्धम्मि ॥९८१॥ अह  
अण्णया य पिक्खणयगीयवक्खित्तरायअत्थाणे । निवपाससुहासीणे सुहए नरविक्रमकुमारे ॥९८२॥ करकलियसुवण्णप-  
यंडदंडदुद्धरिसभासुरसरीरो । आगंतूणं विण्णवइ सविणयं निवपडीहारो ॥९८३॥ हरिसउरसामिणो देव ! देवसेणस्स  
दारदेसम्मि । चिट्ठइ दूओ देवस्स दंसणं महइ किं कज्जं ? ॥९८४॥ सिग्घं भद्द ! पवेससु तमिइ निउत्ते निवेण स पविट्ठो ।  
कयसमुच्चियपडिवत्ती एवं विण्णविउमाढत्तो ॥९८५॥ संति पहु ! मज्झ पहुणो अइसयभूयाणि दुण्णि रयणाइं । नियरूवोव-  
हसियतियससुंदरी कण्णगा एगा ॥९८६॥ अवरो य रायमल्लो पडिभडकमलाण कालमेहुव्व । नामेण कमलमेहो विणिज्जि-  
याऽसेसमल्लगणो ॥९८७॥ तत्थऽण्णया कयाई सुहासणत्थस्स रायअत्थाणे । सत्वालंकारमणोहरंगिया निययजणणीए ॥९८८॥  
पिउपायपणमणत्थं पट्टविया पुव्ववण्णिया कण्णा । उच्छंगम्मि निविट्ठा पलोइया तयणु पिउणाऽवि ॥९८९॥ वरचिंतणत्थमेसा  
मण्णे पउमावईइ देवीए । पट्टविया मह पासे ता को णु इमीइ अणुरूवो ॥९९०॥ होहिइ भत्ता ? भुवणे वि विसरिसाणं कए  
वि संबंधे । आजम्मं घरवासो दुहपासो होइ मिहुणाणं ॥९९१॥ इय दुहियावरचिंतणजलहिमहावत्तसंकडे पडिओ । राया  
सत्वाऽवत्थासु दुहयरी होइ जेण सुया ॥९९२॥ तत्तो रण्णा सयमेव पुच्छिया तुज्झ सीलमइ ! वच्छे ! । केरिसगुणो कहिज्जउ

१ कांक्षति ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ६२ ॥

रुच्चइ हिययस्स भत्तारो? ॥९९३॥ किं चाई? किं सूरु? किं वा विउसो? कयण्णुओ? सुहओ? । गंधवकलाकुसलो? परो-  
 वयारी? दयालू वा? ॥९९४॥ 'ईसि अहोमुहीए सलज्जमेईई जंपियं ताय ! । जो तुह रोयइ तो भणइ भूवई न हु इमं भवं  
 ॥९९५॥ तो भणइ इमा एसो तुह मल्लो महियले अपरिभूओ । जिप्पिस्सइ जेण बली सो मह भत्ता किमवरेण ? ॥९९६॥  
 तो नायं नरवइणा एसा हु बलाणुराइणी बाला । ता भइं परमिमिणा सबेऽवि पराजिया बलिणो ॥९९७॥ तो तं विसण्ण-  
 चित्तं दहुं भणियं पहाणपुरिसेहिं । अज्जवि देव ! जयंतीइ अत्थि अपरिक्खिओ एगो ॥९९८॥ नरसीहसुओ बलपोरिसिक्क-  
 रसिओ रसायणपसिद्धो । नरबिक्कमवरकुमरो सो वि परिक्खिज्जउ नरिंद ! ॥९९९॥ सामत्थिऊण सम्मं तयत्थमहमित्थ पेसिओ  
 सामि ! । तो नरवइणा वयणं निरिक्खियं निययतणयस्स ॥१०००॥ तेणाऽवि पणमिऊणं भणियं देवाणुभावओ भवं । होहिइ  
 सबं पेसवह ताय ! मं तत्थ किं बहुणा ? ॥१००१॥ तो मंतिऊण सामंतमंतिनायरजणेण सह रण्णा । पेसविओ हरिसउरे  
 हिट्ठो नरबिक्कमकुमारो ॥१००२॥ अम्मोगइयाए नियमहत्तमो देवसेणनरवइणा । कुमरस्स पेसिओ चडंगरेण चउरंग-  
 बलकलिओ ॥१००३॥ तो गरुयविभूईए सोहणदिवसे पवेसिओ नयरे । नरनारिनियरनयणाण हरिसभरकारओ कुमरो  
 ॥१००४॥ सयणासणवहुपरिवारसंजुओ धवलधयवडसणाहो । कुमरस्स वासहेउं समप्पिओ पवरपासाओ ॥१००५॥ बीयम्मि  
 दिणे कुमरो भणिओ रण्णा महऽत्थि सीलमई । नामेण कण्णगा सा पभणइ जो कालमेहमिमं ॥१००६॥ मह मल्लमपडिमल्लं  
 जिणिस्सइ होहिइ स ममं भत्ता । सह कित्तिजयपडायाहिं कुमर ! ता गिण्हसु तयं ति ॥१००७॥ अंगीकयम्मि कुमरेण सज्जिया

१ ईषत् । २ एतया । ३ अम्मो० आश्चर्य-सूचकोऽव्ययः । ४ आडम्बरेण ।

सुदंसणा-  
चरियम्मि

॥ ६३ ॥

नयरपरिसरे रम्मे । मंचाइमंचकलिया विच्छिण्णा मल्लरंगमही ॥१००८॥ सयलपुरलोयसहिए उवविट्ठे देवसेणनरनाहे । सिरि-  
कुमर-कालमेहा इहमागया रंगभूमीए ॥१००९॥ आवद्धनिविडकच्छा संजमियसिणिद्धकेसपभारा । दुण्णि वि निजुद्धनिव-  
डियपोरिसा साहसिक्करसा ॥१०१०॥ दडूण कालमेहो कुमरं संहणणदुद्धरिसदेहं । पुण्णखयाओ खिप्पं खुहिओ चित्तम्मि बलि-  
ओ वि ॥१०११॥ चित्तइ य एस रण्णो वल्लहजामाउओ महोयस्सी । ता जयपराजएसुं कुओ वि मह नत्थि कल्लणं ॥१०१२॥  
इयभयसंभमवसओ फुट्ठं हिययं तडत्ति मल्लस्स । कुमरस्स साहुवाओ संजाओ रंगमज्झम्मि ॥१०१३॥ तत्तो य कलानिहिणो कंठे  
वलसालिणो कुमारस्स । पक्खित्ता वरमाला कुमरीए नेहरज्जुव ॥१०१४॥ अणुरूयो संजोगो विहिणा विहिओ समाणमेयाणं ।  
जाओ साहुंकारो अहो ! सुचरियं ति जणमज्जे ॥१०१५॥ तत्तो सोहणदिवसे पाणिग्गहणं करावियं रण्णा । मंगलगीयरवेणं  
वज्जिरवरतूरनिवहेण ॥१०१६॥ पइमंगलमेईए तह हयगयरहवराइयं दिण्णं । रण्णा जह नयरजणो सबो वि धुणाविओ सीसं  
॥१०१७॥ अण्णदिणे कुमरेणं सपुरं पइ पत्थिओ निवो भणइ । वच्छ ! तए सीलमई न देहछाया व मुत्तवा ॥१०१८॥ आमं ति  
भणिय कुमरो चउरंगमहावलेण परियरिओ । सीलमईइ समेओ विट्ठेवियससिनिम्मलजसोहो ॥१०१९॥ तत्तो पिउणा दुस्स-  
हविओगतुट्ठंतनेहपासेण । सिक्खविया सीलमई ससुरकुलपत्थिया तइया ॥१०२०॥ अम्मापिऊण वच्छे ! सगुणे विगुणे वि  
धुवमवच्चम्मि । को वि अउवो नेहो तेण हियत्थं भणामि तुमं ॥१०२१॥ निप्पंकसुवण्णसमुज्जला वि सुइसीलसोरभजुया वि ।  
केयइफडसव सुया परोवयाराय निम्मविया ॥१०२२॥ ता वच्छे ! तत्थ गया सुविणीया होसु ससुरवग्गस्स । अविणीओ जलणो

१ धन्यवादः । २ विट्ठविअ० अर्जित ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ६३ ॥

इव जणइ पवित्तो वि संतावं ॥१०२३॥ नियनामअणुसरंती सीलम्मि मइं सयावि मा मुयसु । सीलरयणे विणट्ठे न सुंदरं उभ-  
यलोणे वि ॥१०२४॥ नियभत्तुणे करिज्जसु सयमासणढोयणाइयं कज्जं । भत्तारदेवयाओ नारीओ जेण एस सुई ॥१०२५॥  
पइणोऽभिमेण मणणुकूलकारिणी तस्स पुण अमित्तेसु । विहियाऽवण्णा पियभासिणी य सबम्मि परिवारे ॥१०२६॥ सासू-  
सुराईणं भत्ता नमिरा नणंदवग्गम्मि । हरिसियमणा सवत्तिसु पइवंधुयणम्मि ससिणेहा ॥१०२७॥ संसारियसुक्खपिवासियाण  
कुलवालियाण किल एवं । पइणो विसए निच्छियममंतमूलं वसीकरणं ॥१०२८॥

अण्णं च—विणयब्भंससरूवं गध्वं पुण सबहा परिच्चयसु । धणुदंडं चिय विउसा जेणं सबं पसंसंति ॥१०२९॥ रज्जसि-  
रिपमुहेसु वत्थूसु वच्छे ! तं मयं पि मा कुणसु । सुयणु ! ससिव निरुत्तं झिज्झइ समओ सुयहरो वि ॥१०३०॥ दाणं पि जहावि-  
सयं सया पयट्ठेसु पणयवग्गम्मि । गयसमयम्मि अदाणो करिव निदिज्जइ जणेण ॥१०३१॥ इय सिक्खविज्जण सुयं दूरमणुवइय  
देवसेणनिवो । वलिओ विवण्णछाओ सुमरंतो ताण गुणनियरं ॥१०३२॥ कुमरो अखंडपयाणएहिं पत्तो जयंतिनयरीए ।  
नवजलयस्स व सिहिणो पिउणो मग्गं नियंतस्स ॥१०३३॥ जयकुंजरमारूढो सीलमईए समं सभज्जाए । पिउणो पुरीइ सोहं  
पिच्छंतो विसइ अह कुमरो ॥१०३४॥ कुमरस्स दंसणत्थं दोसु वि पासेसु रायमग्गस्स । हट्ठेऽट्ठालयदेवउलभवणपासायसि-  
हरगओ ॥१०३५॥ नियनियकज्जे मुत्तुं निस्सेसो नयरनारिनरनियरो । निच्चलचित्तो नरनाहनंदणं नियइ नयणसुहं ॥१०३६॥  
जंपइ य पहिड्डमणो सबं पि हु होइ पुण्णवंताणं । जेणेसो पत्तजसो सकलत्तो नियपुरिं पत्तो ॥१०३७॥ इय पउरपुरजणाणं

१ भित्ते । २ निश्चितम् । ३ क्षयति ।

सुदंसणा-  
चरियम्भि

॥ ६४ ॥

वियंहुवयणाणि विम्हयकराणि । निसुणंतो नरनारीनयणेहिं तहा निइज्जंतो ॥१०३८॥ वीइज्जंतो वत्थंचलेहिं नरनाहमंदिरं  
विसइ । उंविभयतोरणमुत्तियचउक्कचयचिंचइयमेसो ॥१०३९॥ पणओ पिउणो पाएसु सविणयं भारियाइ सह कुमरो ।  
पिउणा वि परिपालसु रज्जधुरं एवमाइटो ॥१०४०॥ मायाए पुण पणओ चिरकालं जियसु पुत्त ! इय भणिओ । सीलमई  
पुण भणिया अक्खयवत्था भवसु वच्चे ! ॥१०४१॥ नियपासायसमीवे पासायं देइ निययकुमरस्स । भोगोवभोगपरिवारसं-  
जुयं सहरिसं जणओ ॥१०४२॥ जुवरज्जम्भि निवेसइ नायरजणसंमएण तं कुमरं । इय सो तत्तत्थविउ नियजणयपसायदुल-  
लिओ ॥१०४३॥ पंचविहे कामगुणे भुंजंतो भारियाइ सह कुमरो । दोगंदुगुव देवो गयं पि कालं न याणेइ ॥१०४४॥ अह  
अण्णया य नरनिवहभूसणं कुसुमसेहरकुमारं । पसवइ पसत्थदिवसे सीलमई सुमिणसुगुणहं ॥१०४५॥ वीयं कमेण  
सिरिविजयसेहरं विजयकारयं पिउणो । तणयदुगं पि हु पिउणो निच्चं पि पियामहस्स पियं ॥१०४६॥ अह कइया वि हु  
मयसमयपरवसो भग्गनिब्भराऽऽलाणो । पाडियमिंठो निहलियनिविडनिगडो नयरीमज्जे ॥१०४७॥ भंजंतो भवणवयं मोडंतो  
वियडविडविसंघायं । पाडिंतो पासाए मारंतो माणवसमूहं ॥१०४८॥ नररायपट्टहत्थी परिभमइ निरगगलो अपडियारो । ताहे  
पुरीइ मज्जे जायं असमंजसं सहसा ॥१०४९॥ तत्तो भणियं रण्णा करिरयणमिमं पहारमकरितो । गिण्हउ को वि जस्सऽत्थि  
पोरिसं सुणिउमिय सुहडा ॥१०५०॥ सवे पि हु सण्णद्धा परमेगो वि हु जमं व तं हत्थि । न समत्थो काउ वसे बहुबुद्धीसत्ति-  
जुत्तो वि ॥१०५१॥ भमिरेण पुरीइ तओ कत्थवि गुरुगब्भभारअसहंगी । एगा बाला बालेण तेण पत्ता पलायंती ॥१०५२॥

१ वियहु० विदग्ध-निपुण । २ उंविभय० ऊर्ध्वित । ३ चिंचइय० मंडित ।

विजयकु-  
मारसरूव-  
प्परूवग-  
नाम अट्ट-  
मुहेसो ।

॥ ६४ ॥



हा भाय ! ताय ! हा पिय ! हा पुहईराय ! रायचरमाणा ! । तायह तायह एयाओ दुट्टकरिणो जमाउव ॥१०५३॥ हा ! हा ! कत्थइ किं कोइ वीरतिलओ इमम्मि महिवलए । जो मोयावइ मरणाउ मंइमाओ महासत्तो ? ॥१०५४॥ इय विलविंतिं करुणस्सरेण भयवेविरंगितरलच्छि । पच्चासणीहुय मरणमेरिसं तं तओ बालं ॥१०५५॥ पासिउमपारयंतो कुमरो करुणापरुव सो सहसा । हक्कंतो करिरायं दुक्को करिणो समीवम्मि ॥१०५६॥ तो वारिंतस्स वि परियणस्स निस्सेसनायरजणस्स । सिद्धो व हत्थिखंधे भयरहिओ चडइ चवलगई ॥१०५७॥ तत्तो अंकुसो अंकुसु त्ति कुमरस्स वाहरंतस्स । मारेउं पारद्धो तं नारिं मत्तमायंगो ॥१०५८॥ तत्तो कुमरो करुणाइ तीइ विम्हरियरायआएसो । पहणइ कुंभयडे तिव्खखगंधेणूइ करिनाहं ॥१०५९॥ ताहे हत्थी सो तारिसो वि गाढप्पहारजज्जरिओ । निग्गयरुहिरपवाहो तह चेव अचेयणुव ठिओ ॥१०६०॥ दिट्ठो जणेण छुरियप्पहारकुंभयडगलियरुहिरजलो । विंझू व गलियनिज्झरणनीरपरिधोयधाउरसो ॥१०६१॥ गयणाभोअव अणु-रुरत्तसंज्ञाणुरायसंवलिओ । रेहइ हत्थी कुमरप्पहारपगलंतरुहिरोहो ॥१०६२॥ विप्फुरियविज्जुवलयोऽवणंद्धपणवणसक्को-यंडो । नवजलहरुव रेहइ करिराओ रुहिरसंछणो ॥१०६३॥ तो उयरिउं कुमरो गइंदखंधाओ सुद्धपरिणामो । उक्खिविउं तं बालं मुंचइ निरुवहवे ठाणे ॥१०६४॥ अह कुमरपुवभवसणिवद्धदारुणकुक्कम्मभरवसओ । परिपेरिओ नरिंदो सहसा करिवइयरं सोउं ॥१०६५॥ सुयवच्छलो वि गुणलालसो वि अइणेहनिब्भरमणो वि । धणियं कुद्धो दुद्धरिसभिउडिभासुरिय-भालयलो ॥१०६६॥ फुरियाऽहरभयजणओ गुंजाऽरुणवयणनयणदुप्पिच्छो । घयसित्तुव हुयवहो कुमरं पइ जंपिउं लग्गो

१ खगंधेणु० छूरी । २ अवणद्ध० आच्छादित ।

सुदंशणा-  
चरियम्मि

॥ ६५ ॥

॥१०६७॥ रेरे कुलफंसण ! पावकम्म ! गुरुवयणलंघण ! दुरप्प ! । अवसरदिट्ठिपहाओ मह जीवियमहकरिकयंत ! ॥१०६८॥  
इय दुस्सहपियपरिभवहुयवहजालापलित्तसवंगो । नियनिद्धलोयविरहं अचयंतो चिंतिउं लग्गो ॥१०६९॥ किमहं इहेव ठाउं  
जणयं विणएण अणुणए अहवा । गुरुवयणलंघणेणं न जुत्तमिह मज्झ ठाउं पि ॥१०७०॥ तो काउं दढचित्तं एगागी नि-  
स्सरामि गेहाओ । अण्णं च परिभवमिमं सोढुं न वएमि जं भणियं ॥१०७१॥ गयणम्मि निरालंबणमवि परिसकंति साहसिक्क-  
रसा । माणंसिणो न मणयं पि माणभंगं परिसहंति ॥१०७२॥ भीसणमसाणपज्जलियहुयवहं मत्थयम्मि साहसिया । मुग्गल-  
भारं धारिंति माणभंगं न माणधणा ॥१०७३॥ अवि कालकूडभक्खणमसुहं सुहमायरंति पियमाणा । न उणो मुयंति मरणे  
वि माणमाणिक्कधणमणहं ॥१०७४॥ अवि समरमरणमवि देसगमणमवि बंधुमुयणमिच्छंति । माणधणा न उणो निद्धबंधु-  
जणियं पराभवणं ॥१०७५॥ इय चिंतिऊण कुमरो परियणमाभासिऊण सप्पणयं । सम्माणिऊण समुचियमाभरणाईहिं तं  
भणइ ॥१०७६॥ भो ! भो ! जणयाऽऽणाए गंतवं ता मए विदेसम्मि । समयम्मि पुणो तुब्भे पुणरवि संभालइस्सामि ॥१०७७॥ ते  
वि हु विओयपसरियवाहजलाऽऽल्लोयणा जाया । पियवयणपुवमाभासिऊण धीरेण धीरविया ॥१०७८॥ सीलमई पुण  
भणिया पिए ! तुमं जाहि जणयगेहम्मि । तायमणुयत्तमाणो गमिस्समहयं विदेसम्मि ॥१०७९॥ तं सोऊणं दुस्सहविओगदुह-  
भारभारियसरीरा । बाहजलाऽऽरियनयणसंपुडा रोइउं लग्गा ॥१०८०॥ किं रुयसि पिए ! आवंति आवयाओ भवे वसं-  
ताणं । जीवाणमओ सुंदरि ! विवेइणो हुंति धीरमणा ॥१०८१॥ ती उत्तं मणवल्लह ! धीरमणा वि हु रुयामि जमयंडे । मं

१ फंसण० विध्वंसक । २ माणिक्क० रत्नविशेष ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ६५ ॥

मुत्तुं वयसि तुमं तं मह गुरुदुक्खमण्णं च ॥१०८२॥ सामि ! तुमं सिक्खविओ जइ सुमरसि तायसंतियं वयणं । इक्कच्चिय मह धूया छावव तए न मुत्तवा ॥१०८३॥ तेणुत्तं सबमहं सरामि सुंदरि ! परं तुमं मग्गे । कहमहियाससि सुहलालियाऽसि सीयाऽऽ-  
यवाइदुहं ॥१०८४॥ सा भणइ विसममग्गो वि मह घरं काणणं व कंतारं । भिक्खा वि सुहा सीयाऽऽयवाइ न दुहंकरं मज्झ ॥१०८५॥ जत्थ तुमं मह पासे किं मह जणएण ? किं च ससुरेण ? । मणनिबुइमेव सुहं सामि ! सयणा पसंसंति ॥१०८६॥  
जइ एवं समदुक्खा ता पउणा होसु जेण वच्चाओ । संपयमेव पयाणं किज्जइ किर किं वियप्पेणं ? ॥१०८७॥ एवं सो सकलत्तो  
सिसुसुयजुयलो सुहेल्लिदुल्लिओ । एगागी पयचारी पयत्थिओ साहससहाओ ॥१०८८॥ कत्थ तयं ससुरसुहं ? जणयपसा-  
याओ कत्थ ते भोगा ? । इक्कपयच्चिय नट्ठा अहो ! हु विहिविलसियमपुव्वं ॥१०८९॥ इय सो माणिक्कधणो दुहममुणंतो  
अभिण्णमुहराओ । वच्चइ विसायरहिओ पसण्णचित्तो य भणियं च ॥१०९०॥ वसणे विसायरहिया संपत्तीए अणुत्तरा ण  
हुंति । मरणे वि अणुबिग्गा साहससारा य सप्पुरिसा ॥१०९१॥ अह हरिरहियव गुहा सुरायरहिया य रायहाणिव । चायर-  
हियव लच्छी मुणिमाला पसमविलयव ॥१०९२॥ कुमररहिया जयंती न विरायइ सेसगुणसमग्गा वि । अहवाऽवणीयपयावा  
कह सोहं लहइ हारलया ? ॥१०९३॥ पच्चागयपडिबंधो पच्छायावाऽनलेण तवियतणू । राया विसण्णवयणो विण्णत्तो मंतिव-  
ग्गेण ॥१०९४॥ देव ! किमेयमयंडम्मि वज्जदंडप्पहारसममसुहं । तणुमणसंतावकरं कुमारपरिभवणमावडियं ? ॥१०९५॥ जुत्त-  
मऽजुत्तं जाणंति देवपाया परं वयं भणिमो । अवियाणियमम्हेहिं न संगयं सामिणा विहियं ॥१०९६॥ तिलतुसमित्तं पि हु

१ सुखकेलिदुल्लितः—आनन्दव्यसनी इत्यर्थः । २ युगपदेव ।

सुदंसणा-  
चरियम्मि

॥ ६६ ॥

कज्जमण्णया 'णे कहिति निवपाया । मंदरगिरिगुरुयं पि हु एयं नायं न अम्हेहिं ॥१०९७॥ कहमवि कयलचडिओ पडिओ चिंतामणी जहा दुलहो । तह देव ! कुमररयणं पाविस्सामो कहमहण्णा ? ॥१०९८॥ उद्दालियनिहिरयणा हियसवस्सा पण्डु-परिताणा । निब्भगसेहरा सामि ! किं करेमो ? कहिं जामो ? ॥१०९९॥ इय दीणमंतिवयणेण चलियसुयसल्लमल्लिओ राया । लल्लकमुक्कपुक्को धसत्ति पडिओ धरणिवीढे ॥११००॥ सिसिरोवयारकरणेण पाविओ चेयणं परियणेण । पलवइ राया सल्लं वालितो सयललोयस्स ॥११०१॥ हा विहियविणय ! हा गुरुयपणय ! हा दिण्णकणय ! पणयाणं । हा विहवधणय ! हा निद्धज-णय ! हा जणियरणरणय ! ॥११०२॥ वच्छ ! गयरायचडियं सुरकरिमारूढममरनाहं व । विबुहजणाणंदयरं तं दच्छिहामि क-इयाऽहं ॥११०३॥ हा वच्छ ! विउसगुट्ठी वि तुज्झ विरहम्मि झूरइ सुदुक्खं । हा पुत्त ! तुज्झ विरहे रायत्थाणं पि दुहजणयं ॥११०४॥ सरभसमागच्छंतं पिच्छिस्सं वच्छ ! कत्थ पत्थावे । मह पायपणमणत्थं वियसियमुहकमलनयणजुयं ? ॥११०५॥ अंक-म्मिय निविसिस्सं अग्घाइस्सं सिरम्मि संतुट्ठो । अद्धासणेण कइया निवेसइस्सामि वच्छ ! तुमं ? ॥११०६॥ हा वच्छ ! पुरवरीयं परमपमोयप्पया वि पेयवणं । तइ पवसियम्मि जाया उव्वेयकरी भयं जणइ ॥११०७॥ एवं अपरिक्खियकारयस्स निब्बुडियस्स मह जीहा । सयखंडा किं न गया कुमरं कडुयं भणंतस्स ॥११०८॥ चंपयमाला वि तथा परिसिढिलियदेहबंधणा धणियं । सुयसोअविहुरियंगी विलवइ विविहप्पयारेण ॥११०९॥ हा ! मज्झ मंदभगाइ कह णु जीवियसमो वि जणएण । विहिवसणेण अकम्हा तुममिइ निब्बच्छिओ वच्छ ! ? ॥१११०॥ तुममवि वच्छे ! सीलमइ ! बालसुयजुयलसंजुआ कहणु । पयचारेणं

१ अस्साकम् । २ लल्लक-भयङ्कर । ३ जनितौत्सुक्य ! ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ६६ ॥

गच्छसि कइया वि अदिट्टुहलेसा ? ॥११११॥ इय असमंजसवयणाणि पलवमाणाणि ताणि पियराणि । संठावियाणि कह  
कहमवि मंतिवग्गेण महुरगिरा ॥१११२॥ सो वि हु कुमरो वच्चइ सिसुसुयजुथकलियसीलमइकलिओ । अमरिसविहुरिय-  
हियओ अखंडियपयपयाणेहिं ॥१११३॥ गच्छंतो संपत्तो कोडीसरवणियसयसमाइण्णे । दंसणपुरम्मि वेलाउलम्मि धणकण-  
यपउरम्मि ॥१११४॥ तत्थ परिचयविरहाओ किमवि गेहाइयं अयाणंतो । पविसइ पाडलयाऽभिहमालायारस्स गेहम्मि  
॥१११५॥ सोऊणं पाडलओ पगइभइओ दुत्थिए दयालू य । सगुणप्पिओ पसंतो परोवयारिक्करसिओ य ॥१११६॥ भणियं  
च तेण चिट्टसु मह गेहे होइ कम्मवसगाणं । विसमो दसाविभागो जियाण को विम्हओ भइ ! ? ॥१११७॥

जओ—चंदस्स खओ न हु तारयाण रिद्धी वि तस्स न हु ताणं । गुरुयाण चडणपडणं इयरा पुण निच्चपडिय त्ति ॥१११८॥  
चिट्ठंति तत्थ मणयं सुहेण परमासि दविणजायं जं । आभरणाइं कालेण भक्खियं तो विसण्णाइं ॥१११९॥ पाडलएणं  
भणियं ववसायविवज्जियाण किं दइवो । कत्तो मुहम्मि पाडइ ? ता किं पि करेह ववसायं ॥११२०॥ कुमरेणुत्तं भो भइ !  
भणसु जं किं पि किच्चमम्हाणं । तेणाऽवि भणियमुच्चिणिहि मज्झ मल्लएगदेसाओ ॥११२१॥ पुप्फाणि कुणह विक्कयमेवं निब्वहह  
निब्वियप्पेणं । जुत्तमिमं ति कुमारो कुणइ तयं चिंतिऊण इमं ॥११२२॥ जह जह वाएइ विही नवनवभंगेहि निट्ठुरं पडहं ।  
धीरा पसणवयणा नच्चंति तहा तहा चेव ॥११२३॥ तप्पभिइ कलाकुसलत्तणेण कुमरो विचित्तमालाओ । गुंथइ सील-

१ अमरिस० अमर्ष-असहिष्णुता । २ मलय० आराम ।

सुदंशणा-  
चरियम्मि

॥ ६७ ॥

मई पुण ताओ विक्किणइ रायपहे ॥११२४॥ पयईइ निवियारा जणइ वियारे जणाण परमेसा । सिसिरो वि सयं तवणो तिलोयमवि तावए सययं ॥११२५॥

भणियं च—मुद्धाण नाम हिययाइं हरंति हंत !, नेवत्थपत्थणगुणेण नियंविणीओ । छेया पुणो पयइचंगिमराजणिज्ज-  
दक्खारसो न महुरिज्जइ सक्कराए ॥११२६॥ [ वसंततिलका ] अह अण्णदिणे दीवंतराओ पत्तेण पोयवणिएण । दिट्ठा य  
देहिलेणं तओ य सा मयणवसणेणं ॥११२७॥ भणिया तुह पुप्फाणं विच्छित्ती का वि सुंदरि ! अउवा । ता मह इमाणि  
सवाणि सुयणु ! मुल्लेण देयाणि ॥११२८॥ अण्णत्थ न गंतवं कत्थइ सो देइ समहियं मुल्लं । सा वि हु धणलोभेणं पइदियहं  
देइ तस्सेव ॥११२९॥ अह अण्णया य भणिया सीलमई तेण पावकम्मेण । मयणाउरेण सीलम्मि निच्चला हरिउकामेण  
॥११३०॥ जइ एहि जाणवत्ते महउत्तंणए तो बहूण पुप्फाण । सिग्घं पि विक्कओ होइ साउवि तत्थेव संपत्ता ॥११३१॥  
तीए सुद्धसहावाइ जाणवत्ते मुणालविल्लहला । पक्खित्ता बाहुलया पुप्फाण समप्पणनिमित्तं ॥११३२॥ अइदुट्ठसहावेणं  
चढाविया तेण जाणवत्तम्मि । संवरिया नंगरया सहसा ताडाविओ य सिढो ॥११३३॥ चालेऊण अवल्लाइं पिळियं पाणिम्मि  
तं वहणं । आयण्णाऽऽय्हियचावमुक्कवाणुग्गवेणेणं ॥११३४॥ पत्तं पभूयजोयणपमाणमाणम्मि जलहिमज्झम्मि । इत्तो य गिहे  
कुमरो पियाइ मग्गं पलोएइ ॥ ११३५॥ जाव न पत्ता ताहे गवेसिया तेण तत्थ सबत्थ । अनियंतेणं कहिओ मालागारस्स वुत्तंतो  
॥११३६॥ तेण वि चउक्कचच्चरठाणेसु गवेसिया पयत्तेण । तत्तो य नयरवाहिं निरुविया जाव न हु दिट्ठा ॥११३७॥ ताहे

१ स्वकीये । २ विल्लहल० कोमल । ३ नौकाखेपनेके उपकरणविशेष । ४ आयद्विय० आकृष्ट ।

विजयकु-  
मारसरूव-  
प्परूवग-  
नाम अट्ट-  
मुदेसो ।

॥ ६७ ॥

पाडलएणं भणिओ कुजरो नईइ परकूले । भइ ! गवेससु गंतुं कइया वि हु होइ तत्थेव ॥११३८॥ ते वि हु जणणीवि-  
रहे पिउपासं पुत्तया न मुंचंति । तो तेहिं सहिओ च्चिय गवेसणत्थं नईइ गओ ॥११३९॥ संठाविऊणमेगं बीयं नेउं नईइ पर-  
कूले । जावाऽऽगच्छइ पढमाऽऽनयणत्थं ताव असुहवसा ॥११४०॥ सहसच्चिय नइनीरं वड्ढिं पत्तं तओ अवसपाओ । पयपूरेण  
नईए कुमरो बुद्धित्तुमाढत्तो ॥११४१॥ भवियवयाइ पत्तं किं पि हु कट्ठाइयं नइमज्जे । तण्णिस्साए पत्तो कित्तियमित्तम्मि  
भूभागे ॥११४२॥ उत्तरिऊण तहाविहतुरुछायं पाविउं समुवविट्ठो । चिंतइ विसण्णहियओ विहिविलसियमप्पणो असुहं  
॥११४३॥ पिच्छसु एगंपइच्चिय मह विहिणो वामया हयाऽऽसस्स । जं चिंतिउं न सक्का न या वि कहिउं न वा सहिउं ॥११४४॥

भणियं च—चिंतिज्जइ जं न मणे जुत्तिवियारेण जुज्जइ न जं च । तं पि हयासो एसो सुहमसुहं वा विही कुणइ ॥११४५॥  
तहा—खणदंसियसुरसिरिवित्थराइं खणसुण्णठाणसरिसाइं । एयाइं ताइं कम्मिदियालिणो जीव ! ललियाइं ॥११४६॥  
जणयजणणीविओगो पियाइ विरहो सुयाण विच्छोहो । भूयवल्लिब कुडुवं दिसोदिसिं धल्लियं विहिणा ॥११४७॥ न तहा जणणी-  
जणया न तहा मह भारिया दहइ हिययं । जह वाला वणमज्जे मुक्का दुहदायगा अहियं ॥११४८॥ ता किं करेमि संपइ ? किं  
वा सरणं जणं पवज्जामि ? । विसमविसंदुलचिद्धिय ? ऽहं विहि ! वच्चांमि भण कत्थ ? ॥११४९॥ अहवा गरुयाणं पि हु जायइ  
वसणं विहिम्मि विवरीए । किं चुजं ? किर अम्हारिसाण विउसा भणंति जओ ॥११५०॥

अलङ्कारः शंकाकरनरकपालं परिजनो, विशीर्णांगो भृंगी वसु च वृष एको बहुवयाः । अवस्थेयं स्थाणोरपि भवति सर्वा-

१ अस्वाधीनपादः । २ युगपदेव । ३ क्षिप्तम् ।

सुदंसणा-  
चरियम्मि  
॥ ६८ ॥

मरगुरोर्विधौ वक्रे मूर्ध्नि स्थितवति वयं के पुनरमी [शिखरिणी] ॥११५१॥ ता मह विवेयकलियस्स जुत्तमेवं न सोइउं णूणं । इय जा संठवइ मणं काउं धीरत्तणं कुमरो ॥११५२॥ ता जयवद्धणनयरस्स सामिओ कित्तिवम्मनरनाहो । सूलाइकयाऽऽयंकेण-  
मुवरओ केवलमपुत्तो ॥११५३॥ तत्तो तप्पयसमुचियसव्वुत्तमपुरिसरयणनाणत्थं । अहिवासियाणि मंतीहि पंचदिवाणि  
विहिपुवं ॥११५४॥ हत्थी तुरंओ चंमरा कल्लसो छत्तं च ताणि पुरमज्जे । भमिउं चउक्कचच्चरतिगाइठाणेसु सव्वत्तो ॥११५५॥  
अणियंताणि पुराओ वाहिं नीहरिय ताणि पत्ताणि । जत्थऽच्छइ नरविक्रमकुमरो तरुणो तलम्मि ठिओ ॥११५६॥ पढमं  
चिय गिरिगरुयं घोरोरुकरं करिं निएवि इमो । चिंतइ वणहत्थी को वि एस ता कुणउ जमभिमयं ॥११५७॥ एवं न ताव  
करिरायमागयं संपयं दमिस्सामि । सिक्खाविओ वि जम्हा मरणं मह विरहियस्स वरं ॥११५८॥

जओ—विरहाओ वरं मरणं विरहो दूमइ निरंतरं देहं । ता सेयं मरणं चिय जेण समप्पंति दुक्खाइं ॥११५९॥ मरणम्मि  
निच्छियमई कुमरो तं जाव निएइ गयरायं । संतं लीलायंतं जंभायंतं च सोममुहं ॥११६०॥ ता तक्खणेण तुरयं छत्ताइयं  
च पासिउं कुमरो । चिंतइ मणम्मि कारणमिह किंपि न एस वणहत्थी ॥११६१॥ सुंडादंडठिएणं निम्मलजलभरियपुण्ण-  
कलसेणं । अमएण व सो सित्तो गएण विरहग्गितत्ततणू ॥११६२॥ तिपयाहिणिय कुमारं गलगज्जियजलहिगहिरगजीए ।  
उक्खिविऊण करेण सखंधमारोविओ कुमरो ॥११६३॥ काउं पयाहिणितियं तुरओ रोमंचकंचुइयगतो । हरिसियहियओ  
हिंसइ पिक्खंतो कुमरमुहकमलं ॥११६४॥ हरहासहारधवलं कुमरस्स सिरम्मि संठियं छत्तं । विंवं व सोमयाए विजिएणं  
पेसियं ससिणा ॥११६५॥ ससिसंखकुंदधवलं चाभरजुयलं सयंपि से ढलियं । जसकित्तिपुंजजुयलं व सहइ पासेसु कुमरस्स

विजयकु-  
मारसरुव-  
प्परुवग-  
नाम अट्ट-  
मुदेसो ।

॥ ६८ ॥



॥११६६॥ अहिणवजलहरसामलसमुच्चकरिरायसंठिओ कुमरो । सोहइ सिंहकिसोरुव विंझगिरिमत्थयारूढो ॥११६७॥ मंचाइ-  
मंचकलिए पुरे पविट्ठो इमो विभूर्इए । वरवत्थरइयउल्लोयरुइरविच्छित्तिरमणीए ॥११६८॥ विरइयचंदणकलसे मणहरतोरण-  
विराइयदुवारे । रायभवणम्मि पविसइ कयकोउयमंगलपवित्तो ॥११६९॥ विलसिरवारविलासिणिविरइयमुत्तियचउक्कम-  
णीए । सिंहासणे निसीयइ सुपसत्थमुहुत्तसमयम्मि ॥११७०॥ तो समकालपवज्जिरनाणाविहतूरवहिरियदियंतं । पुणरवि पुर-  
लोणं विहिओ रज्जाभिसेओ से ॥११७१॥ महरिहवत्थालंकारसारसोभंतविग्गहावयवो । पणओ असेससामंतमंतिनायग-  
णेण इमो ॥११७२॥ पणया पच्चंतनिवा सब्बे वि हु तप्पयावगुणवसओ । अणुकूलकम्मकलिओ पुणरवि सो संपयावरिओ  
॥११७३॥ नवरं किं पि न लग्गइ चित्ते से पुत्तपिययमाविरहे । सल्लंति ताणि हियए खणे खणे नट्टसल्लं व ॥११७४॥

जओ—भुंजउ जं वा तं वा परिहिज्जउ सुंदरं व इयरं वा । इट्ठेण जत्थ जोगो तं चिय रज्जं व सग्गो वा ॥११७५॥

इओ य—जिणसमयभणियविहिणा वियाणियाऽसेससमयसब्भावो । छत्तीससूरिगुणरयणरोहणो रुद्धमणपसरो ॥११७६॥  
खंतीनिवासगेहं संहवगुणभग्गमाणभडवाओ । अज्जवनिजियमाओ मुत्तिवलखलियलोहखलो ॥११७७॥ तवैतेयदित्तदेहो  
संजंमसंजमियकरणहयपसरो । सच्चवसिकयभुवणो सोर्यसमुज्जलसमायारो ॥११७८॥ आंकिंचणविभूसियदेहो बंभंवयगु-  
णपवित्ततणू । सुविसुद्धधम्मदसभेयरयणसमलंकियसरीरो ॥११७९॥ दंसणमित्तेण वि भवियनिवहनिम्महियचित्तसंतावो । पर-  
माऽऽलवणसुहारसपवाहनिव्वेवियजणहियओ ॥११८०॥ विहरंतो संपत्तो समंतभद्दाऽमिहाणमुणिवसहो । जयवद्धणपुरपरि-

१ आलवण० संभाषण-देशना । २ निव्वविय० निर्वापित ।

सुदंशणा-  
चरियम्मि

॥ ६९ ॥

सरबहिरुज्जाणे समोसरिओ ॥११८१॥ सोऊण तयाऽऽगमणं भत्तिव्वरुल्लसियवहलरोमंचा । के वि हु वंदणवडियाइ निग्गया  
सूरिपायाणं ॥११८२॥ के वि हु कोउयवसओ के वि हु पत्ता पराणुवित्तीए । संसयवोच्छेयत्थं च पत्थिया तत्थ केइ पुणो  
॥११८३॥ राया वि सुणिय मुणिनाहवइयरं विहियपवरनेवत्थो । पियपुत्तपियावुत्तंतपुच्छणत्थं समणुपत्तो ॥११८४॥ नमिऊ-  
ण निसण्णेसुं उचियट्ठाणे विसिट्ठलोएसु । मुणिनाहो नवनीरयगजियगंभीरवाणीए ॥११८५॥ पारद्धो धम्मकहं कहिउं  
कारुणपुणमणभवणो । भवियजणवोहणत्थं सुओहिनाणाऽइसयकलिओ ॥११८६॥

तंजहा—खणदिट्ठनट्ठविहवे खणपरियट्ठंतविविहसुहदुक्खे । खणसंजोगविओगे नत्थि सुहं किं पि संसारे ॥११८७॥

जओ—जीयं जोवणलच्छीपियसंजोगाइं जं जियाणपियं । खणभंगुरस्सरुवं संसारे इत्थ तं सव्वं ॥११८८॥ खरपवण-  
पणुणकुसग्गलग्गजलविंदुसण्हं जीयं । तरणिकरतवियतरुखुडियकुसुमसरिसं च तारुणं ॥११८९॥ सुरंरायचावल्लयस-  
च्छहाओ लच्छीओ चलसरुवाओ । विज्जुलयविलसियसमा पियसंजोगा य जीवाणं ॥११९०॥ तम्हा सुरनरसिवसुक्खका-  
रण सासए जिणपणीए । परमत्थबंधवे कुणह उज्जमं सुद्धधम्मम्मि ॥११९१॥ इय मुणिवयणविणिग्गयवयणं सोऊण अमय-  
रससरिसं । संवेगभावियमणा जाया सव्वे वि भवियजणा ॥११९२॥ राया वि हु मुणिवइणो नाणाइसयं वियाणिउं सम्मं ।  
भत्तिव्वरनिव्वभरंगो पुणो वि तं नमिय भणइ इमं ॥११९३॥ कहसु पसिऊण भयवं ! पुव्वभवे किं मए कयं दुक्कयं । जेण  
इमा मह जाया विरहाइविडंबणा वाढं ? ॥११९४॥ भणइ गुरु सुणसु नरिंद ! ईसि कम्मं पि देइ कडुयफलं । वज्झइ हसमा-

१ खुडिय० खंडित युटित इति । २ इन्द्रधनुर्लतासमानाः ।

विजयकु-  
मारसरुव-  
प्परुवग-  
नाम अट्ठ-  
मुद्देसो ।

॥ ६९ ॥

णेहिं छुट्टिज्जइ न रुयमाणेहिं ॥११९५॥ परदबहरणपरदाररमणप्पमुहाइं गरुयपावाइं । भावेण अतिवेण वि कयाइं तिबं फलं  
 दिंति ॥११९६॥ तुमए वि पुवजम्मए अणायरेणं पि मूढहियएणं । विहियं असुहं कम्मं जह तह इण्हिं निसामेह ॥११९७॥  
 रिउचक्कअकंपाए चंपाए आसि सोमचंदनिवो । नियमइजियसुरमंती मइसारो तस्स वरमंती ॥११९८॥ सिरिसोमचं-  
 दरण्णो सीमालनिवो वसंतराउ त्ति । निहणइ देसं अइतिबलोहपसरुव गुणनिवहं ॥११९९॥ अवि तं निग्गहसत्तो कुओ वि  
 तं कारणा न निग्गहइ । तो महुसमए मंती निवजाणावणत्थमिय भणइ ॥१२००॥ देव ! बहिं उज्जाणे हयगयरहजोह-  
 जूहपरियरिओ । पत्तो वसंतराओ जं जाणसु कुणह तं इण्हिं ॥१२०१॥ तं सोउ निवो सहसा समरभरुल्लसिरगरुयउच्छाहो ।  
 कंपावियरिउचक्कं लहु ताडावेइ जयढक्कं ॥१२०२॥ तस्सइसवणवसझत्तिमिलियरणसज्जपवलबलकलिओ । जा मंतिजुओ  
 गयवरमारूढो नरवरो चलिही ॥१२०३॥ अइवेगागमवसजायपवलउस्सासरुद्धकंठेणं । एगेण पहाणनरेण ताव वद्धाविओ  
 मंती ॥१२०४॥ चक्कपुराहिव जयसेणरायपासम्मि रायकज्जेणं । जो पहिओ कयकज्जो सो तुह पुत्तो इहं पत्तो ॥१२०५॥ बहु-  
 तुट्टिदाणपुवं पहाणपुरिसं विसज्जिऊण तयं । सुचिराऽऽगयवल्लहसुयमिलणत्थं पुच्छइ नरिंदं ॥१२०६॥ तो तिकखअणक्खक-  
 डक्खिएण पभणिओ निवेण इय मंती । रणजत्ताभंगकरस्स तुज्झ मा मिलउ पियपुत्तो ॥१२०७॥ अरिविजयं काउं लहु  
 मिलसु सुयस्स त्ति भणिय सो नीओ । रण्णुज्जाणे तत्थ य वसंतरायं न पिच्छेइ ॥१२०८॥ तो कुविओ आह निवो वसंत-  
 राओ कहिण्णु भो मंति !? । सो भणइ देव ! विलसिरं वसंतरायं पुरो नियह ॥१२०९॥

१ अणक्ख० क्रोध ।

सुदंशणा-  
चरियम्मि

॥ ७० ॥

तथाहि—चूयगइंदा गजंति मत्तपरंपुट्टपुट्टसदेण । बहुविहतरकुसुमहया हेसंते अलिउलरवेण ॥१२१०॥ किंकिळिरहा रेहंति पलवुल्लसिरसत्थसंदोहा । केयइनिविडकुंडंगा जोहा मो(सो)हंति सण्णद्धा ॥१२११॥ इय मंतिवयणरयणाइरंजिओ नरवई भणइ सचिवं । सिग्घं सुयस्स मिलिय जिणिय अरिं इज्ज लहु इत्थ ॥१२१२॥ तो तुट्टमणो मंती पुत्तस्स मिलित्तु तत्थ गंतूणं । जिणिउं वसंतरायं कमेण पत्तो निए नयरे ॥१२१३॥ अण्णदिणे उज्जाणे गच्छंतेणं निवेण रूववई । निज्जूहठिया दिट्ठा सुलसा वसुसिद्धिणो भज्जा ॥१२१४॥ तीए अज्जुववण्णो उज्जाणे कीलियं खणं राया । कुसुमसरसवरसरविसरसल्लियंगो गिहे पत्तो ॥१२१५॥ तो मज्झ रिऊहि समं दाणग्गहणाइ अत्थि ववहारो । तुह इच्चाइअसच्चं किंचि वि उव्भाविउं दोसं ॥१२१६॥ गिण्हित्तु सवसारं वसुसिद्धिपियं खवेइ ओरोहे । सिट्ठी धणनासपियाविरहेणुम्मत्तओ जाओ ॥१२१७॥ राया पुण सुलसाए सद्धिं सद्धम्मकम्मविसुद्धमणो । पंचविहविसयसुक्खं माणइ कालं कियंतं पि ॥१२१८॥ अण्णदिणे नियभवणे सत्तमभूमीइ मत्तवारणए । जा चिट्ठइ नरनाहो कीलंतो तीइ संजुत्तो ॥१२१९॥ ता धूलिधूसरंगो मलमलिणतणू विमुक्कचिहुरभरो । दंडी खंडनिवसणो तरुदलमालाऽऽविलेसरीरो ॥१२२०॥ गायंतो नच्चंतो विणा निमित्तं हसंतरोवंतो । असमंजसवयणाइं कज्जमकज्जे वि जंपंतो ॥१२२१॥ इय एवं पुरमज्जे हिंडंतो सोमचंदनरवइणा । तह सुलसाए सहसा दिट्ठो उम्मत्तओ एगो ॥१२२२॥ भणियं च तीइ सामिय ! इममुवलक्खह न व ? त्ति तो रण्णा । वुत्तं न मुणेमि तुमं जइ मुणसि कहेसु को एसो ? ॥१२२३॥ तीए भणियं तुव्वेहि जस्स हरियं धणं मए सद्धिं । मह विरहे विहवखए सो वसुभूई भमइ एवं ॥१२२४॥

१ परपुट्ट० परपुट्ट-कोकिल । २ कुंडंग० निकुञ्ज । ३ गिज्जूह० निर्यूह-गवाक्ष । ४ अधुपपन्नः-अत्यन्तासक्त इत्यर्थः । ५ आविल० व्याप्त ।

विजयकु-  
मारसरूव-  
प्परूवग-  
नाम अट्ट-  
मुद्देसो ।

॥ ७० ॥

इय सोउं ती उत्तं तस्स अवत्थं च पिच्छिऊण निवो । पच्छाणुतावत्तो चित्तिउमेवं समाढत्तो ॥१२२५॥ सारयससिकरध-  
 वलं कलंकियं नियकुलं मए हद्धी ! । उद्धूलियं च धिद्धी ! अकित्तिधूलीइ भुवणयलं ॥१२२६॥ दिण्णो हत्थो गुणसंचयस्स  
 मलिणीकयं च सयणमुहं । भदं दूरेण कयं सण्णिहिओ वसणसंघाओ ॥१२२७॥ पिहियं सुगइदुवारं सुसज्जिओ दुग्गईपुरी-  
 मग्गो । णूणं कुणंतएणं परधणपरदारहरणमिणं ॥१२२८॥ ता कस्स मुहं दंसेमि कस्स साहेमि किं च काहामि ? । उभयभव-  
 विरुद्धकरो होहिस्सं कहमहमभग्गो ॥१२२९॥ इय चित्तिऊण राया पलित्तगेहं व मुत्तु गिहवासं । निक्खंतो लहु गंतुं  
 गुणधराऽऽयरियपासम्मि ॥१२३०॥ भवियवयावसेणं विज्जुनिवाएण तक्खणेण मओ । उप्पण्णो सोहम्ममे तियसवरो भावणा-  
 वसओ ॥१२३१॥ भुत्तूण तत्थ सुइरं उत्तमभोए सुरंगणाहि समं । चविओ इह संजाओ तुमं सि नरविक्कमनरेस ! ॥१२३२॥  
 जं पुण पुबिं विहियं परधणहरणाइयं तए पावं । संपइ तस्स फलेणं जायं तुह एरिसं दुक्खं ॥१२३३॥ इय सोउं पुवभवे  
 जाइं सुमरित्तु भणइ नरनाहो । नाह ! मह होहिइ कहं एरिसकम्माण खलु विगमो ? ॥१२३४॥ भणइ गुरु भो नरवर !  
 विसेसकम्मक्खए तवो हेऊ । तत्थ वि वज्झतवाओ अब्भिंतरओ पहाणतवो ॥१२३५॥ तत्थ वि य पहाणयरं ज्ञाणं चिय  
 जिणवरेहि निदिट्ठं । जं तेण तक्खणेणं खवइ जिओ निखिलकम्माइं ॥१२३६॥

भणियं च—कम्ममसंखिज्जभवं खवेइ अणुसमयमेव आउत्तो । अण्णयरम्मि वि जोगे ज्ञाणम्मि पुणो विसेसेण ॥१२३७॥  
 तं पुण जियस्स ज्ञाणं अणिच्चयाईहि भावणाहि भवे । ता णिव ! वारस वि तुमं भाविज्जसु भावणाओ सया ॥१२३८॥ किंच तुह  
 भावणाभावियस्स मुणिजणसुसेवणपरस्स । अइरेण समाओगो पुत्तकलत्तेहि सह होहिइ ॥१२३९॥ इय सोउं सो राया दंसणमूलं

सुदंसणा-  
चरियम्मि

॥ ७१ ॥

गिहेवि गिहिधम्मं । गुरुचलणाय नमेउं तुट्टमणो नियगिहे पत्तो ॥१२४०॥ तप्पमिई तिकाळं पूएइ निवो जिणिंदपडिमाओ । कुणइ य सुट्टुवउत्तो आवस्सयमुभयसंझं पि ॥१२४१॥ दाणं देइ जहरिहं पालइ पाएण निम्मलं सीलं । सत्तीए तवइ तवं सज्झायं कुणइ सुद्धमणो ॥१२४२॥ बहुबहुमाणपवित्तो सेवइ विमलं गुरुण पयकमलं । सावज्जकज्जभीरू पालइ रज्जं पि नयसज्जो ॥१२४३॥ पुढावरत्तकाले जागरमाणो ममत्तपरिचत्तो । धम्मज्झाणनिमित्तं इय भावइ भावणाओ पुणो ॥१२४४॥ रे जीव ! रूवजोवणधणसयणसिणेहईसरियमाइ । सबमणिच्चं सुमिणोवलद्धरिद्धिं जियलोए ॥१२४५॥ पियमायसामिमाई न कोइ सरणं जियस्स मरणम्मि । धम्मं मुत्तुं रण्णे लुद्धयगहियस्स व मिगस्स ॥१२४६॥ निवरंकसधननिधणपहुकिंकरपमुहविवि- हरूवेहिं । नच्चइ सुइरं जीवो रंगाऽऽयरिओ व रंगगओ ॥१२४७॥ इक्को पावइ जम्मं मरइ य इक्को समज्जिउं कम्मं । इक्को पावेण दुहं इक्को धम्मेण लहइ सुहं ॥१२४८॥ चेयणगुणजीवाओ विगुणत्ता जइ सरीरमवि अण्णं । ता कहणु मुत्तु दंसण- नाणे अण्णं ण अण्णंति ॥१२४९॥ नवल्लिडुद्धरंतमहंतकलिलमलपसरपूरिए सययं । देहे गेहे रोगाण कुणइ सुमई कह सुइत्तं ? ॥१२५०॥ जह नेहतुप्पियंगस्स होइ रयसंचओ तह जियस्स । मिच्छत्तपमुहवहुविहआसवजुत्तस्स कम्मचओ ॥१२५१॥ पिहियाऽऽसाविदुवारे रेणुव गिहे जलं व पोयम्मि । संवरपवरे जीवे पावं पविसइ न कया वि ॥१२५२॥ अण्णाणप- रवसत्ते जिओ सहंतो खवेइ तणुकम्मं । सवसो सण्णाणी उण निज्जरइ खणेण वि अणंतं ॥१२५३॥ चउदसरज्जुपमाणे लोए वालग्गमित्तमवि नत्थि । जीवेण जं न पुट्ठं अणंतसो जम्ममरणेहिं ॥१२५४॥ कह कहमवि गरुयगहीरजलहिजलगलिय- पवररयणं व । दुलहं लहिउं बोहिं तत्थ पमाइज्ज मा कह वि ॥१२५५॥ गुणमणिरोहणगिरिणो पमायवणगहणभंगवरक-

विजयकु-  
मारसरूव-  
प्परूवग-  
नाम अट्ठ-  
मुद्देसो ।

॥ ७१ ॥

रिणो । सिवसुहफलवरतरुणो लब्धंति कहं पि सुहगुरुणो ॥१२५६॥ इय भावणापहाणो पइदियहं बहुमाणसंवेगो गिहि-  
धम्मं सुविसुद्धं नरविक्रमनरवई कुणइ ॥१२५७॥ इत्तो य नईतीरे तेसिं दुण्हं पि रायपुत्ताणं पुण्णेहि नरो एगो कत्तो वि  
समागओ तत्थ ॥१२५८॥ ते दहुं संभंतो चिंतइ नणु रायनंदणा एए । नलकूवरव रुवेण सयलनिवलक्खणसमेया ॥१२५९॥  
इय चिंतिज्जण तेणं सप्पणयं गोउलम्मि ते नेउं । गोउलियमयंहरस्स उ समप्पिया कहिय वुत्तंतं ॥१२६०॥ तेण वि य अपुत्ताए  
ते दिण्णा नियपियाइ तुट्ठेणं । सा वि हु पालइ अंगुवभवव परमण्णपाणेहिं ॥१२६१॥ अण्णदिणे सो गोउलसामी नरविक्रमं  
निवं दहुं । जयवद्धणम्मि नयरे केण वि कज्जेण संचलिओ ॥१२६२॥ तेण य सद्धिं ते दोवि नंदणा नयरदंसणनिमित्तं ।  
चलिया रायसमीवे पत्ता सो पणमिओ तेहिं ॥१२६३॥ जा नियइ निवो ते दोवि दारए अणिमिसाइ दिट्ठीए । ता नायं जह  
एए मज्झ सुया कहइ मह हिययं ॥१२६४॥ पुट्ठेण मयहरेणं वुत्तंते साहिए जहाऽवगए । तो नेहवसा दुण्णि वि उच्छंगे  
ठाविया पुत्ता ॥१२६५॥ किमवि परुण्णो य निवो गलंतनयणंसुधोवियक्वोलो । भणइ सुया मह एए मिलिया सुगुरुरूपसा-  
एण ॥१२६६॥ बीयम्मि दिणे गुरुणो कहिओ सबो वि पुत्तवुत्तंतो । भणइ गुरु भो ! कित्तियमित्तं धम्मस्स फलमेयं ॥१२६७॥  
अज्जवि होहिइ तुह पिययमाइ जोगो वि थोवदियएहिं । अहरीकयकप्पहुममाहप्पो जेण जिणधम्मो ॥१२६८॥ हरइ दुहं  
कुणइ सुहं जणइ समाहिं समीहियं देइ । अवणेइ आवयाओ जिणधम्मो कामधेणुव ॥१२६९॥ एवं राया संजायपच्चओ कुणइ  
तिव्वसंवेगो । सावगधम्मं सम्मं सबत्थ वि भावणारम्मं ॥१२७०॥ सा पुण सीलमई देहिलेण जलहिम्मि दढमणज्जेण ।

१ मयहर० स्वामी । २ प्ररुदितः ।

सुदंसणा-  
चरियम्भि

॥ ७२ ॥

नाउं हरिज्जमाणं अप्पाणं निवडिया वहणे ॥१२७१॥ मुच्छानिमीलियच्छी विहियसिसिरोवयारगयमुच्छा । अइदुस्सहवि-  
रहभारभारिया विलविउं लग्गा ॥१२७२॥ हा जलहिदेवयाओ ! हा पवहणदेवयाओ हा सुयणा ! । इह अत्थि कोइ जो मं  
रक्खइ पावेण हीरंतिं ? ॥१२७३॥ हा ताय ! दुहियवच्छल ! हा ससुर ! सिणेहसार ! हा दइय ! । मह पाणप्पिय ! तायसु हीरंतिं  
सरणरहियं मं ॥१२७४॥ तं पिच्छिऊण सहसत्ति देहिलो विहियअंजली पणओ । भणइ इमं मा रोयसु सुंदरि ! मह सुणसु  
विण्णत्तिं ॥१२७५॥ वीसत्था होसु खणं अवधारसु मज्झ वयणपरमत्थं । अहमेव तायओ सुयणु ! किंकरो पसिय पसयच्छि !  
॥१२७६॥ होसु मह विउलगिहविहवसामिणी वहसु गेहिणीसदं । चयसु विसायं तह ठवसु अप्पयं वरसमाहीए ॥१२७७॥  
निव्वसु सुयणु ! मं मयणदहणतवियं ससंगमजलेण । इय विण्णत्तिं मह कुणसु करिय करुणं कुरंगच्छि ! ॥१२७८॥ तं सोउं  
कोवा रत्तनयणभडभिउडिभीसणनिडाला । फुरियाऽहरुट्टपुडया अपसण्णमुहा भणइ फरुसं ॥१२७९॥ अवसर दिट्ठिपहाओ  
निक्खि ! निव्वभग्गसेहर ! निहीण ! । निद्धम्म ! नराहम ! निव्विवेय ! निप्फुट्ट ! निहज्ज ! ॥१२८०॥ मा भणसु पुणो एवं मा  
निवडसु निरयअंधकूवम्मि । निव्विण्णाण ! न याणसि परस्स अप्पस्स य विसेसं ॥१२८१॥ एवं तीए निव्वभच्छिओ उ सो  
देहिलो ठिओ मोणं । लोभाभिहयं च पुणो अप्पाणं निंदइ सई सा ॥१२८२॥ हा जीव ! तया लोभेण विनडिओ मुणसि  
नेव कवडमिमं । जं मह कज्जत्थमिमो समहियमत्थं पयच्छंतो ॥१२८३॥ वाहियइ अहव झुट्टेण लोभियलोयजंपियं सबं ।  
संपइ पुण कह सीलं पालेयवं ? ति तो भणइ ॥१२८४॥ जइ अत्थि मज्झ सीलं सुद्धं तो दाणवो व देवो वा । मह सील-

१ मृगाक्षि ! । २ क्षुद्र ! ३ विनटितः-व्याकुलित इति ।

विजयकु-  
मारसरूव-  
प्परूवग-  
नाम अट्ट-  
मुदेसो ।

॥ ७२ ॥



पालणकए सणिज्झं वियरउ अवस्सं ॥१२८५॥ इय सावियम्मि सीले समागया जलहिदेवया खिप्पं । पच्चक्खी होऊणं  
 भणइ तयं देहिलं वणियं ॥१२८६॥ रे मूढ ! दुट्ठचिट्ठिय ! भइणिसमं पिच्छिऊण जइ एयं । अप्पसि पइणो ता तुज्झ जीवियं  
 अण्णहा नत्थि ॥१२८७॥ इय देवयाइ वयणं आगासगयाइ देहिलो सोउं । भइणिं व पणमइ तयं तहत्ति पडिवज्जियं वयणं  
 ॥१२८८॥ तप्पभिइं भयभीओ भोयणपाणाइएहिं भइणिं व । पालिंतो गंतव्वं संपत्तो वंछियं ठाणं ॥१२८९॥ विणियट्ठिऊण  
 तत्तो विट्ठवियदविणो गिहं पइ नियत्तो । पवणवसा से वहणं पत्तं जयवद्धणपुरम्मि ॥१२९०॥ उत्तारिऊण पणियं वणिओ  
 घित्तूण पाहुडं पवरं । वच्चइ निवस्स पासे तेणाऽवि सगोरवं दिट्ठो ॥१२९१॥ दीवंतरवत्ताकहणवावडाणं परुप्परं महई । वेला  
 लग्गा जावं बोलीणो जामिणीपहरो ॥१२९२॥ तो देहिलेण भणियं बहुदव्वं देव ! पवहणं मज्झ । ता मुयह ममं पुणरवि  
 समागमिस्सं पहायम्मि ॥१२९३॥ भवियवयानिओगेण भूवई भणइ भइ ! भवउ हं । पच्चइयनियनरेहिं रक्खाविस्सामि तं  
 वहणं ॥१२९४॥ तं पुण इहेव चिट्ठसु एवं होउ त्ति मन्निए वणिणा । नरवइणा पेसविया पहाणपुरिसा पवहणम्मि ॥१२९५॥  
 अणुकूलकम्मवसओ कुमरा कयकोउया जलहिवहणे । जणयं सप्पणयं बिण्णवेति वालग्गहग्गहिया ॥१२९६॥ पवहणमदि-  
 ट्ठपुव्वं ति ताय ! तदंसणत्थमम्हे वि । वच्चामुत्ति तओ ते वि पेसिया तेहि सह रण्णा ॥१२९७॥ रयणीइ ते पसुत्ता तत्थेव  
 य पवहणम्मि सिज्जाए । जाए य चरिमे जामे पडिबुद्धो भणइ लहुभाया ॥१२९८॥ भाउय ! मह कहसु तुमं अच्छेरकरं कहा-  
 णयं किं पि । वच्चइ सुहेण रयणी जेणेसा तं सुणंतस्स ॥१२९९॥ जिट्ठेण तओ भणियं महंतमच्छेरयावहमपुव्वं । अम्हाण-  
 मेव चरियं सुणसु तुमं किं च अवरेण ? ॥१३००॥ आमं ति तेण वुत्ते जिट्ठो भाया कहेइ वुत्तंतं । नियनयरिनिग्गमाओ हरिया

सुदंसणा-  
चरियम्मि  
॥ ७३ ॥

केणाऽवि जा जणणी ॥१३०१॥ तीए गवेसणत्थं अम्ह पिया निग्गओ नईतीरे । नरविक्कमो कुमारो अम्हे मुत्तुं नईकूले ॥१३०२॥ वूढो नइपवाहेण पुण्णजोगेण नरवई जाओ । अम्हे पुण संपत्ता केण वि गोउलियपुरिसेण ॥१३०३॥ तेण वि सुहेण नेउं समप्पिया मयहरस्स तस्स गिहे । विद्धिं पत्ता पुण्णेण जोईया जणयपायाणं ॥१३०४॥ संपइ जइ अम्हाणं माया वि हु मिलइ गरुयपुण्णेहिं । देवगुरूणं पायप्पसायओ ता भवे लंडुं ॥१३०५॥ अह गुणलयणीमज्झे सयणीयगयाइ जागरं-  
तीए । सीलमईए सबं निसामियं निययचरियमिणं ॥१३०६॥ तत्तो नेहपरवसहियया सबंगजायरोमंचा । सुरहिब निययव-  
च्छगदंसणपण्हुइरउरसिरुहा ॥१३०७॥ जामि बलिं तुम्ह मुहस्स होमि उयारणं नियसुयाणं । इय जंपंती तुटंतकंचुया नि-  
ग्गया बाहिं ॥१३०८॥ एसा अलक्खणाऽहं तुम्हाण दुक्खदाइया माया । ता एह इच्चिरविरहियाइ आरुहह मह अंके ॥१३०९॥  
तो ते अंके काऊण मुक्कपुक्काइ तीइ तह रुणं । कुमरेहि समं वहणे रुआविओ जह जणो सबो ॥१३१०॥ संठावियाणि  
निवपरिअरेण तुट्टेण एव भणिरेण । आणंदकरेऽवसरे पज्जत्तं देवि ! खेएण ॥१३११॥ केण वि गंतुं सिग्घं निवेइओ एस बइ-  
यरो रण्णो । हरिसाऽऽऊरियहियओ सो वि हु अंगे अमायंतो ॥१३१२॥ देवीपवेसणकए नयरम्मि महुसवं समाइसइ । वय-  
णाणंतरनिबत्तियाइ वरनयरिसोहाए ॥१३१३॥ मंगलगीयरवेणं अवलोयंती समग्गपुरिसोहं । देवी पिच्छिज्जंती नरनारि-  
सहस्सविदेहिं ॥१३१४॥ वीइज्जंती सियचामरेहिं कणयप्पहाकरेणुगया । विज्जुब विरायंती बलायजुयजलयमालाए ॥१३१५॥  
पविसइ नरिंदभवणे विद्धाजणविहियमंगलपवित्ते । नारीहिं सलहियगुणे आसीसदाणमुलहाहिं ॥१३१६॥ रायाइपुरलोओ

विजयकु-  
मारसरूव-  
प्परूवग-  
नाम अट्ट-  
मुदेसो ।

॥ ७३ ॥

१ दृष्टौ । २ सुन्दरम् । ३ पण्हुइर० प्रच्छोतृ-झरनेवाला । ४ श्लाघितगुणे ।

मिलिओ सबो वि तम्मि समयम्मि । नच्चइ गायइ विलसइ हरिसियहियओ तयाऽऽगमणे ॥१३१७॥ रायाइमाणुसाणं तेसिं  
 मिलियाण निरुवमं सुक्खं । जं जायं तं तीरइ कहिउं नऽण्णस्स केणाऽवि ॥१३१८॥ अभयप्पयाणपुवं कहिओ देवीइ वड्यरो  
 वणिणो । निबिसओ आणत्तो तो सो रण्णा ससवस्सो ॥१३१९॥ तप्पभिइं रज्जसुक्खं विसयसुहं मण्णए सुहं राया । जं  
 हिययनिबुईए विउसा मण्णंति परमसुहं ॥१३२०॥ वसणे वि अणुबिग्गा विहवं पत्ता वि हुंति न हु थद्धा । न पहुत्तणे वि  
 तुच्छा अहो ! हु गुरुयाण पुरिमवयं ॥१३२१॥ अह नरविक्रमराया रायसिरीए वराइ रायंतो । ससहरकरधवलजसो चिर-  
 कालं पालए रज्जं ॥१३२२॥ सुहभावणासमेओ सावगधम्मं पि पालिऊण चिरं । गुरुपासे निक्खंतो विरत्तचित्तो महा-  
 सत्तो ॥१३२३॥ चरणकरणं विसुद्धं सम्मं आराहिउं समाहिपरो । मरिऊण समुप्पण्णो देवो माहिंदकप्पम्मि ॥१३२४॥  
 तत्थ वि उत्तमभोए पुवभवुभवसुभेण भावेण । अच्चब्भुयभूएणं भुंजइ सो भूरिअयराइं ॥१३२५॥ तत्तो चुओ विदेहे सुकु-  
 लुप्पत्तीइ लहिय पवज्जं । चरिउं विसुद्धसद्धो सिद्धिं पत्तो धुयकिलेसो ॥१३२६॥ विजयकुमारो पभणइ सुदंसणे ! एस  
 भावणाधम्मो । संखेवेण महत्थो धम्माण सिरोमणी कहिओ ॥१३२७॥ ता कायवो भावो सासयसुक्खाण कारणं भणिओ ।  
 सस्सुप्पत्तिनिमित्तं गहियवं जह जलं होइ ॥१३२८॥ एस चउब्विहधम्मो सुदंसणे ! तुह मए समक्खाओ । ता तुरियं कायवो  
 दुलहा मणुयाइसामग्गी ॥१३२९॥ अण्णं च एस सेलो विमलगिरी जलहिदुग्गमज्झगओ । सुरसिद्धजक्खविज्जाहराण कीलणपयं  
 रम्मं ॥१३३०॥ ता धम्मविणोयमिमाणमित्थ सुणिसुवयस्स नाहस्स । भवणं जुज्जइ काउं जम्हा वित्तस्स फलमेयं ॥१३३१॥  
 सुथिरं सुनिबुइकरं साहीणं सुवहुयं च जइ पुण्णं । विवरीएण धणेणं लब्भइ ता किं न पज्जत्तं ? ॥१३३२॥ इय सोउं मुणिवयणं

सुदंसणा-  
चरियम्मि

॥ ७४ ॥

सुदंसणाए सुदंसणमणाए । जिणभवणविहाणत्थं आइट्ठो सुत्तहारवरो ॥१३३३॥ विविहवररूवतोरणमुहमंडवपिच्छमंडव-  
सुरम्मं । मणिरयणसालभंजियसंजुयवहुकणयमयखंभं ॥१३३४॥ उत्तुंगधवलसिहरं सुमेरुनामं लसंतधवलधयं । मणिकण-  
यरयणघडियं जिणभवणं तेण निम्मवियं ॥१३३५॥ वरतोरणसोवाणचउवारा विमलसलिलसंपुण्णा । वावी जिणिंदमंदिरदुवा-  
रदेसम्मि तह विहिया ॥१३३६॥ इय सिग्घं कारविउं सुदंसणा मणहरं जिणहरं तो । ठावइ तत्थ विसिउं सिरिमुनिसुबयजिण-  
प्पडिमं ॥१३३७॥ भत्तिवभरनिवभरंगा सव्विह्ठीए इमा सपरिवारा । ण्हविऊण पूइऊण वंदइ मुणिसुबयजिणिंदं ॥१३३८॥  
सीलवईइ समेया विजयकुमारं च वंदिय मुणिंदं । चढिऊण जाणवत्तं चलिया भरुयच्छपुरसमुहं ॥१३३९॥ सो पुण  
विजयकुमारो कमेण काऊण कम्मरिउविजयं । उप्पण्णविमलनाणो निव्वाणपयं समणुपत्तो ॥१३४०॥ इय सुदरिसण-  
कहाए विवेयवररयणरोहणधराए । विजयकुमारसरूवप्परूवगो अट्टमुद्देसो ॥१३४१॥ [ इइ अट्टमुद्देसो ]

अह नवमुद्देसो ।

सा आह किण्णरी तुह कहिओ इह विजयकुमारवुत्तंतो । मुणिचंडवेगकहिओ अह भाउय ! सुणसु मूलकहं ॥१॥ ता  
वहिऊणाऽविग्घं एसा अइरेण नम्मयदुवारं । गीयत्थव भवोहं तरेवि जलहिं गया तीरं ॥२॥ छत्तधयचिंधचामरफुरंतमणि-  
रयणकिंकिणिरवट्ठो । अप्फालियजयतूरो वेडादंडो तडे पत्तो ॥३॥ सबो वि नयरलोओ सुणेवि जयतूरसहनिग्घोसं । भीओ  
मुणेइ इह किंतु आगओ सिंहलाहिवई ॥४॥ सुणिऊण तूरसहं भणियं जियसत्तुराइणा रे ! रे ! एसो सिंहलराया समागओ

१ सुसम्यक्त्वमनसः ।

गुरुदंस-  
णपरूवग-  
नाम नव-  
मुद्देसो ।

॥ ७४ ॥

मज्झ किं उविरिं ? ॥५॥ ता पक्खरेह तुरया गुडह गइंदा भडा वि सण्णहह । अप्फालह रणतूरे सत्थाइं करेह पउणाइं ॥६॥  
इय हयगयरहभडओहपरिगओ सण्णहेवि जियसत्तू । वेलाउलम्मि पत्तो रणरहसुच्छलियहलंबोलो ॥७॥ तं सण्णद्धं दहुं  
निवसुया भणइ सिद्धि ! किं एयं । दीसइ हयगयरहभडसमाउलं उयहितीरम्मि ? ॥८॥ तो भणइ उसभदत्तो सुदंसणे ! एस  
लाडदेसपहू । दीसइ जियसत्तुनिवो जिणधम्मधुरंधरो धीरो ॥९॥ करुणामयरसखीरोदहिब संवेगचित्तभित्तिब । सुविवे-  
यरयणसुनिहिब पसमतरुसिसिरच्छायव ॥१०॥ तिकखकरवालदारियरिउगयकुंभत्थलुच्छलंतेहिं । मुत्ताहलेहिं हारो जेण  
कओ सुरजुवाणीणं ॥११॥

अवि य—परपरिवायविमुक्को परदोसाऽऽयण्णणे वि बहिरुव । जम्मंधो परमहिलाऽवलोयणे जो खलु महप्पा ॥१२॥ एसो  
जियसत्तुनिवो तुह पिउणो चंदउत्तरायस्स । निवसइ सया ससंको जाणइ किं एस संपत्तो ? ॥१३॥ तेणेसो तुह जयतूर-  
गहिरघोसं सुणेवि सण्णद्धो । दीसइ इह संपत्तो रणरसियभडोहपरियरिओ ॥१४॥ तवयणमुणियकज्जाइ जंपियं सिद्धिसंमुहं  
तीए । साहसु तं गंतूण वुत्तंतमिमं ति निवस्स लहुं ॥१५॥ लद्धाऽऽएसो सिद्धी एगम्मि खरँकुयम्मि चडिऊणं । अप्पाणं पय-  
डंतो पत्तो जियसत्तुपयमूले ॥१६॥ दूराउ कयपणामो साहइ आगमणकारणं जाव । रायसुयाए सिद्धी ता पत्तो पवहण-  
समूहो ॥१७॥ तो निज्जामयवयणेणं को वि नियपवहणं पडिखलइ । अण्णो खंचेइ सिढं अण्णो संवरइ हरिणीओ ॥१८॥  
अण्णो उण लोहमयं अहोमुहं खिवइ नंगरं झत्ति । अहवा णु लोहमइओ गरुओ वि अहोमुहं पडइ ॥१९॥ किज्जंतमंगल-

१ रहस० रभस—औत्सुक्य । २ हलबोल० कोलाहल । ३ सुरयुवतीनाम् । ४ लघुनौकायाम् ।

सुदंसणा-  
चरियम्मि

॥ ७५ ॥

सेया उत्तरिया पवहणाओ रायसुया । सीलवईए सहिया आरूढा नरविमाणम्मि ॥२०॥ दूराउ च्चिय तीए विण्णायाऽऽग-  
मणकारणो राया । परिओसवसविसंठंतलोयणो करइ सम्माणं ॥२१॥ तं च चिरविरहसंजणियदुक्खनिहहणजायपरिओ-  
सो । सीलवईं भणिणिसुयं संभासइ सायरं राया ॥२२॥ विण्णवइ उसभदत्तो नरिंद ! तुह चंदउत्तराएण । जं संदिट्ठं  
निसुणेह सायरं तं समाहितो ॥२३॥

तंजहा—जे हुंति पुहइवइणो निम्मलकुलसीलजाइगुणकलिया । परिचत्तसत्तवसणा अणुंजुया कुनयमग्गेसुं ॥२४॥ गुरु-  
धम्मभारधुरधरणधीरधवला विसुद्धसम्मत्ता । ते हुंति तिलयभूया धराइ पुरिसुत्तमा विरला ॥२५॥ पढमोवयारनिरया दया-  
वरा हुंति सबजीवेसु । विहलुद्धरणसमत्था ते पुरिसा कुपुरिसा इयरे ॥२६॥ परिभाविऊण एयं वयणमणग्घं च मज्झ सोऊण ।  
अब्भत्थिओ मए निव ! पुणो पुणो तं सि सप्पणयं ॥२७॥ एसा य मज्झ धूया सुदरिसणा जीवियस्स अब्भहिया । पुब-  
भवमुणियदुक्खा भीया संसारवासस्स ॥२८॥ परिचत्तविसयसुक्खा संवेगपरायणा परमसद्धा । तुह नयरं संपत्ता धम्मत्थे  
कुणसु जं जुत्तं ॥२९॥ आयणिणऊण एयं जियसत्तू भणइ पुण धणनाह ! । उवयरिए उवयारं कुणंति जे ते न सप्पुरिसा  
॥३०॥ निरविकखयाइ पढमं उवयारं जे कुणंति ते विरला । उवयरिए उवयारं उच्छिण्णं देइ सबो वि ॥३१॥ ता सो धणवइ !  
राया सिंघलदीवाहिवो महासत्तो । जेणेसा सीलवई समप्पिया मज्झ कुसलेण ॥३२॥ ताऽहं सिंघलवइणो सुकयस्स करेमि  
इत्थ किं सुकयं ? । परमेसा रायसिरी साहीणा तस्स सद्वा वि ॥३३॥ अण्णं च एगदिवसेण महियलं कमइ जत्तियं तुरओ ।

१ विसट्ठंत० विकसमान । २ अनृजुकः ।

गुरुदंस-  
णपरुवग-  
नाम नव-  
सुहेसो ।

॥ ७५ ॥

तह पवणगइगइंदो उवभुंजउ तत्तियं वाला ॥३४॥ एवं भणिऊण नराहिवेण पुवेण पेसिओ तुरओ । दाहिणदिसाइ हत्थी  
सूरत्थमणंतरं जाव ॥३५॥ जत्थ तुरओ विसण्णो घोडागंधं तुरयपुरं जायं । जत्थ य मत्तगइंदो हत्थिउरं नामतं नयरं ॥३६॥  
अण्णं च—वेलाउलाइं अट्ठ उ अट्ठसए तह समिद्धगामाणं । दिण्णाइं निवसुयाए जियसत्तुनिवेण तुट्ठेण ॥३७॥ एवं  
कयसम्माणा सुदंसणा कइयणेहि थुवंती । जियसत्तुनिवेण समं नगरामिमुहं तओ चलिया ॥३८॥

अवि य—जत्थ जणो दाणरुई परोवयारुज्जओ वि अणवरयं । दुत्थियजणमलहंतो विसूरए सुबहुनियहियए ॥३९॥ सुवि-  
सुद्धविमलदसविहसम्मत्तपभूयधणसमिद्धो वि । कुग्गहपरूढमिच्छत्तरिद्धिआजम्मदारिहो ॥४०॥ दुज्जयकसायमहमल्लजिणाण  
पउणो वि उवसमपहाणो । दारुणदुक्खनिबंधणपमायभयभीरुओ सययं ॥४१॥ देवगुरुविणयकरणुज्जओ वि आलमसत्तु-  
महणो वि । दुग्गइगमणकारणविसयसुक्खमंदुज्जओ निच्चं ॥४२॥ ववगयसंसारसुहाऽणुरायनिदलियगरुयमोहो वि । संवेगरंग-  
वसओ सासयसुहविहियगुरुमोहो ॥४३॥ अवि य मणिरयणधवलहरविउलदेउलसोहियपएसं । अवलोयंती चलिया सुदं-  
सणा साहुपासम्मि ॥४४॥

अण्णं च—जिणनवकारपभावा एसा किर सवलिय त्ति रायसुया । एरिसरिद्धी सुरसुंदरिद्ध लोएहि थुवंती ॥४५॥  
सलहिज्जंती मागहगणेहि विबुहेहि संथुणिज्जंती । पणमिज्जंती भविएहि गुणसमूहेहि गज्जंती ॥४६॥

किंच—पयडंती व सुचरियं पडिवोहंती व भूरिभवियगणं । संसंती व महंतं जिणनवकारप्पभावफलं ॥४७॥ पच्चक्खं  
नियमफलं पयासयंती व रिद्धिनिवहेणं । मुणिजणपरमुवयारं जणाण जाणावयंती व ॥४८॥ तह सुविवेयजणाणं पणास-

सुदंसणा-  
चरियम्भि

॥ ७६ ॥

यंती व निविडमिच्छत्तं । दंसंती व सुमगं जियाण उम्मगलग्गाणं ॥४९॥ तह धम्मामिमुहाणं निदंसयंती व धम्ममाहप्पं ।  
इय सा गंतुं लग्गा पुब्बुद्धिदं तमुज्जाणं ॥५०॥ जा वच्चइ थोवपहं सपरियणा सह निवेण सा बाला । ता नम्मयाइ तीरे पिच्छइ  
कोरिंदमुज्जाणं ॥५१॥ तत्थ बहुसउणवासो निहियजडत्तो सुपत्तपरिवारो । गहिरो बहलच्छाओ सुट्ठु थिरो उत्तमपहुव ॥५२॥  
पुवभवकयनिवासो पभूयपहखिण्णपहियकयतोसो । रुद्धरविकिरणपसरो बालाए सो बडो दिट्ठो ॥५३॥ दट्ठूण वडं चिंतइ  
सच्चं एसो दुरंतसंसारो । कम्मकयचित्तरूवा भमंति संसारिणो जत्थ ॥५४॥ एवं सा चिंतंती जा वच्चइ समवसरणभूमीए ।  
ता पिच्छइ सट्ठाणं जत्थ पुरा पावियं मरणं ॥५५॥ एवं संवेगपरा सुदंसणा मुनिजणोचियपएसे । समवसरिया साहू अह  
पिक्खइ लद्धसुहलक्खा ॥५६॥ के वि हु वीरासणिया पउमासणिया निसिज्जआसणिया । गोदोहियउक्कडिया दंडासणिणो  
मुनी के वि ॥५७॥ के वि हु एकपयठिया उद्धभुया के वि के वि रविदंसी । के वि हु उत्ताणसया के वि ठिया उद्धचरणेहिं  
॥५८॥ इच्चाइआसणेहिं चउरासीईहि विहियउसग्गा । आयावणभूमीए आयावंता समगसीहा ॥५९॥ एगे चउत्थछट्ठुम-  
दसमदुवालसद्धमासेहिं । खमणेहि खवंति तणुं सुदुट्ठकम्मडुगंठिं व ॥६०॥ अवरे आयंबिलिया संखादत्ती य विगयवज्जी  
य । अप्पेगसित्थभोई उज्झियधम्माइया अन्ने ॥६१॥ के वि सुयं वायंता संसयठाणाइ के वि पुच्छंता । के वि हु परियट्ठंता  
अणुपेहंता पुणो के वि ॥६२॥ जियकोहा जियमाणा जियलोहा जियपरीसहा धीरा । जियनिहा जियमाया जिइंदिया  
वि जियमोहबला ॥६३॥ एगअसंजमरहिया दुविहेहि बंधणेहिं परिमुक्का । इच्चाइजावत्तितीसठाणजुत्ता जहाजुगं ॥६४॥  
किंच—कंसे संखे जीवे गयणे वाऊय सारए सलिले । पुक्खरपत्ते कुम्मे विहगे खग्गे य भारुंडे ॥६५॥ कुंजरवसहे सीहे

गुरुदंस-  
णपरूवग-  
नाम नव-  
मुद्देसो ।

॥ ७६ ॥



नगराया चेव सागरअखोभे चंदे सूरें कणगे वसुंधरा चेव सुहुयहुए ॥६६॥ समए जह निहिट्टा इच्चाइनिदंसणेहि मुनिव-  
सहा । वच्चंती रायसुया तह ते पिच्छइ महाभागे ॥६७॥ ते दडूणं चिंतइ चंदउदहिब उलसंती सा । एएच्चिय सुकयत्था  
धण्णा तह पुण्णवंता य ॥६८॥

जओ—विण्णायभवसरूवा निण्णासियसयलकम्मसंघाया । विसयाऽहिलासपियसुहपरियाणियदारुणविवागा ॥६९॥ उव-  
समसीयलसलिलप्पवाहविज्झवियकोवजलणा वि । गाढप्परूढभववियडविडविनिदहणवणदहणा ॥७०॥ निम्महियकम्मसं-  
ताणसोसियाऽसेसनियतणुबला वि । मोहमहपायवउम्मूलणिकवरमत्तकरिणुव ॥७१॥ नीसेसजंतुसंताणपालणे फुरियगुरु-  
यकरुणा वि । दारियदुज्जयकंदप्पमत्तकरिवियडकुंभयडा ॥७२॥ सावज्जजोगपसरंतरुद्धमणवायकायपसरा वि । निवाणनय-  
रपहगमणदच्छकरणत्तएण जुया ॥७३॥ परिचत्तुंतुंगपयोहराऽलसाऽसेसजुवइसंगा वि । निम्मलतवलच्छिवरंगणाइ आलिं-  
गिया गाढं ॥७४॥ पगमंताऽमरगंधवजक्खसिरमउडघट्टचलणा वि । दुविहे वि सबजीवे अप्पसमे तह वि मण्णंति ॥७५॥  
निज्जियमयणा वि पसिद्धसिद्धिवहुसंगसुकखतल्लिच्छा । परिचत्तसबसंगा वि सुदढसंगहियचरणधणा ॥७६॥ जाइकुलरूव-  
बलसुयतवलाभिस्सरियनाणवंता वि । अट्टमयमत्तवारणमयवारणहरिकिसोरुव ॥७७॥

अण्णं च— गयगंडयनउलफणिंदमूसमज्जारहरिमया सुइया । उवसंतवेरभावा जेसिं पासेसु निवसंति ॥७८॥ एयारिसा  
तवस्सी समतिणमणिलिड्ढुकंचणा मुणिणो । समसुहदुहभवमुक्खा रायसुआ वंदए मणसा ॥७९॥ पुरओ वच्चंतीए देव-  
समूहेहि देवराउव । चंदो व तारएहिं चक्की व नरिंदविंदेहिं ॥८०॥ परियरिया मुनिवसहेहि सूरिणो नाणभाणुनामाणो ।

सुदंसणा-  
चरियम्भि

॥ ७७ ॥

धम्मकहं कुणमाणा सुदंसणाए गुरू दिट्ठा ॥८१॥ इय सुदरिसणकहाए बुहजणमणजणियउवसरसाए । भरुअच्छे  
गुरुदंसणपरूवगो नवमउद्देशो ॥८२॥ [ इइ नवमुद्देशो ]

अह दसमुद्देशो ।

ते गुणगुरूणो गुरूणो बहुबहुमाणुल्लसंतरोमंचा । अंसुजलुल्लियनयणा पलोइउं सायरं सहसा ॥१॥ धरणियलनिहियजाणू  
करयलभालयलमिलियभूमियला । भत्तिब्भरनिब्भरंगा सुदंसणा पणमए पढमं ॥२॥ सह परियणेण पुणरवि दाउं तिपया-  
हिणं पणमिऊणं । पयपंकयं गुरूणं थुणेइ गाहाचउक्केण ॥३॥

तंजहा—भयवं ! चउगइसंसारदुक्खभीयाण भवसत्ताणं । सरणं परं तुमं चिय सरणविहीणाण दीणाणं ॥४॥ वरकल्ला-  
णनिहाणं तुम्ह पसाएण हुंति सबजिया । अहवा हवंति गरुया अणिमित्तसुबंधवा णूणं ॥५॥ भावंति जे कयत्था दंसण-  
रहिया वि दंसणं तुम्हं । भवदुक्खहरं पाविति दंसणं ते जिणिंदस्स ॥६॥ अज्ज कयत्थो जम्मो अज्ज कयत्थं च जीवियं  
मज्झ । जं तुज्झ दंसणामयरसेण सित्ताइं णयणाइं ॥७॥ एवं जा रायसुया करेइ गुणकित्तणं मुणिंदाणं । ता ते वि ओहि-  
णाणेण जाणिउं तीइ पुव्वभवं ॥८॥ भवदुक्खदलणमंतं व अमरनरसुक्खपडिभूनिभं च । सिवसुहसच्चंकारं व धम्मलाभं  
पयच्छंति ॥९॥ तो रायसुया सबे वि साहुणो वंदिउं सबहुमाणं । वरसावयसावीणं वंदं वंदं ति भणिऊणं ॥१०॥ उचियप-  
एसम्भि ठिया पसत्थमणवयणकायवावारा । गुरुचलणनिहियनयणा गुरुवयणे सावहाणमणा ॥११॥ अह भणइ गुरू भदे !

रयणत्तय-  
स्सरूवप्प-  
रूवग नाम  
दसमुद्देशो ।

॥ ७७ ॥

तं पुर्विं सवलिया वि होऊणं । नवकारनियमसहिया मरिउं जाया नरिंदसुया ॥१२॥ जं दुक्करतवसज्जं पाविज्जइ कह वि मुणिवरेहिं पि । तं तुह जाईसरणं जायं नियमप्पभावेण ॥१३॥

किंच—नियमरहिओ उ जीवो तवं चरणं च कुणइ जइ तिवं । तं तं न देइ बुद्धिं दविणं व कलंतरविहीणं ॥१४॥ अच्छउ ता मणुयाणं तिरियाण वि बोहिकारणं नियमो । दीसंति जे गुणह्वा ते वि हु नियमप्पभावेण ॥१५॥ जे अ पुण रयणि-दियहं वयनियमविवज्जिया असंतुट्ठा । अमुणियसंतोससुहा भमंति ते नरयतिरिएसु ॥१६॥ ता कायव्वो नियमो पढमं धम्म-त्थियाण धम्मंगं । नियमरहिओ गणिज्जइ पसुव पुरिसो अहम्मपरो ॥१७॥ जं जाइरूवकुलबलसमिद्धिसहिअं सुमाणुसत्त-मिणं । पत्तं बोहिनिमित्तं तं नवकारप्पभावेण ॥१८॥ ता नवकारो सुरमणुयसिद्धिसोक्खाण कारणं पढमं । भवजलहिनिमज्जं-ताण पाणिणं जाणवत्तं व ॥१९॥

अवि य—दुहियाण दुत्थियाण आवइपडियाण वंदगहियाणं । गहरिक्खपीडियाणं पिसायवेयालगसियाणं ॥२०॥ गयसंडसीहवराहरिच्छचउपासरुद्धेसाणं नवकारो परिताणं ताणं भवभीयसत्ताणं ॥२१॥ जं बालत्ते वि तए जाईणाणेण पाविया वोही । णाणीण मुनिवराणं अणुद्धियं तं तए वयणं ॥२२॥ ता मुणसु तुमं भद्दे ! । णाणं तह दंसणं चरित्तं च । रयणत्तयं च एयं एसो य प्हो सिवपुरस्स ॥२३॥ तत्थ य पढमं णाणं पंचवियप्पं जिणेहि पण्णत्तं । मइसुयओहीमणकेव-लाणि णाणाणि पंच इमे ॥२४॥ अट्ठावीसइभेयं मइनाणं तत्थ उग्गहाईया । चउरो भेया तहियं अवग्गहो होइ पुण दुविहो

१ कलंतर० 'व्याज' इति भाषायाम् ।

सुदंसणा-  
चरियम्भि

॥ ७८ ॥

॥२५॥ तत्थ मणयणवज्जियकरणाणं वंजणुग्गहो चउहा । ताणं अपत्तकारित्तेणेण पुग्गलगहाऽभावा ॥२६॥ अत्थपरिच्छे-  
यपरु त्ति होइ अत्थुग्गहो तहि वि छज्जा । ईहाअवायधारणपत्तेयं छविहा एवं ॥२७॥ कालमसंखं संखं च धारणा अत्थउग्गहो  
समओ । सेसा अंतमुहुत्तं उक्कोसजहण्णओ चेव ॥२८॥ तह बहुवहुविहखिप्पानिस्सियनिच्छियधुवेयरहएहिं । तेहिं अडवी-  
सेहिं तिणिसया हुंति छत्तीसा ॥२९॥ मइणाणुक्कोसठिई छावट्टीअयरअहियइगजीवे । एवइकालपमाणं सुयणाणं तं तु  
चउदसहा ॥३०॥ अक्खरसण्णी सम्मं सौईयं खलु सपज्जवसियं च । गमियं अंगपविट्ठं सत्त वि एए सपडिवक्खा ॥३१॥  
सम्मत्तपरिग्गहियं सम्मसुयं लोइयं तु मिच्छत्तं । आसज्ज उ सोयारं लोइयलोउत्तरे भयणा ॥३२॥ ओहीणाणं दुविहं भव-  
पच्चइयं च गुणनिमित्तं च । भवपच्चइयं दुविहं नेरइयाणं च देवाणं ॥३३॥ उक्कोसं तित्तीसं उदही इयरं तु दससमसहस्सा ।  
अणुगामिअपडिवाई आजम्ममवट्ठियमवंझं ॥३४॥ गुणपच्चइयं दुवियं तिरियाणं तह य होइ मणुयाणं । जहण्णेणिको  
समओ छावट्टीअयरअहिययरं ॥३५॥ दो वारे विजयाइसु तं तिण्णि य अच्चुएगजीयस्य । नरभवअहियं णाणत्तए वि  
एवं ठिई जिट्ठा ॥३६॥ ओहीणाणस्स पुणो अणुगामियमाइया बहुभेया । निच्छयओ पच्चक्खं तं रुविदवविसयं च ॥३७॥  
एयाइं तिण्णि जियस्स सम्महिट्ठिस्स हुंति णाणाइं । मइसुयनाणा जुगवं ओही जुगवं च पच्छा वा ॥३८॥ एए तिण्णि  
वि णाणे पणिंदिपज्जत्तसण्णिणो हुंति । सण्णिअपज्जत्ते वि हु परभवियं होइ णाणतियं ॥३९॥ एए चेव य णाणा मिच्छ-  
हिट्ठिस्स हुंति अण्णाणा । णाणफलाऽभावाओ विवरीयं अण्णाणओ चेव ॥४०॥ परमोही अंतमुहू लोगहिओ वि हु सया  
अपडिवाई । मणपज्जवणाणं पुण अपमत्तजइस्स उप्पज्जे ॥४१॥ मणविसयं तं तु दुहा उज्जुमई अट्ठाइअंगुले हूणं । समय-

रयणत्तय-  
स्सरूवप्प-  
रूवग नाम  
दसमुद्देशो ।

॥ ७८ ॥

क्खित्तं पिक्खइ विपुलमई पुण समगं पि ॥४२॥ जहण्णेणंतमुहुत्तं देसूणपुव्वकोडिउक्कोसं । जिणवज्जं ओहिविणा वि कस्स वेयं भविज्जा वि ॥४३॥ सुयकेवलिआहारगउजुमइउवसंतगा वि हु पमाया । हिंडंति भवमणंतं तयणंतरमेव चउगइया ॥४४॥ केवलणाणं पुण सबदवपज्जायगोयरमणंतं । सासयमसहायंतं भवत्थअभवत्थदुहमेयं ॥४५॥ अंतमुहुत्तजहणं पढमं देसूणपुव्वकोडियरं । साईअपज्जवसियं अभवत्थं केवलं णाणं ॥४६॥ सब्बेसिं णाणाणं सुयणाणं चेव उत्तमं जम्हा । सपरप्पयासगं दीवउव मूयाणि सेसाणि ॥४७॥ जं केवली वि भासइ तं खलु वायाइ तं च सुयणाणं । जाणंतो वि हु जं मूयकेवली तरइ न कहेउं ॥४८॥ चिरकालब्भत्थेणं सुयणाणेण सरित्तु पुव्वभवे । सिज्जंसो इव जीवो सपरेसिं वि बोहओ होइ ॥४९॥

तथाहि—नयरीइ विणीयाए मरुदेवीनाभिणंदणो रिसहो । पढमणिवो पढमजिणो रज्जं चइऊण पवइओ ॥५०॥ मोणव्वयं पवण्णो परीसहे दुस्सहे वि सहमाणो । विहरइ महिं महप्पा निरविक्खो णियसरीरे वि ॥५१॥ न वि ताव जणो जाणइ का भिक्खा केरिसा वि भिक्खयरा । गिहमागयस्स पहुणो इय भिक्खं कोइ न हु देइ ॥५२॥ किंतु बहुभत्तिजुत्तो वत्थाऽऽभरणाऽऽसणाइ कण्णाओ । सयणीयजाणवाहणपमुहाइं ढोयए मूढो ॥५३॥ इय एवं विहरंतो पाणाऽसणविरहिओ अदीणमणो । वरिसंते संपत्तो सामी सायं गयपुरम्मि ॥५४॥ पुरवाहिं उज्जाणे निसाइ पडिमं ठिओ उसहसामी । तम्मि पुरे सोमपहो बाहुबलिसुओ कुणइ रज्जं ॥५५॥ तस्स सुओ सेयंसो कुमरो तीए निसाइ सयणगओ । पच्छिमजामे पिच्छइ सुमिणमिणं उल्लसिरसेओ ॥५६॥ जह मेरुगिरी सामलवण्णो दट्ठुं मिलायमाणपहो । अमयकलसेण सित्तो मए तओ सोहिउं लग्गो ॥५७॥ सोमप्पहो उ पिक्खइ जह सूरु पडियरस्सिओ जाओ । सेयंसेणं रस्सीहि जोइओ तो स दिप्पेइ ॥५८॥

सुदंसणा-  
चरियम्मि  
॥ ७९ ॥

पुरसिद्धी नियइ पुणो जह सुहडो रिउबलेण जुज्झंतो । सिज्जंससहिजेणं सुहेण विजयं समणुपत्तो ॥५९॥ तत्तो पहाय-  
समए णिवअत्थाणे कहंति ते सुमिणे । बुज्झंति न परमत्थं भणंति सबे वि किं तु इमं ॥६०॥ सेयंसकुमारस्स उ अब्भु-  
दओ को वि होहिइ अज्ज । इय वुत्तुं णिवपमुहा मज्झण्हे नियगिहेसु गया ॥६१॥ अह भयवं विहरंतो नीउच्चगिहेसु गय-  
पुरस्संतो । सेयंसगिहे पत्तो जं से पुण्णोदओ पत्तो ॥६२॥ पासायतलगणं पियामहो तिजयजंतुताणखमो । सेयंसकु-  
मारेणं दिट्ठो सामी सगिहमित्तो ॥६३॥ तं दडुं परिचिंतइ एरिसरूवो मए कहिं कइया । किं वा वि दिट्ठपुट्ठो न व ? त्ति  
सम्मं न सुमरामि ॥६४॥ एवं ऊहापोहं तस्स करंतस्स मइसुयाऽऽवरणा । खओवसममुवगया पुव्वभववभासजोगेणं ॥६५॥  
बहुभवजाईसरणं उप्पणं तस्स लहुयकम्मस्स । तो तेण इमं णायं जह एसो पढमतित्थयरो ॥६६॥ गहियवओ छउ-  
मत्थो संवच्छरमणसिओ विहरमाणो । भिक्खट्ठा मह गेहे संपत्तो मज्झ सुकएहिं ॥६७॥ तो सहसा उत्तरिउं उवरितलाओ  
जिणंतिए गंतुं । तिपयाहिणी करेउं वंदइ भूमिलियपंचंगो ॥६८॥ नियकेसकलावेणं पहुपायपमज्जणं कुणइ हिट्ठो । भत्ति-  
व्भरनिव्वभरंगो नियकम्मरयं अवणयंतो ॥६९॥ आणंदंसुपवाहेण पायसोयं पहुस्स पयडंतो । पक्खालइ पावमलं अणेगभव-  
संचियं निययं ॥७०॥ उट्ठित्तु पुरो ठाउं पिकखइ मुहपंकयं तिजयगुरुणो । अणिमिसनयणो अमरुव हरिसपीऊसपाणपरो  
॥७१॥ किमहं पहुणो अहुणा दलामि इय तस्स चिंतयंतस्स । कोसल्लकए पुरिसेहिं आणिया इक्खुरसकुंभा ॥७२॥ पहुणो  
पाणितलउडे पलुट्टए पुक्खलेण भावेण । अइपुक्खलो वि पहुपाणिपल्लवे पुण रसो माइ ॥७३॥ अच्छिहपाणिलद्धीइ न गलए

१ कोसल्ल० प्राभृत ।

रयणत्तय-  
स्सरूवप्प-  
रूवग नाम  
दसमुद्देसो ।

॥ ७९ ॥

वड्डए सिहा किंतु । आचंदमंडलं पि अचिंतसत्तिस्स जगगुरुणो ॥७४॥ पहुणो पढमे पारणगवासरे वासवा तहिं सबे । हरि-  
सवसा संपत्ता सविट्ठीए सपरिवारा ॥७५॥ गंधोदगं च वुट्ठं वुट्ठाइं दसद्धवणकुसुमाइं । तुट्ठेहि सुरवरेहिं चेलुक्खेवो कओ  
तत्थ ॥७६॥ पहयाउ दुंदुहीओ गंभीरुदाममहुरसदाओ । घुट्ठं च नहयलम्मि अहोसुदाणं सुदाणं ति ॥७७॥ अद्धतेरस-  
कोडी पडिया गयणाओ तत्थ वसुहारा । इय पाउब्भूयाइं पंचदिवाइं तम्मि खणे ॥७८॥

अवि य—भवणं धणेण भुवणं जसेण भयवं रसेण पंडिहत्थो । अप्पा निरुवमसुक्खे सुपत्तदाणं महग्घवियं ॥७९॥  
अदिस्साऽऽहारविही भयवं निच्चं पि मंसचक्खूणं । पारित्ता तत्थ तओ जहासुहं विहरइ महीए ॥८०॥ मिलिओ य तत्थ  
सयलो नयरजणो आगओ य सोमपहो । ते सबे सेयंसं बहुं बहुमाणेण पुच्छंति ॥८१॥ सेयंसकुमार ! कहं अम्हाण  
अदिट्ठमसुयपुवमिमं । पहुपारणगविहाणं तुमए नायं ति कहसु फुडं ? ॥८२॥ सिज्जंसो भणइ अहं पहुणा सह हिंडिओ भवे  
अट्ठ । ते अज्ज जाइसरणेण सुमरिया तो मए नायं ॥८३॥ पुणरवि भणंति लोया कहसु तुमं अप्पणो भवे सबे । जह पहुणो  
सह भमिओ तो भणइ इमो मुणह तुब्भे ॥८४॥

धायइसंडे दीवे पुवविदेहेसु अत्थि वरविजओ । नामेण मंगलाबई णंदिग्गामो तहिं रम्मो ॥८५॥ तत्थ य दारिदकुले  
छण्हं धूयाण उवरि सत्तमिया । धूआ जाया तीए नामं पि कयं न पियरेहिं ॥८६॥ निण्णामिय त्ति लोएहि जंपिया  
जीविया य अवसवसा । अह कम्मि वि पवदिने सा दट्ठुं इब्भडिंभाइं ॥८७॥ वरखज्जभुज्जजुत्ताइं तो लहु सा गिहम्मि

१ पूर्णः । २ अपस्ववशा—पराधीना इति ।

सुदंसणा-  
चरियम्मि

॥ ८० ॥

गंतूणं । जंपइ जणणिं मज्झ वि किज्जउ भुज्जेण अज्ज छणो ॥८८॥ सा छणिया भणइ अरे ! करिस्सए तुज्झ तणुच्छणो पावे ! । भोयणमित्तं पि गिहे एगदिणस्स वि न जं अत्थि ॥८९॥ अंबरतिलए गंतुं फलाणि खाएसु मरसु वा सिग्घं । इय सा ताडिय तज्जिय गिहाओ निस्सारिया तीए ॥९०॥ तो रुयमाणी सा दीणमाणसा दीणवयणविगयाऽऽसा । निगंतूण गिहाओ अंबरतिलए गिरिम्मि गया ॥९१॥ लोएण समं तत्थाऽऽरुहिउं छुहवाहिया वरफलाइं । भुंजइ महादुमेसु पडियाइं सुपक्कसुरसाइं ॥९२॥ धम्मं वागरमाणा चिट्ठंति तहिं जुगंधराऽऽयरिया । चउदसपुवी चउणाणसंगया सुरनरसहाए ॥९३॥ तो सहणुसारेणं जणेण सहिया य सा वि तत्थ गया । दट्ठं गुरुणो तुट्ठा ते णमिज्जणं सुणइ धम्मं ॥९४॥ पत्थावं लहिज्जणं पणमित्ता पुण वि सूरिणो तीए । विण्णत्ता जं भयवं ! मह सरिसो अत्थि कोइ दुही ? ॥९५॥ तो सायरेहि भणियं करुणा-रससायरेहि सूरीहिं । कत्तो तुह अत्थि दुहं चित्तसु णिण्णामिए ! सम्मं ? ॥९६॥ भदे ! भदाऽभदा सदा तं सुणसि सोअ-विसयगया । पाससि रूवाइं तहा सुहाइं असुहाइं विविहाइं ॥९७॥ एवं गंधा फासा रसा य माणेसि के वि कइया वि । चंदाइच्चगहाइं वि निसिलोयप्पयासगरा ॥९८॥

किंच—अत्थि य ते पडियारो सीउण्हछुहातिसाइदुक्खाणं । सरणाइ गिहे तुह अत्थि तमसि जोइप्पगासो वि ॥९९॥ पियसि जलं सिच्छाए फलाइं जेमेसि वससि छायाए । निहाए सुयसि न परवसाऽसि दुक्खं कओ तुज्झ ? ॥१००॥ संपइ पुण सुणसु दुहं अप्पडियारं जियाण बहुयाणं । निसुणंतान वि हिययं कंपइ जं सहियजणाणं ॥१०१॥

१ उत्सवः । २ सहृदयजनानाम् ।

रयणत्तय-  
स्सरूवप्प-  
रूवग नाम  
दसमुद्देसो ।

॥ ८० ॥



तहाहि—सत्तसु नरएसु सया खित्तसहावेण नारया दुहिया । सीउण्हछुहातण्हा इत्तो जं तेसिऽणंतगुणा ॥१०२॥ निच्चं-  
धयारतमसं असुह च्चिय तेसि पंच वि विसया । निमिसं पि नेइ निदा भयसंभंतं मणं सययं ॥१०३॥ जा छट्टनिरयपुढवी  
अण्णुण्णुदीरियं पि तत्थ दुहं । तीसु आइमासु तिविहं परमाहम्मियसुरकयं पि ॥१०४॥

अवि य—अच्छिनिमीलियमित्तं नत्थि सुहं दुक्खमेव अणुबद्धं । नरए नेरइयाणं अहोनिंसिं पच्चमाणाणं ॥१०५॥  
इय निरयदुहं दुसहं सहमाणा कम्मपरवसा जीवा । कालं निति असंखं अत्ताणा असरणा दीणा ॥१०६॥ तिरिया पुण  
पच्चक्खं पिक्खह तिक्खाइं दुक्खलक्खाइं । सीउण्हतण्हछुहबंधभारवहणाइं विसहंति ॥१०७॥ रिद्धिं चेव नियंती तं पुण  
मणुयाण अत्तणो अहियं । दुहियं मण्णसि अप्पं न मुणसि दुहिया बहू मणुया ॥१०८॥

तहाहि—मायंगमेयंसोवागमिच्छजाईसु के वि उप्पणा । छिच्छिक्कारिज्जंता लोएहि बहुं सहंति दुहं ॥१०९॥ दुक्खा वि  
के वि काणा कुट्टीमूयंधबहिरकुंटाई । करचरणणासछिण्णा य नरयसरिसं सहंति दुहं ॥११०॥ के वि हु पावुदएणं दोस-  
मदोसे वि रायपुरिसेहिं । सबंगं संजमिउं कारागारे खिविज्जंति ॥१११॥ वहबंधछिंदभिंदणउलंबणहडिणियंतणाईओ । विवि-  
हाओ दुस्सहाओ विडंबणाओ सहंतेगे ॥११२॥ इट्टवियोगाऽणिट्टप्पओगदासत्तणाइदुक्खत्ता । जलजलणाइसु पडिउं मरंति  
केइ सुणिव्विण्णा ॥११३॥ इय पायं पुहवीए बहुया दीसंति दुक्खिया मणुया । णिग्गामिए ! तुमं पुण एमेवऽप्पं गणसि  
दुहियं ॥११४॥ अण्णं च कुणसु धम्मं जेण तुमं इह परत्थ वि दुहाणं । सारीरमाणसाणं न होसि खलु भायणं भदे !

१ मेअ० मेद-अनार्यमनुष्यजाति । २ कुंट० कुल ।

चरियम्मि  
सुदंसणा-

॥ ८१ ॥

॥११५॥ इय गुरुवयणं सोउं भणियं तीए पहिद्वचित्ताए । धम्मस्स जस्स जुग्गा अहयं कहयंतु तं पुज्जा ॥११६॥ तो गुरुणा वागरिया जहाविहिं तीइऽणुवया पंच । अह सा ताइं पवज्जइ सम्मं सम्मत्तमूलाइं ॥११७॥ लोएण समं वंदिय गुरुणो एसा गया सठाणम्मि । पालइ निययवयाइं विसयपिवासं विमुत्तूणं ॥११८॥ तह तिबं तवइ तवं चउत्थछट्टुमाइणेगविहं । पढइ सुयं बहुभत्तिं च कुणइ सुयणाणवुट्ठाणं ॥११९॥ संतोसपरा एवं चिरकालं पालिऊण गिहिधम्मं । पज्जंते पडिवण्णा समाहिणा अणसणं एसा ॥१२०॥

अह उसहणाहजीवो पुविं पंचमभवम्मि ईसाणे । ललियंगसुरो तइया सयंपहा से चुया देवी ॥१२१॥ सोयपरं तं जंपइ पुवसयंबुद्धमंतिमित्तसुरो । दंससु रिद्धिं निण्णामियाइ सा तुह पिया होही ॥१२२॥ एवं च तेण विहिए मरिउं निण्णामिया समाहीए । ललियंगस्स य जाया णामेण सयंपभा देवी ॥१२३॥ भुत्तूण तत्थ भोए कालेण चुयाइं ताइं दो वि कमा । इह पुवविदेहेसु पुरीइ पुंडरगिणीए उ ॥१२४॥ होऊण वयरजंघो राया देवी य सिरिमई तत्तो । उत्तरकुरु-मिहुणओ तत्तो सोहम्मे सुरा दो वि ॥१२५॥ तो पुवविदेहेसु पभंकराए पुरीइऽभयघोसो । विज्जो मित्तं इयरो अण्णे चउरो य से जाया ॥१२६॥ ते साहुचिगिच्छाए इंदसमा छप्पि अच्चुए जाया । तत्तो चवित्तु ते इह पुरीइ पुंडरगिणीए उ ॥१२७॥ सिरिवइरसेणपहुणो पंच सुया वज्जनाहपमुहाओ । चक्किस्स वज्जणाभस्स सारही छट्टुओ जाओ ॥१२८॥ पहुपासे पवइया सबे सुयकेवली तहिं जाओ । सिरिवज्जनाहसूरी सेसा इक्कारसंगधरा ॥१२९॥ सो पुण सारहिसाहू जहविरियमहिज्जियं सुयं तेण । निसुयं च तहिं तइया पहुणा इयवागरिज्जंतं ॥१३०॥ जह एस वइरनाहो इह भरहे होहिइ जिणो पढमो ।

रयणत्तय-  
स्सरुवप्प-  
रुवग नाम  
दसमुद्देशो ।

॥ ८१ ॥

नामेण उसहणाहो एरिसलिंगो मह सरिच्छो ॥१३१॥ ते सबे सामणं पालित्ता चउदसपुव्वलक्खाओ । सबडे छप्पि जणा देवा होउं चुया तत्तो ॥१३२॥ सो ललियंगयजीवो संजाओ उसहणाहत्तिथयो । इयरे भरहो वंभी बाहु- बली सुंदरी कमसो ॥१३३॥ निण्णामियाजिओ पुण सेयंसो नाम सो अहं जाओ । अज्ज पहुदंसणाओ जाईसरणं महं जायं ॥१३४॥ पुव्वभवसुयवलेणं तओ मए अवगयं इमं सबं । ता भो ! तुब्भे वि जणा दिज्जह दाणं अओ एवं ॥१३५॥ तो ते भणंति लोया निवपमुहा सुट्ठु बोहिया अम्हे । सेयंसकुमार ! तए अण्णाणंधा पसुगणव ॥१३६॥ पुणरवि भणंति रायप्पमुहा तिण्हं पि तेसि सुमिणाणं । संपइ सयमवि बुद्धो परमत्थो पायडो जम्हा ॥१३७॥ पहुपायपउमठाणं एयं मा कोइ अक्कमउ तहियं । सेयंसकुमारेणं निम्मविअं रयणमयपेढं ॥१३८॥ भोयणकाले निच्चं अच्चेइ तयं जणो भणइ एवं । किमियं ति आइकरमंडलं ति सो आह सेयंसो ॥१३९॥ लोगो वि तओ नियनियगिहेसु पहुपायपउमठाणम्मि । कारइ तं च कमेणं भण्णइ आइच्चमंडलयं ॥१४०॥ सेयंसकुमारेण अह पहुणो केवलम्मि उप्पण्णे । देसविरई पवण्णा पढमं पहुपायमूलम्मि ॥१४१॥ तं सम्मं पालित्ता कयाइ पडिवज्जिऊण पवज्जं । पंचपमायविमुक्को चिरकालं पालिऊण तयं ॥१४२॥ मइसुयणा- णगुणहो सुहलेसो खवगसेढिमारुहिउं । घणघाइकम्ममुक्को उप्पाडइ केवलं णाणं ॥१४३॥ केवलपरियाएणं विहरंतो बोहिऊण भवजिए । निस्सेसकम्मरहिओ सेयंसमुणी गओ सिद्धिं ॥१४४॥

जओ—मइसुयणाणे अप्परिवडिए जीवाण नूण सबेसिं । वरकेवलाइलाभो हुज्जा सत्तट्ठभवमज्जे ॥१४५॥ एवं सुयणा- णेणं जाईसरणेण पुव्वभविणं । सिरिसेयंसकुमारो सपरेसिं पि बोहओ जाओ ॥१४६॥

सुदंसणा-  
चरियम्भि  
॥ ८२ ॥

किंच—सुयनाणस्स समग्गस्स सारमाइं च होइ सामइयं । तस्स वि आईइ इमो उ वणिणो पंचनवकारो ॥१४७॥ तम्हा दुवालसंगस्स सारभूओ इमो उ नवकारो । जं सासउ त्ति गिज्जइ सब्बत्थ वि सब्बया वि इमो ॥१४८॥ जे के वि गया मुक्खं जे वा गच्छंति जे गमिस्संति । ते सब्बे एयजुया एयविहूणा न उ कया वि ॥१४९॥ एसो परमो मंतो एयं तत्तं जयत्तय-पवित्तं । सुयकेवली वि अंते सेसं मुत्तुं सरइ एयं ॥१५०॥ जिणसासणस्स सारो चउदसपुवाण जो समुद्धारो । जस्स मणे नवकारो संसारो तस्स किं कुणइ ? ॥१५१॥ एसो य पंचमंगलमहसुयखंधो महप्पभावो य । एयं चिय वरणाणं सुदंसणे ! सेऽणुभूयफलं ॥१५२॥ णाणेण पुण्णपावाइं जाणिउं ताण कारणाइं च । जीवो कुणइ पवित्तिं पुण्णे पावे उण निवित्तिं ॥१५३॥ पुण्णे पवत्तमाणे पावइ सग्गाऽपवग्गसुक्खाइं । नारयतिरियदुहाण य मुच्चइ पावाओ विणियत्तो ॥१५४॥ ता णाणं निव्वा-णस्स कारणं वारणं च कुगईणं । सुमुणी वि नाणरहिओ न कया वि हु पावए मुक्खं ॥१५५॥ संविग्गपक्खिओ वि हु जह नाणी धरइ सुदिढसम्मत्तं । णाणविहूणो न तहा तिब्वतवच्चरणनिरओ वि ॥१५६॥ लद्धूण वि जिणदिक्खं जयणाऽजयणं फुडं अयाणंतो । पवयणमणविक्खंता भमंति संसारकंतारे ॥१५७॥ अण्णाणी तिब्वतवं कुणमाणो वि हु विवेयपरिहीणो । अंधुव धावमाणो भवावडे पडइ किं चुज्जं ? ॥१५८॥ भवसयसहस्सदुलहं लब्भइ जिणदंसणं पि णाणेण । नरसुरणिवाण-सुहं साहीणं जेण होइ धुवं ॥१५९॥ णाणं मोहमहंधयारलहरीसंहारसूरुग्गमो, णाणं दिट्ठअदिट्ठइट्ठघडणासंकप्पकप्पहुमो । णाणं दुज्जयकम्मकुंजरघडापंचत्तपंचाणणो, णाणं जीवअजीववत्थुविसरस्साऽऽलोयणे लोयणं ॥१६०॥ [ सदूलविक्कीडिअं ] ता णाणं दिंताणं गिण्हंताणं च मुक्खपुरदारं । केवलिसिरी सयं चिय णराण वच्छत्थले कुणइ ॥१६१॥

रयणत्तय-  
स्सरूवप्प-  
रूवग नाम  
दसमुद्देशो ।

॥ ८२ ॥

तहा—जे सयलजयं मुत्ताहलं व करयलगयं निरिक्खंति । गहरिक्खचंदसूराइयाण जाणंति परिमाणं ॥१६२॥ धाउवाय-  
रसायणअंजणसिद्धीओ सयलरिद्धीओ । जोइसनिमित्तगारुडपिसायसाइणिपमुहमंते ॥१६३॥ कम्माण परिणईओ जीवाण  
गईओ कालसंखा य । णगपुढविउयहिनइदहविमाणसुरसिद्धिपरिमाणं ॥१६४॥ सरिसे वि मणुयजम्मे एयं सयलं पि केइ  
कयउण्णा । जं जाणंति जए तं सुणाणदाणप्पभावेण ॥१६५॥ ता जो पढइ अपुवं सया वि सो लहइ जिणवरिंदपयं । जो  
पुण पढावइ परं सम्मसुयं तस्स किं भणिमो ? ॥१६६॥ जो उण साहिज्जं भत्तपाणवरवत्थपुत्थयाईहिं । कुणइ पढंताणं  
सो वि णाणदाणं पयट्टेइ ॥१६७॥

किंच—जइवि हु दिवसेण पयं धरेह पक्खेण वा सिलोगद्धं । उज्जोगं मा मुंचह जइ इच्छह सिक्खिउं णाणं ॥१६८॥  
अण्णाणी वि हु पाणी बहुबहुमाणेण मासतुसउव । नाणम्मि उज्जमंतो लहइ लहुं केवलं णाणं ॥१६९॥ णाणरयणस्सरूवं  
एयं संक्खेवओ समक्खायं । वीयं दंसणरयणं सुदंसणे ! संपयं सुणसु ॥१७०॥

दंसणमिह सम्मत्तं तं पुण तत्तत्थसद्दहणरूवं । इगदुत्तिचउपणदसविहमहव तिहा कारगाईहिं ॥१७१॥ एगविहं तत्तरुई  
निसग्गुवएसओ य तं दुविहं । खइयं खओवसमिअं उवसमिअं च त्ति तिविहं तु ॥१७२॥ मिच्छत्तस्स खएणं खाइयसम्मं  
तु खवगसेढीए । तुरियाइचऊसु गुणठाणगेसु तीए य पट्टवओ ॥१७३॥ तत्थंतमुहुत्तेणं खवइ अणंताणुबंधिणो जुगवं ।  
जइ पुवं बद्धाऊ तो कोइ वि ठाइ इत्थेव ॥१७४॥ मिच्छत्तस्स च उदए बंधइ ऽणंताणुबंधिणो पुण वि । इय एसिं उवलणा  
उक्कोसं अट्टबाराओ ॥१७५॥ बद्धाउगो वि को वि हु कुणमाणो खंडसेणिमखंडं । तो मिच्छत्तं मीसं सम्मं च खवेइ सुद्धमई

सुदंसणा-  
चरियम्मि

॥ ८३ ॥

॥१७६॥ जइ मरइ अणंतखए बद्धाऊ जाइ तो स देवेसु । खविए मिच्छे वीयाऽभावा न चिणइ पुण अणंते ॥१७७॥ सत्तगखए वि एवं अह न मरइ जाइ चउगईओ वि । ताणमइत्ता सिज्झइ सो तइयभवे चउत्थे वा ॥१७८॥ तइए सुरनरएहिं तुरियभवे जुयलिएहि अंतरिओ । सिज्झइ खाइगदिट्ठी तं पुण जिणकालियनराणं ॥१७९॥ इयरो तहट्ठिउ च्चिय अट्ठ नपुंसिथिवेयल्लकं च । पुमवेयं च खवेइ कोहाइए उ संजलणे ॥१८०॥ दंसणनाणावरणंतरायमोहकखयम्मि सोऽवस्सं । घणघाइकम्ममुक्को उप्पाडइ केवलं णाणं ॥१८१॥ इय खइयं सम्मत्तं साइअपज्जवसियं समक्खायं । निसुणह खओवसमियं सम्मत्तं सव्वकालभवं ॥१८२॥ मिच्छत्तम्मि उइण्णे खीणे तह अणुदियम्मि उवसंते । मीसीभावपरिणयं वेइज्जंतं खओवसमं ॥१८३॥ जइ पुव्वमवद्धाऊ विमाणवज्जं न बंधए आउं । छावट्ठीअयरमेयं उक्कोसजहण्णमंतमुहू ॥१८४॥ अह उवसमियं सम्मं तं पुण एवं लभिज्ज भवजिओ । अब्बवहारे भमिओ अणंतपुग्गलपरट्ठाइं ॥१८५॥ भवियवयानिओगेण कम्मपरिणइवसेण आगम्म । ववहारे तह एगिंदिएसु वसिउं चिरं कालं ॥१८६॥ सुइरं तसेसु भमिउं पायं चरिमम्मि पुग्गलपरट्ठे । सण्णिपणिंदिपज्जत्तउववट्ठंतपरिणामो ॥१८७॥ आउविणा कम्माणं अब्भितरओ उ कोडिकोडीए । काऊण सागराणं पल्लासंखंसऊणठिई ॥१८८॥ गिरिसरिउवलनिहेणं जीवो उ अहापवित्तिकरणेणं । अणभोगवत्तिएणं आगच्छइ गंठिदेसम्मि ॥१८९॥ गंठि त्ति सुदुब्भेओ कक्खडघणरूढगूढगंठिव । जीवस्स कम्मजणिओ घणरागदोसपरिणामो ॥१९०॥ इत्थ य अणंतखुत्तो आगंतुं अभविया वि पावेंति । दव्वसुयं न उ सम्मं पुणरवि बंधंति जिट्ठिठिई ॥१९१॥ भवजिओ पुण गंठिं भिंदित्तु तयं अपुव्वकरणेणं । परिणामसरूवेणं अपत्तपुव्वेण सुद्धेणं ॥१९२॥ अणियट्ठीकरणेणं तो अनियट्ठीमहासरूवेणं । मिच्छट्ठिइजुगलरूवं अंतरकरणं कुणइ जीवो

रयणत्तय-  
स्सरूवप्प-  
रूवग नाम  
दसमुद्देसो।

॥ ८३ ॥

॥१९३॥ हिट्ठाइ ठिओ मिच्छी तो अंतरकरणपढमसमए वि । वट्ठतो लहइ जिओ एवं सम्मत्तमुवसमियं ॥१९४॥ मिच्छत्त-  
पुगगले सो विवागओ वा पएसओ वा वि । जेण न वेयइ तेणं भण्णइ एयं अपुगगलियं ॥१९५॥

भणियं च—ऊसरदेसं दड्डिलयं च विज्झाइ वणदवो पप्प । इय मिच्छस्स अणुदए उवसमसम्मं लहइ जीवो ॥१९६॥  
परिणामविसेसेणं पओगओ मयणकुहवाणं च । मिच्छोवरिमठिईए तत्तो पुंजत्तयं कुणइ ॥१९७॥ सुद्धो अद्धविसुद्धो अवि-  
सुद्धो तत्थ पढमपुंजम्मि । वट्ठंतखओवसमी बीए मिस्सीयरो मिच्छी ॥१९८॥ मिच्छमवट्ठं पुगगलपरट्ठमंतोमुहुत्तमुवस-  
मियं । मीसं च खओवसमं तु अयरछावट्ठिमुक्कोसं ॥१९९॥ जहण्णेणंतमुहुत्तं सव्वाणि वि आभवं तु एगजिए । पणवेलुवसम-  
सम्मं असंखवारा उ इयराणि ॥२००॥ चउवेलुवसमसेढीइ तत्थ उवसामियं तु सम्मत्तं । तीए पुण पट्ठवओ अपमत्तजई  
व इयरो वा ॥२०१॥ अणदंसणपुंसित्थिवेयच्छकं च पुरिसवेयं च । दो दो एगंतरिए सरिसे सरिसं उवसमेइ ॥२०२॥ उवस-  
मियं सम्मत्तं खाओवसम्मं च वणियं एवं । कम्मग्गंथमएणं सिद्धंतमएण पुण एवं ॥२०३॥ को वि हु अणाइमिच्छी पुवुत्त-  
कमेण भिंदिउं गंठिं । उवसमसम्ममपत्तो वि कुणइ मिच्छस्स पुंजतियं ॥२०४॥ तत्तो य सुद्धपुंजं वेयंतो सो खओवसमसम्मी ।  
इयरे पुण वेयंतो कमेण मिस्सी य मिच्छी य ॥२०५॥ कोइ पुण पुवविहिणा गंठिं भिंदित्तु अविहियतिपुंजो । अंतरकरण-  
कमेणं, पावइ उवसमियसम्मत्तं ॥२०६॥ अंतमुहुत्तम्मि गए, जहण्णओ समयसेसए कस्स । उक्कोसं छावलिए, उदयंति अणं-

१ उपशमश्रेणिस्थापना चेयं—अनन्ता० ४ दर्शन० ३ नपुं० १ स्त्री० १ हास्यादि० ६ पुरु० १ अ० प्र० क्रो० २ सं० क्रो० १ अ० प्र० मान० २ सं०  
मान० १ अ० प्र० माया० २ सं० माया० १ अ० प्र० लोभ० २ सं० लोभ० १ ।

सुदंसणा-  
चरियम्मि

॥ ८४ ॥

तबंघीओ ॥२०७॥ तो परिवडंतसम्भो, मिच्छमपत्तो स होइ सासाणो । तो होइ मिच्छदिट्ठी पुंजाभावा न उण मिसी ॥२०८॥  
भणियं कप्पभास्से—आलंबणमलहंती जह सट्ठाणं न मुंचए इलिया । एवं अकयतिपुंजो मिच्छं चिय उवसमी एइ ॥२०९॥ तथा—

मिच्छत्ता संकंती अविरुद्धा होइ दोसु पुंजेसु । मीसाओ वा दोसु सम्मा मिच्छं न उण मीसं ॥२१०॥ खाओवसमो-  
वसमियसम्माणं भण्णए अह विसेसो । उवसमगो नो वेयइ पएसओ वा वि मिच्छत्तं ॥२११॥ उवसंतं जं कम्मं न तओ  
कहुइ न देइ उदए वि । न य गमइ य परपगइं न चेव उकहुए तं तु ॥२१२॥ कलुसं व खओवसमी, पसंतसलिलं व  
उवसमियसम्मी । खाइयसम्मदिट्ठी नायवो विमलसलिलं व ॥२१३॥ कम्मग्गंथमएणं तिविहं पि हु तक्खणेण सम्मत्तं ।  
लहिय वरनाणचरणा मरुदेवीसामिणी सिद्धा ॥२१४॥

तहाहि—अत्थित्थ जंबूदीवे अवरविदेहेऽपराइया नयरी । नयरीइ निउणलोया परेहि न पराइया कइया ॥२१५॥ तत्थ  
य समत्थि राया, रांया इव सुयणकुमुयकयहरिसो । ईसाणचंदनामो नामियनीसेसपडिवक्खो ॥२१६॥ तह तत्थ अत्थि तुंगो  
सीलसुगंधो सुवित्तसच्छाओ । चंदणदासो सिट्ठी सुसीयलो चंदणदुम्मुव ॥२१७॥ तस्स सुओ उजुसीलो पियंवओ दाण-  
विणयसीलहो । गरूयाण माणणिज्जो सारगचंदु त्ति नामेण ॥२१८॥ सो अण्णदिणे केण वि कज्जेण गओ निवस्स अत्थाणे ।  
तेण वि य गउरवेणं निवेसिओ नियसमीवम्मि ॥२१९॥ अह विण्णत्तो राया नमिउं उज्जाणपालएणेवं । संपइ पहु ! वणलच्छी-

१ चंद्र इव ।

रयणत्तय-  
स्सरूवप्प-  
रूवग नाम  
दसमुद्देशो ।

॥ ८४ ॥



विसेसओ विलसइ वसंतो ॥२२०॥ ता काऊण पसायं, माणसु नंदणवणं महिंदुव । कुसुमकरंडुज्जाणं विरायमाणं महुसिरीए  
 ॥२२१॥ ईसाणचंदरणा तत्तो घोसाविं पुरे सयले । वच्चउ सबो वि जणो सबिड्डीए तमुज्जाणं ॥२२२॥ सागरचंद ! तुमं  
 पि हु इज्ज तहिं इय भणित्तु नरणाहो । सपरियणो संपत्तो कुसुमकरंडम्मि उज्जाणे ॥२२३॥ सिद्धिसुओ वि पहिड्ढो गंतुं  
 नियमंदिरे समाहूय । नियमित्तस्स पसाहइ असोगदत्तस्स निववुत्तं ॥२२४॥ तो दो वि तत्थ पत्ता वसंतमलयानिलुव सम-  
 मेव । लोगो वि तत्थ पगओ कुसुमुच्चयमाइकीलाओ ॥२२५॥ अह आसण्णनिगुंजाओ उट्ठिओ एरिसो जुवइसदो । रक्खह  
 रक्खह सोउं ति सागरो लहु तहिं पत्तो ॥२२६॥ सिद्धिस्स पुण्णभइस्स तत्थ पियदंसणं नियइ धूयं । बंदीहि धरिज्जंतिं  
 विगेहि हरिणिं व तरलच्छिं ॥२२७॥ एगस्स बंदिणो मोडिऊण हत्थाओ गिण्हए छुरियं । सागरचंदो गीवं भंजित्तु मणिं  
 व उरगाओ ॥२२८॥ इय तस्स विक्कमं पिच्छिऊण ते बंदिणो भउब्भंता । नट्ठा खणेण सवे वग्घा इव पज्जलियजलणं  
 ॥२२९॥ को एस पुरिसतिलओ परोवयारिक्ककरणपवणमणो । दिट्ठीइ इहं पत्तो आगिट्ठो मज्झ भागेहिं ? ॥२३०॥ रूवविणि-  
 ज्जियमयणो एसुच्चिय मज्झ होहिइ भत्ता । एवं विचिंतयंती पत्ता पियदंसणा सगिहं ॥२३१॥ हिययम्मि च हुट्ठं पिव साग-  
 रचंदो वि तं चिय सरंतो । पत्तो सगिहे सहिओ असोगदत्तेण मित्तेण ॥२३२॥ एसो परंपरेणं वुत्तंतो तक्खणेण निखिलो  
 वि । चंदणदासेण सुओ अच्छइ किं तारिसं छण्णं ? ॥२३३॥ सो चिंतइ जुत्तमिणं इमस्स जं तीइ उवरि अणुरागो । ससि-  
 रीइ जह अलज्जं नलिणीए रायहंसस्स ॥२३४॥ किंतु न जुत्तं जं पोरिसस्स पुण एरिसस्स पायडणं । वणियाणं उवसंता

सुदंसणा-  
चरियम्मि

॥ ८५ ॥

ठिई सया न उण इय दित्ता ॥२३५॥ अण्णं वि इमस्स संगो असोगदत्तेण कुडिलचित्तेण । बयरीदुमेण कयलीतरुणो व  
न सुंदरो कइया ॥२३६॥ इय चिंतिऊण सिद्धी सागरचंदं रहम्मि आहूय । भद्दगयं व निसाई सामेणऽणुसासिउं लग्गो  
॥२३७॥ जइवि हु ववहारविऊ समग्गसत्थत्थजाणगोऽसि सयं । तह वि हु वच्छलवसा वच्छ ! तुमं बुच्चसे किं पि ॥२३८॥  
अम्हे वणिया सययं वणियकलाकोसलेण जीवामो । नंदिजामो न कया अउंभडायारवेसजुया ॥२३९॥ अम्हाण सिरी वि  
सया कीलादाणाइगूढमेव सया । सोहइ इत्थीणं पिव सइत्तसंगोवियं व तणू ॥२४०॥ तो नियजाइकुलाणं न सोहए अणु-  
चियं विहिज्जंतं । करहस्स जहा चरणे बद्धं मणिकणयहिंजीरं ॥२४१॥ तो नियकुलोइएहिं विक्कमववहारमाइएहि सया । पत्थ-  
गुणाणं पहरो दायवो संपयाणं व ॥२४२॥ मुत्तवो तह संगो समं असंतेहि कुडिलचित्तेहिं । सोलंक्कविसं व धुवं वच्चइ कालेण  
विक्किरियं ॥२४३॥ एसो असोगदत्तो तणुणो सित्तं व णूण तुह मित्तं । लद्धप्पसरो पच्छा पच्छायावप्पओ होही ॥२४४॥  
जमिमस्स मणे अण्णं वयणे अण्णं कियाए तह अण्णं । मायापरस्स मा वीससिज्ज वेसाजणस्सेव ॥२४५॥ इय सायरमुवइ-  
सिउं सिद्धिम्मि ठिए इमो वि पिउपाए । पणमित्ता सप्पणयं जंपइ सबं पि सच्चमिणं ॥२४६॥ किंतु तया ताय ! मए करुणा-  
रसपिल्लिएण मूढेण । सा बाला विलवंती सोऊणं ताइया रभसा ॥२४७॥ एसो असोगदत्तो सहवासाईहि संगओ सुइरं ।  
मिच्ची बहिविच्चीए किं काहिइ मज्झ तेण समं ? ॥२४८॥ इय सागरेण वुत्तो सिद्धी पडिभणइ एवमत्थु त्ति । किंतु तए भवि-  
यवं सब्बत्थ वि सावहाणेणं ॥२४९॥ तत्तो चंदणदासो भावणू सागरस्स अट्टाए । गंतूण पुण्णभदं मग्गइ पियदंसणं धूयं

१ अत्युद्भटाचारवेषयुताः । २ शृङ्खल । ३ अलंकृश्वानविषम् ।

रयणत्तय-  
स्सरुवप्प-  
रुवग नाम  
दसमुद्देशो ।

॥ ८५ ॥

॥२५०॥ अग्रे वि संगयमिणं संपइ एसोवयारकीय त्ति । वुत्तूण तेण दिण्णा सागरचंदस्स सा कण्णा ॥२५१॥ तो सोहणम्मि दिवसे दुण्ह वि ताणं महाविभूईए । अम्मापिऊहि विहिओ पहिड्डुचित्तेहि वीवाहो ॥२५२॥ तो तेण विवाहेण पमुइयचित्ताइं ताइं जायाइं । अक्खेहिं रमंताइं व चिंतियदायस्स पडणेण ॥२५३॥ तप्पभिइं ताण दुण्ह वि समाणमणसाण सब्बकालं पि । वट्टइ परमा पीई परुप्परं सारसाणं व ॥२५४॥ सागरचंदेण पिया सोहइ पियदंसणा पियमणेण । सहउदयवई सोमा चंदेण व चंदिया अहियं ॥२५५॥ सरलाण सुसीलाणं ताण सुरूवाण णणु इमो जोगो । अणुरूवो संजाओ विहिणो सुइरं घडंतस्स ॥२५६॥ ताण न कयावि जायइ परुप्परं पच्चया अवीसासो । सरलत्तणेण संकंति ताणि न कहिं पि विवरीयं ॥२५७॥ अह अण्णया कयाई सागरचंदस्स कत्थ वि गयस्स । तग्गेहे संपत्तो असोगदत्तो कुडिलचित्तो ॥२५८॥ पिय-दंसणं पयंपइ रहम्मि धणदत्तसिद्धिसुण्हाए । तुज्झ पिओ अणुरत्तो ता भयसु ममं तुमं सुयणु ! ॥२५९॥ सोऊण इमं सहसा कुविया पडिभणइ तं पइ इमं सा । पाविड्डु ! दुट्ठुचिद्धिय ! कहमेयं चिंतियं तुमए ? ॥२६०॥ अहवा वि जंपियं कह लज्जाम-जायवज्जिण तए ? । रे पाव ! मित्तमिसओ णूणममित्तोऽसि अम्हाणं ॥२६१॥ परदारेसु पवित्तिं मह पइणो जं च जंपसि हयास ! । तं खलु अप्पसरिच्छं धिद्धी ! पिच्छेसि सब्बं पि ॥२६२॥ तुह दंसणेण पावं ता लहु नीहरसु पाव ! मह गेहा । इय आकुट्ठो तीए चोरुव स निग्गओ सिग्गं ॥२६३॥ एसो निग्गच्छंतो गोहच्चाकारउव मलिणमुहो । इंतेण सागरेणं दिट्ठो पुट्ठो दुहनिमित्तं ॥२६४॥ सो कूडकवडखाणी मुंचंतो दीहओहनीसासे । कूणंतो ओट्टुउडं जंपइ कट्ठेण दुट्ठप्पा ॥२६५॥ बंधव ! ज दुण्णिमित्तं व ज दुप्पूरियं हिमदिवासीण । किं पुच्छसि दुहहेउं संसारे दुक्खभंडारे ? ॥२६६॥ तह वि कहेमि

सुदंसणा-  
चरियम्मि

॥ ८६ ॥

विसेसं तुह हियहेउं ति अकहणिज्जं पि । जण्णायतक्करेहिं धिप्पसि नहि सावहाणमणो ॥२६७॥ केणाऽवि हु कज्जेण जया जया एमि तुम्ह गेहम्मि । तुम्ह पिया एगंतं नाउं पत्थइ ममं तइया ॥२६८॥ जाणामि अहं एसा सयमेव नियत्तिही अक-  
ज्जाओ । उबेयकरं जम्हा परदोसपयासणमजुत्तं ॥२६९॥ संपइ पुण पावाए अच्चत्थं पत्थिओ अहं तीए । तत्तो कह कह वि मिउव वागुराओ अहं मुक्को ॥२७०॥ इय सोउं संभंतो सागरचंदो वि भणइ सरलमणो । न विसाओ कायवो वयंस ! तुमए मणागं पि ॥२७१॥ वरमित्त ! निययक्कमेहिं जारिसी तारिसी इमा होउ । मा होज्ज पुणो कइया अम्हाणं चित्तविस्सेसो ॥२७२॥ इय अणुणीओ सो तेण हरिसिओ तक्खणेण संजाओ । सक्कारयंति अप्पं कयाऽवराहा वि जं कुडिला ॥२७३॥ तप्पभिइ पुणो तीए तदुवरि निण्णेहमाणसो वि इमो । सुयणत्तणेण पुवं व नवरि वट्टइ समं तीए ॥२७४॥ उवसमपराइ पियदंसणाइ सोऽसोगदत्तवुत्तंतो । नऽक्खाओ नियपइणो मा होइ इमेसि मणभेओ ॥२७५॥ कारागारं व पुणो संसारं सागरो वि चिंतंतो । वित्तं उदारचित्तो दीणाइसु वियरइ विरत्तो ॥२७६॥ सागरचंदो पियदंसणाइ मज्झिमगुणाइ कालेण । तह सो असोगदत्तो तिणिण वि पत्ताइं पंचत्तं ॥२७७॥

अह इत्थ जंबूदीवे दाहिणभरहद्धमज्झिमे खंडे । ओसप्पिणीइमीए बहुवोलीणे तइयअरए ॥२७८॥ पलियट्टमंससेसे सागरचंदस्स तप्पियाए य । जीवो जुयलत्तेणं उप्पण्णो पुण्णसुहपुण्णो ॥२७९॥ नवधणुसयाइ तेसिं उच्चत्तेणं सरीरप-  
रिमाणं । पलिओवमदसमंसो आऊ दुण्हं पि तम्मि भवे ॥२८०॥ दुण्हं पि हु संघयणं पढमं पढमं च तेसि संठाणं । जुग-  
लिणरो कणयपहो पियंगुवण्णा य से भज्जा ॥२८१॥ तत्थेव य भूमीए मायावसओ असोगदत्तजिओ । जाओ दंती

रयणत्तय-  
स्सरूवप्प-  
रूवग नाम  
दसमुद्देशो ।

॥ ८६ ॥

सेओ चउदंतो तियसदंती व ॥२८२॥ अह जोवणपत्तेणं इओतओ तेण परिभमंतेणं । नियपुव्वजम्ममित्तो स जुगलधम्मी  
 नरो दिट्ठो ॥२८३॥ दिट्ठम्मि तम्मि तदुवरि तस्स सिणेहो अइव संजाओ । सिहिणो हरिसप्पसरो नवजलहरदरिसणेणेव  
 ॥२८४॥ तो तेण हत्थिणा सो हत्थेणुप्पाडिऊण जुगलिनरो । आरोविओ पहिट्ठेणऽणिच्छमाणो वि नियखंधे ॥२८५॥  
 अण्णुण्णदंसणाओ पण्णापागब्भओ य लहु तेसिं । जाईसरणं जायं विस्सरियत्थस्स सरणं व ॥२८६॥ संखंककुंदधवलं  
 गयमारूढं तयं जणा दद्धं । जंपंति विमलवाहणगओ इमो सोहए अहियं ॥२८७॥ इय तस्स तेहि नामं अत्थजुयं  
 विमलवाहणु त्ति कयं । चंदजस त्ति पियाए तस्स य चंदुज्जलजसाए ॥२८८॥ कालाणुभावओ पुण कप्पतरूणं दसण्ह  
 वि कमेणं । जाओ मंदपभावो चरित्तभट्ठाण व जईणं ॥२८९॥ तह मिहुणाण वि पुबिं अप्पममत्ताण कप्परुक्खेसु ।  
 जाओ ममत्तभावो संगायवेसु व जियाणं ॥२९०॥ तो पवललोभवसओ अण्णेणंगीकयम्मि कप्पदुमे । अण्णस्म तस्स  
 पुरओ ठियस्स जायइ गरुयदुक्खं ॥२९१॥ तो विमलवाहणस्स उ जाईसरणेण नीइणिउणस्स । गंतूण वइयरं तं कहंति  
 मिहुणगनरा अण्णे ॥२९२॥ सो विमलवाहणो नरवइव सबेसि तेसि मिहुणाणं । वियरइ विरिंचिऊणं कप्पदुमे कल-  
 हरक्खट्ठा ॥२९३॥ मज्जायभंजगाणं ठावइ हक्कारदंडनीइं च । तइया तदंडेणं गणइ जणो गरुयमवमाणं ॥२९४॥ हक्कार-  
 भया लोया पायं भंजंति तं न मज्जायं । मण्णंति वरं घाओ हक्कारो न उण अम्हाणं ॥२९५॥ एवं कुलमज्जायाकरणाओ  
 कुलगरु त्ति सो पढमो । नियआउं परिपालइ सह चंदजसाइऽणुविग्गो ॥२९६॥ छम्माससेसए आउयम्मि कालाणुभावओ  
 तत्थ । वररूवलक्खणधरं चंदजसा पसवए जुयलं ॥२९७॥ नामं च पिऊहि कयं चक्खुखमं तह य चंदकंता से । अट्ठ-

सुदंसणा-  
चरियम्मि

॥ ८७ ॥

सयधणुहउच्चं वण्णेण पियंगुवण्णं तं ॥२९८॥ पालेउं छम्मासे उप्पण्णो विमलवाहणो मरिउं । कणगकुमारेसु सुरो चंदजसा नागकुमारेसु ॥२९९॥ मरिऊण समुप्पण्णो नागकुमारेसु सो वि गयराओ । पावंति मिहुणगाइं कालसहावेण अमरत्तं ॥३००॥ हक्कारनीइनिरओ चक्खुखमं तीइ चंदकंताए । सह कुणइ कुलगरत्तं संखाइयाइं पुवाइं ॥३०१॥ जणिउं मिहुणं सामं जसमसुरूव त्ति धणुयसयसगुच्चं । तप्पियरो मरिऊणं जायाइं सुवण्णनागेसु ॥३०२॥ जसमं पि कुलगरत्तं पालइ हक्कारनीइसंजुत्तो । मक्कारनीइकत्ता असंखपुवाइं ऊणाइं ॥३०३॥ तत्थ य लहुए दोसे हक्कारं मज्झिमम्मि मक्कारं । गरुए दुण्णि वि जुंजइ अगयं भिसउव जहरोयं ॥३०४॥ जणिउं तहेव मिहुणं वण्णेणं सेयसामयं कमसो । अभिचंदो पडिरूव त्ति सडुधणुसयछउत्तुंगं ॥३०५॥ मरिऊण समुप्पण्णो उदहिकुमारेसु कुलगरो जसमं । सा वि सुरूवा मरिउं नगकुमारेसु उव-वण्णा ॥३०६॥ नीइदुगसंजुओ सो अभिचंदो पालिउं कुलगरत्तं । पडिरूवाइं समेओ ऊणयराऽसंखपुवाइं ॥३०७॥ ताणि वि जणिउं जुयलं पसेणईचक्खुकंतमसिइपहं । छसयधणुं तप्पियरो जायाइं उदहिनागेसु ॥३०८॥ काउं पसेणईं सो तइयं धिक्कारनामियं नीइं । पालेइ कुलगरत्तं ऊणतमाऽसंखपुवाइं ॥३०९॥ ताणि मरुदेवसिरिकंतकणयनीलप्पहं जणिउं मिहुणं । सडुपणधणुसउच्चं जायाइं दीवनागेसु ॥३१०॥ मरुदेवो वि हु तत्तो नीइत्तयसंजुओ कुलगरत्तं । पालेइ असंखाइं ऊणतम-तमाइं पुवाइं ॥३११॥ अह इत्थ कोइ जीवो लोएऽववहाररासिमज्झम्मि । लहुकम्मो अप्पभवठिईं सया थावरत्तगओ ॥३१२॥ पुव्वमपत्ततसत्तो कयाइ भवियवयानिओगेणं । बव्वूलियासमीवम्मि अक्ककंवत्तणे जाओ ॥३१३॥ दारुणसीयाऽऽय-वफरुसपबलगरुयप्पयावफरिसेण । नरतिरियघट्टणेण य वेयंतो वेयणं बहुसो ॥३१४॥ सूलाहि य विज्झंतो पवणेण पणुल्लियाइ

रयणत्तय-  
स्सरूवप्प-  
रूवग नाम  
दसमुद्देशो ।

॥ ८७ ॥

कंवाए । निज्जरइ बहुकम्मं अकामओ वि हु चिरं कालं ॥३१५॥ अह अण्णो वि हु जीवो तहाविहो कोइ कम्मि वि भवम्मि ।  
 परिणामेणं केण वि सुहोदयं बंधए कम्मं ॥३१६॥ तत्तो तइया मरिउं एसो तह अक्ककं वजीवो सो । अचंतथावरो वि हु अच्छे-  
 रकरो तिहुयणस्स ॥३१७॥ मरुदेवकुलगरस्स उ सिरिकंताए पियाइ उयरम्मि । उप्पण्णाइं जुयलत्तणेण सुहकम्मउदएणं  
 ॥३१८॥ पडिपुण्णदिणेहि तओ लक्खणवंजणगुणणिणयं एसा । पसवइ पसत्थजुयलं पसत्थदियहम्मि सुपसत्था ॥३१९॥  
 हरिसभरनिब्भरेहिं नामं च कयं इमेसि पियरेहिं । नाभी गुणाण नाभि त्ति देविरुवि त्ति मरुदेवी ॥३२०॥ पंचयधणुहस-  
 याइं पणवीसहियाइं देहमाणेणं । नाभी सुवण्णवण्णो पियंगुवण्णा य मरुदेवी ॥३२१॥ मरुदेवकुलगरो पुण मरिउं दीवेसु  
 सुरवरो जाओ । सिरिकंता पुण मरिउं नागकुमारेसु उप्पण्णा ॥३२२॥ एयम्मि कालचक्के अरए तइयम्मि चेव वट्ठंते ।  
 सूसमदूसमनामे बहुवोलीणे अणुक्कमसो ॥३२३॥ चुलसीइपुवलक्खेसु तह य एगूणनवइपक्खेसु । ओसप्पिणीइमीसे  
 अवसेसेसु तया काले ॥३२४॥ सव्वट्ठविमाणाओ चविउं सो वइरनाहचक्किजिओ । सिरिनाभिकुलगरस्स उ मरुदेविपियाइ  
 कुच्छंसि ॥३२५॥ विमलत्तसिसिरसुहवित्तयाइ मुत्तामाणिव सुत्तीए । गब्भम्मि समुप्पण्णो आसाढे बहुलचउत्थीए ॥३२६॥  
 वसहगयमाइएहिं चउदससुमिणेहि मुणियजिणभावा । तुट्ठा सुहंसुहेणं मरुदेवी वहइ तं गब्भं ॥३२७॥ चित्तबहुलट्ठमीए निसी-  
 हसमयम्मि पसवए एसा । तेयसमिद्धं पुत्तं विड्डूरभूमिव वररयणं ॥३२८॥ विहियम्मि सूइकम्मे छप्पण्णाहिं दिसिकुमारीहिं ।  
 चउसट्ठिसुरिंदेहिं ण्हविओ मेरुम्मि पढमजिणो ॥३२९॥ सुमिणेसु पढममुसहो पहुणो ऊरुसु लंछणं वसहो । तेण उसहो

१ वेड्डूरत्तभूमिरिव ।

सुदंसणा-  
चरियम्मि

॥ ८८ ॥

त्ति नामं कयं जिणिंदस्स जणएहिं ॥३३०॥ नियअंगुट्ठपएसे सुरवइसंचारियाऽमयरसेण । वड्डइ सुरपरियरिओ अणूवदेसे  
वरहुमुव ॥३३१॥ असियसिरओ सुनयणो बिंबुट्ठो धवलदंतपंती अ । वरपउमगवभगोरो फुल्लुप्पलगंधनीसासो ॥३३२॥  
जाईसरो य भवयं अप्परिवडिणहिं तिहि णाणेहिं । कंतीइ य बुद्धीइ य अब्भहिओ तेहि मणुएहिं ॥३३३॥ इक्खागुवंसठ-  
वणा वरिसपमाणस्स निम्मिया हरिणा । कासवगुत्तं च पहुस्स पुवया जेण तं पीया ॥३३४॥ जयमज्जायकए सह देवीहिं सुमं-  
लासुणंदाहिं । हरिणा कओ विवाहो पहुस्स तारुणपत्तस्स ॥३३५॥ छप्पुवसयसहस्सा पुविं जायस्स जिणवरिंदस्स । तो भर-  
हवंभिसुंदरिवाहुबली चेव जायाइं ॥३३६॥ देवीसुमंगलाए भरहो वंभी य मिहुणयं जायं । देवीइ सुणंदाए बाहुबली  
सुंदरी चेव ॥३३७॥ अउणापणं जुयले पुत्ताण सुमंगला पुणो पसवे । नीईण अइक्कमणे निवेयणं उस्सभसामिस्स ॥३३८॥  
राया करेइ दंडं सिट्ठे ते बिंति अम्ह वि स होउ । मग्गह य कुलगरं सो उ वेइ उस्सभो य भे राया ॥३३९॥ आभोएउं सक्को  
उवागओ कुणइ तस्स अहिसेयं । वोलीणेसु जम्माओ वीसईपुबलक्खेसु ॥३४०॥ भिसिणीपत्तेहियरे उदयं धित्तुं छुहंति  
पाएसु । साहुविणीया पुरिसा विणीयनयरी अह निविट्ठा ॥३४१॥ आसा हत्थी गावो गहियाइं रज्जसंगहनिमित्तं । धित्तूण  
एवमाई चउव्विहं संगहं कुणइ ॥३४२॥ उग्गा भोगा राइण्णखत्तिया संगहो भवे चउहा । आरक्खिगुरुवयंसा सेसा जे  
खत्तिया ते उ ॥३४३॥ अप्पत्थियसिवसुहदायगम्मि रिसहे अउवक्कपुदुमे । ओइण्णे कप्पतरू तइया हित्था इव पउत्था ॥३४४॥  
तो रिसहजिणो पयडइ जणाण करुणाइ जीयक्कपं ति । सिप्पसयं कम्माणि य कलाओ उण भरहमाईणं ॥३४५॥

१ जल-बहुलस्थाने । २ लज्जिताः । ३ प्रोषिताः—प्रवासमें गये ।

रयणत्तय-  
स्सरूवप्प-  
रूवग नाम  
दसमुद्देशो ।

॥ ८८ ॥



लेहं लिवीविहाणं जिणेण वंभीइ दाहिणकरेणं । गणियं संखाणं सुंदरीइ वामेण उवइहुं ॥३४६॥ इय पालिऊण रज्जं  
 तेवट्ठिपुवसयसहस्साइं । सामी चरित्तसमयं ओहीणाणेण मुणइ सयं ॥३४७॥ सारस्सयमाइंच्चा वण्हीवरुणा य गहंतोया  
 य । तुंसिया अंबावाहा अंगिच्चा चेव रिट्ठा य ॥३४८॥ एए देवनिकाया भयवं बोहिंति जिणवरिंदं तु । सबजगजीवहियं  
 भयवं ! तित्थं पवत्तेहि ॥३४९॥ संवच्छरेण होही अभिनिक्खमणं तु जिणवरिंदस्स । तो अत्थसंपयाणं पवत्ते पुव्वसूरम्मि  
 ॥३५०॥ संघाडगतियचउक्कचच्चरचउमुहमहापहपहेसु । दारेसु पुरवराणं रत्थामुहमज्झयारेसु ॥३५१॥ वरवरिया घोसि-  
 ज्जइ किमिच्छियं दिज्जइ बहुविहीयं । सुरअसुरदेवदाणवनरिंदमहियस्स निक्खमणे ॥३५२॥ एगा हिरण्णकोडी अट्ठेव अणू-  
 णगा सयसहस्सा । सूरुदयमाइयं दिज्जइ जा पायरासाओ ॥३५३॥ तिण्णेव य कोडिसया अट्ठासीयं च हुंति कोडीओ ।  
 असीयं च सयसहस्सा एयं संवच्छरे दिण्णं ॥३५४॥ पंचसयधणुच्चतणू सामी ठविउं गुणेहि जगउच्चो । पुत्तसयं रज्ज-  
 सए उत्तरकुरुसिवियमारूढो ॥३५५॥ भवणवइवाणमंतरजोइसवासी विमाणवासी य । सब्बिहीइ सपरिसा चउब्बिहा आगया  
 देवा ॥३५६॥ पुव्वि उक्खित्ता माणुसेहि सा हट्ठरोमकूवेहिं । पच्छा वहंति सिवियं असुरिंदसुरिंदनागिंदा ॥३५७॥ कुसुमाणि  
 पंचवण्णाणि मुयंता दुंदुहीउ ताडिंता । देवगणा य पहिट्ठा समंतओ उच्छयं गयणं ॥३५८॥ वणसंडो व कुसुमिओ पउम-  
 सरो वा जहा सरयकाले । सोहइ कुसुमभरेणं इय गयणयलं सुरगणेहिं ॥३५९॥ सिद्धंत्थवणं व जहा असणवणं सणवणं

१ प्रथमपहरे । २ वरवरिका—अभिष्ट वस्तु मांगनेकेलिए की जाती घोषणा । ३ किमिच्छकम्—इच्छानुसारदानम् । ४ प्रातराशात्—प्रातः-  
 कालके भोजनतक । ५ सर्पपवनम् । ६ बीजक—नामकवृक्षवनम् ।

सुदंसणा-  
चरियम्मि

॥ ८९ ॥

असोयवणं । चूयवणं व कुसुमियं इय गयणतलं सुरगणेहिं ॥३६०॥ अतसिवणं व कुसुमियं कण्णियारवणं व चंपयवणं व । तिलयवणं व कुसुमियं इय गयणतलं सुरगणेहिं ॥३६१॥ वरपडहभेरिझल्लरिदुंदुहिसंखसहिएहि तूरेहिं । धरणियले गयण-  
तले तूरनिणाओ परमरम्मो ॥३६२॥ इय सुरनरपरियरिओ विणीयनयरीइ मज्झमज्झेणं । निगंतुं रिसहजिणो सिद्धत्थव-  
णम्मि संपत्तो ॥३६३॥ ठविऊण असोयतले सीयं तत्तो पडू समुत्तरिउं । आभरणाईणि सयं मुंचइ परिभोगउम्मोयं ॥३६४॥  
छट्टेणं भत्तेणं अपाणएणं तवो विसेसेणं । कसिणट्टमीइ चित्तस्स पोरिसीए चउत्थीए ॥३६५॥ उत्तरसाढारिक्खे कुणइ  
सयं चाउमुट्ठियं लोयं । हंसपडसाडएणं सक्को स पडिच्छए केसे ॥३६६॥ जिणवरमणुण्णचित्ता अंजणघणरुयगविमलसंकासा ।  
केसा खणेण नीया खीरसरिसनामयं उदहिं ॥३६७॥ दिव्वो मणुस्सघोसो तूरनिणाओ य सक्कवयणेणं । खिप्पामेव निलुक्को  
जाहे पडिवज्जइ चरित्तं ॥३६८॥ सिद्धे नमंसिऊणं खंधेणं देवदूसमादाय । जावजीवं सामी पच्चक्खइ सब्बसावज्जं ॥३६९॥  
नरलोयसमस्सियसण्णिजीवमणदवगोयरं पडुणो । चरणपडिवत्तिकाले चउत्थणाणं समुप्पणं ॥३७०॥ मोणेण विहरियवं  
सण्णाइ विवज्जिएण ताव मए । जाव न केवलणाणं ति गिण्हएऽभिगहं सामी ॥३७१॥ तह निवसहस्सचउरो पवइया  
अप्पणा विहियलोया । जं एस जहा काही तं तह अम्हे वि काहामो ॥३७२॥ अह तेहिं परियरिओ गयकलहेहिं समं गइं-  
दुव । वाउव अपडिवद्धो विहरइ सामी विगयमोहो ॥३७३॥ नवि ताव जणो जाणइ का भिक्खा केरिसा च भिक्खयरा । ते  
भिक्खमलभमाणा वणमज्झे तावसा जाया ॥३७४॥ नमिविनमीण जाएण नागिंदो विज्जदाणवेयट्ठे । उत्तरदाहिणसेढीसट्ठी-

१ याचनेन ।

रयणत्तय-  
स्सरूवप्प-  
रूवग नाम  
दसमुद्देसो ।

॥ ८९ ॥

पण्णासनयराइं ॥३७५॥ भयवं अदीणमणसो संवच्छरमणसिओ विहरमाणो । कण्णाहि निमंतिज्जइ वत्थाभरणासणेहिं च  
 ॥३७६॥ एवं अविचलचित्तो वावीसाए परिसहेहि पट्ट । विहरंतो संपत्तो गयउरनयरम्मि वरिसंते ॥३७७॥ सोमप्पहराय-  
 सुएण तत्थ सेयंसनामकुमरेण । पाराविओ वरेणं इक्खुरसेणं रिसहसामी ॥३७८॥ तत्तो य आरिएसु अणारिएसु पि भूरि-  
 देसेसु । वाससहस्सं विहरइ रिसहजिणिंदो निरुवसगं ॥३७९॥ बहलीअंडवइल्लाजोणगविसओ सुवण्णभूमी य । आहिं-  
 डिया भगवया उस्सभेण तवं चरंतेणं ॥३८०॥ बहलीयजोणगा पल्हगा य जे भगवया समणुसट्ठा । अण्णे य मिच्छजाई ते  
 तइया भइया जाया ॥३८१॥ अह एवं जगगुरुणो विहारचरियं तवं च दुरणुचरं । बहुजणपरंपरेणं मरुदेवीसामिणी सोउं  
 ॥३८२॥ तवभवसिद्धिगमा वि हु सहावसरला वि पुत्तपिम्मपरा । चिंतइ एगगमणा अतुच्छवच्छलपडिहत्था ॥३८३॥  
 मज्झ सुओ सयकालं सीयाऽऽयववासखुप्पिवासभवं । एगागी वणवज्जे सहइ दुहं इयरलोउव ॥३८४॥ केण वि समं न जंपइ  
 न सुयइ निमिसं पि किं पि ज्ञायंतो । नवनवआसणनिरओ चिट्ठइ रंत्तिं पि दियहं पि ॥३८५॥ पहखिण्णो वि न वाहण-  
 मारुहइ न ण्हाइ गाढगिम्हे वि । अणुवाहणो य हिंडइ कक्करकंटइलमगे वि ॥३८६॥ तइलोयपूयणिज्जं तिहुयणचूडामणिं  
 तिजयनाहं । जीवंती पिक्खिस्सं पुणो वि कइयावि रिसहजिणं ॥३८७॥ इय झूरंती मरुदेविसामिणी अंसुसलिलधाराहिं ।  
 साममुहा महिवीढं सिंचइ नवजलहरसिरिव ॥३८८॥ इय तीइ रुयंतीए नीलीए छाइयाइं नयणाइं । वरिसंतेण घणेणं घणाघ-  
 णेणं व भवणाइं ॥३८९॥ भरहो य जया राया आगच्छइ मायपायनमणत्थं । पाएसु तं पडंतं सा भणइ करेहि फरिसंती  
 ॥३९०॥ सुरलोयरज्जसरिसं वच्छ ! तुमं माणसे सयं रज्जं । मह पुत्तो पुण दुक्खं पिक्खह तं तारिसं सहइ ॥३९१॥ ताव

सुदंसणा-  
चरियम्भि

॥ ९० ॥

मह एस अंगुवभवु त्ति जायइ ममत्तमित्तकए । जणयत्तणेण तुह पुण णूणमिमो दुप्पडियारो ॥३९२॥ ता किं अत्थसि  
रज्जे अपत्थतुच्छम्मि मुच्छिओ वच्छ ! । तियलोयबंधवस्स वि न कुणसि वत्ता वि पुण पिउणो ॥३९३॥ एवं पियामहीए  
महापवंधेणुवालहिज्जंतो । सप्पणयं विणयपरो स भरहो पडिभणइ वयणमिणं ॥३९४॥ अंब ! तए आइट्ठं तहत्ति तं किंतु  
सुणसु परमत्थं । रिद्धी सुक्खं च जहा पहुणो न तहा परस्स जओ ॥३९५॥ रयणत्तयस्स अम्मो ! किं बुच्चइ समुदियस्स  
जगगुरुणो । इक्किक्कस्स वि अंग्घो न होइ जं तिहुयणेणाऽवि ॥३९६॥ नवि अत्थि रायरायस्स देवरायस्स तं सुहं नत्थि । जं  
इहयं चिय सुक्खं मुणिणो गयरागदोसस्स ॥३९७॥ ता मा अम्मो ! खेयं कुणसु मणागं पि इय पवुत्ता वि । न मुयइ मणे  
विसायं सद्धामुद्धत्तणेण इमा ॥३९८॥ अह वरिससहस्संते उवनयरे पुरिमतालनामम्मि । विहरंतो सगडमुहे उज्जाणे  
आगओ भयवं ॥३९९॥ तत्थ य नग्गोहतले अट्टमभत्तेण फग्गुणे पहुणो । बहुलिकारसिदिवसे उप्पण्णं केवलं नाणं ॥४००॥  
देवेहि तक्खणेणं जहविहिं विरइए समोवसरणे । पविसइ पुवेण तहिं उवविसइ चउम्मुहो भयवं ॥४०१॥ अह आगंतुं उज्जा-  
णआउहागारपालएहि लहुं । विण्णत्तो भरहनिवो विण्णत्तो जमगसमगेणं ॥४०२॥ जमगो जंपइ संपइ रिसहजिणिंदस्स  
तुम्ह उज्जाणे । लोयालोयपयासं केवलणाणं समुप्पण्णं ॥४०३॥ समगो वि भणइ आउहसालाए जक्खसहससंकिण्णं ।  
रिउचक्कचूरणखमं उप्पण्णं चक्करयणं ति ॥४०४॥ इय सोउं भरहनिवो चिंतइ पढमं किमित्थ पूएमि ? । गरुयाण वि अहह !!  
कहं मइमोहकरी विसयतण्हा ? ॥४०५॥ लहुकम्मया वि पुणरवि उल्लसिए लहु विवेगवरदीवे । अण्णाणंधयारे नट्टे चिंतइ

१ मूल्यम् ।

रयणत्तय-  
स्सरूवप्प-  
रूवग नाम  
दसमुद्देशो ।

॥ ९० ॥

इमो एवं ॥४०६॥ तायम्मि पूइए चक्कपूइयं पूयणाऽरिहो ताओ । इहलोइयं तु चक्कं परलोयसुहावहो ताओ ॥४०७॥ इय चिंतिऊण गंतुं मरुदेविं सामिणिं भणइ इण्हि । दंसेमि तुम्ह पुत्तस्स निरुवमं इड्डिसक्कारं ॥४०८॥ इय वुत्तूणं जयकुंजरस्स खंधम्मि ठविय मरुदेविं । पच्छासणे सयं पुण उवविट्ठो भरहनरणाहो ॥४०९॥ पहुपायपणमणत्थं सविट्ठीए समं पुरजणेण । नियपरिवारजुओ तह तुरियं संपट्ठिओ तत्तो ॥४१०॥ रयणत्तयस्सरूवं माऊइ पुरो वियारमणं पि । साहतो संपत्तो आसणं समवसरणस्स ॥४११॥ भणइ य एए तियसा समिति अम्मो ! समंतओ गयणे । किंकिणिरवमुहलविमाणवरगया जयगुरु-समीवे ॥४१२॥ एसो य सुम्मइ सरो पहुस्स सदेसणं कुणंतस्स । वाणीए जोयणगामिणीए अमयाओ महुरतरो ॥४१३॥ भयवं च साहइ तया सबो जीओ ममत्तदोसेण । वंधेइ मोहणीयं कम्मं तो भमइ भवमभियं ॥४१४॥ सम्मत्तसंजुओ पुण जइ मुयइ ममत्तमखिलभावेसु । तो मुयइ जहण्णपए अंतमुहुत्तेण भवभावं ॥४१५॥ इय सोउं मरुदेवी अजस्समंसूणि मुयइ हरिसवसा । वासम्मि उवरए तणगिहं व गुरुबिंदुणो सुइरं ॥४१६॥ तेहिं पडंतेहि लहु तीए नयणाण पुण्णजोगेण । सवा वि गया नीली सहसा सिद्धंजणेणं व ॥४१७॥ तो सा दुहा वि निम्मलनयणेहिं भरहसंसियं सबं । पच्चक्खं पहुरिद्धिं हरिसिज्जइ पिक्खिऊण घणं ॥४१८॥ चिंतइ य एस लोगस्स मंगलं उत्तमो य सरणं च । परमप्पा परमगुरू परमं तत्तं इमो चेव ॥४१९॥ इय चिंतंती संकाइदोसरहिया समाइगुणकलिया । तिविहं पि दंसणं सा पत्ता पुवुत्तजुत्तीए ॥४२०॥ उल्लसि-यजीवविरिया खाइयसम्मत्तचरणसंजुत्ता । घणघाइकम्ममुक्का संपत्ता केवलालोयं ॥४२१॥ विहरिय अंतमुहुत्तं जोगनिरो-हेण सेसकम्मखयं । काउं करिखंधगया मरुदेवीसामिणी सिद्धा ॥४२२॥ इय एस पढमसिद्धु त्ति तीइ देहं सुरेहि पूइत्ता ।

सुदंसणा-  
चरियम्मि

॥ ९१ ॥

उप्पाडिऊण खित्तं खणेण खीरोदहिजलम्मि ॥४२३॥ अह हरिसविसायजुओ भरहो छायाऽऽयवेण सरउव्व । पविसित्तु  
समोसरणं विहिपुव्वं वंदइ जिणिंदं ॥४२४॥ तो भणइ भुवणनाहो भो भो भव्वा ! इमम्मि भवभवणे । मोहनिसाए अण्णा-  
णणिदसुत्तम्मि जियलोए ॥४२५॥ सबत्तो वि पलित्ते पमायजलणे कसायखरपवणे । डज्झंते रयणतिए अत्तहियं सुणह एगग्गा  
॥४२६॥ गाणेण जग्गिऊणं अममत्तदिणोदयं लहेऊण । उवसमजलेण सिंचह संजमजोगुज्जया अप्पं ॥४२७॥ विज्झावि-  
ऊण एयं संसारपलीवणं अणुविग्गा । पावेह सासयसुहं सिवमयलमणुत्तरं सिग्घं ॥४२८॥ इय पहुकहियं सोउं भरहसुओ  
उसहसेणअभिहाणो । पुंडरियवीयनामो पहुपासे गिण्हए दिक्खं ॥४२९॥ पंच य पुत्तसयाइं भरहस्स सत्तनचुय-  
सयाइं । संयराहं पवइआ तम्मि कुमारा समोसरणे ॥४३०॥ चुलसीइ तह गणहरा बंभीपमुहा य तह य समणीओ ।  
भहरप्पमुहा सट्ठा सुंदरीपमुहाओ सट्ठीओ ॥४३१॥ इय पढमसमोसरणे पढमजिणिंदस्स पढमओ संघो । उप्पण्णो तत्थ  
तओ विहरइ महिमंडलं सामी ॥४३२॥ विहरित्तु पुवलक्खं वाससहस्सूणयं विवोहित्ता । चुलसीइसमणसहसा तिणिण उ  
लक्खाउ समणीणं ॥४३३॥ पणसहस तिणिण लक्खा सट्ठाणं सावियाण पणलक्खा । चउपण्णं च सहस्सा अह अट्ठा-  
वयणगे पत्तो ॥४३४॥ संपलियंकनिसण्णो तत्थ पट्ट साहुदससहस्सजुओ । माहस्स बहुलतेरसिदिणम्मि चउदसमभत्तेणं  
॥४३५॥ पाओवगमनिसण्णो चंदेण अभीइरिक्खजुत्तेणं । कम्मकलंकविमुक्को रिसहजिणिंदो गओ सिद्धिं ॥४३६॥ भरहो  
पुण पूइत्ता चक्कं चक्काणुगो भरहखित्तं । सट्ठीइ वाससहसेहि साहिउं सगिहमणुपत्तो ॥४३७॥ वरचक्कवट्ठिभोए भुत्तूणं

रयणत्तय-  
स्सरूवप्य-  
रूवग नाम  
दसमुद्देशो ।

॥ ९१ ॥

१ नत्तुअ० पौत्रः । २ शीघ्रम् ।

पंचपुबलक्खाइं । आयंसगिहे पावइ केवललच्छिं विगयरागो ॥४३८॥ विहरित्तु पुबलक्खं भरहो भरहस्स मज्झिमे  
 खंडे । सित्तुंजसेलसिहरे संपत्तो सासयं ठाणं ॥४३९॥ इत्थं यपसंगपत्तो कहिओ रिसहाइवइयरो एसो । मरुदेविसामिणीए  
 पगयं पुण रिसहजणणीए ॥४४०॥ भुवणच्छेरयभूया जमिमा तक्खणविमुद्धसम्मत्ता । पुबमपत्तसिवपहा अच्चंतं थावरा सिद्धा  
 ॥४४१॥ तिविहे वि हु सम्मत्ते मरुदेवीसामिणीइ दिट्ठंतो । भुवणच्छेरयभूओ कहिओ अह पत्थुयं सुणसु ॥४४२॥ इय तिविहं  
 सम्मत्तं खइयाइविभेयओ सदिट्ठंतं । कहियं संपइ भदे ! भेए चउराइए सुणसु ॥४४३॥ खइयाइ सासणजुयं चउहा वेयग-  
 जुयं तु पंचविहं । तं होइ चरिमपुगलवेयणओ दसविहं तु इमं ॥४४४॥ निसंगुवएसरुई आणारुई सुत्तवीयैरुई मेव । अभि-  
 गमवित्थाररुई किरियासंखेवधम्मरुई ॥४४५॥ सक्किरियं कारगमिह तत्तरुई रोयगं तु सम्मत्तं । मिच्छदिट्ठी तत्तं तु दीवए  
 दीवयं तं तु ॥४४६॥ निच्छयओ सम्मत्तं विमुद्धचरणस्स अविरयस्सिअरं । अहवा वि दवभावाइभेयओ बहुविहं सम्मं ॥४४७॥  
 सवाइं जिणेसरभासियाइं वयणाइं नऽण्णहा हुंति । इय बुद्धी जस्स मणे सम्मत्तं निच्चलं तस्स ॥४४८॥ सम्मत्तम्मि उ लद्धे  
 पलियपहुत्तेण सावओ हुज्जा । चरणोवसमख्याणं सागरसंखंतरा हुंति ॥४४९॥ इय अपरिवडियसम्मे सुरमणुए इगभवे च  
 सवाणि । इगसेणिवज्जियाइं सिवं व सत्तट्ठभवमज्जे ॥४५०॥ सम्मत्तरयणममलं जायइ जीवस्स सुद्धहिययस्स । मिच्छत्त-  
 परिच्चाएण संपयं तं तओ सुणसु ॥४५१॥ अभिगगहियमणाभिगगहं च तह अभिनिवेसियं चेव । संसंइयमणाभोगं मिच्छत्तं  
 पंचहा होइ ॥४५२॥ अहवा दुविहं लोइयमिच्छं देवगयं गुरुगयं मुणेयवं । लोउत्तरं पि दुविहं देवगयं गुरुगयं चेव ॥४५३॥  
 चउभेयं मिच्छत्तं तिविहं तिविहेण जो विवजेइ । अकलंकं सम्मत्तं होइ फुडं तस्स जीवस्स ॥४५४॥ कुणमाणो वि हु किरियं

सुदंसणा-  
चरियम्मि

॥ ९२ ॥

परिच्चयंतो वि सयणधणभोए । दिंतो वि हु हस्सउरं मिच्छदिट्ठी न सिज्झइ उ ॥४५५॥ मिच्छत्तविसपसत्ता सत्ता पावेंति दुक्खरिंछोलिं । ते चेव चइयमिच्छा सुहाइं नरसुंदरनिबुव ॥४५६॥

तहाहि—इह कंचीनयरीए अहाऽऽसि नरसुंदरो महीनाहो । मिच्छत्तमोहियमई नाहियवाई किलिड्डमणो ॥४५७॥ मिच्छत्तहुमदंती जिणपभणियसत्ततत्तगयभंती । सुमइ त्ति तस्स मंती नियमइनिज्जिणियसुरमंती ॥४५८॥ इत्तो चंडपुरम्मि सामंतो चंडसेणअभिहाणो । अण्णदिणे नरसुंदरनरिंदसेवाइ निविण्णो ॥४५९॥ नियबालमित्तमिकं जोगिं बहुमतंत-कुसलमइ । भणइ मह हिययसलं निहणसु नरसुंदरमरिंदं ॥४६०॥ जंपइ जोगी एवं करेमि तो तस्स चंडसेणनिवो । हिट्ठो वियरइ सव्वं नियंगलगं अलंकारं ॥४६१॥ तयणु स पत्तो कंचिं पुरिमुत्तिण्णो मढम्मि एगत्य । मंतकुंहेडयमाईहि रंजए सय-लपुरिलोयं ॥४६२॥ पत्तो परं पसिद्धिं सो रण्णा कोउगेण तेडेउं । उचियासणे निवेसिय सो पुट्ठो सविणयं एवं ॥४६३॥ कत्तो जोगिंद ! तुमं इहाऽऽगओ ? सो भणइ तुह भत्तिं । जोगिजणे सुणिय इहं पत्तो सिरिपव्वयाउ अहं ॥४६४॥ किं का वि दिवसत्ती तुज्झ अवंझप्फला फुडं अत्थि ? । एवं णिवेण भणिए जोगी वज्जरइ बाढं ति ॥४६५॥

तहाहि—रत्तीए वि दिणं दिणे वि रयणिं दंसेमि सेलेऽखिले, उप्पाडेमि नहंगणे गहगणं पाडेमि भूमीयले । पारावारमहं तरेमि जलणं थंभेमि रुंभेमि वा, दुवारं परचक्कमत्थि न जए तं मज्झ जं दुक्करं ॥४६६॥ [सदूलविकीडिअं] अह भणइ नम्म-सचिवो गुरुगलंगज्जं करेसि जोगिंद ! । किं पाडिएहिं उप्पाडिएहिं गहसेलमाईहिं ? ॥४६७॥ किंतु मह रुसिऊणं विप्पी

१ नास्तिकवादी । २ मन्त्रतन्त्रादिभिः । ३ भारीगलेकी गर्जना ।

रयणत्तय-  
स्सरूवप्प-  
रूवग नाम  
दसमुद्देशो ।

॥ ९२ ॥



गामम्मि कम्मि वि पउत्था । जीइ विणा मे भवणं न केवलं भुवणमवि सुण्णं ॥४६८॥ जइ तं आणेसि लहुं तो हं ते सह-  
 हेमि सबं पि । आगिद्धिमंतसरणेण जोगिणा झत्ति अह तत्थ ॥४६९॥ समियाविलित्तहत्था कुणमाणी मंडए समाणीया ।  
 सा माहणी पहिज्जे पणव्विओ नम्मसचिवो तो ॥४७०॥ विम्हयविवसेण निवेण जंपियं कालवंचणोवायं । किं कमवि  
 मुणसि जोगिंद ! ? आह सो जाणिमो बाढं ॥४७१॥ गिण्हसु दिक्खं जेणं तयं पि देमो तओ निवो मूढो । तप्पासे तं  
 गिण्हइ उवइढं जोगिणा एवं ॥४७२॥ नियदेहे बारस अंगुलाइं नीहरइ पविसइ दसेव । पवणो तव्विवरीयं जो कुणइ स वंचए  
 कालं ॥४७३॥ इय कूडव्वममोहियमणस्स मिच्छत्ततिमिरच्छणस्स । जीववहपमुहआसवपरस्स परलोयविमुहस्स ॥४७४॥  
 विससंभगयस्स निवस्स तस्स कइया वि भत्तमज्झम्मि । विसमविसं दाउ लहुं नट्ठो दुट्ठो सयं जोगी ॥४७५॥ तेणुगविसेण  
 निवो वि पीडिओ नट्ठचेयणो जाओ । हाहारवमुहलमुहा सबे मिलिया पुरपहाणा ॥४७६॥ हक्कारिया अण्णेहि सपच्चया  
 मंतवाइणो बहवे । विसनिग्गहोवयारो सबपयत्तेण तेहि कओ ॥४७७॥ नवरि स जाओ विहलो तरुणिकडक्खुव वीयर-  
 गम्मि । आदण्णो मंतिजणो भिसं विसण्णो पुरीलोओ ॥४७८॥ अक्कंदसद्दमुहलं सयलं अंतेउरं तहिं पत्तं । काउं मउ त्ति  
 नीओ सिवियं आरोविय मसाणे ॥४७९॥ ठविओ चंदणदारुयनिचियाइ चियाइ जाव ता सहसा । उम्मीलियनयणजुओ तक्का-  
 लुप्पणचेयणो ॥४८०॥ चइउं चियं किमेयं ति पभणिओ नरवई तओ सुमई । भणइ तुह देव ! दाउं विसमविसं जोगिओ  
 नट्ठो ॥४८१॥ विहिया बहूवयारा न य चेयणं कहं पि मे जायं । तेण परं जं कीरइ तं काउमिणं समारद्धं ॥४८२॥ वण-

१ प्रोषिता-प्रवासमें गई हुई । २ समिआ० समिता—गेहूँका आटा । ३ आकुलः ।

सुदंसणा-  
चरियम्मि

॥ ९३ ॥

पवणेण वि किह संपयं वयं निविसा इहं जाया ? । इय निवपुट्टे सुमई भणेइ दिवो वियाणाइ ॥४८३॥ किंतु तप्पुणवि-  
सिट्ठलद्धिमुणिअंगलग्गपवणेणं । अवि जंतूण झिज्जंति आमया विसवियारा य ॥४८४॥ एयं मे सुयपुव्वं ति मंतिवुत्ते निवो  
भणइ सुहडा ! । उवरिमभाए पिच्छह किंचणनिक्किंचणं समणं ॥४८५॥ ते वि गवेसित्तु लहुं कहंति रण्णो जहा इहं देव ! ।  
पुप्फकरंदुज्जाणे सुरअसुरनरिंदनमियकमो ॥४८६॥ निम्मलकेवलकलिओ बहुसमणजुओ अणेगलद्धिनिही । अज्जेव समो-  
सरिओ ससिप्पहो नाम आयरिओ ॥४८७॥ रायाऽऽह तप्पभावं एयं संभावएमि जं इत्थ । जाओऽम्हि निविसोऽहं ता  
तप्पासम्मि गच्छामि ॥४८८॥ तो सो सपरीवारो गओ नमित्ता पुरो समुवविट्ठो । दुंदुहिउद्दामसरं तयणु मुणी कहइ इय  
धम्मं ॥४८९॥ दुलहं लहिय नरभवं भविया ! भवियव्वानिओगेणं । इहपरलोयहियकरं जहसत्तीए कुणह धम्मं ॥४९०॥  
इय मुणिय जंपइ निवो परभवगामी घडेइ कह जीवो । जं पंचभूयमित्तं दीसइ नहु तदहियं किं पि ? ॥४९१॥ भणइ गुरु  
जडपणभूयसमहिओ जइ जिओ निव ! न हुज्जा । तो सुहदुहाइं को मुणइ ? को व अहयं ति उल्लवइ ? ॥४९२॥

किंच—निसुयं दिट्ठं जिंधियमासाइयपुट्ठचित्तियाइ मए । इय इगकत्तारकया इमे विगप्पा वि कह हुज्जा ? ॥४९३॥ इच्चा-  
इजुत्तिजुत्तं संसयरयहरणपवणपडिरूवं । गुरुणो वयणं सोउं बुद्धो राया इमं भणइ ॥४९४॥ इच्चरकालं मिच्छत्तविसमविस-  
घारिण मुणिणाह ! । के के जिया न हणिया किं किं अलियं न मे भणियं ? ॥४९५॥ किं किं न परस्स धणं गहियं किं किं  
न मइलियं सीलं । किं किं अतुच्छमुच्छावसेण नवि मीलियं दविणं ? ॥४९६॥ किं किं नहु निसिभुत्तं किं किं महुपिसिय-  
माइ नहु असियं । किं बहुणा अत्थि जए तं पावं जं न मे विहियं ? ॥४९७॥ इण्हि मिच्छत्तविसं पहुवयणाऽमयरसेण मह

रयणत्तय-  
स्सरूवप्प-  
रूवग नाम  
दसमुद्देसो ।

॥ ९३ ॥

नटुं । नवरं नाहियवायं कमागयं किह चएमि इमं? ॥४९८॥ भणइ सुणिंदो नरवर ! एयं नहु किं पि सइ विवेगम्मि । वाही दारिहं वा कमागयं मुच्चए किं न ? ॥४९९॥

तथाहि—केइ भमंता वणिणो धणत्थिणोऽणुक्कमेण दइणं । लोहतओरुप्पकणए पुव्वग्गहिए पमुत्तूण ॥५००॥ घित्तूण पवररयणे एगे सिरिसुक्खभायणं जाया । अण्णे तहा अकाऊण दुत्थिया सोयमणुपत्ता ॥५०१॥ एवं तुमं पि निव ! कुल-कमागयं कुग्गहं अमुंचंतो । मा पुवं पि हु इण्हिं पि दुसहदुहभारमणुवहसु ॥५०२॥ आह नरिंदो कह पहु ! दुस्सहदुहभर-महं सहियपुव्वो ? । भणइ गुरु णिव ! णिसुणसु नवगामो अत्थि वरगामो ॥५०३॥ तत्थाऽऽसि कुलपुत्तो दढमिच्छत्तो अध-म्मकयचित्तो । कयकुग्गहपंकजलम्मि मज्जणो अज्जुणो नाम ॥५०४॥ विण्णायसत्तत्तो दढसम्मत्तो पलीणमिच्छत्तो । जिणमुणिसेवणसत्तो सुहंकारो नाम से मित्तो ॥५०५॥ पत्ता सुहम्मगुरुणो बहुआगमसंगया कया वि तहिं । भणिओ सुहं-करेणं महरगिरा अज्जुणो एवं ॥५०६॥ भइ ! वयामो गुरुसण्णिहिं सुणिमो य आगमरहस्सं । आलस्समाइएहिं आग-मसवणं जओ दुलहं ॥५०७॥

तथाहि—आलस्समोहंऽवण्णा थंभां कोहा पमायकिंविणत्ता । भयंसोगअण्णाणा वक्खेवकुंऊहला रंमणा ॥५०८॥ एएहिं कारणेहिं लद्धूण सुदुलहं पि मणुयत्तं । न लहइ सुइं हियकरिं संसारुत्तारिणिं जीवो ॥५०९॥

यतः—अंहःसंहतिभूधरे कुलिशति क्रोधानले नीरति, स्फूर्ज्ज्जाड्यतमोभरे मिहिरति श्रेयोद्रुमे मेघति । मिथ्यात्वोग्र-भुजंगभंजनविधौ विष्णुध्वजत्यन्वहं, श्रीजैनागमशुद्धसारवचनस्याऽऽकर्णनं देहिनाम् ॥५१०॥ [ सहूलविक्रीडियं ] अह

सुदंसणा-  
चरियम्मि

॥ ९४ ॥

अज्जुणो पयंपइ नायं मे मित्त ! आगमसरूवं । धुत्तेहि कया कवा कालेण य आगमा जाया ॥५११॥ तो णाऊण अजुगं  
ति अज्जुणं पज्जुणं व चइऊण । पत्तो सुहंकारो सुहगुरुपासे सुणिय धम्मकहं ॥५१२॥ गुरुवेरगपरिगओ कुडुंबभारं ठवित्तु  
जिट्ठसुए । पवज्जं पडिवज्जिय सुगईए भायणं जाओ ॥५१३॥ आगमहीलामूलं अज्जुणओ अज्जिउं असुहकम्मं । कालक्क-  
मेण मरिउं छगलो तत्थेव उववण्णो ॥५१४॥ अण्णदिने तणएणं मुल्लेण किणिय पियरकज्जम्मि । महयादुहेण हणिओ  
कुंभारघरे खरो जाओ ॥५१५॥ सीउण्हखुप्पिवासावासाइसु तिक्खदुक्खरिंछोलिं । सो सहमाणो सययं बहुकालं दुत्थिओ  
गमइ ॥५१६॥ कइया वि गुरुभारेण पडिओ भग्गेसु सयलभंडेसु । कुविएण कुलालेणं लउडेण हओ गओ निहणं ॥५१७॥  
विट्ठाभक्खणनिरओ तो गड्ढासुयरो समुप्पण्णो । आहेडयसुणएहिं विणासिओ करहओ जाओ ॥५१८॥ गुरुभारवहण-  
खिण्णो नइदुत्तडिपडणदलियसवंगो । अइविरसमारसंतो दुस्सहपीडाइ मरिऊण ॥५१९॥ गुघरगामे जाओ गोधणवणि-  
यस्स नंदणो मूओ । अविवेयजणेहि भिसं विणडिजंतो बहुपयारं ॥५२०॥ नियजीवियनिबिण्णो पडित्तु कूवम्मि मरणमणु-  
पत्तो । नंदिग्गामे जाओ ठक्कुरगेहम्मि दाससुओ ॥५२१॥ कइया वि मज्जमतो परमप्पं तदुभयं च अमुणंतो । पुणरुत्तं  
अक्कोसइ असवभवयणेहि नियसामिं ॥५२२॥ कुविएण ठक्कुरेणं दासस्स इमस्स छिंदिया जीहा । पीडाभरविहुरंगो विर-  
संतो कण्णकडुयाइं ॥५२३॥ केवलकरुणाठाणं तं भूमियले लुढंतयं दडुं । अइसयणाणी साहू महुरगिराए इमं भणइ ॥५२४॥  
किं भइ ! कुणसि एवं खेयं अइदुसहदुहभरकंतो । जम्हा कयं तइच्चिय जं कम्मं तस्स फलमेयं ॥५२५॥

१ गर्त्ताशूकरः । २ आखेटकश्चानैः ।

रयणत्तय-  
स्सरूवप्प-  
रूवग नाम  
दसमुदेसो ।

॥ ९४ ॥

तथाहि—अज्जुणजम्मविणिज्जियआगमनिण्ढाफलेण जाओऽसि । छगलो खरो वराहो तह करहो मूयगो दासो ॥५२६॥  
 किंच—मिच्छत्तमोहमूढो भमिरो तं तत्थ तत्थ भवगहणे । छेयणभेयणपमुहं किं किं दुक्खं न पत्तोऽसि ? ॥५२७॥ इय सोउं  
 सरिय जाइं सो भत्तीए नमेइ मुणिणाहं । पच्छायावपरिगओ अप्पाणं सुवहुनिंदंतो ॥५२८॥ मरिऊण एस जाओ तुममिह नरसुं-  
 दरो महीनाहो । पुवभवब्भासाओ नाहियवायम्मि तुह रंगो ॥५२९॥ सोउमिय निवो जाइं सरिय जंपइ कहेसु गिहिधम्मं । सम्म-  
 हंसणमूलं तो एवं कहइ साहू वि ॥५३०॥ तिहुयणजणनिट्ठुरदमणपवणरागारिहणणभावेण । अरिहंतुच्चिय देवो सुरनरकिण्ण-  
 रविहियसेवो ॥५३१॥ मुखपहसाहगणाणचरणगुणधारिणो सुसाहू गुरू । केवलकरुणारम्मो धम्मो इय होइ सम्मत्तं ॥५३२॥

किंच—जीवाइनवपयत्थे जो जाणइ तस्स होइ सम्मत्तं । भावेण सहहंतो अयाणमाणे वि सम्मत्तं ॥५३३॥ अंतोमुहुत्त-  
 मित्तं पि फासियं जेहि दंसणं एयं । तेसिं अवहुपुग्गलपरियट्ठो चेव संसारो ॥५३४॥ जस्स मणगयणमग्गे फुरेइ दंसणदिणे-  
 सरो दित्तो । न कुमयजोइसचक्कं तम्मि पयासं पि पाउणइ ॥५३५॥ मिच्छत्तपबलहुयवहजलसरिसमिमं धरंति जे सम्मं ।  
 अल्लियइ पाणिकमले तेसि धुवं मुखसुखसिरी ॥५३६॥ इय सोऊण नरिंदो दंसणमूलं गहेइ गिहिधम्मं । तो गुरुणा  
 गुरुकरुणापरेण एवं समणुसिट्ठो ॥५३७॥ नरणाह ! तुडिवसेणं कह वि इमं लहिय दंसणं विमलं । सगसट्ठिभेयकलियं सया  
 वि पालिज्ज जत्तेणं ॥५३८॥

तथाहि—चउंसदहणतिंलिं गं दंसविणयति सुद्धिपंचगैयदोसं । अट्ठपभावणभूसंणलक्खेणपंचविहसंजुत्तं ॥५३९॥ छंविह-  
 जयणाऽऽगारं छब्भावनभावियं च छट्ठाणं । इय सत्तसट्ठिदंसणभेयविसुद्धं तु सम्मत्तं ॥५४०॥

सुदंसणा-  
चरियम्भि  
॥ ९५ ॥

तद्विवरणगाथा—जाणंतस्स वि आगमव्भासो गीर्यजइजणनिसेवा । वावण्णकुंदंसणवज्जणा य मम्मत्तसइहणा ॥५४१॥  
लिंगतियं सुस्सूसा सुयस्स छुहियस्स जह घयपूरिच्छा । तहणुट्ठाणे जिणंगुरुवेयावज्जमो रम्मं ॥५४२॥ जिणंसिद्धपडिमसुयं-  
धम्मसंधं गुणुउज्झसाहुसम्मत्ते । विणओऽवण्णाऽऽसायणनासो तह भत्तिबहुमाणो ॥५४३॥ मणवेयतणुसुद्धीओ दोसा  
संकां य कंखवित्तिगिच्छा । परतित्थियप्पंसंसा तेहि समं संधं वो तह य ॥५४४॥ पावयणी धम्मकही वाई नेमित्तिओ  
तवैस्सी य । विज्जा सिद्धो य कई अट्टेव पभावगा भणिया ॥५४५॥

भूषणानि—पवयणथिज्जपभावणभत्तीकोसल्लतित्थसेवा य । लक्षणानि—उवंसमसंवेगो वि य निव्वेयऽणुंकंपअत्थि-  
कं ॥५४६॥ जयणा वंदणनमणं दाणाऽणुप्पयाणभोससंभासं । परतित्थदेवयाणं न करे तग्गहियपडिमाणं ॥५४७॥ राय-  
गणवैलसुरेक्कमगुरुनिग्गहवित्ती छच्च आगारा । भावण मूलं दारं पइट्ठआहारभोणनिही ॥५४८॥ अत्थि जिओ तह  
निच्चो कंत्ता भुत्ता य पुण्णपावाणं । अत्थि सिवं तदुवाओ णाणाई इय छठाणाई ॥५४९॥ [अन्यत्र लिङ्गचतुष्टयमुच्यते]  
सवत्थ उचियकरणं गुणाणुराओ रई य जिणवयणे । अगुणेषु य मज्झत्थं मम्मदिट्ठिस्स लिंगाई ॥५५०॥ इय सत्तसट्ठि-  
दंसणभेयविसुद्धं धरंति जे मम्मं । पाउव्ववंति तेसिं सवत्तो सवसुक्खाई ॥५५१॥ जणगो जणणी अत्थो वंधू सयणो सुभि-  
च्चसंधाओ । काउं तण्ण समत्था जं मम्मत्तं दढं चिण्णं ॥५५२॥ ईसि सविसायलोयणआलोयणहिट्ठनमिरनिवचकं ।  
चक्किं पि हु सुलहं दुलहं मम्मत्तरयणं तु ॥५५३॥ चिंताणंतरसमकालसंमिलंताऽणुकूलसयलत्थं । अमरत्तं पि हु लव्वभइ

१ गीतार्थयतिजनसेवा ।

रयणत्तय-  
स्सरूवप्प-  
रूवग नाम  
दसमुद्देशो ।

॥ ९५ ॥

न दंसणं कह वि जीवेहिं ॥५५४॥ तिहुयणसरपरिसरकुमुयगब्भविब्भमफुरंतजसपसरं । वासवपयं पि पावेंति पाणिणो  
 न उण सम्मत्तं ॥५५५॥ धण्णा लहंति एयं धण्णा पालंति निरइयारमिणं । उवसग्गसंकडे वि हु धण्णा पारं नयंति इमं  
 ॥५५६॥ ता निज्जियकप्पहुमच्चिंतारयणं खुदंसणं लहिउं । तुमए सया वि इहयं निच्चलचित्तेण होयवं ॥५५७॥ इच्छामि सम-  
 णुसट्ठिं ति भणिय नमिउं च सुगुरुकमकमलं । पत्तो निवो सठाणं गुरू वि अण्णत्थ विहरित्था ॥५५८॥ राया पढेइ णाणं  
 करेइ नाणीणुवग्गहं सययं । सत्तसु खित्तेसु धणं वियरइ उद्धरइ दीणजणं ॥५५९॥ घोसावेइ अमारिं नियदेसे धरइ समु-  
 चियं सीलं । सत्तीइ तवेइ तवं भावइ सुहभावणा सुमणो ॥५६०॥ अण्णदिणे नरसुंदररणो उज्जाणपालगनरेहिं । आगंतुं  
 विण्णत्तं सस्सिप्पहाऽऽयरियआगमणं ॥५६१॥ तो तेसि पीइदाणं दाऊणं भत्तिपुलइओ राया । बहुपरिवारपरिवुडो पत्तो  
 गुरुचरणणमणत्थं ॥५६२॥ भत्तीइ णमिय उचियट्ठाणासीणे निवम्मि कहइ गुरू । मंथिज्जमाणजलनिहिउद्दामसरेण धम्म-  
 कहं ॥५६३॥ इय जरजम्मणसलिलं बहुमच्छरमच्छकच्छभाऽऽइण्णं । उल्लसिरकोववडवाहुयवहजालोलिदुप्पिच्छं ॥५६४॥  
 माणगिरिदुग्गमतं मायावल्लीवियाणअतिगुविलं । अक्खोहलोहपायालपरिगयं मोहआवत्तं ॥५६५॥ अण्णाणपवणपि-  
 ल्लियसंजोगविओगरंगिरतरंगं । जइ भवजलनिहिमेयं तरिउं इच्छेह भवियजणा ! ॥५६६॥ ता सदंसणदढगाढबंधणं सुद्ध-  
 भावगुरुफलहं । उद्धरसंवरसंरुद्धसयलच्छिदं अइअणग्गं ॥५६७॥ वेरग्गमग्गलगं दुत्तवतवपवणजणियगुरुवेगं । सण्णाण-  
 कण्णधारं सरेह चारित्तवरपोयं ॥५६८॥ इय मुणिय निवो निरवज्जचरणगहणुज्जओ भणइ सूरिं । काऊण रज्जसुत्थं पडु !  
 तुह पासे गहेमि वयं ॥५६९॥ मा पडिवंधं खणमवि काही नरणाह ! इय मुणिंदेण । वुत्तम्मि नरणाहो पमुइयहियओ गओ

सुदंसणा-  
चरियम्मि  
॥ ९६ ॥

सगिहं ॥५७०॥ नीसेसमंतिसामंतमंडलं पुच्छिऊण सच्छमई । सिरिअमरसेणकुमरं रज्जे अहिसिंचए तुट्ठो ॥५७१॥ तो नरसुंदरराया कइवयसामंतमंतिमाइजुओ । विहिणा गिण्हइ दिक्खं ससिप्पहाऽऽयरियपयमूले ॥५७२॥ जयं चरे जयं चिट्ठे जयमासे जयं सए । जयं भुंजंतो भासंतो पावकम्मं न बंधइ ॥५७३॥ इय आगमुत्तविहिणा सो कुणमाणो उ सयल-किरियाओ । गुरुबालवुड्ढसेहाइयाण कज्जे पयट्ठंतो ॥५७४॥ कमसो गुरुप्पसाया सुयपारावारपारगो जाओ । गुरुणा गुण-गणकलिउ त्ति जाणिउं नियपए ठविओ ॥५७५॥ मिच्छत्ततिमिरमंडलसंहरणपरायणो दिणमणिव । अविरइरयणिविवक्खो पडिबोहइ भवियकमलाइं ॥५७६॥ निष्फाइऊण सीसे वरसीसं नियपयम्मि ठविऊणं । अंते काउमणसणं पत्तो सव्वट्ठसिद्धम्मि ॥५७७॥ तत्तो चविय विदेहे नरजम्मं लहिय सुद्धचरणं च । नरसुंदरनिवजीवो धुयकम्मो पाविही मुक्खं ॥५७८॥ एवं मिच्छत्तफलं अण्णयवइरेगओ समक्खायं । भद्दे ! तस्स सरूवं अवसेसं संपयं सुणसु ॥५७९॥ मिच्छत्तमभवानं अणा-इअणंतयं मुणेयवं । भवानं पि अणाईसपज्जवसियं च सम्मत्ते ॥५८०॥ पंचाणुत्तरतित्थयरतुरियगुणठाणगाइ मुत्तु जिए । ववहारऽववहाराण होइ सब्बेसि मिच्छत्तं ॥५८१॥

किंच—भट्टेण चारित्ताउ सुट्ठुयरं दंसणं गहेअवं । सिज्झंति चरणरहिया दंसणरहिया न सिज्झंति ॥५८२॥ अरिहं देवो गुरुणो सुसाहुणो जिणपरूविथं तत्तं । एयं चिय सम्मत्तं विवरीयं होइ मिच्छत्तं ॥५८३॥ एवं संखेवेण सुदरिसणे ! दंसणं समक्खायं । इण्हिं चरित्तरयणं निसुणसु रयणत्तयप्पवरं ॥५८४॥ चिरसंचियकम्मचयस्स रिक्तकरणाओ होइ

१ सेह० शैक्ष-नव-दीक्षितसाधु । २ निष्पादयित्वा । ३ अन्वयव्यतिरेकतः ।

रयणत्तय-  
स्सरूवप्प-  
रूवग नाम  
दसमुद्देसो ।

॥ ९६ ॥



चारित्तं । तं अत्तणाणमइयं तं णाणं दंसणं चरणं ॥५८५॥ सामण्णेणेगविहं चरणं सावज्जजोगविरइमयं । जावज्जीवं तिविहा  
 विसेसओ तं तु पंचविहं ॥५८६॥ सामाइयं च पढमं छेओवट्ठावणं भवे बीयं । तइयं च होइ चरणं परिहारविसुद्धि-  
 नामं तु ॥५८७॥ तह सुहुमसंपरायं चउत्थयं पंचमं तु अहक्खायं । सामाइयं तत्थ दुहा इत्तरियं आवकहियं च ॥५८८॥  
 पुरिमंतिमजिणसाहूण होइ सामाइयं तु इत्तरिअं । तं सत्तदिणजहणं उक्कोसेणं तु छम्मासा ॥५८९॥ मज्झिमयाण मुणीणं  
 विदेहगाणं च आवकहियं तु । अंतमुहुत्तजहणं देसूणापुव्वकोडियरं ॥५९०॥ बीयचरित्तं दुविहं अइयारजुयं च तह  
 निरइयारं । सेहस्स निरइयारं मूलावण्णस्स सइयारं ॥५९१॥ सेहस्स पुणो सुपरिक्खियस्स कालेण आवकहियं च । पढिए  
 य कहियअहिगयपरिहरउट्ठावणा तत्तो ॥५९२॥ सइयाराण वि एवं निरईयाराण तह य केसिं पि । जह पासउसहसाहूणं  
 वीरजिणतित्थमिलियाणां ॥५९३॥ तइयं चरणं तं दुह निविसिमाणं निविट्ठकायं च । निविसिमाणं नवए गणम्मि चउरो  
 निसेवंता ॥५९४॥ चउअणुचरगा एगो कप्पट्ठिओ तेसि वायणायरिओ । परिहारसेवगतवो गिम्हे सिसिरे य वासासु ॥५९५॥  
 जहण्णो चउत्थमाई छट्ठाई मज्झिमो मुणेयवो । अट्ठममाई जिट्ठो तिविहो तिविहे वि कालम्मि ॥५९६॥ पारणए आयामं  
 पंचसु गहदोसऽभिगहो भिक्खे । कप्पट्ठिया वि पइदिणं करंति एमेव आयामं ॥५९७॥ इय अट्ठारसमासो एसो कप्पो पुणो  
 वि तं कप्पं । जिणकप्पं च पवज्जंति अहव गच्छंति नियगच्छे ॥५९८॥ पडिवज्जमाणगा पुण जिणस्स पासम्मि तं पवज्जंति ।  
 तित्थयरसमीवाऽऽसेवगस्स पासेव नऽण्णस्स ॥५९९॥ इत्तो चउत्थचरणं तं पि दुहा विसुज्झमाणयं पढमं । तं सेणिदुगाऽऽ-  
 रोहे किलिस्समाणं पवडओ उ ॥६००॥ सेसकसायउवसमे खए व दसमे गुणम्मि लोभस्स । सुहुमस्सेवोदयओ अंतमुहुत्तं

सुदंसणा-  
चरियम्मि  
॥ ९७ ॥

तु चरणमिणं ॥६०१॥ अह पंचमं चरित्तं तं पि दुहकसायउवसमखए वा । पढमं अंतमुहुत्तं बीयं पुण पुवकोडूणं ॥६०२॥  
सम्मसुयदेसविरइप्पडिवत्ती इह असंखवाराओ । अट्ठभवा चारित्ते अणंतकालं पि दवसुए ॥६०३॥ तिण्ह सहस्सपुहुत्तं सय-  
प्पुहुत्तं च होइ विरईए । एगभवे आगरिसा दुरणुचरंतेण चारित्तं ॥६०४॥ अहवऽण्णहा चरित्तं मूलगुणुत्तरगुणेहिं दुह-  
मेयं । मूले पंचमहवयराईभोयणविरमणं च ॥६०५॥ उत्तरगुणा इहं पुण पडिलेहपमज्जणाइया ब्रहवे । अहव दुहा चारित्तं  
मेएणं चरणकरणाणं ॥६०६॥ वेंयसमंणधम्मसंजंमवेयावच्चं च बंभंगुत्तीओ । णाणाइतियं तेंवकोहंनिग्गहाई चरणमेयं ॥६०७॥  
पिंडविसोही समिई भौवणपंडिमा य इंदियंनिरोहो । पंडिलेहणगुत्ती उण अभिग्गहे चेव करणं तु ॥६०८॥ अहवा दुविहं मेयं-  
समिईगुत्तीहि संगयं चरणं । इरियाइपंचसमिईउ मणमाइतिणिण गुत्तीओ ॥६०९॥ इय सव्वं पि हु चरणं समग्गसावज्ज-  
जोगमुक्काणं । समभावाण मुणीणं गिहीण पुण देसचरणमिणं ॥६१०॥ सम्मदंसणजुत्तो गिण्हंतो विरइमप्पसत्तीए । एग-  
वयाईचरिमो अणुमइमित्तु त्ति देसजुई ॥६११॥ दंसणणाणजुओ वि हु न कुणइ कम्मवखयं चरणरहिओ । णाणरुइजुओ  
विज्जुव किरियरहिओ अरोगत्तं ॥६१२॥ केवलणाणे तह खइयदंसणे निरुवमे वि विज्जंते । सिज्झइ न सव्वसंवरचरित्त-  
रहिओ जिओ कइया ॥६१३॥

किंच—सावज्जकज्जसज्जो आजम्मं णाणदंसणविहीणो । अइरा चरणेण महाबलुव सुगइं लहइ जीवो ॥६१४॥

तहाहि—इह अवरविदेहेसुं खिइपइट्टियपुराओ सत्थाहो । वाणिज्जेणं चलिओ गिम्हम्मि धणो वसंतपुरं ॥६१५॥

१ ग्रहणकर छोड देना ।

२ भचिरात्—जलदी ।

रयणत्तय-  
स्सरुवप्प-  
रुवग नाम  
दसमुद्देशो ।

॥ ९७ ॥

तेण समं संचलिया बहुसीसा धम्मघोसआयरिआ । वरिसारत्ते पत्ते सत्थेण समं ठिआ रण्णे ॥६१६॥ सत्थियजणाण तुडे संबलए ते तओ वणरिसिब । जाया कंदाऽऽहारा गिण्हंति न ताइं तहवि मुणी ॥६१७॥ अह अण्णया धणेणं विचित्थियं इत्थ दुक्खिओ को पु ? । नायं मुणिणो दुहिया निरवज्जाऽऽहारभोइ ति ॥६१८॥ तो तत्थ पंए गंतुं ते णमिय निमंतिउं गिहे नेउं । पडिलाभिया घएणं तेण विसुद्धेण भावेण ॥६१९॥ कालेण मओ उत्तरकुरासु मिहुणत्तणेण सो होउं । सोहम्मे उव-  
वण्णो पलियाऽऽउसुरो महिद्धीओ ॥६२०॥ कालेण तओ चविउं अवरविदेहेसु इत्थ दीवम्मि । वक्खवारगंधमायणण-  
गस्स आसण्णवत्तिम्मि ॥६२१॥ विजयम्मि गंधिलावइणामम्मि सिरीइ सग्गसरिसम्मि । वेयट्ठपव्वयवरेतियसाण वि कील-  
णट्ठाणे ॥६२२॥ गंधारजणवयम्मि रिद्धीसमिद्धं धराइ तिलयं व । गंधसमिद्धं नयरं समत्थि नयरंजियज्जोहं ॥६२३॥  
सयबलरण्णो पुत्तो अइबलनामु ति अत्थि तत्थ निवो । सो मिहुणसुरो जाओ महाबलो नाम तस्स सुओ ॥६२४॥ पिय-  
रम्मि उवरए सो संजाओ नरवई पगिट्ठबलो । सेविज्जंतो खयरेसरेहिं पालइ चिरं रज्जं ॥६२५॥ पंचविहविसयसुक्खं माणइ  
नियमाणसस्स इच्छाए । इंदियवसगो भक्खाऽभक्खाइ न किंचि चिंतंतो ॥६२६॥ पंचविहपमायपरो परिग्गहाऽऽरंभ-  
लालसो धणियं । कज्जमकज्जेसु सया वट्ठइ सावज्जकज्जेसु ॥६२७॥ न पढइ नाणं न धरेइ दंसणं न मुणेइ चारित्तं । विस-  
यकसायपरवसो न कुणइ धम्मस्स वत्ता वि ॥६२८॥ तस्स य बालवयंसो अत्थि सयंबुद्धणामओ मंती । जिणवयणभावि-  
यमई सया वि हियकारओ रण्णो ॥६२९॥ अण्णो वि अत्थि मंती संभिण्णस्सोअणामओ सो उ । सयकालपुच्छणिज्जो

सुदंसणा-  
चरियम्मि

॥ ९८ ॥

सबेसु वि रज्जकज्जेसु ॥६३०॥ अह अण्णदिणे राया जा चिट्ठइ दिव्वणाडयमउवं । पिकखंतोऽण्णमणो अत्थाणगओ सपरि-  
वारो ॥६३१॥ ता सहसा आगंतुं कत्तो वि अतक्किओ खगिंदुव्व । विण्णवइ सयंबुद्धो कयंजली नरवइं एवं ॥६३२॥ सबं  
विलविअं गीअं सबं णट्ठं विडंबणा । सबे आभरणा भारा सबे कामा दुहावहा ॥६३३॥ [अणुदुभं] एवं च ठिए सामिय !  
गुरुगुणवररयणरोहणगिरिंद ! । एगग्गमणो तुरियं परलोगहिंए मणं दिज्ज ॥६३४॥ इय सोउं छुण्णमणो महाबलो पबल-  
मण्णुभरभरिओ । जंपइ तं पइ कुविओ अइपिम्मपरो वि वयणमिणं ॥६३५॥ मित्त ! किमेवं जंपसि अवितहवयणो पियं-  
वओ वि तुमं । सबसो वि किमुय महं अयाणत्तं अप्पियं वुत्तुं ? ॥६३६॥ सुइअमयसमं गेयं णयणाण महूसवं च पुण नट्ठं ।  
आभरणा तणुभूसा सबत्थ सुहंकरा कामा ॥६३७॥ तो भणइ नाऽहं अलिअं जंपेमि अप्पियं च धुवं । एयं पि अवितह-  
पियं जह होइ तहा सुणसु सामि ! ॥६३८॥ जह का वि पवसियपिया सुमरंती पियगुणे उभयसंझं । विरहाऽनलसंतत्ता  
करुणसरं गायइ वराई ॥६३९॥ तं सविवेयजियाणं निवडइ किं नहु विलावपक्खम्मि ? । इय सबं पि हु गेयं जं गीयं रुदियं-  
जोणि त्ति ॥६४०॥ जह को वि हु गहगहिओ विसंठुलो नच्चमाणओ भमइ । तह विउसाण मणम्मि विडंबणा सबमवि नट्ठं  
॥६४१॥ जह भूसणभंतीए वहंति मूढा गलट्ठियं उवलं । तह सबे आभरणा परमत्थेणं तु भारकरा ॥६४२॥ जह किंपागस्स  
फलं मुहमहुरं दारुणं पुण विवागे । तह सबे वि हु कामा सबत्थ दुहावहा जम्हा ॥६४३॥ सल्लं कामा विसं कामा कामा  
आसीविसोपमा । कामे पत्थेमाणा अकामा जंति दुग्गइं ॥६४४॥ सुहअसुहविसयपणगम्मि रच्चमाणो विरच्चमाणो य । जीवो

१ रुदनस्थानमिति ।

रयणत्तय-  
स्सरूवप्प-  
रूवग नाम  
दसमुद्देशो ।

॥ ९८ ॥

पावइ दुक्खं विओगसंजोगजमणंतं ॥६४५॥ ता पहु ! परमत्थेणं दुहरूवं दुक्खहेउं विसयसुहं । मुत्तुं परलोगहिए धम्मे च्चिय  
 उज्जमं कुणसु ॥६४६॥ पुणरवि भणइ नरिंदो वयंस ! मम इच्चिरं हिएसी वि । संपइ केण निमित्तेण मज्झ च्चिट्ठसु तुमं  
 अहिए ॥६४७॥ निस्संसयमुवलद्धे जं मुंचावसि समं इमे भोए । णूणमणागयसंदिद्धलाभभोगाण कज्जेण ॥६४८॥ इत्थंरम्मि  
 लद्धावसरो छंदाणुवत्तओ पहुणो । संभिण्णसोअमंती वयणमिणं भणइ सवणसुहं ॥६४९॥ देव ! इमो खलु मंती मोया-  
 वितो तुमेहि दिट्ठसुहं । अदिट्ठसुहासाए जंबुक इव सोइही सुइरं ॥६५०॥ अह भणइ सयंबुद्धो साहसु संभिण्णसोअ !  
 को णु इमो ? । सो जंपइ एगाए दरीइ निवसइ सियालजुवा ॥६५१॥ सो लहिय मंसपेसिं कत्तो वि मुहेण तं च घित्तूणं ।  
 जा भमइ नईतीरे ता पिच्छइ निग्गयं मच्छं ॥६५२॥ चिंतइ मह भक्खमिमो सुइरं होहि त्ति मुत्तु तं मंसं । जाव सियालो  
 धावइ नइमज्झे ता गओ मीणो ॥६५३॥ ता जंबुओ नियत्तिय घित्तुमणो तं पहाविओ मंसं । जा ताव तयं घित्तूणं सव-  
 ल्लिया उड्डिया गयणे ॥६५४॥ तत्तो दुण्ह वि चुक्को अह सोअइ जंबुओ चिरं एसो । भइ ! सयंबुद्ध ! तुमं सोइहिसि तहा  
 इय कुणंतो ॥६५५॥ अह भणइ सयंबुद्धो संभिण्णस्सोअ ! तुह इमं वयणं । को मण्णिज्ज संयण्णो पणंगणाणं व चाडु-  
 गिरं ॥६५६॥ धणसयणगिहाईणं अणिच्चयं जाणिऊण सुविवेया । पवज्जं पडिवण्णा धीरा भोगे परिच्चइउं ॥६५७॥ पुण-  
 रवि भणइ कुद्धो संभिण्णस्सोअणामओ मंती । तं सि सयंबुद्ध ! जडो असमयपत्तं उवइसंतो ॥६५८॥ जाणइ सबो वि  
 जणो होही मरणं ति तो मसाणम्मि । पढमं चिय गंतूणं किं पेयघरम्मि सोयवं ? ॥६५९॥ जह सुयइ उहुपाया टिट्ठिभिया

१ सकर्णः—विद्वान् ।

सुदंशणा-  
चरियम्मि

॥ ९९ ॥

गगणपडणसंकाए । तह अइपयत्तकारी तुमं पि इय विप्पयारंतो ॥६६०॥ ता भो ! बुद्धजणाणं कमेण पज्जंतसमयपत्ताणं । सोहइ सुद्धमणाणं परलोगहियं पि कज्जं तं ॥६६१॥ तो भणइ सयंबुद्धो करुणारससायरो पुणवि एवं । संभिण्णसोअ ! निमुणसु धीनिहि ! सुद्धुत्तणं मुत्तुं ॥६६२॥ जुज्झम्मि संपलगे पहरणनियरेसु निवयमाणेसु । जह सुद्धु वउत्तेहि वि नहु दमि-  
ज्जंति गयतुरया ॥६६३॥ तह वा गिहे पलित्ते गिहसवस्सम्मि डज्झमानम्मि । खणिउं महंतकूवं नहु सक्का सुनिउणेहिं पि ॥६६४॥ अहवा वि नगररोहे विहिज्जमाणम्मि परबले पत्ते । न च इज्जइ चउरेहि वि कणिंधणाईहि तं भरिउं ॥६६५॥ जइ पुण इमाणि पुर्विं सुदीहदंसीहि हुंति विहियाणि । तो ताइं तम्मि काले सकज्जजणगाइं जायंति ॥६६६॥ तह परलो-  
यस्स कए अणागयं जो न उज्जमइ जीवो । धणधण्णसयणगिहदेहमोहे वा मोहिओ अहियं ॥६६७॥ पाणेसु उक्कमंतेसु मिज्जमाणेसु मम्मठाणेसुं । सिढिलेसु बंधणेसु य देहे संजायमाणेसु ॥६६८॥ आउम्मि तुट्टमाणे पियमित्तकलत्तपुत्तवित्तोहे । पाणप्पिए वि विहिणा बला वि चाइज्जमाणम्मि ॥६६९॥ अच्छिण्णविसयवंच्छो मणोरहे नवनवे पकुबंतो । एयारिसम्मि जाए हल्लोहलियम्मि अइविसमे ॥६७०॥ सो किह परलोयहियं काहिइ बहुदुक्खसोयसंतत्तो । मरणसमुग्घायगओ विस्सरियसमत्तक-  
त्तवो ॥६७१॥ तम्मि समयम्मि न खमो दाणं दाउं तवं पि तह तविउं । सीलं च समायरिउं भावेउं भावणाउ तहा ॥६७२॥ अण्णं पि धम्मकज्जं मणवयणकायाण हीणवावारो । कह सो कुणउ वराओ परलोगहियं मणागं पि ? ॥६७३॥ अण्णं च विसय-  
गिद्धा जीवा संसारसायरे घोरे । बुद्धुंति करिकलेवरगिद्धा जलहिम्मि कायव ॥६७४॥ किर कोइ करी बुद्धो समुत्तरंतो नईइ

१ शीघ्रे । २ काका इव ।

रयणत्तय-  
स्सरूवप्प-  
रूवग नाम  
दसमुद्देशो ।

॥ ९९ ॥

गिम्हम्मि । पडिओ विसमपएसे न तीरण उट्ठितं तत्तो ॥६७५॥ तत्थेव ठिओ स मओ तस्स य विगजं बुगाइजीवेहिं । खइए  
 अवाणदेसे छिहं जायं कह वि एगं ॥६७६॥ पविसित्तु तेण काया आमिसगिद्धा ठिया तहिं चेव । सुके अवाणदेसे आयव-  
 वत्तम्मि ते तुट्ठा ॥६७७॥ पत्ते वरिसारत्ते बुट्ठे नवजलहरम्मि करिकायं । नइपूरेण तरंतं कमेण पत्तं समुद्दम्मि ॥६७८॥  
 भिण्णे अवाणदेसे सयमवि छिद्दम्मि विहसिए तम्मि । ते तेण पहेण लहुं नीहरिया वायसा तत्तो ॥६७९॥ उट्ठित्तु तओ-  
 गंतुं दिसासु सबासु पारमलहंता । तत्तो पडिया गंतुं चिट्ठंति पुणो पुणो तत्थ ॥६८०॥ अह करिकाए मगराइएहिं नीए  
 अगाहनीरम्मि । ते निग्गइया काया बुट्ठा सबे वि तत्थेव ॥६८१॥ इत्थोवणयं निसुणसु काया संसारिणो जिया नेया । जह  
 करिकायपवेसो तेसिं तह मणुयभवजम्मो ॥६८२॥ जह तस्स संसभोगो तह मूढजियाण विसयसंपत्ती । जह तम्मगगनिरोहो  
 तह तत्थ जियाण पडिबंधो ॥६८३॥ जह पाउसजलखोहो जाणसु जीवाण तह मरणकालो । जह निग्गमो दिंयाणं परलोय-  
 गमो तह जियाणं ॥६८४॥ जह ते काया बुट्ठा अत्ताणा असरणा जलहिमज्झे । जीवा वि भवसमुदे बुडुंति तहा अकय-  
 सुकया ॥६८५॥ जो पुण विउसो धीरो तुच्छमसारं ति मुत्तु विसयसुहं । तवसंजमेसु उज्जमइ सो न सोअइ मरणसमए  
 ॥६८६॥ जो उ विसएसु गिद्धो उविकखए मरणसमयमविसंको । सो दुहिओ च्चिय होइ अगहियपाहेयपहिउव ॥६८७॥  
 ता मा तुमं पि तुच्छं इच्छंतो जंबुगुव सुक्खलवं । बहुदीहकालियाओ सुहाओ चुक्किहिसि सुणसु तहा ॥६८८॥ एगाए अड-  
 वीए बहुमज्झट्ठियम्मि वणनिगुंजम्मि । धणुवाणपरसुपाणी भममाणो वणयरो एगो ॥६८९॥ दट्ठूण तत्थ हत्थिं वयंत्थम-

१ द्विकानाम्-काकानाम् । २ तरुणम् ।

सुदंशणा-  
चरियम्मि

॥ १०० ॥

विहंथमाणसो सिग्घं । चडिऊण विसमटंके<sup>१</sup> कोदंडं कुणइ सजीवं ॥६९०॥ एगेण सरेण तओ विद्धो मम्मम्मि वणयरेण करी । पडिओ धराइ सहसा गिरिस्स तुट्टित्तु खंडं व ॥६९१॥ अज्जवि इमं सजीवं नाऊणं दंतमुत्तियाण कए । मुत्तूण धणुं परसुं घित्तुं जा हत्थिमल्लीणो ॥६९२॥ ता हत्थिपडणपल्लियभुयंगमेण झडत्ति सो दट्ठो । जाव मओ ताव तहिं समा- गओ जंबुओ एगो ॥६९३॥ मंसरसलोलयाए दुयं दुयं एइ सो तहिं पढमं । भीरुत्तणेण एए जीवंति नव त्ति ओसरइ ॥६९४॥ एवं दो तिण्ण वाराहिं निच्छिउं सो इमे विवण्णत्ति । लोहाभिभूयचित्तो चिंतइ चित्तम्मि संतुट्ठो ॥६९५॥ जाव- जीवं एए मम भक्खं सप्पमणुयगयदेहा । होहिंति संपइ पुणो धणुवंधे ताव खाइस्सं ॥६९६॥ इय परिचिंतिय मूढो धणुगुणकोडीइ खाइउं लग्गो । तालुपएसे विद्धो जीवाइ झडत्ति तुट्ठाए ॥६९७॥ अट्ठवसट्ठो जीवो अण्णाणंधो विचिंतए अण्णं । पुवकयकम्मजणियं हयविहिणो विलसियं अण्णं ॥६९८॥

भणियं च—अण्णं गयस्स हियए अण्णं वाहस्स संधियसरस्स । अण्णं कुल्हंयहियए अण्णं हियए कयंतस्स ॥६९९॥ सो जंबुओ निबुद्धी लुद्धो एमेव निहणमणुपत्तो । थोवस्स कए चुक्को ताण पभूयाण भक्खाणं ॥७००॥ जीवो वि अइमु- रुक्खो कंखंतो विसयसुक्खमप्पतरं । हारइ परलोयसुहं सुवहुं जह जंबुगो एसो ॥७०१॥ जं पुण जंपह सामिय ! पर- लोगो वि हु समत्थि संदिद्धो । तत्थ वि निसुणह सम्मं जं दिट्ठं अप्पणा चेव ॥७०२॥ तुब्भे अहं च सामिय ! कुमारभावम्मि दो वि उप्पइउं । नंदणवणम्मि पत्ता देवुज्जाणम्मि रमणत्थं ॥७०३॥ तत्थ य अम्हेहिं तया दिट्ठो देवो महड्ढिओ एगो ।

१ अव्याकुलचित्तः । २ टंक० एकदिशामें छिन्नपर्वत । ३ पल्लिअ० आक्रान्त । ४ कुल्ह० झगाल ।

रयणत्तय-  
स्सरूवप्प-  
रूवग नाम  
दसमुद्देसो ।

॥ १०० ॥



तं ददुं ओसरिया अम्हे वेगेण भयभीया ॥७०४॥ सो देवो ताव लहुं दिवाइ गईइ सोममुत्तीए । ठाऊण अम्ह पुरओ एवं सो पभणिउं वयणं ॥७०५॥ वच्छ ! महाबल तुज्झ पियामहो सयबलु त्ति नामाऽहं । अणुचिण्णचारुचरणो लंतयकप्पा-  
हिवो जाओ ॥७०६॥ तं तुब्भे वि हु पुत्ता ! संजमनियमुज्जमं करिज्जासु । जिणवयणेणऽप्पाणं भाविज्जह अमयभूएण ॥७०७॥  
सद्धाबंधुरहियया पईसमयवट्ठमाणपरिणामा । मुत्तुं संसारसुहं सुगई तुब्भे वि जं लहह ॥७०८॥ इय वुत्तुं उप्पइउं तमाल-  
दलसामलम्मि गयणयले । दसदिसिउज्जोयंतो पत्तो तियसो सठाणम्मि ॥७०९॥ दिदुं सुयमणुभूयं ता जइ सुमरेह सामि !  
तं तुब्भे । ता परलोगो अत्थि त्ति निच्छयं किं न सहहह ? ॥७१०॥ रण्णा भणियं एयं भइ ! सयंबुद्धमंति ! सुमरामि । पर-  
लोगो अत्थि धुवं ति संपयं सहहामि तहा ॥७११॥ तो परितुट्ठमणेणं पुणरवि सयंबुद्धमंतिणा एवं । पत्थावजाणएणं भणियं  
लद्धावकासेणं ॥७१२॥ सामि ! निसुणेसु सम्मं नियपुव्वयसंगयं विवेयकरं । निसुयं परंपरेणं धम्माऽधम्मफलं पयडं ॥७१३॥

तथाहि—कुरुचंदो नाम निवो इह नयरे तुम्ह पुव्वजो आसि । पबलप्पयावकलिओ पिया य से कुरुमई देवी ॥७१४॥  
अम्मापिऊण भत्तो हरिचंदो नाम ताण वरपुत्तो । सो राया नाहियवायसमयसारे अहिगयट्ठो ॥७१५॥ भणइ य न अत्थि  
जीवो पुण्णं पावं च तह य परलोगो । पच्चक्खअविसयत्ता सबस्स वि खरविसाणं व ॥७१६॥ जं चऽत्थि तं पच्चक्ख-  
गोयराईयमिह जहा लोए । भूयचउक्कं बहुलोयसम्मयं इंदियगिज्जं ॥७१७॥ चेयण्णमिणं जं तं न जीवधम्मो त्ति तं तु  
भूयाणं । समुदायसंभवं चिय मज्जंगाणं व मयसत्ती ॥७१८॥ ता पच्चक्खअविसया जीवो इच्चाइ नत्थि इह णूणं । पच्चक्ख-  
पुव्वगस्स उ अणुमाणस्स वि अविसयत्ता ॥७१९॥

सुदंसणा-  
चरियम्मि

॥ १०१ ॥

किंच—सुकयफलं सुरलोओ पावफलं तह य नत्थि नरयगई । जीवाऽभावाउ च्चिय न य कत्तिन्नं न भोइत्तं ॥७२०॥  
इंदियसमागमो जो तं जीवं कप्पयंति मूढजणा । मरणं च भूयसंहइविगमो जो तं भणंति पुणो ॥७२१॥ तिलसो वि हु  
छिज्जंते पिकखज्जइ केवलं तणुच्छेओ । कत्थइ न अत्थि हिंसा हिंसगहिंसिज्जविरहाओ ॥७२२॥ नत्थित्थ तहा लोए सवा  
वि हु वंचणाइया किरिया । मूढमइकप्पियाओ वंचगवंचिज्जगयभावा ॥७२३॥ जीवम्मि विज्जमाणे सवाणि इमाणि संगय-  
मुर्विति । तदसइ उवहासकराणि सीमकरणं व गामविणा ॥७२४॥ ता इत्थ तवो नियदेहजायणा संजमो य जो कोइ ।  
भोगाण वंचना सा सवा वि निरत्थिया किरिया ॥७२५॥ ता भो लोया ! मइमंतसेहरा ! अप्पणो य हियकामा । मुत्तुं कुग्गह-  
मेयं किरियावाइत्तणसरूवं ॥७२६॥ मिट्ठं भुंजह इट्ठं च पियह अण्णं पि कुणह सिच्छाए । भक्खाऽभक्खाइविहिं मुत्तुं  
जललवचले लोए ॥७२७॥ एवं सो कुरुचंदो अप्पं च परं च तदुभयं च भया । सावज्जकज्जसज्जो वुग्गाहंतो कुणइ रज्जं  
॥७२८॥ महमोहमोहियमई बहुजीवाणं वहे पयट्ठंतो । चिट्ठइ पाविक्करुई खुरइव एगंतधारो सो ॥७२९॥ तह चेव य निक्क-  
रुणो खरकरनियरेण करणवसवत्ती । संतावइ धरणियलं खरकिरणो गिम्हसमइव ॥७३०॥ अह पत्ते पज्जंते असायवेयणी-  
यकम्मबहुलत्ता । पंच वि इंदियविसया विवरीया तस्स संजाया ॥७३१॥ गीयं सुइमहुरं पि हु चिंतइ खरकरहकायसर-  
सरिसं । रूवं च सुंदरं पि हु पिच्छइ विकरालबीभत्थं ॥७३२॥ कप्पूराऽगुरुगंधं पि गणइ अच्चंतपूइदुग्गंधं । खंडमहुसक्क-  
राइ वि मण्णइ लिंवाउ कडुययरं ॥७३३॥ पट्टउलहंसतूलं कंटगसेज्जं व जाणइ हयासो । गोसीसचंदणरसं मुम्मुरफरिसं व  
वेणइ ॥७३४॥ एवं पडिकूलेहिं वाहिज्जंतो स इंदियत्थेहिं । महिसुव आरडंतो चिट्ठइ रत्तिं पि दियहं पि ॥७३५॥ उच्छलइ

रयणत्तय-  
स्सरूवप्प-  
रूवग नाम  
दसमुद्देसो।

॥ १०१ ॥

लुढइ धरणीयलम्मि आहणइ निययअंगाई । पासट्टियाण पालगजणाण संजणइ भयमतुलं ॥७३६॥ अह सा कुरुमइदेवी  
 हरियंदकुमारसंजुया कह वि । लज्जंती पच्छण्णं पडियरइ तयं सुदीणमणा ॥७३७॥ एवं सो कुरुचंदो बहुपावो परमदुक्ख-  
 अभिभूओ । निरयपडिरूववियणं वेयंतो मरणमणुपत्तो ॥७३८॥ तो हरिचंदकुमारो पिउणो काऊण देहसक्कारं । बहुजण-  
 उवरोहेणं उवविट्ठो कह वि रज्जम्मि ॥७३९॥ पिउमरणं सुमरंतो चिंतइ खलु अत्थि पुण्णपावफलं । ता दिट्ठपच्चओ हं न  
 करिस्सं एरिसं पावं ॥७४०॥ तो गंधसमिद्धपुरं पालइ गंधारजणवयसमगं । णायपरो जत्तेणं मालागारूव आरामं ॥७४१॥  
 अह हरिचंदनिवेणं भणिओ एगो य खत्तियकुमारो । पयईइ धम्मसुद्धो सुबट्ठिणामा नियवयंसो ॥७४२॥ सुणसि तुमं  
 जत्थ जया वयणं सद्धम्मसंगयं किंचि । तं तं मह साहिज्जसु एसुच्चिय तुज्झ वावारो ॥७४३॥ आमं ति सो पवुत्तुं जं  
 सुणइ कहिंचि धम्मसंबद्धं । तं तं साहइ रण्णो सो वि हु सहहइ तं सबं ॥७४४॥ अण्णदिणे पुरबाहिं देवुज्जोयं च देवम-  
 हिमं च । दट्ठुं हरिचंदनिवो पुच्छइ भो मंति ! किमिमं ति ॥७४५॥ सो जंपइ तं नाउं मुणिणो एगस्स केवलं णाणं । उप्पण्णं  
 तो तियसा केवलमहिमं इय कुणंति ॥७४६॥ तत्तो हरिचंदनिवो पमुइयचित्तो सुबुद्धिसंजुत्तो । वंदणवडियाइ गओ केवल-  
 नाणिस्स पासम्मि ॥७४७॥ भत्तीइ तयं णमिउं उवविट्ठो समुचियम्मि ठाणम्मि । अह धम्मदेसणं कुणइ केवली तीइ परि-  
 साए ॥७४८॥ भो भवा ! एस जिओ अणाइनिहणो अणाइकम्मजुओ । बहुदुहदवसंतत्तो भमइ चिरं चउगइभवोहे ॥७४९॥  
 णाणाइतियं लहियं कहमवि आराहिउं च तं सम्मं । काऊणं कम्मखयं अक्खयसुक्खं लहइ मुक्खं ॥७५०॥ इत्थंतरम्मि  
 राया अवगयतत्तो णमिच्चु पुणवि गुरुं । सद्धासंवैगपरो विण्णवइ कयंजली एवं ॥७५१॥ परलोगो अत्थि धुवं ति ताव एयं

सुदंसणा-  
चरियम्भि

॥ १०२ ॥

मए परिणायं । देवाण दरिसणाओ संपइ तह धम्मसवणाओ ॥७५२॥ मज्झ पिआ पुण मरिउं तारिससीलो कहिं गओ भयवं ! ? । पसिऊण साहसु तहा नाहियवायस्स पडिवायं ॥७५३॥ भणइ गुरू तुज्झ पिआ कंदंतो किण्हलेसपरिणामो । रुद्धज्झाणोवगओ सत्तमनरए गओ मरिउं ॥७५४॥ निसुणसु पुणो इयाणिं नाहियवायस्स जुत्तिवियलस्स । मिच्छत्तमूल-  
कंदस्स उत्तरं जुत्तिसंजुत्तं ॥७५५॥ जीवो अत्थि अवस्सं नियलक्खणवंतंसेसभावव । चेयणलक्खणवंतो पच्चक्खो नाणदि-  
ट्ठीणं ॥७५६॥ दंसणणाणसरूवो सेसाण पुणो अमुत्तिमंतो वि । साणुभवपमिइगम्मो अणुमाणपमाणगम्मो य ॥७५७॥ अह-  
मिइ पच्चयगम्मो सुही दुही एवमाइभावेहिं । साणुभववेइएहिं पच्चक्खो सबजीवाणं ॥७५८॥ निसुयं दिट्ठं घायं भुत्तं पुट्ठं  
च सुमरियं च मए । एवंविहभावेसु वि णाया दिट्ठो जिओ चेव ॥७५९॥ न य इत्थ जाणगाइं सवणाईणि न ताइं जाणंति ।  
संताणि वि जियविगमे जीवाऽणुवओगकाले य ॥७६०॥ न य धम्मो भूयाणं चेयणं किंतु जीवधम्मो तं । जमचेयणाणि  
ताइं तस्समुदाए वि तं न जओ ॥७६१॥ जं सबहा न वीसुं न होइ तं समुदाए वि जं तिलं । वीसुमसंतं सिकयाकणेसु  
तस्समुदाए वि न तं ॥७६२॥ एवं अणुभवसिद्धो जीवो जाणिज्जए सए देहे । परदेहे विऽणुमिज्जइ समसुहदुक्खाइनाणाओ  
॥७६३॥ किंच इमं वइचित्तं जयस्स जह के वि सुत्थिया इहयं । सुकुलीणा रायाणो महत्तमा सिद्धिसत्थाहा ॥७६४॥  
सेणावइणो पहुणो सुविणीया ईसरा सुरूवा य । सुहगा धीरा सुसरा वियक्खणा तह सुहायारा ॥७६५॥ अण्णे उण विव-  
रीया दीसंति जिया सुदुक्खसंतत्ता । काणा अंधा बहिरा मूया पंगू कुरूवा य ॥७६६॥ दासा पेसा दमगा दरिदिणो दुब्भगा

१ वंत० वान्त । २ पृथक् ।

रयणत्तय-  
स्सरूवप्प-  
रूवग नाम  
दसमुद्देशो ।

॥ १०२ ॥

खला नीया । मुख्वा कूरा कुट्टी के वि हु विरहाइदुहविहुरा ॥७६७॥ एवं सुहदुक्खमयं तरतमजोगेणऽणंतमेयमयं । जीवाणं वइचित्तं अणिमित्तं होइ नहु कइया ॥७६८॥ न य कारणं विणा पुण कत्थ य खलु होइ कज्जनिप्फत्ती । जह अंकुरुगमो इह न य भूमिजलं विणा होइ ॥७६९॥ न य तं इहलोयकयं सित्तेसु जहा तरूण मूलेसु । दीसइ दलाइ उवरिं परलोए फलइ तह कम्मं ॥७७०॥ जं च निमित्तं तं पुवभवकयं सुकयदुक्कयं कम्मं । तं खलु जीवेण कयं कत्तुरभावे कुओ कम्मं ? ॥७७१॥ जीवदयाए पुण्णं पावं पुण होइ जीवघाएण । जारिसयं वाविज्जइ लुणिज्जए तारिसं चेव ॥७७२॥ ता अत्थि जिओऽवस्सं पुण्णं पावं च तह य परलोओ । तवसंजमाइकिरिया न कया वि निरत्थया तह य ॥७७३॥ किंच हरिचंदन-रवर ! असेसकम्मक्खयस्सरूवो उ । मुखो वि अत्थि सो पुण विसिट्ठतवसंजमप्पभवो ॥७७४॥

अण्णं च—जीवो य अपुगगलिओ कम्मसरीराइपुगगलजुओ उ । तणुवावीवेयणं व संमिलिओ खीरनीरं व ॥७७५॥ सस-रीरी तणुमित्तो लोगाऽसंखंसउव इलियगई । केवलियसमुग्घाए अहवा लोगप्पमाणो सो ॥७७६॥ असरीरी पुण जीवो चरि-मभवतिभागमित्तत्थित्तिमिओ । लोयग्गे अक्किरिओ निच्चो चउणंतसंजुत्तो ॥७७७॥ संसारी कुणइ सुहं असुहं च कसाय-जोगमाईहिं । मिउदंडचक्कचीवरसामग्गीवसा कुलालव ॥७७८॥ भुंजइ सयं चिय कयं नासो पुण नत्थि सकयकम्मस्स । अकयस्स नत्थि भोगो अण्णह मुखे वि सो हुज्जा ॥७७९॥ निच्चाऽनिच्चसरूवा भावा सवे वि ताव तियलोए । उप्पायविगम-ठिइधम्मसंगया ते पुणो एवं ॥७८०॥ कुंडलविगमो मउडुप्पाओ कणगं अवट्ठियं च जहा । तह सवे वि पयत्था जीवो नेओ पुणो एवं ॥७८१॥ पुवभवपज्जणं विगमो इहभवगएण उप्पत्ती । जीवद्वेण ठिई निच्चाऽनिच्चत्तमेवं तु ॥७८२॥

सुदंशणा-  
चरियम्मि

॥ १०३ ॥

दवट्टयाइ निच्चं सवमणिच्चं तु पज्जवट्टाए । आविब्भावतिरोभावदवभावेण वट्टंतं ॥७८३॥ इगजीवस्स पएसा महंततणुणो य  
अप्पतणुणो य । अस्संखिज्जा लोगप्पएसतुल्ला मुणेयवा ॥७८४॥ संकोयविकोएहिं पईवकंतिव मल्लगिहेसु । हत्थिस्स कुंथुस्स  
व पएससंखा समा चेव ॥७८५॥ असरीरिजीवदवाणि सब्बया हुंतिऽणंतणंताणि । तेसिं पि अणंतगुणा ससरीरा इगनि-  
गोए वि ॥७८६॥ तह सपरपज्जएहिं सब्बे भावा अणंतधम्माणो । नेयत्तमुत्तऽमुत्तयवण्णाऽवण्णत्तमाईहिं ॥७८७॥ जीवाण  
दुक्खकरणं मारणबुद्धीइ जो पहारो य । सा हिंसा मरणं पुण जियगयपाणाण जो भेओ ॥७८८॥ एवं संखेवेणं जीवसरूवं  
मए समक्खायं । वित्थरओ उ ण तीरइ कहिउं बहुणा वि कालेण ॥७८९॥ इय सब्बहा अजुत्तं अकिरियवायं विमुत्तु नर-  
णाह ! । जुज्जइ तुह सक्किरियं काउं सुविवेयजुत्तस्स ॥७९०॥ इय केवलिणा कहियं हरियंदनिवो मुणित्तु नियपिउणो ।  
दारुणदुग्गइगमणं नाहियवायस्स तह य फलं ॥७९१॥ संसारविरत्तमणो गुरुपयकमलं पुणो वि पणमित्ता । निययगिहे  
गंतूणं रज्जम्मि निवेसए पुत्तं ॥७९२॥ भणइ सुबुद्धिसमुहं संपइ संजममहं गहिस्सामि । तं पुण धम्मवएसं दिज्जा पच्छा  
मह सुयस्स ॥७९३॥ भणइ इमो जइ सामिय ! तुब्बेहि समं गहेमि नो दिक्खं । केवलिकहिओ धम्मो रम्मो न सुओ मए  
नाह ! ॥७९४॥ ता तुब्बेहि समं चिय संजमरज्जं अहं पि गिण्हिस्सं । धम्मोवएसदाणं काहिइ पुण नंदणो मज्झ ॥७९५॥  
तो ते दुण्णि वि तुरियं पलित्तगेहं व मुत्तु गिहवासं । केवलिपासे गंतुं पवइया गरुयसंवेगा ॥७९६॥ गुरुपयसेवानिरया चिर-  
कालं पालिऊण चारित्तं । निट्टवियअट्टकम्मा ठाणं अपुणागमं पत्ता ॥७९७॥ अण्णं च तुम्ह वंसे जाओ दंडो निवो अइ-  
पयंडो । तस्स य सुओ पयावी मणिमाली अंसुमालिब ॥७९८॥ पुत्तकलत्तधणाइसु मुच्छावंतो अईव दंडनिवो । कालेण

रयणत्तय-  
स्सरूवप्प-  
रूवग नाम  
दसमुद्देसो ।

॥ १०३ ॥

मओ नियसिरिघरम्मि सो अयगरो जाओ ॥७९९॥ तत्थ य जो जो पविसइ तं तं सो अयगरो गसइ कूरो । मणिमाली पविसंतो अहऽणया तेण सो दिट्ठो ॥८००॥ तहंसणेण संजायजाइसरणो इमो तओ तस्स । दंसइ पसंतमुत्तित्तिणाइणा पुव-  
भवपिम्मं ॥८०१॥ मणिमाली तं दट्ठुं चउरमई चिंतए इमं चित्ते । अम्हाणं कोइ एसो भुअंगमो पुवभवबंधू ॥८०२॥ अइ-  
सयमुणिणो पासे वुत्तंते पुच्छिए तओ नाए । मणिमालिणा पयत्तेण साहिओ तस्स जिणधम्मो ॥८०३॥ तो सो अणसण-  
विहिणा मरिउं सग्गे सुरो समुप्पण्णो । तेणाऽऽगंतुं मणिमालियस्स दिण्णो वरो हारो ॥८०४॥ तत्तो परंपरेणं देव ! महा-  
बलनरिंद ! वरहारो । सो एस तुम्ह हियए दीसइ दसदिसिकउज्जोओ ॥८०५॥ इय हरिचंदनरेसरवंसे संखाइएसु भूवेसु ।  
वोलीणेषु धम्मकुंएसु तुब्भे इहुप्पण्णा ॥८०६॥ धम्मनिरएसु मंतिसु तह चेव सुबुद्धिमंतिवंसम्मि । तीएसु समुप्पण्णो सो  
देव ! सयंबुद्धनामो हं ॥८०७॥ इत्तियकालं च इमो परंपराए समागओ अम्ह । अणवच्छिण्णो धम्माहिगारविसओ सुवावारो  
॥८०८॥ जं पुण संपइ तुब्भे अप्पत्थावे वि देव ! विण्णविया । तत्थऽत्थि गरुयकारणमविलंबसहं तयं सुणसु ॥८०९॥ अज्ज  
अहं उप्पइउं सामिय ! नंदणवणम्मि जा पत्तो । ता तत्थ ठिया दिट्ठा चारणसमणा मए दुण्णि ॥८१०॥ एगो आइच्चजसो  
बीओ पुण अमियतेयणामु त्ति । धम्मव मुत्तिमंता ते अइसयणाणसंजुत्ता ॥८११॥ भत्तिभरनिभरेण तओ मए वंदि-  
ऊण ते पुट्ठा । भयवं ! महाबलनिवो कित्तियमित्तं धरइ आउं ? ॥८१२॥ एवं च पुच्छिएहि तो उवउत्तेहिं तेहि कहिय-  
मिणं । एगो मासो सेसो भइ ! सयंबुद्ध ! तुह पहुणो ॥८१३॥ इय सोउं संभंतो देव ! अहं झत्ति आगओ इहयं । एवं च

१ उक्कअ० प्रसृत ।

२ अतीतेषु ।

सुदंसणा-  
चरियम्भि

॥ १०४ ॥

ठिए नरवर ! परलोगहियं करिज्ज लहुं ॥८१४॥ एवं सोऊण निवो सुण्णो वुण्णो विवण्णलायण्णो । अप्पमहण्णंमण्णो विसा-  
यविच्छायकायरुई ॥८१५॥ अंसुजलाविलनयणो सोयानलउम्हफुरियसेयभरो । लग्गो खणेण विलिउं अपक्ककुंभुव जल-  
भरिओ ॥८१६॥ भवभयकंपंततणू अत्थाणठिओ समुट्ठिउं सहसा । तं चेव सयंबुद्धं कयंजली सरणमणुपत्तो ॥८१७॥  
भणइ सयंबुद्ध ! कहं होहिस्समहं जमित्थियं कालं । विसयकसायपरवसो पवत्तिओ पावकज्जेसु ॥८१८॥

किंच—चउरंगो जिणधम्मो न कओ चउरंगसरणमवि न कयं । चउरंगभवच्छेओ न कओ हा ! हारिओ जम्मो ॥८१९॥  
इण्हिं तु आउसेसे अप्पतरे कहमहं करिस्सामि ? । मणयं पि परत्तहियं धीर ! सयंबुद्ध ! कहसु तुमं ॥८२०॥ अह भणइ  
सयंबुद्धो सामिय ! मा भाहि धरसु धीरत्तं । धण्णोऽसि तुमं इण्हिं पि जस्स जाया मई एसा ॥८२१॥ बहुभवकयं पि  
कम्मं जं खिवइ चरित्तमप्पकालं पि । चिरसंचिइंधणभरं खणेण निदहइ जह जलणो ॥८२२॥ एगदिवसं पि जीवो पवज्ज-  
मुवागओ अणण्णमणो । जइवि न पावइ मुक्खं अवस्सं वेमाणिओ होइ ॥८२३॥ अच्छउ ता एगदिणं अंतमुहुत्तं पि चारु-  
चरणजुओ । खवइ असंखिज्जभवऽज्जियं पि जीवो बहुकम्मं ॥८२४॥ कइया वि दवचरणं विणा वि कस्सइ विशुद्धभावस्स ।  
जायइ भावचरित्तं तस्स य एयारिसं विरियं ॥८२५॥ सब्बजियाण वि कम्माइ खवइ एगो वि खवगसेदिगओ । जइ तेसिं  
कम्माणं तज्झाणे होइ संकंती ॥८२६॥ सुइरं पि चरित्तविणा न दिंति नाणं च दंसणं च सिवं । वरचारित्तजुयाइं खणेण  
ताइं सिवफलाइं ॥८२७॥ एएण विणा तेहिं असंखभवपाविणहि वि न मुक्खो । सो पुण चरणजुएहिं अट्ठभवब्भंतरे नियमा  
॥८२८॥ चरणस्स होइ भयणा दंसणनाणाण नूण लाभे वि । चारित्तसंभवे पुण नियमा इयराण संपत्ती ॥८२९॥ ता देव !

रयणत्तय-  
स्सरूवप्प-  
रूवग नाम  
दसमुद्देसो।

॥ १०४ ॥



तुमं धण्णो जस्सऽज्जवि अत्थि मासमित्ताऽऽऊ । तो निव्विग्घं सिग्घं परलोगहिण्ण कुणसु जुत्तं ॥८३०॥ इय धीरविओ राया तुट्ठो  
 पुत्तं ठवित्तु नियरज्जे । अट्ठाहियमहिमाओ कारावेऊण जिणभवने ॥८३१॥ संधारगपवज्जं पवज्जिउं निम्ममो निरासंसो ।  
 निरहंकारो कुणइ चउव्विहाऽऽहारपरिहारो ॥८३२॥ सिद्धाययणम्मि गओ सिद्धंतस्सवणजणियसंवैगो । पाओवगमपहाणं  
 सुणमाणो पुव्वमुणिचरियं ॥८३३॥ समसत्तुमित्तचित्तो संसाराऽसारयं विभावंतो । अणसणसहिअं चरणं पालइ सो अमय-  
 सित्तुव ॥८३४॥ पंचनमोक्कारपरो मासंते पाविऊण पंचत्तं । ईसाणे उप्पण्णो ललियंगो नाम पवरसुरो ॥८३५॥ पुव्वभव-  
 चरियचरणप्पभावओ तत्थ दिव्वभोगाई । वरअच्छराहि सज्झिं भुंजंतो गमइ बहुकालं ॥८३६॥ निण्णामियाइ जीवो अण-  
 सणविहिणा समाहिणा मरिउं । जाया ललियंगस्स उ सयंपमानामया देवी ॥८३७॥ तीइ समं विसयसुहं ललियंगो  
 माणिउं तओ चविउं । उप्पण्णो अट्ठभवे तीइ समं नरसुरनिवासो ॥८३८॥ चरिमम्मि भवग्गहणे महाबलजिओ उ इत्थ  
 भरहम्मि । नाभिमरुदेवीसुओ जाओ उसहु त्ति पढमजिणो ॥८३९॥ सो पुव्वसयसहस्सं सुदुक्करं पालिऊण चारित्तं । भवि-  
 याण य उवइसिउं संपत्तो सासयं ठाणं ॥८४०॥ निण्णामियाइ जीवो सो पुण होऊण इत्थ सेयंसो । चरिऊण पवरचरणं  
 सिवमयलमणुत्तरं पत्तो ॥८४१॥ एवं महाबलनिवो आजम्मं अकयसुकयलेसो वि । चारित्तस्स पभावा सुगईए भायणं जाओ  
 ॥८४२॥ ता नाऊण पयत्थे सहहिऊणं च तो ससत्तीए । चरणं चरिज्ज जेणं अइरेणं लहइ सिवसुक्खं ॥८४३॥ णणु अण्णेहि  
 तु पढमं दंसणमुत्तं इहं तु किमु नाणं । भण्णइ तं पाहण्णा कारणभावाउ नाणस्स ? ॥८४४॥ कारणकज्जविभागो दीवप-  
 गासाण जुगवज्जम्मे वि । जुगवुप्पण्णं पि तहा हेऊ नाणस्स सम्मत्तं ॥८४५॥ इय पुण पढियं पढमं नाणं चिय जेण कज्ज-

सुदंसणा-  
चरियम्मि

॥ १०५ ॥

पाहण्णा । तह सबसत्थबहुमयलोयववहारपरनयओ ॥८४६॥ विणया नाणं नाणाओ दंसणं दंसणाओ चारित्तं । चारित्ताओ मुखं मुखे सुखं निरावाहं ॥८४७॥ चारित्तवज्जियाणं नाणीण वि जेण दुल्लाहा सुगई । पंगुव वणदवेणं दज्झइ पासं नियंतो वि ॥८४८॥ पवणेण विणा न तरइ उयहिं जह पउणजाणवत्तं पि । तह चारित्तविहूणो न तरइ नाणी वि भवजलहिं ॥८४९॥ जह पुण अंधाऽऽरूढो पंगू लंघेइ वणदवं सिग्घं । तह चारित्तसमेओ नाणी वि भवाडविं तरइ ॥८५०॥

जओ—नाणं पयासयं सोहओ तवो संजमो य गुत्तिकरो । तिण्हं पि समाओगे मुखो जिणसासणे भणिओ ॥८५१॥ नाणं चरित्तहीणं लिंगगहणं च दंसणविहीणं । संजमहीणं च तवं जो चरइ निरत्थयं तस्स ॥८५२॥ णाणं चरणपहाणं लिंगगहणं च दंसणसमेयं । संजमसहिअं च तवं जो कुणइ भवक्खओ तस्स ॥८५३॥ एयाइं नाणदंसणचरित्तरूवाइं तिणिण रयणाइं । जे धारेंति जए ते दुल्लाहा जिणसासणे भणिया ॥८५४॥ णाणं च दंसणं तह चरणं चाऽऽराहिउं कमेण जिओ । नरसुरसिवसुक्खाइं लहइ लहुं जिणवसहुव ॥८५५॥

तहाहि—अत्थि इह भरहखित्ते खेमपुरी पुरवरी उ परखेमा । तत्थ नयविणयपउणो नयदत्तो नाम वरसिद्धी ॥८५६॥ तस्स पिया वसुणंदा सीलाइगुणोहकयजणाणंदा । ताण य पुत्तो जिद्धो धणदत्तो गुणगणगरिद्धो ॥८५७॥ बीओ वि माणणीओ मणंसिणं किंतु ईसिमाणधणो । वसुदत्तो नामेणं नियभाऊवच्छलो अहियं ॥८५८॥ तत्थऽत्थि दिओ पयईइ वामओ वामदेवनामु त्ति । सो ताण सिद्धिपुत्ताण बालमित्तो कहवि जाओ ॥८५९॥ अण्णो वि तत्थ इब्भो समुददत्तु त्ति अत्थि वरसिद्धी । तस्स य धूआ नामेण गुणवई गुणमहग्घविआ ॥८६०॥ धणदत्तस्स य दिण्णा नयदत्तसुअस्स बहुजणसमक्खं ।

रयणत्तय-  
स्सरूवप्प-  
रूवग नाम  
दसमुदेसो ।

॥ १०५ ॥

गरुण गउरवेणं सा कण्णा गुणवई पिउणा ॥८६१॥ अह तत्थ अत्थि अण्णो वि सिद्धिपुत्तो अईवसिरिमंतो । नामेणं सिरिकंतो रुवाइगुणोहसंजुत्तो ॥८६२॥ तग्गुणगणरत्तेणं तेण वणिणा समुदत्तेणं । सिरिकंतस्स विइण्णा कहमवि सा गुणवई कण्णा ॥८६३॥ तो तेण कुमित्तेणं वसुदत्तस्स य पुरो इमं भणियं । पिच्छह अहो ! अकज्जं समुदत्तेण कह विहियं ॥८६४॥ धणदत्तस्स य दिण्णा पुत्तिं अब्भत्थिऊण नियकण्णा । अण्णस्स पुणो दिण्णा धिट्ठेणं वयणभट्ठेणं ॥८६५॥ इच्चाइवयणइंधणसंधुक्कियकोवजलणत्तणेणं । वसुदत्तेण पयईइ माणिणा भणियमिय वयणं ॥८६६॥ मा जीवन् यः पराव-  
ज्ञादुःखदग्धोऽपि जीवति । तस्याऽजननिरेवाऽस्तु जननीक्लेशकारिणः ॥८६७॥ तत्तो कोवंधेणं सिरिकंतो तेण कह वि खग्गेणं । निहओ तेण वि कहमवि वसुदत्तो वि हु हओ असिणा ॥८६८॥ इय तीइ कए तेसिं अंकूरो उग्गओ वइरतरुणो । जो पउमदसासाणं सीयाकज्जे फडो जाओ ॥८६९॥ अह ते अट्ठज्झाणेण दो वि अण्णोऽण्णं असिपहारहया । मरिऊण समुप्पण्णा एगम्मि वणे मिगत्तेणं ॥८७०॥ अह सा पिउणा भणिया सोयपरा पुत्ति ! मा कुणसु खेयं । पावस्स फलं एयं धम्मं चिय तो तुमं कुणसु ॥८७१॥ इय भणिया वि हु एसा न कुणइ धम्मज्जमं गरुयकम्मा । गुणवंतेसु पओसं वहइ य धम्मं च निंदेइ ॥८७२॥ वेहवदुहक्कंता कयाइ सा पाविऊण पंचत्तं । तत्थेव वणे भवियवयाइ हरिणी समुप्पण्णा ॥८७३॥ अण्णम्मि दिणे दट्ठुं हरिणिं ते मिगा कए तीए । जुज्झंता मरिऊणं महिसत्तेणं समुप्पण्णा ॥८७४॥ सा वि हु हरिणी मरिउं जाया महिसी पुणो वि तीइ कए । जुज्झिय मरिउं जाया ते महिसा मत्तमायंगा ॥८७५॥ सा वि हु महिसी मरिउं जाया करिणी वणम्मि तत्थेव । इय तिरियत्ते तिण्णि वि सहंति ते बहुविहं सुदुहं ॥८७६॥ सो पुण धणदत्तो दुट्ठचिद्धियं तं च ताण

सुदंसणा-  
चरियम्भि

॥ १०६ ॥

ददूणं । गुरुवेरगमुवगओ एगागी निग्गओ मेहा ॥८७७॥ भमडंतो संपत्तो रायपुरं पट्टणं कयाइ इमो । तत्थ य निसाइ कत्थइ दिट्ठा तेणं महामुणिणो ॥८७८॥ छुहतण्हपीडिएणं अयाणमाणेण मुनिसमायारं । ते तेण मग्गिया भोयणं ति तो विंति ते एवं ॥८७९॥ निस्संगत्ता कुक्खीसंबलभावेण अम्ह वसहीए । पाएणं दिवसे वि हु न धरिज्जइ अण्णपाणाई ॥८८०॥ रयणीइ विसेसेणं कत्तो रयणीयराऽसणं अम्ह ? । तुज्झ वि न भद् ! जुत्तं निसिभत्तं जेणिमं भणियं ॥८८१॥ संति संपाइमा सत्ता अद्दिस्सा मंसचक्खुणो । तेसिं संरक्खणट्ठाए वज्जियं निसिभोयणं ॥८८२॥

अपि च—आयुर्वर्षशतं लोके तदद्धं स उपोषितः । करोति विरतिं धन्यो यः सदा निशिभोजने ॥८८३॥ घटिकाद्धं घटीमात्रं यो नरः कुरुते व्रतम् । स स्वर्गी किं पुनर्यस्य व्रतं यामचतुष्टयम् ? ॥८८४॥ जीवितं देहिनां यस्मादनेकाऽपायसंकुलम् । कथञ्चि-  
द्वैवयोगात् स्यान्नक्तं सोऽनशनी भवेत् ॥८८५॥ इच्छाइ साहुकहियं जिणवरधम्मं निसामिउं रम्मं । सम्मजुयं गिहिधम्मं धणदत्तो गिण्हए सम्मं ॥८८६॥ पालित्तु निरइयारं सावगधम्मं समाहिसंजुत्तो । कालक्कमेण मरिउं सोहम्मं सुरवरो जाओ ॥८८७॥

अह भरहे रयणपुरे तुंगो मेरुव लोयमज्झत्थो । सुमणप्पिओ य सिट्ठी समत्थि मेरुप्पभो नाम ॥८८८॥ दोसागराइ भोए सो देवो माणिउं तओ चविउं । मेरुप्पभस्स पुत्तो जाओ पंकयमुहो नाम ॥८८९॥ सो सबकलाकुसलो उदग्गसो-  
हग्गरूवलायणो । जिणमुणिवंदणपरमो तारं तारुणमणुपत्तो ॥८९०॥ अण्णम्मि दिणे सो मित्तसंजुओ वाहवाहणनिमित्तं । नंदणवणस्सियाए संपत्तो वाहियालीए ॥८९१॥ तत्थेगं वरतुरयं खिल्लावंतेण कत्थइ पएसे । पंकयमुहेण सहसा दिट्ठो जरज्जरो गोणो ॥८९२॥ तं च अइदुब्बलंगं निट्ठियधाउं विमुत्तु चम्मऽट्ठिं । विगयाऽऽणणं विरूवं पीहपवाहाउलियनयणं

रयणत्तय-  
स्सरूवप्प-  
रूवग नाम  
दसमुहेसो ।

॥ १०६ ॥

॥८९३॥ मुच्चंतछगणमुत्तं विलिहंतभुवं च चऊहि चरणेहिं । भट्टच्छायमतुच्छुच्छलंतउस्सासदुप्पिच्छं ॥८९४॥ कंपंतसयल-  
 गत्तं पणट्टदंतं चलंतउट्टउडं । दट्टूण जिण्णवसहं संवेगगओ स चिंतेइ ॥८९५॥ कत्थ गयं तं जुद्धं इमस्स ? तं कत्थ रूवला-  
 यण्णं ? । कत्थ य तं 'ढिक्किययं खणभंगुरयं अहह !! सवं ॥८९६॥ तमिमस्स मरंतस्स उ करेमि किंचिवि परत्तपरिताणं । इय  
 चिंतिय सो चउरो तुरियं तुरयाउ उत्तरिओ ॥८९७॥ ठाऊण कण्णमूले कंठाऽऽगयजीवियस्स वसहस्स । वियरइ विसुद्धवण्णं  
 महूमहुरगिराइ नवकारं ॥८९८॥ सो वि हु अवगयतत्तो निब्भंतो असुहझाणपरिचत्तो । कण्णंजलीहि घुंटाइ अमयं व तयं  
 वसहवसहो ॥८९९॥ सुयनाणस्स समग्गस्स सारमज्झं व दंहिविरोलस्स । नवकारं सुमरंतो सो गोणो मरणमणुपत्तो  
 ॥९००॥ तत्थेव य सत्तच्छयरण्णो भुवणस्सिरीइ देवीए । कुच्छिंसि स गोणजिओ पुत्तत्ताए समुप्पण्णो ॥९०१॥ वरव-  
 सहसुमिणसुपसत्थदोहलुप्पत्तिसूइयगुणोहो । पडिपुण्णदिणेहि इमो जाओ जणजणियगुरुहरिसो ॥९०२॥ तो गरुयविभूईए  
 वद्धावणयं निवेण काऊणं । सुमिणाणुसारओ से नामं वसहद्धउ त्ति कयं ॥९०३॥ लालिजंतो य इमो नवनवलायण-  
 रूवकंतीहिं । वट्टइ अणुक्कमेणं सियपक्खसारयससिब ॥९०४॥ जाओ य अट्टवरिसो दव्वविच्छुट्टेण छत्तसालाए । सत्तच्छ-  
 एण रण्णा छत्ताऽऽयरियस्स उवणीओ ॥९०५॥ अकिलेसेण वि तेणं पुबब्भत्थेण नाणजोगेण । अप्पेण वि कालेणं सय-  
 लाउ कलाउ गहिआओ ॥९०६॥ संपत्तो तारुण्णं कुमरो लायणलच्छिपरिपुण्णं । जं तरुणीलोयणछप्पयाण पंकेरुह-  
 वणं व ॥९०७॥ अह अण्णया कुमारो कयसिंगारो पभूयपरिवारो । तुरयारूढो पत्तो पुबुत्ते नंदनवणम्मि ॥९०८॥ तत्थ य

१ गर्जनम् ।

२ दधिविलोढनस्य ।

३ द्रव्यत्यागेन ।

सुदंसणा-  
चरियम्मि

॥ १०७ ॥

सो कीलंतो सिच्छाइ इओ तओ परिभमंतो । तं ठाणं संपत्तो जत्थ स गोणो पुरा हुंतो ॥९०९॥ चिंतइ य कहिं कइया इमो पएसो पुरा वि मे दिट्ठो । इय ऊहापोहपरो जाईसरणं समणुपत्तो ॥९१०॥ इह चिण्णं इह पीयं इहासियं इत्थ भंतमिह सुत्तं । इच्चाइ पुवभवियं सम्मं सुमरामि नियचरियं ॥९११॥ किंतु न मुणेमि जेणं दिण्णो मह परमबंधवेणेव । अमयसमो नवकारो करुणारससायरेण तयं ॥९१२॥ जस्स पभावेण मए आजम्मं अकयसुकयलेसेण । रोरेण व पवर- निही रज्जसिरी पाविया एसा ॥९१३॥ तं परमगुरुं परमोवयारिणं सबहाऽभिगमणिज्जं । अमुणित्तु अपूइत्ता हा ! कह निरिणो भविस्सामि ? ॥९१४॥

अण्णं च—तिच्चिय गरुया पुरिसा अणुवकए जे कुणंति उवयारं । पच्चुवयारे वि न जे कउज्जमा का गई ताणं ? ॥९१५॥ तो तं कहमवि नाउं दिण्णाए तस्स पुवभवगुरुणो । रज्जसिरीए एयाइ नूण मह निबुई होही ॥९१६॥ इय चित्तिउं निय- त्तिय उज्जाणाओ गिहम्मि गंतूणं । वसहद्वएण कहिओ बुत्तंतो सो निवाईणं ॥९१७॥ रण्णा भणियं मा होसु उस्सुओ वच्छ ! तुज्झ चरिणं । चित्ते लिहिणए सुहं स नज्जिही तुज्झ पुवगुरू ॥९१८॥ तो वसहद्वयकुमरेण तम्मि नंदणवणम्मि सुविलासं । कारवियं जिणभवणं तुंगत्तणविजियसुरसेलं ॥९१९॥ तम्मि य कम्मि पएसे चित्ते लिहिओ स तारिसो वसहो । सुइमूले पासट्टियनरेण दिज्जंतनवकारो ॥९२०॥ भणिया य निउत्तनरा जो कोइ निरिक्खिउं इमं चित्तं । पुच्छइ लिहियं केण वि मेलियवो स मज्झ लहुं ॥९२१॥ इत्तो य पंकयमुहो कयाइ तत्थाऽऽगओ जिणगिहम्मि । दइणं तयं चित्तं सुवि- म्हिओ माणसे बाढं ॥९२२॥ पुच्छइ निउत्तपुरिसे आलिहियं केणिमं ति ते गंतुं । कुमरस्स कहंति तयं सो वि हु लहुं आगओ

रयणत्तय-  
स्सरूवप्प-  
रूवग नाम  
दसमुद्देसो।

॥ १०७ ॥

तत्थ ॥९२३॥ आलिंगिय सिद्धिसुअं सप्पणयं साहियं सवुत्तंतं । भणइ य तुम्ह पसाएण संपया मे इमा पत्ता ॥९२४॥ एयं  
 रज्जं एसो य परियणो देसकोसकुट्टारो । सबं च तुहाऽऽयत्तं अहं च आइससु करणिज्जं ॥९२५॥ अह देववंदणत्थं समागओ  
 तत्थ धम्मरुइसाहू । अइसयणाणी वंदित्तु सो जिणं सुहसमासीणो ॥९२६॥ पंकयमुहेण वसहद्वएण सहिएण वंदित्तं  
 विहिणा । पुट्ठो भयवं ! साहसु अम्ह रयणत्तयसरूवं ॥९२७॥ भणइ मुणी नाणेणं मुणित्तं वसहद्वयस्स पुव्वभवं । णाणं च  
 दंसणं तह चरणं च तहिं तु नाणमिणं ॥९२८॥ सबं पि हु सुयणाणं तस्स वि आईइ पंचनवकारो । तस्स य तुब्भेहि  
 फलं दिट्ठं अह सुणह सेसदुगं ॥९२९॥ तत्थ य दंसणरयणं रयणत्तयउत्तमं जओ तम्मि । संतम्मि नाणचरणाणि संति नो  
 ताणि तेण विणा ॥९३०॥ तं पुण अरिहं देवो जावज्जीवं सुसाहुणो गुरुणो । जिणभणियं चिय तत्तं इय बुद्धी होइ  
 सम्मत्तं ॥९३१॥ चारित्तं पुण सावज्जजोगपरिवज्जणेण जहजुगं । देसेण व सवेण व गिहिसाहूणं जिणुद्धिट्ठं ॥९३२॥ रय-  
 णत्तयं च एयं सव्वगुणस्सेणिमूलमक्खायं । सबो वि इमं फासित्तु नियमसो पावए मुक्खं ॥९३३॥ इय सोउं ते दुण्णि वि  
 धम्मरुइमुणिस्स पायमूलम्मि । समणोवासगधम्मं सम्मत्तजुयं पवज्जंति ॥९३४॥ तो पुणरवि नमिय मुणिं पहिट्ठचित्ता  
 गिहेसु ते पत्ता । अह वसहद्वयकुमरो रज्जम्मि निवेसिओ पिउणा ॥९३५॥ जुवरज्जपए तेण ठविओ पंकयमुहो सबहु-  
 माणं । तो दो वि परमपीईसहिआ माणंति रज्जसुहं ॥९३६॥ कालविणयाइअट्ठप्पयारआयारसंजुयं नाणं । सबुज्जमेण तह ते  
 पढंति पाढंति तह अण्णं ॥९३७॥ तह पूयंति तिसंझं देवं निस्संकियाइगुणकलिया । मेरुव निप्पकंपा धरंति सम्मत्तवररयणं  
 ॥९३८॥ पालंति निरइयारं सावगधम्मं दुलासविहं पि । अणिगूहियबलविरिया तवंति तिबं तवं च सया ॥९३९॥ तिविहं पि

सुदंसणा-  
चरियम्मि

॥ १०८ ॥

दिति दाणं धरंति सीलं च तिगरणविसुद्धं । भावंति भावणाओ फुरंतसंवेगनिबेया ॥९४०॥ इय देसओ उ सम्मं पालिय  
रयणत्तयं चिरं कालं । कालम्मि समावडिए पडिवण्णा अणसणं दो वि ॥९४१॥ आराहिऊण सम्मं तमिक्कमासं समाहिणा  
मरिडं । ईसाणदेवलोए इंदसमाणा सुरा जाया ॥९४२॥ दो सागरोवमाइं अहियाइं तत्थ दो वि अविउत्ता । भुंजंति दिव्व-  
भोए पुव्वभवज्जियसुकयवसओ ॥९४३॥ वसहद्धयस्स जीवो तत्तो चविउं इहेव भरहम्मि । किक्किंधपुरे जाओ सुग्गीवो  
खेयराहिवई ॥९४४॥ इत्थेव दाहिणहे मज्झिमखंडे अउज्झणयरीए । इक्खागुकुले दसरहरणो अपराजिया देवी ॥९४५॥  
चउपवरसुमिणसूइयबलजम्मो सग्गओ चुओ तत्तो । पंकयमुहस्स जीओ उववणो तीइ कुच्छीए ॥९४६॥ पडिपुण्णवासरेहिं  
सुमुहुत्ते जणियजणमणाणंदो । पउमु त्ति विहियनामो सो जाओ अट्टमो सीरी ॥९४७॥ एसो धणदत्तजिओ वसुदत्तजिओ  
उ भमिय तिरियगइं । पउमस्स सीरिणो लक्खणु त्ति जाओ लहू बंधू ॥९४८॥ सिरिकंतजिओ वि भवं भमित्तु तिरिय-  
त्तणम्मि भूरिभवे । थीलोलो पडिविण्हू उप्पणो सो दसग्गीवो ॥९४९॥ जा पुण गुणवइकण्णा सा वि हु भमिऊण भूरि-  
भवगहणे । धूया जणयनिवइणो संजाया जाणईनामा ॥९५०॥ सा पउमेण परिणिया अहउग्गया दसमुहेण सा हरिया ।  
तीइ कए जुज्झंतो पडिविण्हू निहणिओ हरिणा ॥९५१॥ पउमेण समं पीई जाया सुग्गीवखेयरिंदस्स । अविउत्तेहिं  
तहिं सुइरं परिपालियं रज्जं ॥९५२॥ भववासविरत्तेणं सुग्गीवेणं कयाइ गुरुपासे । पव्वज्जा पडिवण्णा पउमेणं वि भाय-  
विरहेण ॥९५३॥ तो सबपयत्तेणं णाणं तह दंसणं चरित्तं च । आराहियं तह जहा तम्मि भवे निवुया दो वि ॥९५४॥  
एवं संखेवेणं चरियं सुग्गीवपउमनिवईणं । भणियं विसेसओ पुण नायवं पउमचरियाओ ॥९५५॥ इय नाउं माहप्पं

रयणत्तय-  
स्सरूवप्प-  
रूवग नाम  
दसमुहेसो ।

॥ १०८ ॥



नाणाइतियस्स जुण्णवसहगयं । भो भो भव्वा ! भवं तम्मि पयत्तं कुणह निच्चं ॥९५६॥ ता खलु पूएयव्वा रयणत्तयधारिणो  
 सया मुणिणो । तेसिं दाणं देयं तिगरणसुद्धेण भावेण ॥९५७॥ तित्थस्स मुणी मूलं मुणीण मूलं हवंति असणाई । जो देइ  
 ताणि तेसिं तु तेण तित्थुण्णई विहिया ॥९५८॥ तित्थंतरेसु वि जओ केवलिरहिएसु अज्जखित्तेसु । उवयारपरा मुणिणो  
 जिणधम्मधुरंधरा भणिया ॥९५९॥ होही जो तित्थयरो अपच्छिमो इत्थ भारहे खित्ते । मुणिदाणाउ तेणाऽवि पाविया  
 दुल्लहा बोही ॥९६०॥ चउरो परमंगाई मुखस्स इमाइ हुंति दुल्लहाइं । मणुयत्तं धम्मसुई सम्मत्तं संजमे विरियं ॥९६१॥  
 दसचुल्लगाइणाएहि दुल्लहं लहिय एयसामग्गिं । सबं पि कुणह सहलं सुदंसणे ! काउ जिणधम्मं ॥९६२॥ ता जाव न जीयं  
 नलिणिपत्तजलविंदुसरिसमुद्धेइ । करिकण्णचला लच्छी वि जा न वच्चइ खणद्धेण ॥९६३॥ जाव न गिरिसरिसलिलप्पवाह-  
 चवलं च गलइ लायण्णं । जररक्खसी वि न गसइ जाव य जीवाण तारुण्णं ॥९६४॥ ता जिणभवणं बिंबं किज्जइ पूइज्जए  
 चउहसंघो । तह कायव्वा भत्ती नाणस्स तहा सुणाणीणं ॥९६५॥ एएसु सत्तखित्तेसु भावओ जो ववेइ धणवीयं । थोवं  
 पि हु सो पावइ अणंतयं मुखसुखफलं ॥९६६॥ इय सुदरिसणे ! नाउं इहेव अस्सावबोहतित्थम्मि । समवसरणस्स  
 ठाणे जुज्जइ तुह जिणहरं काउं ॥९६७॥

जओ—जिणभवणविंबपूयाजत्ताबलिण्णहाणनाणदाणाइ । एसा णु सुधम्मपवा देया भवियाण बोहिकरी ॥९६८॥  
 इय सुदरिसणकहाए बुहमाणसहंसमाणससराए । रयणत्तयस्सरूपवरूपगो दसमउद्देसो ॥९६९॥ [ इइ दसमुद्देसो ]

अह इक्कारसमुद्देसो ।

सुदंसणा-  
चरियम्मि

॥ १०९ ॥

अस्सावबोहत्तिथं भरुअच्छे जह सुदंसणे ! जायं । तह तुह कहेमि संपइ भणइ इमं नाणभाणुगरू ॥१॥  
तहाहि—जंबुद्दीवे दीवे भारहखित्तस्स मज्झिमे खंडे । पुव्वदिसिदेवयासयलदलियदोसो सुकयकोसो ॥२॥ पवहंतुल्लोलजल-  
प्पवाहसुरसिंधुपुलिकयसोहो । नयरपुरगामगोउलतलायपुक्खरिणिरमणीओ ॥३॥ देसाण तिलयभूओ मगहदेसो सुरि-  
द्धिसंपुण्णो । जं पिच्छंतो धम्मालसो वि धम्मत्थमुज्जमइ ॥४॥ तत्थुत्तुंगनिरंतरधवलियधवलहरसोहियपएसं । जिणभवण-  
सिहरविरइयसियधयवडरुद्धरविकिरणं ॥५॥ रायगिहं रायगिहं व तत्थ नयरं जयम्मि सुपसिद्धं । जत्थ जणसुकयसंदा-  
मियव सुथिरा सिरी वसइ ॥६॥ तत्थुल्लूरियरिउरायलच्छिसोहो विसालभुयदंडो । णामेण सुमित्तनिवो सुणयजणाणं सुमि-  
तुव ॥७॥ तस्सऽत्थि पिया पवरा महासई सुयणजणियपरिओसा । उवसग्गमारिचोरा वि जीइ नामेण नासंति ॥८॥ सीलगु-  
णरयणसोहा देवी पउमावइ त्ति नामेण । दाणविणयप्पहाणा जिणधम्मपरा महुरवाणी ॥९॥ मुणिसुव्वओ जिणिंदो पाण-  
यकप्पाओ तीइ उयरम्मि । अवयरिओ सावणपुण्णिमाइ भवियाण भवहरणे ॥१०॥ दिसिदेवीकयसुपवित्तमंगलो सय-  
लमंगलनिही वि । जिट्ठकसिणट्ठमीए जाओ मुणिसुव्वओ सामी ॥११॥ मेरुसिहरम्मि सित्तो नमंतसुरमउडलीढपयवीढो ।  
अद्धट्ठमवरिससहस्सं कीलिओ बालभावम्मि ॥१२॥ मइसुयअवहिपहाणो वाससहस्साइ पंचदस रज्जं । काऊण तिणं व विव-  
ज्जिऊण भोए महासत्तो ॥१३॥ फग्गुणसियवारसीइ नीलगुहाए सुरिंदकयपूओ । सिरिमुणिसुव्वयसामी गहियवओ छट्ठ-  
भत्तेणं ॥१४॥ एक्कारंगसुयरयणभूसिओ चउसुणाणसंजुत्तो । कयमोणो छउमत्थो एक्कारस विहरिओ मासे ॥१५॥ नील-

१ संदामिय० बद्ध ।

अस्सावबो-  
हत्तिथप्प-  
रूवगो नाम  
इगदसमु-  
द्देसो ।

॥ १०९ ॥

गुहाए पुणरवि फग्गुणकसिणवारसीइ सवणम्मि । अवरण्हे मुणिसुवयतित्थयरो केवलं पत्तो ॥१६॥ सुरवइकयकेवलनाण-  
 महिमचउतीसअइसयसमेओ । विहरंतो मरहट्ठे पइट्ठाणपुरम्मि संपत्तो ॥१७॥ तत्थ य बहुभवजिए पडिबोहिऊण दिव-  
 नाणेण । नियपुवजम्ममित्तं इत्थुप्पणं नियइ तुरयं ॥१८॥ तस्स पडिबोहणत्थं एगाइ निसाइ जोअणे सट्ठिं । वहिऊण  
 आगओ इह असंखसुरकोडिसंजुत्तो ॥१९॥ सुररइयसमोसरणे मणिमयसिंहासणम्मि उवविट्ठो । मुणितीससहस्ससमणि-  
 पण्णाससहस्सपरियरिओ ॥२०॥ अमरिंदनरिंदफणिंदचंदखयरिंदनमियपयकमलो । मिच्छत्ततिमिरतरणिव बोहए भविय-  
 कमलाइं ॥२१॥ नाऊण समोसरियं तित्थयरं नयरवाहिरुज्जाणे । चलिओ जियसत्तुनिवो सपरियणो सामिनमणत्थं ॥२२॥  
 चडिओ तत्थ तुरंगे महाविभूर्इइ एत्थ आगम्म । ओयरिउं तुरगाओ पविसिय विहिणा समवसरणे ॥२३॥ काउं पयाहिण-  
 तिगं भत्तीइ जिणं नमित्तु उवविट्ठो । उचियट्ठाणम्मि निवो तो भणियं भगवया एवं ॥२४॥ जो कारिज्ज जिणहरं जिणाण  
 जियरागदोसमोहाणं । सो पावइ अण्णभवे भवमहणं धम्मवररयणं ॥२५॥ तित्थयरमुहविणिग्गयवयणमिणं निसुणिऊण  
 वरतुरओ । ऊहापोहपवण्णो जाईसरणं समणुपत्तो ॥२६॥ तो अग्गखुरेहि महिं पुणो पुणो खणइ हिंसए गहिरं । उल्लसिय-  
 सयलगत्तो हरिसवसुप्फुल्लनयणजुओ ॥२७॥ जणसंकुले वि निहुअं गंतुं सुवयजिणस्स पयमूले । तिपयाहिणं विहेउं पुणो  
 पुणो वंदए सामिं ॥२८॥ अह जियसत्तुनरिंदो हयहिययं दट्ठु हरिसभरभरियं । विम्हियहियओ वंदिय जिणेसरं जंपए एवं  
 ॥२९॥ तं नहु चोज्जं जं जिणवयणेण तिरिक्खया वि बोज्झंति । तं चोज्जं जं एसो हरिस्स एयस्स हरिसभरो ॥३०॥ सिरि-  
 मुणिसुवयसामी अह जंपइ सजलजलहरगिराए । निसुणसु नरिंद ! सम्मं हरिस्स हरिसस्स हेउमिणं ॥३१॥ इत्थेव भरह-

सुदंसणा-  
चरियम्भि

॥ ११० ॥

खित्ते सुपसिद्धं अत्थि पउमिणीखंडं । तत्थ जिणधम्मसिद्धी निवसइ जिणधम्ममयकुसलो ॥३२॥ तत्थ य नयरपहाणो सागरदत्तो य पउरजणनाहो । दक्खो दक्खिण्णनिही दयालुओ अत्थि वरसिद्धी ॥३३॥ सो मित्तं जिणधम्मस्स तस्स संसग्गओ इमो जाओ । जिणधम्माभिमुहमई विसेसओ दाणविणयरुई ॥३४॥ तेण य कयाइ पुबिं तम्मि पुरे कारियं सिवा- ययणं । तप्पूयाइ निउत्ता सइवा बहुदवविणिओगा ॥३५॥ अह अण्णया कयाई जिणधम्मजुओ गओ मुणिसमीवे । तं वंदिउं निसण्णो वयणमिणं सुणइ गुरुवयणा ॥३६॥ भवियाण अग्गओ दाणधम्मपगए कहिज्जमाणम्मि । जो कारिज्ज जिण- हरं इच्चाईवयणसंबंधं ॥३७॥ तं वयणं सुमरंतो पुणरुत्तं नियमणम्मि विहसंतो । सिद्धी सागरदत्तो जिणधम्मं सुबहु मण्णंतो ॥३८॥ जिणधम्ममित्तवयणेण जिणहरं कारवेइ सो रम्मं । बिंबं च जिणस्स वरं तत्थ पइट्ठाविथं तेण ॥३९॥ अह अण्णया कयाई तत्थ कयत्थियसमत्तदुत्थजणो । सिसिरसमओ पयट्ठो पप्फुल्लियकुंदकुसुमभरो ॥४०॥ उभयभुयपाउंयाइं सिसिर- समीरणसमीरियंगाइं । वायंति दंतवीणं दरिदुडिंभाइ जत्थ चिरं ॥४१॥ सीयभरेण हयाइं जत्थ मिलायंति कमलिणिव- नाइं । सुयणमणाइ व मम्माणुवेहिणा महरवयणेण ॥४२॥ हेमंता अक्कंता तुसारसंभारसंगमेण जहिं । घट्ठीहुंति जलोहा नीया इव विहवनिवहेण ॥४३॥ इय एरिसम्मि सिसिरे सइवेहिं सिवगिहे समाहूओ । सागरदत्तो सिद्धी अहऽण्णया लिंग- पूरणए ॥४४॥ तत्थ घयगंधवसओ घएलियाओ बहुभमंतीओ । सइवचरणेहि निहयाउ पिच्छिउं भणइ इय सिद्धी ॥४५॥ किं तुज्झं जुत्तमिणं मुणीण मज्झे गणिज्जमाणाणं । तो ते रुट्ठा भणिउं दट्ठुट्ठा निट्ठुरं लगा ॥४६॥ तं सिद्धि ! सुट्ठुनिट्ठिय !

१ पाउअ० प्रावृत्त-भाच्छादित ।

२ हेमन्ताः हेमंत ऋतुमें उत्पन्न ।

अस्सावबो-  
हतित्थप्प-  
रूवगो नाम  
इगदसमु-  
हेसो ।

॥ ११० ॥

नहु दिट्ठो धम्मओ तुमं इत्थ । उट्ठसु इमाउ ठाणाउ इत्थ किं चिट्ठसे कट्ठं ? ॥४७॥ इय असमंजसवयणेहि दूमिओ सम्मओ वि सो सिट्ठी । उट्ठित्ता नियगेहे पत्तो परिभवविहुरचित्तो ॥४८॥ अट्ठदुहट्ठवसट्ठो संसयमिच्छत्तसमणुगयचित्तो । आउखण मरिउं उप्पण्णो तिरियजोणीए ॥४९॥

अवि य—नरसुरभोगविलासी रोगविओगाइपत्थणापरमो । अप्पवहचिंतणपरो अट्ठज्झाणी मुणेयवो ॥५०॥ जीववहचिंतणपरो मोसरुई परधणिक्कहरणमणो । अच्चंतविसयगिद्धो रुहज्झाणी स विण्णेओ ॥५१॥ सज्झायझाणतवनियमकरुणगुरुविणयभत्तिसंजुत्तो । छज्जीवरक्खणपरो धम्मज्झाणी हवइ जीवो ॥५२॥ खवियकसायचउक्को समसुहदुक्खो समाणभवमुक्खो । सवाऽऽसंसविमुक्को वट्ठइ सुक्कम्मि झाणम्मि ॥५३॥ अट्ठेण तिरियजोणी रुहज्झाणेण गम्मए नरयं । धम्मेण देवलोयं सुक्कज्झाणेण निवाणं ॥५४॥ अह सिट्ठिजिओ भमिउं भूरिभवे भीमभवसमुट्ठम्मि । संपइ सो उप्पण्णो तुह पट्टतुरंगमो एसो ॥५५॥ नरवर ! इण्हि अप्पाऽऽउयस्स एयस्स पुवमित्तस्स । आसस्स बोहणकए तुरियं इह आगया अम्हे ॥५६॥ जो कारिज्ज जिणहरं इच्चाइ अणेण वयणमिह सोउं । पुवभवब्भासाओ नियजाई सुमरिया सिग्घं ॥५७॥ तो भवविरत्तचित्तो अवगयत्ततो फुरंतसम्मत्तो । मह वयणाऽमयसित्तो पमोयभरमेरिसं पत्तो ॥५८॥ अह तुरओ पहुपासे पडि-वज्जइ अणसणं पसंतमणो । राया वि तस्स महिमं सपरियणो पइदिणं कुणइ ॥५९॥ पिक्खंतो पहुवयणं अणिमिसनयणो समुल्लसियसवणो । निसुणंतो पहुवयणं सो तुरओ सावहाणमणो ॥६०॥ पणरसदिणअवसाणे पंचनमुक्कारसुमरणपहाणो । मरिऊण समुप्पण्णो अमरवरो सो सहस्सारे ॥६१॥ जाव पउंजइ अवाहिं निएइ ता नियकलेवरं एसो । उवयारं सुमरंतो

सुदंसणा-  
चरियम्मि

॥ १११ ॥

जिणपयमूलम्मि संपत्तो ॥६२॥ जोयणपमाणमित्तं नाणामणिरयणकणयकुसुमेहिं । पूरेइ सुरो सुवयजिणस्स चउपासमवि  
भूमिं ॥६३॥ वरवेणुवीणगेयारवेण नच्चंतसुरजुवाणीहिं । काउं वरपिच्छणयं जिणसंथवणं कुणइ एवं ॥६४॥

तद्यथा—भगवन् ! भवजलधिषु यानपात्र ! भवभीतभव्यजनशरणम् । त्वय्यपि सौख्यविधातरि जन्मान्धाः किं भ्रम-  
न्त्यपरे ? ॥६५॥ सपदि त्वद्वचनसुबोधितेन लब्धं मयेदममरत्वम् । संप्रत्यपवर्गसुखेन मे प्रसीद प्रसन्नाक्ष ! ॥६६॥ इय  
जयगुरुणो काऊण संथवं पयडिऊण अत्ताणं । अमरसुहरणं तुट्ठो निययावासं गओ विबुहो ॥६७॥ भयवं पि य भरुयच्छे  
कइवि दिणे बोहिऊण भवजिए । विहरइ बहुखित्तुं बोहिंतो भवियकमलाइं ॥६८॥ इय भरहे अद्धट्टमवाससहस्साइ विह-  
रिऊण पट्ट । किण्हनवमीइ जिट्ठे सम्मेए सिवसुहं पत्तो ॥६९॥ एयाइ पंचकल्लाणयाइं एयासु पंचसु तिहीसु । उववासं-  
बिलनिवियएक्कासणगेण जो कुणइ ॥७०॥ तह मुणिसुवयपडिमं भत्तीइ कराविऊण उज्जमइ । सो नरसुरसुक्खाइं भुत्तुं  
पावइ सिवं खिप्पं ॥७१॥ इय तइया मुणिसुवयजिणेण जं इह विबोहिओ अस्सो । अस्सावबोहतित्थं भरुयच्छे तेण  
विक्खायं ॥७२॥ ता सुपवित्तं एयं जिणपयकमलंकियं विमुक्कमलं । इत्थाऽऽगओ य भदे ! लहइ अहम्मो वि सम्मत्तं  
॥७३॥ कमलधयकलसचक्कंकियकमजुयलं ठवेइ जत्थ जिणो । भूमी वि सा पणासइ पावं भवभीयभवियाणं ॥७४॥ एएण  
कारणेणं भरहेणऽट्ठावयम्मि सित्तुंजे । चुं(तुं)कारमहासेले करावियाइं जिणहराइं ॥७५॥

अण्णं च—जिणभवणविंबपूयाजत्तावलिण्हवणदाणमाईयं । भावत्थयस्स कारणमेसो दवत्थओ भणिओ ॥७६॥

अवि य—सोमं थिरं विसालं जिणविंबं पिच्छिउं अहम्मो वि । पावइ सुबोहिवीयं जह वेयट्ठे तए पत्तं ॥७७॥ एयं

अस्सावबो  
हतित्थप्प  
रूवगो ना  
इगदसमु  
हेसो ।

॥ १११ ॥

कमेण परलोयसाहणं साहियं मए तुज्झ । जिणभवणविंवपूयाविहिं च संपइ निसामेह ॥७८॥ जाइकुलवित्तगुरुविणयसयण-  
समत्तभत्तिसंजुत्ता । रागाइदोसचत्ता उदारचित्ता महासत्ता ॥७९॥ जिणभवणविंवकरणे एए अहिगारिणो उ उक्कोसा ।  
अट्टगुणा मज्झत्था इत्तो हीणा उ पडिसिद्धा ॥८०॥ एयारिसगुणकलिया तुमं च ता इत्थ तुज्झ अहिगारो । ता समवसरण-  
ठाणे जुज्झइ तुह जिणहरं काउं ॥८१॥ एयं पवित्तठाणं जिणपयफरिसेण जयविगयदोसं । भणियं जिणेहि विहिणा कायबं  
मंगलं तहवि ॥८२॥ विहिणा सबं पि कयं बहुप्फलं होइ उत्तमं कज्जं । विहिवज्जियं कुणंतो न पावए तं फलं पुरिसो ॥८३॥  
कयकिच्चा भगवंतो तित्थयरा तियसविहियवरपूआ । इय तित्थुण्णइहेउं इत्थ वि जुत्तो विहिं काउं ॥८४॥ दिसिदेवयाउ  
पुज्जा पढमं तह इत्थ दिज्जए दाणं । सम्माणिज्जइ सयणो पूइज्जइ नयरलोओ य ॥८५॥ जिणभवणत्थं च दंलं सनिमित्तं  
तं विसेसमुलेण । गहिअबं जयणाए जम्हा धम्मत्थमारंभो ॥८६॥ सल्लाइसयलदोसे भूमीए सोहिऊण जत्तेण । कायबं जिण-  
भवणं पभावगं होइ जेण सया ॥८७॥ विण्णाणियकम्मारा विसेसदाणेण तोसिया काले इच्छंति कज्जसिद्धिं सकज्जसिद्धीइ  
निवाणं ॥८८॥ बीसधणुमाणमरगयमणिमयदेहस्स सुव्वयजिणस्स । तह कायबं विंव आणंदयरं जहा होइ ॥८९॥

एवं च—जो जिणभवणं दंसणपभावणत्थं करेइ भावेण । भुत्तूण सयलपुहई सो कीलइ सुरविमाणेसु ॥९०॥ सोमं  
थिरं विसालं पावहरं जो करेइ जिणविंव । अमरच्छरपरियरिओ विलसइ सो देवलोएसु ॥९१॥

तहाहि—सुइसुपवित्तो भत्तीइ सुरहिकुसुमेहि करइ जिणपूअं । सो देवकुसुममालाअलंकिओ वसइ सुरलोए ॥९२॥ बलि-

१ वस्तुसमूहम् ।

सुदंसणा-  
चरियम्मि

॥ ११२ ॥

जत्तापेच्छणयं करेइ उवइसइ अह पसंसेइ । संथुणइ कुणइ गेयं सो थुवइ अमररमणीहिं ॥९३॥ जो देइ जिणवराणं कुंडल-  
केऊरहारवरतिलयं । सो सुरलोए निवसइ मणिरयणाहरियवरदेहो ॥९४॥ भिंगाराऽऽरत्तियकलसपवरधूवदहणसंखजयघंटा ।  
जो देइ जिणाययणे महिद्धिओ सो सुरो होइ ॥९५॥ काहलहुडुक्कढकाझलरिकंसालवंसवरवीणा । जो देइ अहव वायइ तस्स  
पुरो वज्जए एयं ॥९६॥ धयछत्तचिंधचामरविचित्तचंदोदयं च जो देइ । सो छत्तचमरमाईहि सोहिओ रमइ सुरलोए ॥९७॥  
अह जिणभवणं विंबं पमज्जए निद्धणो वि भावेण । संथवणनट्टगेयं करेइ अणुमोयइ परं वा ॥९८॥ लहिऊण परमबोहिं  
भोए भुत्तूण अमरनरलोए । सो पावइ मुत्तिसुहं अट्टभवब्भंतरं नियमा ॥९९॥ ता कायवं सबं एयं भत्तीइ निययसत्तीए ।  
जिणभवणविंबपूयाइयं च जयणाइ सुविसुद्धं ॥१००॥ तुह एयं साहीणं सबं पि कमेण जह मए कहियं । ता तह करिज्ज  
विहिणा सिवसुहजणयं जहा होइ ॥१०१॥ इय संवेगरसाऽमयकुंडनिहाए सुदरिसणकहाए । अस्सावबोहतिथप्परू-  
वओ इगदसुहेसो ॥१०२॥ [ इइ एकारसमुहेसो ]

अह दुवालसमो उहेसो ।

सिरिनाणभाणुगुरुवयणनिग्गयं निसुणिऊण वयणमिणं । पुण नमिउं सपरियणा सुदंसणा उट्टिया तत्तो ॥१॥ सीलवईइ  
समेया जियसत्तुनिवेण नियगिहे नेउं । भुंजाविऊण सम्माणिया य गुरुगउरवेण इमा ॥२॥ दिण्णं विसालभवणं मणिकं-  
चणरयणधण्णपडिपुण्णं । दिण्णो तीइ सहाओ धम्मत्थे उसभदत्तो सो ॥३॥ इत्थंतरम्मि कमला नरिंदधूआइ सायरं  
भणिया । सिंघलदीवे गमणं तुह जुज्जइ तायपयमूले ॥४॥ एसा कुसलपउत्ती गंतूण कहेह जणणिजणयाणं । सम्मत्तथिरी-

सवलिया-  
विहारव-  
ण्णो ना  
म दुवाल-  
समुहेसो ।

॥ ११२ ॥



करणं मुणिदंसणमिह विसेसेण ॥५॥ लद्धाएसा कमला नमेवि चलणेसु रायधूयाए । चडिऊण जाणवत्तं संचलिया दाहिणा-  
 भिमुहं ॥६॥ अह अण्णया कयाई रायसुयाए पहाणदिवसम्मि । पूएवि समणसंघं पडरजणं आगमविहीए ॥७॥ पूएवि सुत्त-  
 हारो विणएणऽभत्थिऊण सो भणिओ । एसा मह रायसिरी साहीणा तुज्झ सत्ता वि ॥८॥ परिभाविऊण एगं करेह तह जिण-  
 हरं मणहरं तु । जह पिच्छिऊण विबुहा वि हुंति गुणकित्तणे पडणा ॥९॥ एसो य उस्सभदत्तो निरुविओ तुह मए तह सहाओ ।  
 जेण समीहियकज्जं असहायाणं न सिज्जेइ ॥१०॥ तह सो सिट्ठी भणिओ रायसुयाए सुभद ! जइवि तुमं । जिणसमए  
 कुसलमई तहवि मए इह भणेयवो ॥११॥ जं जह मुणीहि भणियं जिणभवणं भद ! तुज्झ पच्चक्खं । तं तह विहिणा  
 तुरियं जयणाइ तुमं कराविज्जा ॥१२॥ एवं लद्धाएसो कयसम्माणो य उस्सभदत्तो सो । वरसुत्तहारसहिओ गओ ममोसरण-  
 ठाणम्मि ॥१३॥ काउं संतिविहाणं सिलानिवेसं करेवि सुमुहुत्ते । पूएवि सुत्तहारं पारद्धं जिणहरं तुंगं ॥१४॥ पारद्धे जिण-  
 भवणे विसेसओ निवसुया जिणगिहम्मि । ण्हवणच्चणाइविहिणा पइदियहं मंगलं कुणइ ॥१५॥ दीणाण दुत्थियाणं बहुदाणं  
 देइ पूयए संघं । वाहिविहुराण वियरइ करुणाए ओसहाईणि ॥१६॥ घोसावेइ अमारिं सबत्थामेण भवजीवाणं । अण्णं पि  
 धम्मकज्जे सुसंगयं कुणइ भावेण ॥१७॥ बहुभक्खभुज्जतं वोलपुप्फवत्थेहि निवसुया निच्चं । विण्णाणियकम्मारा तोसेइ तहा  
 पसंसेइ ॥१८॥ भणियं च धम्मकज्जे निवद्धमुल्लस तह विसेसेण । अहिययरं दायवं जेण पसंसेइ सबो वि ॥१९॥ एस पसं-  
 साधम्मो दूहवियवो न कोइ कइया वि । जत्थेवं जीवदया तत्थ सुहं सासयं भणियं ॥२०॥ एवं सुहंसुहेणं बोलीणा तत्थ  
 जाव छम्मासा । निव्विग्घं जिणभवणं निप्फणं ता महातुंगं ॥२१॥

सुदंसणा-  
चरियम्भि

॥ ११३ ॥

तं च केरिसं?—फालिहसिलानिबद्धं धरणियलं तस्स गाउयपमाणं । किज्जइ रायसुयाए अइथिरं सम्मत्तपेढं व ॥२२॥  
चउपासनिवेसियपिहुलदीहफलिहमयतुंगपागारं । कणयमयमयरतोरणनिवेसियं उत्तराभिमुहं ॥२३॥ हेममयपट्टनिम्मियणा-  
णामणिरयणजडियसुकवाडं । संजमियलोहमयदिढभुयगलं जंतकयविसमं ॥२४॥ चउपासबद्धपीढं कंचणमणिरयणरइय-  
सोवाणं । मणिरयणजडियकंचणथंभसहस्सूसियं रम्मं ॥२५॥ अण्णोण्णविणिज्जियरूवसोहपुत्तलियरेहिरकरोडं । वरथंभनिवे-  
सियसालभंजिपंतीइ रमणीयं ॥२६॥ ससिसूरकंतमणिरयणखचियसिहरगलग्नहमगं । दिप्पंतरयणकरनियरपरिभविज्जंत-  
रविकिरणं ॥२७॥ सिहरगनिवेसियरयणजडियकणयमयकलसकयसोहं । वररूवनिवेसियकणयसिहरसिंहंकनामंकं ॥२८॥  
विलंतधवलधयवडमिसेण नीसेसमणहरनिसेहं । कुणमाणं पिव परिभवियसुरविमाणं व जिणभवणं ॥२९॥ मरगयमय-  
वीसधणुप्पमाणसुवयजिणस्स वरविंव । इंदपयम्भि गजंसे निवेसियं दारनिट्ठाए ॥३०॥

तं च केरिसं?—कमलदलदीहनयणं विसालभालत्थलं वरकवोलं । विंवुट्ठं तुंगनासं सोममुहं छंणससिसमाणं ॥३१॥ सव्वं-  
गकंतिसंचयनिज्जियससिसूरकिरणपव्वभारं । संपलियंकनिसण्णं नासियजयजीवसंतावं ॥३२॥ चउपासेसु विसालं चउवीस-  
जिणालयं करावेइ । गयणगलग्नवरधवलधयवडाडोवरमणीयं ॥३३॥ उचियप्पमाणनियनियवण्णजुयाओ जिणाण पडि-  
माओ । काराविऊण विहिणा निवेसिआओ सठाणेसु ॥३४॥ तत्थ पइट्ठासमए मेलित्तु चउविहं समणसंधं । घोसाविऊण  
अभयं दसदिवसे सव्वदेसम्भि ॥३५॥ बहुभक्खभोयखज्जगविचित्तवल्लिपुप्फउत्तमफलाइं । अक्खयजवारयाई जं किं पि

१ शारदपूर्णिमाशशिसमानम् ।

सवलिया-  
विहारव-  
ण्णो ना-  
म दुवाल-  
समुद्देशो ।

॥ ११३ ॥

जिणेहि परिकहियं ॥३६॥ तं सवं सविसेसं संपुण्णं ढोइऊण जिणपुरओ । सबोसहिमाईयं मेलित्तु समग्गसामग्गिं ॥३७॥  
जाइकुलसुद्धसुइवंभयारिसंपुण्णदेहसियवत्था । बत्तीस हुंति इंदा सुसावया जिणमए कुसला ॥३८॥ अट्ट कुलीणाउ सुवा-  
सिणीओ सिरठवियकणयकलसाउ । उच्चरियमंगलाओ कयसिंगारा अविहवाओ ॥३९॥ सुमुहुत्ते अहिवासिय जिणाविंवे सुद्ध-  
लग्गसुहअंसे । पत्ते पसंतचित्तो नियकिच्चे कुणइ इत्थ गुरू ॥४०॥

तंजहा—थुइदाणमंतणासो आहवणं तह जिणाण दिसिवंधो । नित्तुम्मीलणदेसणगुरूअहिगारा इहं कप्पे ॥४१॥ गायंत-  
महुरसरगायणेहि वज्जंतविविहत्तूरेहिं । नच्चंततियसरमणीरमणीयतराहि रमणीहिं ॥४२॥ इयएवमाइजयजयरवेण दिज्जंत-  
भूरिदाणेणं । जिणपडिमाण पइट्ठा कराविया रायधूयाए ॥४३॥ तह सुइभूया विहिणा सुदरिसणा करइ पंचविहपूया ।  
वरकुसुमाऽऽहरणपसत्थवत्थवलिथुइसुत्तेहिं ॥४४॥ गोसीससुरहिकुंकुममयणाहिविलेवणेण वहवेणं । भत्तिभरपुलइयंगी  
विलिंपए सुवयजिणिंदं ॥४५॥ इंदवइदुज्जमरगयनीलुप्पलचंदकंतिदिप्पंतो । जिणइंदसिरे मउडो पविरइओ रायधूयाए  
॥४६॥ नाणाविहरयणमऊहजालनासवियसयलतमनिवहो । पिहुभालयले रेहइ तिहुयणतिलयस्स वरतिलओ ॥४७॥ माणिक-  
जडियकुंडलवरजुयलं सहइ जिणकवोलतले । सुरगिरिणो पुढावरभाए ससिसूरविंवं व ॥४८॥ पिहुलउरत्थलघोलिरमुत्ति-  
यहारावलीउ रेहंति । जयगुरूणो निम्मलकित्तिकंदलीउव धवलाओ ॥४९॥ सयलजयजीववच्छलजिणिंदवच्छत्थलम्मि सिरि-  
वच्छो । रेहइ सुकयनिही इव निवेसिओ रायधूयाए ॥५०॥ निजियतिहुयणरूवस्स बाहुजुयलेसु भुवणनाहस्स । सोहइ  
केऊरजुयं सुरनरसुक्खं व पच्चक्खं ॥५१॥ मंदारवउलचंपयपाडलिमुचकुंदकंचणारेहिं । सयवत्तकुंदमालइपमुहेहि सुगंधि-

सुदंसणा-  
चरियम्मि

॥ ११४ ॥

कुसुमेहिं ॥५२॥ रत्तुप्पलकमलेहिं कुमुएहिं दीवएहि पवरेहिं । रायसुया तिकाळं पूयइ सिरिसुवयजिणिंदं ॥५३॥ इय  
अच्चियआहरिओ सोहइ मुणिसुवओ जिणवरिंदो । सुरधणुवलायतडिलयसमणिओ संझमेहुव ॥५४॥ डज्झंताऽगुरु-  
कप्पूरवहलधूमच्छलेण जिणपुरओ । रायसुयाए नज्जइ दज्झंतो पावपुंजुव ॥५५॥ कंसालतिलिमकाहलमउंदझलरिहुडुक-  
वरवंसा । भंभामडुयमदलपणवमहासंखसंखायं ॥५६॥ इय नंदीतूरभरो निरंतरं जिणहरम्मि वज्जंतो । णच्चइ रायसुयाए  
जसपडहो एस जयपयडो ॥५७॥ निज्जियरइरूवाओ चउसट्ठिमहिलिया गुणजुयाओ । अट्ठविहभरंहभावियनवविहरसपुलइ-  
यंगाओ ॥५८॥ धणकणयसमिद्धाओ बहुयाउ विलासिणीउ जिणभवणे । पिच्छणयकारिणीओ ठवियाओ सपरिवाराओ  
॥५९॥ भंडारिय-पंचउलिय-वड्ढंगरणिय-लेक्खगाइया सचिवा । मइमंतभत्तिमंता विणिउत्ता गुट्ठिया तह य ॥६०॥ तंबो-  
लियमालियहट्ठभवणउज्जाणवाविकयसोहं । पासेसु जणसमिद्धं निवेसियं वरपुरं रम्मं ॥६१॥ दुहियाण दुत्थियाणं पांडिपुण्णा  
सयलभक्खभोजेहिं । करुणाइ दाणसाला कराविया रायधूयाए ॥६२॥ साहम्मियाण जुग्गा सुदाणसालाविसालवर-  
साला । पोसहसाला तीए कारविया धम्मगयसाला ॥६३॥ एगारसंगचउदसपुवधराईण समणसीहाणं । भत्तीइ देइ दाणं  
रायसुया फासुएसणियं ॥६४॥ अंगोवंगपइण्णगपमुहस्स सुयस्स तिजयसारस्स । सुपसत्थपुत्थयाइं लिहावए परमभत्तीए  
॥६५॥ इय उल्लसियविवेया सुदंसणा इत्थ सत्तखिच्चीए । णायपवित्तं वित्तं निरंतरं ववइ भत्तीए ॥६६॥ असोयवउल-

सवलिया-  
विहारव-  
ण्णणो ना-  
म दुवाल-  
समुद्देशो ।

॥ ११४ ॥

१ भरह० नृत्य । २ पञ्चकुलिक-पंचायतमें बैठकर विचारकरनेवाला । ३ वैकरणिक-राज-कर्मचारिविशेष ।

चंपयपाडलमंदारपमुहतलकलियं । सबन्तुगमुज्जाणं दिण्णं तीए जिणाययणे ॥६७॥ इय एवमाइ सबं पडिपुण्णं कारवेवि जिणभवणं । विउसवरेहि लिहावइ तत्थ इमं सासनं विउलं ॥६८॥

तद्यथा—भक्तिभरनम्रसुरपति—किरीटमाणिक्यकोटिघृष्टपदः । सुरपतिवचोभिर्विनुतः, स पातु वः सुव्रतजिनेन्द्रः ॥६९॥ श्रीशकुनिकाविहारो, विख्यातस्त्रिभुवनेष्वयं वन्द्यः । निर्वाणनगरगोपुर—कपाटपाटनपटिष्ठः ॥७०॥ यस्या विबुधबुधैरप्यनेकधा पादपङ्कजं विनुतम् । श्रीमज्जिनेन्द्रगदिता वाणी सा नः श्रुतं दिशतु ॥७१॥ एकद्वित्रिचतुःपञ्च—षट्खण्डवसुधाधिपाः । एकग्रामाधिपाद्याश्च, ते शृण्वन्तु वचो मम ॥७२॥ [ अनुष्टुभ्वृत्तम् ] भो ! भो ! कृतपुण्या ये, परोपकारोद्यताः कुलीनाश्च । भवभयभीतास्तेषां, करोमि विज्ञप्तिकामेताम् ॥७३॥ यस्मान्नलिनीदलगत—जललवसदृशं हि जीवितं वीक्ष्य । शरदभ्रसममालोक्य सम्पदं कुरुत जिनधर्मम् ॥७४॥ श्रीसिंघलद्वीपसुखप्रदस्य, श्रीमच्छिलामेघनराधिपस्य । तस्याऽङ्गजानामसुदर्शनाऽहं, प्राग्जन्मविज्ञातविचित्रदुःखा ॥७५॥ [ इन्द्रवज्रावृत्तम् ]

ततश्च—संसारभ्रमिभीत्या, जातिस्मृत्या पितुः समादिष्टा । भृगुकच्छपुरे चैत्याऽ—कारि मयैतज्जिनायतनम् ॥७६॥ श्रीलाटदेशराजा, जलधितटे नर्मदानदीतीरे । कल्याणराज्यविजयी, श्रीमज्जितशत्रुनामाऽसौ ॥७७॥ यानि ददर्श दिनान्तर्गजतुरगाऽऽक्रान्तनगरगोष्ठानि । ग्रामाणि चैष राजा, तेषामुपयोगमाख्यामि ॥७८॥ श्रीशकुनिकाविहारे श्रीमन्मुनि-सुव्रताय तीर्थकृते । अष्टौ ग्रामशतानि, प्रहृष्टजनवसतिरम्याणि ॥७९॥ वेलाकुलानि चाऽष्टौ सप्राकाराणि चाऽष्टनग-

१ आज्ञां ।

सुदंसणा-  
चरियमि

॥ ११५ ॥

राणि । प्राच्यां घोटकगंधूपुरपर्यन्तानि निखिलानि ॥८०॥ विदितञ्च दक्षिणेनाऽपि, हस्तिमुण्डकपुरेण कृतसीमम् । एतन्मया प्रदत्तं पालयितव्यञ्च युष्माभिः ॥८१॥ दातुर्यत्पुण्यं स्यात्पालयितुरसंशयं तदेव स्यात् । यो भवति यदा राजा लभते स फलं तदा वीरः ॥८२॥

अन्यच्च—तत्पालयितुः पुण्यं यथा तथाऽधोगतिस्तु लोपयितुः । इति तत्पालयितव्यं, भूपालैर्न्यायनिष्णातैः ॥८३॥

किञ्च—गता गच्छन्ति यास्यन्ति, धरायां ये धराधिपाः । न केनाऽपि समं राज्ञा, गच्छत्येषा वसुन्धरा ॥८४॥ [ अनुष्टुभ्वृत्तम् ] सकलधराधीशत्वं, चपलं चपलाश्च सम्पदो नृणाम् । चपलं च जीवितं निश्चलाऽत्र कीर्त्तिः परं चैका ॥८५॥

अपि च—दानं वित्तादृतं वाचः, कीर्त्तिधर्मौ तथाऽऽयुषः । परोपकरणं कायादसारात्सारमुद्धरेत् ॥८६॥ [ अनुष्टुभ्वृत्तम् ] इत्येवं भक्तिकृते, तीर्थे श्रीशकुनिकाविहारवरे । शासनमिदं प्रसिद्धं सुदर्शना लेखयामास ॥८७॥ जिनधर्ममहाराजो भुङ्क्ते यावन्महीमिमाम् । संसारोदन्वतस्तीर्थं तावन्नन्द्यादिदं भुवि ॥८८॥ इय सुदरिसणकहाए धम्मविहिवियारसासण-निहाए । सिरिसवलियाविहारस्स वण्णणो बारसुहेसो ॥८९॥ [ इइ दुवाल्समुहेसो ]

अह तेरसमुहेसो ।

इय पडिपुण्णं काउं पइदियहं जिणहरम्मि गंतूणं । पूएइ तं जिणिंदं भत्तिभरसायरं विहिणा ॥१॥ नवनवसंवेगपरा तिकाल-पहवणच्चणं च कुव्वंती । निच्चं दाणं दिंती गमेइ कालं समाहीए ॥२॥ अह सा सीलवईए भणिया जिणहरम्मिं जए रम्मं । इत्तो वि य भणिओ जिणवरेहि तवसंजमो अहिओ ॥३॥ किंच खणभंगुरस्स उ असारदेहस्स इत्तियं सारं । जं किज्जइ तवचरणं निबं-

सुदरिसणा-  
सीलवई-  
सग्गगमण-  
णाम तेर-  
समुहेसो ।

॥ ११५ ॥

धणं सासयसुहाणं ॥४॥ धम्मस्स दया मूलं दयाइ सुतवो तवस्स वरणाणं । नाणस्स य निवाणं ता जुत्तं सुयणु ! तवचरणं ॥५॥

जओ—कंचणमणिसोवाणं थंभसहस्सूसियं सुवण्णतलं । जो कारिज्ज जिणहरं तओ वि तवसंजमो अहिओ ॥६॥ राय-  
सुयाए भणियं जइ एवं ता गुरुहि निदिट्ठं । अंबे ! जुज्जइ काउं तवं चले जोवणे जीवे ॥७॥ एवं सा रायसुया सीलवईए  
समं पयत्तेणं । सवंगसुंदरं करइ चित्तमासे तवं एवं ॥८॥ सियपक्खे जिणपूयं करेवि एगंतरोववासेहिं । एगंतरियं च तहिं  
पारणयं अंबिलविसुद्धं ॥९॥ अंते वरजिणपूयं करेवि दाणं मुणीण सा देइ । दुहियाण दुत्थियाण य करुणाइ तहा ससत्तीए  
॥१०॥ चित्तस्स कण्हपक्खे निरुजसिंहनामं करइ एवं पि । कारावेइ चिगिच्छं गिलाणमुणिसावयाणं च ॥११॥ बत्तीस-  
अंबिलाइं एगंतरिएण एगभत्तेणं । सा करइ परमभूसणतवम्मि भणियाइ भावेण ॥१२॥ आहरणं च जिणाणं दाउं अण्णे  
वि कुणइ विविहतवे । निक्खमण-नाण-निवाण-कम्मपरिसूडणाईणि ॥१३॥ रयणावलि-मुत्तावलि-भइ-महा-  
भइ-सवओभइं । एरिसतवे कुणंती तत्थ ठिया सट्ठिवरिसाणि ॥१४॥ अण्णदिणे नियभवणे सुहासणत्था सुदंसणा  
देवी । सुवयंसियाइ इक्काइ सायरं णमिय विण्णत्ता ॥१५॥ वद्धाविज्जसि सामिणि ! कुसलपउत्तीइ जणणिजणयाणं । कमलाइ  
आगमेणं च संपयं सुक्खजणएणं ॥१६॥ इत्थंतरम्मि कमला वि आगया पणमिऊण चलणेसु । देवीसुदरिसणाए पडि-  
कुसलं साहए सवंगं ॥१७॥ जंपइ कमला सामिणि ! नरवइणो चंदउत्तरायस्स । निदिट्ठे तुह कुसले मुणीण तह दंसणे सुहए  
॥१८॥ तुह बंधूण कणिट्ठो वसंतसेणो ठवेइ तं रज्जे । तुह जणणिवंधुसहिओ पडिवण्णो नरवई दिक्खं ॥१९॥ तेणाऽवि  
पुणो तुह बंधवेण रण्णा वसंतसेणेण । तुह संदिट्ठं संपइ भवंतरे मं वि बोहिज्जा ॥२०॥ तह पउमाधावीए वासवदत्तेण

सुदंसणा-  
चरियम्मि

॥ ११६ ॥

तीइ पुत्तेण । एयं चिय संहिड्डं ममं पि वोहिज्ज जिणधम्मे ॥२१॥ सुणिऊण तीइ वयणं पच्चासण्णं मुणेवि नियमरणं । रायसुयाए जिणवयणसारसवणाणुभावेण ॥२२॥ अत्र पूर्वगाथा-भूकण्णघोसनासाताराजीहाण अणुवलंभम्मि । नवपंच-सत्ततिणिण य एगं च दिणं भवे जीयं ॥२३॥ धुवंचक्कं तह तिपयं अरुंधं जो न नियइ नियइ पुणो । विवरीयं माईहरं छम्मासे होइ जीयं से ॥२४॥ ववहारगाहा-एयं जो उवलक्खइ सया वि खलु आयरेण पइदियहं । सो जाणइ नियमसुं इयरो सत्थाइं उवहसइ ॥२५॥ एएहि रायधूया मुणेवि चिंधेहि अत्तणो मरणं । सबं पि नयरलोयं खमावए परियणं तह य ॥२६॥ चेइयहरेसु अट्टाहियासु महिमाओ तह करावेइ । दाणाइ मुणिवराणं देइ अणाहाण दीणाणं ॥२७॥ वंदेवि जिणव-रिंदे नीसंगं तह करेवि अत्ताणं । विहियकरयंजलिउडा थुणइ सिरिसुवयजिणिंदं ॥२८॥

तंजहा—जय जय तिहुयणभुवणप्पईव ! जय जय सुरिंदणयचलण ! । जय जय भवजलहीसु जाणवत्त ! मुणिसुवय-जिणिंद ! ॥२९॥ जय जय निक्कारणपरमबंधु ! जय जय जईस ! सुरमहिय ! । तुह चरणाणं पुरओ करेमि विण्णत्तियं एवं ॥३०॥ जम्मजरमरणगुरुलहरिभीसणे णाह ! भवसमुद्धम्मि । पावइ सुमाणुसत्तं जीवो जं तं तइ पसण्णे ॥३१॥ एगूणसयरि-कोडाकोडीउ खवेवि मोहणीयस्स । जं होइ तुम्ह सेवाणुसंगमो तं तुह पसाओ ॥३२॥ जो य तुमं पिच्छंतो जायइ सह-सत्ति बहुपुलइयंगो । सो भवो पइजम्मं हवेइ पुरिसुत्तमो लोए ॥३३॥ जो तुम्ह पुणो आणाणुपालणं कुणइ पइदिणं विहिणा । तस्स सुरासुरमणुया कुणंति आणं पहिड्डमणा ॥३४॥ आणामित्तेण वि पणंइयस्स जिण ! जं समं फलं देसि । तं

१ नासिकाऽग्रभागं ।

२ तारकां ।

३ रसनां ।

४ अकुटिं ।

५ प्रणयिनः—भृत्य स्व ।

सुदरिसणा-  
सीलवई-  
सगगमण-  
णाम तेर-  
समुद्देशो ।

॥ ११६ ॥



कयकिच्चो व तुमं सवं पि निएसि अप्पसमं ॥३५॥ सामि ! सुदुल्लहं तुम्ह दंसणं भावयंति जे सुहयं । ते वि सिवसुर-  
सुक्खाण भाइणो नाह ! जायंति ॥३६॥ पच्चक्खो वि तुमं जिण ! न दीससे कहवि भावरहिण्हिं । अहवा किं कप्पतरू  
कयावि पिच्छंति निब्भग्गा ? ॥३७॥ तुममच्छीहि न दीससि नाऽऽराहिज्जसि पभूयपूयाहिं । किंतु गुरुभत्तिराएण वयण-  
परिपालणेणं च ॥३८॥ रसवायखीणदेहा जे पयडनिहिं व तं अपिच्छंता । भमडंति जं वराया तं मण्णे नाह ! जम्मंधा  
॥३९॥ मुत्तुं तुमं पि अण्णं जे के वि णमंति धम्मबुद्धीए । सवं पि सुवण्णमयं नियंति धत्तूरिया अहवा ॥४०॥ सुहयं गुणाण  
निलयं निज्जियतियलोयलच्छिवरसोहं । तुम्ह वयणारविंदं निएवि हरिसिज्जइ न को वा ? ॥४१॥ विमलगुणरयणजलनिहि !  
भवजलनिहिपडियतारणतरंड ! । जम्मजरमरणवज्जियपयगय ! परमेसर ! नमो ते ॥४२॥ इय सुवयजिण ! देविंदणमि-  
यपय ! सुयगुणसुदंसणाइय ! । सासयनिवाणसुहेहि कुण पसायं पसण्णच्छ ! ॥४३॥ थुणिऊण जिणवरिंदं अरिहंतसुसिद्ध-  
सूरिउज्झाए । साहू य भत्तिसहिया णमेवि भावेण रायसुया ॥४४॥ आलोइय दुच्चरियं मणवयकाएहि जं कयं पावं ।  
काऊण कसायजयं इंदियइच्छानिरोहं च ॥४५॥ संसारम्मि अणंते अणंतजम्मेसु संसरंतेणं । जे के वि मए दुक्खे  
निजोजिया ते खमावेमि ॥४६॥

तंजहा—पुढविजलजलणमारुयवणसइकाया विराहिया जीवा । जं मणवयकाएहिं मिच्छा मे दुक्कडं तस्स ॥४७॥ सुर-  
नरतिरिनरयभवे जे के वि विराहिया मए जीवा । मणवायाकाएणं मिच्छा मे दुक्कडं तस्स ॥४८॥ दंसणणाणचरित्ते  
पडिकूलं जं मए कहिं पि कयं । मणवायाकाएण य मिच्छा मे दुक्कडं तस्स ॥४९॥ अब्भितरओ रागाइदोस दवाइयं

सुदंसणा-  
चरियम्मि

॥ ११७ ॥

च बाहिरओ । दुविहमचित्तसचित्तं तिविहं तिविहेण वोसिरियं ॥५०॥ चउविहआहारस्स उ जावजीवम्मि मज्झ विणि-  
यत्ती । जस्स कए आहारो तस्स चिय अणिच्चदेहस्स ॥५१॥ एगो निच्चो जीवो मज्झ सया णाणदंसणसम्मो । सेसा  
संजोगा पुण भवे भवे मज्झ वोसिरिया ॥५२॥ सामाइयं च तिविहं तिविहेण करेइ सा जिणुद्धिं । अरिहंतसिद्धसाहू  
जिणधम्मं सरणमल्लियइ ॥५३॥

तंजहा—रागद्वोसकसाए दुज्जयपंचिदियाणि करणतियं । जेहि इमे अरी हणिया अरिहंता मज्झ ते सरणं ॥५४॥  
भवमाले रागद्वोससलिलसित्तं सकम्मफलबीयं । जेसि पुणो वि न रोहइ अरुहंता मज्झ ते सरणं ॥५५॥ णागिंदसुरिंदनरिंद-  
चंदस्वरिंदविहियपूयं जे । अरहंति तह सिवगइं अरहंता मज्झ ते सरणं ॥५६॥ खविऊण पुण्णपावं सयलमणिच्चं मुणेवि  
णाणेणं । जे पत्ता परमपयं ते सिद्धा मे सया सरणं ॥५७॥ चरणकरणप्पहाणा समिईगुत्तीसु निच्चमुज्जुत्ता । सभसत्तुमित्त-  
चित्ता ते मज्झ सया मुणी सरणं ॥५८॥ पंचासवपंचिदियनिग्गहणो चउक्कसायविजयपरो । जो केवलिपण्णत्तो धम्मो सो  
होउ मह सरणं ॥५९॥ सुकयाऽणुमोयणपरा अट्टारसपावठाणपरिमुक्का । समभावभावियप्पा नियदुक्कयगरहणुज्जुत्ता ॥६०॥  
इय एवं फग्गुणपुण्णिमाइ सा अणसणं करेऊण । जा चिड्डइ रायसुया अह पत्तो गिम्हकालु त्ति ॥६१॥ अहियकरकंत-  
धरो सूरु कुणराहिवुव्व दुप्पिच्छो । भट्टगिसमाणअमाणलूयदुब्बायबलकलिओ ॥६२॥ जिणवयणसिसिरगोसीसचंदणेणं व  
सिच्चमाणा सा । तं अणसणं पि मण्णइ सुदंसणा अमयपाणं व ॥६३॥ सीलवई वि हु तम्मोहमोहिया तस्समीवमुवविट्ठा ।

१ समग्गो युक्त ।

२ मालो आराम ।

सुदरिसणा-  
सीलवई-  
सग्गगमण-  
णाम तेर-  
समुद्देशो ।

॥ ११७ ॥

निच्चं पि सरइ महरस्सरेण अमयं व सिद्धंतं ॥६४॥ इय सा संवेगपरा पंचणमुक्कारसुमरणपहाणा । वइसाहमाससिय-  
 पंचमीइ पंचत्तमणुपत्ता ॥६५॥ ईसाणदेवलोए उप्पण्णा सा महिद्धिया देवी । अमरच्छरपरियरिया थुबंती देवदेवीहिं ॥६६॥  
 अह सा सीलवई वि हु तबिरहाणलपलित्तसवंगा । चाऊण सबसंगं सुगुरुसमीवम्मि पवइया ॥६७॥ तेहि वि समप्पिया  
 सा पवत्तिणीए इमा समं तीए । सह विहरंती सम्मं पढइ सुयं कुणइ तिबतवं ॥६८॥ पायं पच्चासण्णं भरुयच्छपुरस्स विह-  
 रइ एसा । सिरिसवलियाविहारस्स भत्तिराएण गुरुएण ॥६९॥ इय सा सुइरं कालं अकलंकं पालिऊण तवचरणं । अण-  
 सणमंते काउं सुदंसणामग्गमणुलगा ॥७०॥ मरिऊण समाहीए उप्पण्णा सा वि तत्थ ईसाणे । पवरविमाणे देवी महि-  
 द्धिया भूरिपरिवारा ॥७१॥ ता दो वि तत्थ मिलियाउ पुवभवसंगयाउ सुरसुक्खं । माणंतऽणुरत्ताओ अविउत्ताओ सयाकालं  
 ॥७२॥ कइया वि जंति णंदीसरम्मि दीवम्मि सपरिवाराओ । अट्टाहियाउ महिमा कुणंति ता चेइएसु तहिं ॥७३॥ कइया वि  
 मेरुपव्वयपमुहेसु महीहरेसु पवरेसु । सिद्धाययणेसु कुणंति दो वि देवीउ पूआओ ॥७४॥ कईया वि जंति अट्टावयम्मि  
 सित्तुंजसेलसिहरम्मि । अण्णेसु वि तित्थेसुं कुणंति पूयं अणिच्चेसु ॥७५॥ सिरिसीमंधरसामियपमुहाण जिणाण विहरमाणानं ।  
 वच्चंति समोसरणे सुणंति पढुदेसणं तत्थ ॥७६॥ कइया वि जंति जम्मणमहिमाइएसु जिणवरिंदचंदाणं । सययं पुण भरुयच्छे  
 मुणिसुव्वयणाहभवणम्मि ॥७७॥ तत्थ य सबिद्धीए सुरतरुकुसुमाइएहि जिणपूयं । काउं भत्तिभरेणं कुणंति णिच्चं पि  
 पिच्छणयं ॥७८॥ इय ताओ दो वि देवीउ देवगुरुपायपूयणपराउ । तह सुरसुहकलियाओ गयं पि कालं न याणंति  
 ॥७९॥ इय सुरिदसणकहाए विवेगिसंवेगरंगसालाए । सुदरिसणासीलवईसग्गगमो तेरसुहेसो ॥८०॥ [ इइ तेरसमुहेसो ]

अह चउदसमुद्देसो ।

सुदंसणा-  
चरियम्मि

॥ ११८ ॥

अह भणइ चंडवेगो मुणी ठिओ तत्थ विमलसेले सो । चंपगलयाइ पुरओ रुक्खंतरीयस्स तह रण्णो ॥१॥ एयं चरियं तइया वित्तं मुणिसुवयस्स तित्थम्मि । इत्थाऽऽगमणं संपइ तुम्हाणऽम्हाण साहेमि ॥२॥ सिरिभरुयच्छे जइया वट्ठंते सुवयस्स तित्थम्मि । सुवयजिणस्स भवणं कारवियं रायधूयाए ॥३॥ एयं पि इत्थ तइया विजयकुमारस्स साहुभत्तीए । देवीसुदरिसणाए करावियं जिणहरं तीए ॥४॥ गणहरमुणीहि पच्छा पयडिज्जंते जिणिंदधम्मम्मि । तित्थस्स वासलक्खा वोलीणा अंतरे छच्च ॥५॥ [ ६००००० ] इत्थंतरम्मि भद्दे ! णमित्तिथयरो इह समुप्पण्णो । दसवाससहस्से पयडिऊण धम्मं गओ मुक्खं ॥६॥ [ १०००० ] तित्थं च तस्स पंचहि वासलक्खेहिं वोलियं जाव । [ ५००००० ] ता सिरिणेमि-जिणिंदो भारहम्मि इह समुप्पण्णो ॥७॥ वरिससहस्सं इक्कं धम्मं साहेवि भवसत्ताणं । [ १००० ] संपत्तो निव्वाणं निरुव-मसुक्खं निरावाहं ॥८॥ अद्धट्ठमसयहियवरिससहसतेयासिया अइक्कंता । [ ८३७५० ] तो इत्थ भरहखित्ते पास-जिणिंदो समुप्पण्णो ॥९॥ वरिससयं पासजिणो धम्मं साहेवि सिवपयं पत्तो । [ १०० ] दोसयपंचासहिया पवत्तियं पासजिणतित्थं ॥१०॥ [ २५० ] भयवं वीरजिणिंदो उप्पण्णो इत्थ भरहखित्तम्मि । बाहत्तरिवरिसाइं कहेवि धम्मं सिवं पत्तो ॥११॥ [ ७२ ] किंचूणाबारसवरिसलक्खसिरिसवलियाविहारस्स । भरुयच्छे तीइ करावियस्स कालप्पमाण-मिणं ॥१२॥ [ ११९५१७२ ] ऊणाधिकाउद्देसेण—जत्थऽज्जवि सुपवित्ते तित्थे साहंति मुणिवरा मुक्खं । अवसप्पिणीइ

१ उत्पन्नम् ।

सुदरिस-  
णाए सहो-  
यरचंडवे-  
गविवोह-  
णणाम च-  
उदसमो  
उद्देसो ।

॥ ११८ ॥

तित्थं सुरमहियं वट्टए इण्हिं ॥१३॥ एयम्मि वट्टमाणे तित्थे तित्थयरवट्टमाणस्स । इह विमलसेलसिहरे आगमणं तुज्झ  
 साहेमि ॥१४॥ निसुणसु भदे ! तइया सिंहलदीवाउ रायधूया सा । भरुयच्छे संपत्ता जणणिं जणयं खमावेवि ॥१५॥  
 कमलाइ पडिनियत्ताइ साहिए धम्मवइयरे सबे । देवीसुदरिसणाए सोउं संविग्गचित्तेणं ॥१६॥ तइया सिंघलवइणा  
 वसंतसेणो कणिट्टनियपुत्तो । अब्भत्थिऊण बहुसो अहिसित्तो कहवि नियरज्जे ॥१७॥ पउमाधावीइ सुओ तस्स सहाओ  
 निरूविओ दुइओ । जणणिव ताण पासे ठविआ पउमा तहा धाई ॥१८॥ राया वि चंदउत्तो सपरियणो रायलच्छिमु-  
 ज्जेवि । जिणदिक्खं पडिवण्णो सुदंसणाए विओगेण ॥१९॥ काऊणं विउलतवं मरिऊण देवलोयमणुपत्तो । सो पुण  
 वसंतसेणो सिंघलदीवे कुणइ रज्जं ॥२०॥ कालेण सो वि रज्जं चइउं पडिवज्जिऊण तवचरणं । मरिउं विराहियवओ असुर-  
 कुमारेसु उववण्णो ॥२१॥ संपइ सो वेयट्ठे दाहिणसेढीइ चंदरहणयरे । णामेण चंडवेगो राया विज्जाहरो जाओ ॥२२॥  
 वररूवलक्खणधरो नवजोवणसंपयं समारूढो । सो अण्णया रमतो पत्तो भरुअच्छनयरम्मि ॥२३॥ सिरिसवलिया-  
 विहारे किण्णरगंधवजक्खजुवईणं । गेयरवं निसुणंतो संपत्तो जाव जिणभवनं ॥२४॥ ता महुर्गिरा लवणीहि मंगलं  
 पभणिउं सुरवहूहिं । खिविऊण कुसुमवुट्ठी पारद्धं पवरपिच्छणयं ॥२५॥ तम्मि य वट्टंते विविहभावरुइरम्मि अमरणारीहिं ।  
 अग्घविहत्थाहि तओ एगा जुवई समुच्चरिया ॥२६॥

तंजहा—जा सुरसेलसहियकुलपव्वय गयणि तवेइ दिणयरो, गहणक्खत्ततारागणसोहिओ णहि परिभमइ ससहरो ।  
 ता सरयमियंकमुत्ताहलखीरोयहिजलुज्जला देविसुदरिसणाइ सुरणारीहिं गिज्जउ कित्तिणिम्मला ॥२७॥ तत्तो सुदरि-

सुदंसणा-  
चरियम्भि

॥ ११९ ॥

सणाए देवीए हिययभावकुसलाए । कयसंकेयाइ इमं भणियं अमरीइ एगाए ॥२८॥ ससुरासुरम्भि लोए पिच्छह मोहस्स विलसियं जम्हा । विसयसुहलालसामिच्छतिमिरपडलंतरियणयणा ॥२९॥ पिच्छंता वि न पिच्छंति के वि हियमप्पणो महा-  
मूढा । अहवा कित्तियमेयं पमायमइरापरवसाणं ॥३०॥ अह कयसंकेयाए अवरए अच्छराइ इय भणियं । किं पि न चुज्जं जं इह घणरागहोसवसगजिया ॥३१॥ पुण पुण वि भणिज्जंता वि केइ हियमत्तणो नहि सुणंति । अहवा कित्तियमेयं घण-  
चिक्कणनिविडकम्माणं ॥३२॥ इय ताण अच्छराणं सोवालंभं निसामिउं वयणं । सो चंडवेगखयरो चिंतिउमेवं समाढत्तो ॥३३॥ किमहो ! एस महप्पा अरिहंतो देवयाविसेसोऽत्थ । दिट्ठो व निसुणिओ वा कयावि कत्थ वि मए पुविं ॥३४॥  
देवीसुदरिसणाए अमरवहूहिं पि एरिसी कित्ती । इह जीइ पसंसिज्जइ सा मए कत्थई णिसुया ॥३५॥ तह य किमेयं अम-  
रच्छराहि भणियं जमित्थ मोहंधा । हियमप्पणो न पिच्छंति के वि न सुणंति घणकम्मा ? ॥३६॥ एवं विचिंतयंतस्स तस्स विज्जाहरस्स बोहकए । भणियं सुदरिसणाए अत्तहियं भद्द ! णिसुणेहि ॥३७॥ तइया हं बोहिकए भणिया णु तए सुबुज्झ-  
ता इण्हिं । आसि तुमं पुव्वभवे पुत्तो सिरिसिंहलेसस्स ॥३८॥ संहिट्ठं च तए मह वसंतसेणेण पत्तरजेण । जह पडिबोहे-  
यवो अहं तए इय तया भणियं ॥३९॥ देवीसुदरिसणाए वयणमिणं खेयरो सुणेऊण । उप्पण्णजाइसरणो भणइ कयत्थो  
कयत्थो हं ॥४०॥ दुग्गइगत्तावडिओ जिणिंदमयरज्जुणा तए देवि ! । उद्धरिओ जह सहसा धम्मं पि तहा कहसु मज्झ  
॥४१॥ इत्थंतरम्मि तइया सित्तुंजे तियसकयसमोसरणे । भवियपडिबोहणकए वीरजिणिंदो समोसरिओ ॥४२॥ विज्जा-  
हरो वि देवीसुदरिसणाए समं तहिं पत्तो । भत्तीइ ते जिणिंदं थुणंति तिपयाहिणं काउं ॥४३॥

सुदरिस-  
णाए सहो-  
यरचंडवे-  
गविबोह-  
णणाम च-  
उदसमो  
उद्देसो ।

॥ ११९ ॥

तंजहा—जय जय वीरजिणेसर ! जय जय तियसिंदनमियपयकमल ! । जय तिहुयणभवणुद्धरण ! सरण ! भव-  
भीयभवियाणं ॥४४॥ जय कुगइनयरगोउरकवाड ! निव्वाणणयरपहदीव ! । तह कुण अम्ह पसायं निवडेमो जह न संसारं  
॥४५॥ इय थोउं वीरजिणं नियनियठाणम्मि ते निविट्ठाइं । णिसुणंति धम्मदेसणमिणमो पहुणा कहिज्जंति ॥४६॥ दसचुल्ल-  
गाइदिट्ठंतदुल्लहं लहिय माणुसं जम्मं । वरसम्मत्तपवित्तं जिणधम्मं कुणह जत्तेण ॥४७॥

तहाहि—पुवुत्तकमेण जिओ गंठिं भित्त्तूण लहइ सम्मत्तं । सो पावइ जिणधम्मं पि सबओ देसओ वा वि ॥४८॥ लद्धूण  
वि जिणधम्मं न निच्चलं होइ जस्स सम्मत्तं । सो परिवडेइ पुणरवि भमइ अणंतं पि संसारं ॥४९॥ जो पुण अप्परिवडियं  
सम्मत्तं धरइ णिच्चलं जीवो । आसण्णसिद्धिसुक्खस्स लक्खणं तस्स साहेमि ॥५०॥ जीवाइतत्तसासयमसासयं जं जिणेहि  
पण्णत्तं । तं सम्मं भावंतो नीसंको सो मुणेयवो ॥५१॥ संसारदुक्खदुहियं पाणिगणं जो निएवि करुणाए । उवयरइ सत्तिओ  
सो णेओ करुणापरो भवो ॥५२॥ चउसु वि गईसु दुक्खं मुणेवि संसारभीरुओ वसइ । उज्जमइ धम्मकज्जे णिव्वेयपरो स  
विण्णेओ ॥५३॥ पज्जंतेसु अणिच्चं णरसुरसुक्खं पि तिणसमं गणइ । अहिलसइ सिद्धिसुक्खं संवेयपरं च तं जाण ॥५४॥  
असुहं कम्मविवागं णाऊण कयावि जो न रूसेइ । कयदोसेसु वि सदओ तं उवसमसंगयं मुणह ॥५५॥

अवि य—दट्ठूण जिणवारिंदं पुलइज्जइ जो ससंभमं सहसा । मुणिदंसणाणुरागी साहम्मियवच्छलो सदओ ॥५६॥ अरि-  
हंतसिद्धपवयणगुरुथेरवहुस्सुयाइठाणेसु । उज्जमइ भावसारं संकाइविवज्जिओ सुमई ॥५७॥ जीयं जोव्वणलच्छी खणभंगु-  
रयं मुणेवि सबमिणं । उज्जमइ धम्मकज्जे सो भवो विमलसम्मत्तो ॥५८॥

सुदंसणा-  
चरियम्भि

॥ १२० ॥

अण्णं च—णिस्संक्रियणिक्कंखियणिबिइं गिच्छाअमूढदिट्ठी य । उव्वूहथिरीकरणे वच्छंलपभार्वणे अट्ठ ॥५९॥ सम्मत्त-  
रक्खणट्ठं अइयारे जो इमेऽणुरक्खेइ । पायारव सुणयरे सम्मत्तं णिच्चलं तस्स ॥६०॥

तंजहा—जीवाइणवपयत्थे भावेण सया वि जो णु सइहइ । पेयापाइसुओ इव सुहिओ सो होइ णिस्संको ॥६१॥  
छजीववहपयत्ते कुलिंगिए दट्ठु कट्ठकम्मपरे । णिक्कंखिओ न कंखइ तुच्छाहारेण मच्चुव ॥६२॥ जिणधम्मफलं पइ जस्स  
णत्थि कइयावि णूण संदेहो । सो समुहणहयलगई विजागहणेण चोरुव ॥६३॥ मलमलिणदेहवत्थे मुणिवसहे दट्ठु जो  
दुगच्छेइ । दुग्गंधव दुही सो इय णाउ हवह अदुगंछी ॥६४॥ दिट्ठे वि कुदिट्ठिपरे अइसयवंते वि जो न मुज्जेइ । सो  
सुलससाविया इव अमूढदिट्ठी मुणेयवो ॥६५॥ चारित्तणाणदंसणसमुज्जए मुणिवरे पसंसेइ । उव्वूहइ जइधम्मं अभय-  
कुमारो दमगसाहुं ॥६६॥ तवसीलणिरयरहणेमिकुमरपडिबोहणेण राइमई । थिरसम्मत्ता णाउं थिरसम्मत्तेण होयवं ॥६७॥  
साहम्मियवच्छलं मुणीण बाहुव होइ कायवं । सावयगणाण अहवा सत्तीए भरहणाहुव ॥६८॥ जिणकप्पियमुणिसीलप्प-  
भावपयडणपरा सुभइव । चंपाइ पोलिउग्घाडणेण णेया पभावणया ॥६९॥ इय अट्ठगुणविसुद्धं सम्मत्तं जस्स णिच्चलं  
अत्थि । सो संसारसमुद्धं तरेइ अइरेण कालेण ॥७०॥ मिच्छत्तं पि य णेयं सम्मत्तं जेण निच्चलं होइ । अमुणियगुणदोसाणं  
हवेइ गुणसंगहो किह णु ? ॥७१॥ भवसयसहस्सदुलहं मूढो हारेइ विमलसम्मत्तं । वंतरमुगलगहगुत्तदेवयापियरपूयाए ॥७२॥

अण्णं च—पडिवज्जियजिणधम्मो अण्णो सबण्णुभासियं वयणं । इक्कं पि अमण्णंतो मिच्छदिट्ठी मुणेयवो ॥७३॥  
मूढा अणाइमोहा तहा तहा इत्थ संपयट्ठंता । तं चेव उ मण्णंता अवमण्णंता न याणंति ॥७४॥ एए सगच्छसाहू एयं मह

सुदरिस-  
णाए सहो-  
यरचंडवे-  
गविबोह-  
णणाम च-  
उदसमो  
उहेसो ।

॥ १२० ॥



जिणगिहं वि मण्णंतो । अण्णे पुण अवमण्णइ वीयं मिच्छत्तरुक्खस्स ॥७५॥ णत्थि सुपत्तं संपइ दाणं देमि त्ति कस्स चिंतंतो । जणइ दुगंलं वोहिं हणेइ मिच्छत्तकंदो सो ॥७६॥ मलमइलमुणी दट्ठुं न य वंदइ जो जणस्स लज्जंतो । दंसण-  
पहा हणंतो कोसो मिच्छत्तवित्तस्स ॥७७॥ जो पुण सइ सामत्थे वसणमुक्खिखेइ समणसंघस्स । सोऽणंतदुक्खसंबलसंपुण्णो  
भमइ संसारे ॥७८॥ जो गिहकुडुंबसामी संतो मिच्छत्तरोवणं कुणइ । तेण सयलो वि वंसो पक्खित्तो भवसमुद्दम्मि ॥७९॥  
नवि तं करेइ अग्गी णेय विसं णेय किण्हसप्पो वि । जं कुणइ महादोसं तिबं जीवस्स मिच्छत्तं ॥८०॥ मिच्छत्तमोह-  
मूढो चउगइसंसारगुरुयकंतारे । छेयणभेयणपमुहं पावइ जीवो अणंतदुहं ॥८१॥ ता एयमणेगविहं मिच्छत्तं सुगइगमण-  
पडिक्कलं । वज्जेयवं सम्मत्तरयणपडिसोहणट्ठाए ॥८२॥ जह मलकलंकमुक्कं कणगं साहइ समीहियं कज्जं । तह मिच्छत्तविमुक्कं  
सम्मत्तं साहए मुक्खं ॥८३॥ सो पुण णरिंद ! मुक्खो साहिज्जइ सबसंगविरईए । सा सबसंगविरई हवइ महासत्तपुरुसस्स  
॥८४॥ ता चंडवेग ! खत्तियकुलसंभवखयर ! तंऽसि महसत्तो । उवलद्धपुण्णपावो अवगयसंसारसब्भावो ॥८५॥ जइ  
सरसि पुव्वजम्मं तो तोलेऊण उत्तमं सत्तं । सहलीकरेह मणुयत्तणं गहेऊण पव्वज्जं ॥८६॥ गिण्हित्तु तयं तुमए पयट्ठियवं तु  
सव्वकालं पि । अपमत्तमाणसेणं एयाइ विसुद्धकिरियाए ॥८७॥

तथाहि—छजीवकायरक्खं कुणसु तुमं सययमायपच्चक्खं । समिईउ पंच गुत्तीउ तिण्णि पालेसु अपमत्तो ॥८८॥  
पालसु तं पंचमहबयाइं णिसियगखगधाराइं । दंसणणाणचरित्तस्सरूवरयणत्तयं धरसु ॥८९॥ सुत्तत्थगहियसारो पयडी-  
काऊण अत्तणो विरियं । सतरसविहं पि सम्मं परिपालसु संजमं रम्मं ॥९०॥ अट्ठारसविहवंभं नवगुत्तिजुयं धरेसु सुवि-

सुदंसणा-  
चरियम्मि

॥ १२१ ॥

सुद्धं । सहसु तुमं धीरमणो बावीसपरीसहे दुसहे ॥९१॥ बायालदोसरहियं गिण्हसु आहारमंगवित्तिक्कए । सेवसु गुरु-  
कुलवासं दमसु तुमं इंदियतुरंगे ॥९२॥ निज्जिणसु रागदोसे कसायसुहडे तुमं निराकरसु । आरुहिऊण सेढिं लहसु  
अहक्खायचारित्तं ॥९३॥ अपसत्थलेसरहिओ पसत्थलेसाणुगो विगयमोहो । रुहट्टज्झाणमुक्को धम्मज्झाणाणुगयचित्तो ॥९४॥  
होऊण सुक्कलेसो विहरित्तु जहागमं सुहविहारं । मरिउं पंडियमरणेण वच्छ ! गच्छसु तुमं सुगइं ॥९५॥ इय सोउं सो खयरो  
सिरिबीरजिणस्स पायमूलम्मि । सित्तुंजसेलसिहरे संविग्गो गिण्हए दिक्कवं ॥९६॥ अब्भत्थदुविहसिक्खो विहरंतो भग-  
वया समं एसो । तिब्वतवच्चरणरओ ओहीणाणं समणुपत्तो ॥९७॥ तोलित्ता अत्ताणं तवसत्ताईहि पंचतुलणाहिं । पडिव-  
जित्ता सम्मं एगल्लविहारवरपडिमं ॥९८॥ णाणेण तुमं णाउं संपइ चंपयलए ! विमलसेले । इह तुह पडिवोहकए समा-  
गओ सो अहं भदे ! ॥९९॥ इय सुदरिसणकहाए मिच्छत्तभुयंगगरुडसरिसाए । सुदरिसणाइ सहोयरविबोहणो  
चउदसुहेसो ॥१००॥ [ इइ चउदसमुहेसो ]

अह पंचदसमो उहेसो ।

अह भणइ मुणी भदे ! इमस्स चेइयहरस्स उप्पत्ती । मूलाओ तह कहिया संपइ णियवइयरं सुणसु ॥१॥ जा य तथा  
मह पासे सिंघलवइणा निरुविया धाई । पउमा सा मरिऊणं इत्तियकालं भवं भमिया ॥२॥ संपइ पाडलिणयरे जयरण्णो  
जयसिरीइ देवीए । जाया अइरमणीया धूया चंपगलया णाम ॥३॥ सा सबकलाकुसला वरलायण्णा पवण्णतारुण्णा ।  
णियरूवगद्वियमणा परिणयणं निच्छइ मयच्छी ॥४॥ अह अण्णदिणे दडुं पडिविं चित्तपट्टियालिहियं । महसेणणिवस्स

धाईसुय-  
महसेणप्प-  
बोहणनाम  
पणरसमो  
उहेसो ।

॥ १२१ ॥

तओ जाया सा साणुरायमणा ॥५॥ तो दूयमुहेण जएण राइणा सहिओ महासेणो । पंचवहणेहि चलिओ तो भगं  
 पवहणं तस्स ॥६॥ तं सोउं चंपगलया विसयविरत्ता विसायसंपत्ता । दिट्ठा सुदरिसणाए देवीइ विमाणगमणाए ॥७॥  
 णियपुवजम्मधाइ त्ति जाणिउं तीइ बोहणमणाए । तित्थणमणत्थमेयं दिण्णं से पाउयाजुयलं ॥८॥ तित्थाइ णमंसंती सित्तुं-  
 जाईणि पाउयारूढा । संपइ इह संपत्ता तुमं सि सा चंपयलय त्ति ॥९॥ ता जे चलसम्मत्ता भद्दे ! भीमम्मि भवसमुद्गम्मि ।  
 ते परिभमंति तुममिव इय मुणिवयणं सुणेउं सा ॥१०॥ उप्पण्णजाइसरणा जंपइ चंपयलया विगयमोहा । वासवदत्तो सो  
 मह पुत्तो कत्थित्थ निवसेइ ? ॥११॥ भणइ मुणिंदो तइया काले मरिऊण अकयधम्मो सो । इत्तियकालं भमिओ कइवि  
 भवे तिरियमणुएसु ॥१२॥ किंचिकयसुकयकम्मो मलयायलणियडमलइणयरीए । णामेण महासेणो संपइ सो णरवई जाओ  
 ॥१३॥ सो तुह परिणयणत्थं चलिओ जा एइ उयहिमज्झम्मि । पडिकूलपवणखित्तो समागओ सो वि ता इत्थ ॥१४॥ तण्हा  
 सुसियसरीरो वावीए सो जलं पिएऊण । तुह पाउयाण जुयलं दट्ठूण ससंभमो जाओ ॥१५॥ सो तुज्झ पायपडिविंम-  
 गलगो समागओ इत्थ । जिणभवणे तुह रूवं णिएवि मयणाउरो जाओ ॥१६॥ तुह रूवं पिच्छंतो णिवसइ किंकिलिपाय-  
 वंतरिओ । उप्पिच्छह णियपुत्तो भणियमिणं चंडवेणेण ॥१७॥ सोऊण णिययचरियं राया धाराहओ बइल्लुव । गुरुलज्जो  
 णमियसिरो समागओ साहुपयमूले ॥१८॥ सुमरंतो पुवभवं भणइ णिवो हं तए महाभाग ! । णिंदियकज्जाभिमुहो णिव-  
 डंतो दुग्गइं धरिओ ॥१९॥ ता मह कुणह पसायं णिवडामि जहा पुणो न संसारे । होंति उवयारणिरया णिक्कारणबंधवा  
 गुरुया ॥२०॥ भणइ मुणिंदो भद्दय ! मोहतमाऽऽउलियणाणणयणाणं । कामंधजंतुयाणं संसारे कित्तियं एयं ॥२१॥ घण-

सुदंसणा-  
चरियम्मि

॥ १२२ ॥

णिविडकट्टिणणियकम्मदोसदिठरज्जुपासगलगहिओ । मरिऊण होइ पुत्तो पुत्तस्स वि अप्पणो कइया ॥२२॥ पुत्तो वि पिया जणणी वि भारिया भारिया वि पुण जणणी । भइणी भज्जा धूया भइणी भइणी पुणो भज्जा ॥२३॥ मित्तो सत्तू जायइ सत्तू मित्तो सहोयरो वेरी । वेरी वंधू सामी भिच्चो भिच्चो पुणो सामी ॥२४॥ राया दासो दासो सकम्मवसगो हवेइ पुण राया । ता मा कुणसु विसायं संसारे कित्तिं एयं ॥२५॥ संपइ विसेसओ पुण कलिकालकलंकपंककलुसाणं । अण्णाण-  
तिमिरगुरुभरअंतरियविवेगणयणाणं ॥२६॥ महमोहमोहियाणं सदप्पकंदप्पसप्पडक्काणं । मिच्छत्तविसमविसघारियाण कोह-  
ग्गिदट्ठाणं ॥२७॥ माणगिरिचंपियाणं मायाविसवल्लिगहणविहुराणं । धणमुच्छमुच्छरिंछोलिवाइयाणं सुतुच्छाणं ॥२८॥ लोहमहोयहिबुड्डाण कूरकुग्गाहगाहगहियाणं । आवायमहुरविसयाभिलासआवत्तभंताणं ॥२९॥ दुट्ठाभिणिवेसकिलिद्ध-  
अकलकलसुत्तसवगत्ताणं । इत्थ अकज्जपवित्ती जंतूणं कित्तिंयदुरंता ॥३०॥

अवि य—जह सण्णिवायजरियस्स होइ दहिदुद्धपाणयं अहियं । पित्तजरियस्स जलणोवसेवणं वा तहेयं वि ॥३१॥ अइविरसं विसयसुहं विसण्णपरिणामदारुणं विसमं । पामाकंडुयणसमं सुहियाण विसोवभोगं व ॥३२॥ किंपागतरुफलं पिव परिणामसुदारुणो विसयसंगो । भवसयपरंपरासु वि दुहहेऊ तेण मुत्तवो ॥३३॥

किंच—वसमंसरुहिरमुत्तासुइसुक्कमलोहपूरियदुगंधे । चम्मट्टिणहारुणद्धे पइदिणसक्कारकयसोहे ॥३४॥ चम्ममारकुंडसरिसे वहंतघणखेलसोणियप्पवहे । एरिसियम्मि वि देहे कुणंति मूढा दढाऽभिरइं ॥३५॥ जत्थुप्पज्जंति णरा वट्ठंति तहेव जेहि पीएहिं । तत्थ वि कामासत्ता कुणंति रागं अहो ! चुज्जं ॥३६॥

धाईसुय-  
महसेणप्प-  
बोहणनाम  
पणरसमो  
उद्देसो ।

॥ १२२ ॥

अण्णं च—अवसप्पिणीइ संपइ दूसमदोसेण पाणिणो पायं । अइमूढमणा गाढं पमायमइरामउम्मत्ता ॥३७॥ बहुकवड-  
कूडभरिया अकज्जणिरया कुसीलसंगरया । अकयण्णुया कयग्घा चलचित्ता पबलमिच्छत्ता ॥३८॥ आरंभपरा तुच्छा णिर-  
प्पणा असहणा य मच्छरिणो । णिल्लज्जा णिंमेरा णिद्धुरवयणा णिरणुकंपा ॥३९॥

किंच—अइसइणो विरलत्तरा खंतिपरा मुणिवरा वि बीयसमा । अप्पतरं सम्मत्तं विरई दुविहा वि दुरणुचरा ॥४०॥  
अप्पीओ गुरुविणओ मित्तीभावो सकारणो लोए । अइलोहग्गहग्गहिओ परुप्परं सुयणववहारो ॥४१॥ सावज्जकवडबहुलो  
सकिलेसो अत्थसाहणोवाओ । जणयतणयाइयाण वि सयणाण मिहो अवीसासो ॥४२॥ अण्णायकारिणो कूरमाणसा कूड-  
छग्गुणप्पवणा । पुहइवइणो वि छलछिद्दपेहिणो हयपिसायव ॥४३॥ पउरा धुत्ता वीसत्थघायगा गंठिभेयगा बहुया । उच्चाडण-  
थंभणमोहणाइगुरुपाविणो सुघणा ॥४४॥ लुंठंति तक्करगणा अहियकरक्कंतदुत्थिया लोया । अप्परसवीरिया ओसहिओ गावीउ  
तुच्छरसा ॥४५॥ तुच्छं मइविण्णाणं हयप्पयावाउ मंतविजाओ । अप्पाऽऽउया य मणुया बलहाणी बुद्धिहाणी य ॥४६॥ णेहस्स  
चंचलत्तं सुकुलीणाण वि तहा कुसीलत्तं । सारफलफुल्लपल्लवतुच्छत्तं वणसईणं च ॥४७॥ तुच्छं मेहाण जलं तुच्छं सस्सं च  
पउरदुब्बिक्खं । रोगबहुलो य लोगो कलिकालो वट्टए एसो ॥४८॥ अइपउरजलो संजायकंदलो संचरंतदोजीहो । उम्मग्ग-  
पयइजणो पाउसकालुव कलिकालो ॥४९॥ कमलायरहरियपहो पसरियजडुो सुइप्पयावहरो । दोसायरबहुउदओ कलिकालो  
सिसिरकालुव ॥५०॥ अहियकरक्कंतधरो संतावकरो य दूसहो चंडो । अवगयसमिद्धिसासो कलिकालो गिम्हकालुव ॥५१॥

१ निर्मयादाः ।

सुदंसणा-  
चरियम्भि  
॥ १२३ ॥

अविणयमई अलज्जो दुस्सीलो गुरुजणेसु पडिकूलो । अणयरओ जत्थ जणो सो एसो वट्टए कालो ॥५२॥ एयारिसे कराळे कलिकाले गलियसयलगुणजाले । धम्ममइवज्जिए पावकरणपवणे वि वट्ठंते ॥५३॥ के वि पुणो भवजिया अज्जवि णाया-  
गएण दवेण । भत्तिवभरणिवभरमणा जिणभवणाइं करावेंति ॥५४॥ अज्जवि चउगइसंसारभीरुया जिणवराण बिंवाइं । दाऊण पउरदव्वं मणोहराइं करावेंति ॥५५॥ अज्जवि विचित्तपूयावलिजत्ताण्हवणगेयपिच्छणयं । सुविहीइ महापुरिसा कुणंति तित्थुण्णइणिमित्तं ॥५६॥ अज्जवि णाणाविहभक्खभोज्जपमुहाइ साहुदाणाइं । इच्छाइ दिंति भावुल्लसंतगत्ता महासत्ता ॥५७॥  
अण्णं च—कालाइदोसओ जइवि कहवि दीसंति तारिसा न जई । सवत्थ तहवि णत्थि त्ति णेव कुज्जा अणासंसं ॥५८॥ अज्जवि चएवि सुकलत्तपुत्तमित्ताइसंपयं दिक्खं । अवहत्थियकलिकाला भवभीया के वि गिण्हंति ॥५९॥ कुग्गह-  
कलंकरहिया जहसत्तिं जहागमं च जयमाणा । जेण विसुद्धचरित्तं त्ति वुत्तमरिहंतसमयम्भि ॥६०॥ अज्जवि तिण्णपइण्णा गरुयभरुवहणपच्चला लोए । दीसंति महापुरिसा अक्खंडियसीलपब्भारा ॥६१॥ अज्जवि तवसुसियंगा तणुयकसाया जिइंदिया धीरा । दीसंति जए जइणो वसहहिययं वियारंता ॥६२॥ अज्जवि वयसंपत्ता छज्जीवणिकायरक्खणुज्जुत्ता । दीसंति तव-  
स्सिगणा विकहविरत्ता सुउज्जुत्ता ॥६३॥ अज्जवि दयखंतिपइट्ठियाइ तवणियमसीलकलियाइ । विरलाइ दूसमाए दीसंति सुसाहुरयणाइं ॥६४॥ इय जाणिऊण एवं मा दोसं दूसमाइ दाऊण । धम्मज्जमे विसीयह अज्जवि धम्मो जए जयइ ॥६५॥  
ता तुलियणियबलाणं सत्तीइ जहागमं जयंताणं । संपुण्ण च्चिय किरिया दुप्पसहंताण साहूणं ॥६६॥

१ अवहत्थिय० अपहस्ति-परित्यक्त इति ।

२ पच्चल० समर्थ ।

धाईसुय-  
महसेणप्प-  
वोहणनाम  
पणरसमो  
उद्देसो ।

॥ १२३ ॥

अवि य—जं पुबिं सुचिरेणं तवेण एगावयारिजम्माइ । अप्पेण वि कालेणं लब्भइ तं दूसमाए वि ॥६७॥ अण्णं च चलं जीयं गिम्हुम्हकंतविहगगलसरिसं । खणदिट्ठणड्ठरूवा विज्जुलयाचंचला लच्छी ॥६८॥ कयलीगब्भसरिच्छं देहमसारं अणे- गवाहिगिहं । तारुणं पि सुतारं गिरिणइपूरं व तरलतरं ॥६९॥ सरयब्भविब्भमा रूवसंपया सुरधणुं व लायणं । सुवि- णयसुक्खसमाणं पियसंगमसंभवं सुक्खं ॥७०॥ करिकण्णचलं व बलं कुसग्गजलबिंदुचवलमिस्सरियं । खणभंगुरं सरीरं पवणुद्धुयधयणिभाऽभिरंई ॥७१॥ घणतरुवरपरिसंठियविहगसरिच्छो कुडुंबवासो वि । ववहरयरिणसमाणं कुडुंबपरिपोसणं मुणसु ॥७२॥ इय एवमाइ सबं असासयं जाणिउं असारं च । मुहमहुरं परिणइदारुणं च परिहरह विसयसुहं ॥७३॥

अवि य—जह पूरियइ न सायरु बहुजलिहि हुयवहु तित्ति न पावइ इंधणिहिं । तह जिओ विसइहि तित्ति न पावइ आजम्मु विगयलज्जु सुधावइ ॥७४॥ हु लज्जइ गुरुमित्तकलत्तहं सुयणुबंधुदोहित्तसुपुत्तहं । पुक्करंतसिरपलिय न मण्णइ विस- यासत्तउ जगु अवगण्णइ ॥७५॥

अण्णं च—बहिरो हियमसुणंतो अकज्जणिरओ मुणेह जच्चंधो । अवसरमोणी मूगो धम्मेसु अणुज्जओ पंगू ॥७६॥ इय भाविऊण एयं दुलहं मणुयत्तणं लहेऊणं । महसेण ! महाणरवर ! जुज्जइ तवसंजमं काउं ॥७७॥ इय तस्स चंडवेगस्स साहुणो बहुविहं सुणिय वयणं । उप्पण्णजाइसरणो महसेणो गिण्हए दिक्खं ॥७८॥ सो गुरुणा संलत्तो धण्णोऽसि तुमं सुपुण्णवंतोऽसि । जं एस तए गहिओ खमाइदसहा समणधम्मो ॥७९॥ तत्थ इय होइ खंती सकम्मफलमेयमिय विभा-

१ संसारप्रीतिः ।

२ व्यवहारक ।

सुदंसणा-  
चरियम्मि

॥ १२४ ॥

वंतो । पाणपहाणपरे वि हु खमइ परे सत्तिमंतो वि ॥८०॥ मद्दवमेवं जं णियगुणेहि मणयं पि मज्जेण णेय । विणयम्मि  
वट्टइ सया बहुमाणपरो परगुणेषु ॥८१॥ सरलसहावो मणुओ मायामोसेहि वंचइ न किंचि । अज्जवजुत्तो बालुव सबसत्थ-  
त्थकुसलो वि ॥८२॥ मुत्तिजुओ सबत्थवि दरिद्धधणवंतसत्तसमचित्तो । किं पि न ईहइ संतुट्टमाणसो धम्मकम्मपरो ॥८३॥  
तवसंपण्णो बारसविहम्मि णिच्चं तवम्मि उज्जुत्तो । अगिलाई अण्णाजीवी कम्मखयकंखिरो नवरं ॥८४॥ संजमजुत्तो णिय-  
जीवियं व जीवे सयावि सवे वि । भवभयभीरू रक्खइ दयालुओ तिविहतिविहेणं ॥८५॥ सच्चजुओ णिरवज्जं कज्जे जंपइ  
सयावि उवउत्तो । विकहारहिओ वयणं वयणविहिण्णू सपरसुहयं ॥८६॥ जं सबदोसरहियं पिंडाइचउक्कयं सुयविहीए ।  
गिणहइ अदीणहियओ सोयजुओ भावसोयपरो ॥८७॥ कणकंचणमणिमुत्तियधणधणविज्जिओ विगयसंगो । धम्मोवहि-  
जुत्तो वि हु अकिंचणो मुच्छरहिउ त्ति ॥८८॥ णववंभगुत्तिसहिअं अट्टारसभेयसंजुयं वंभं । कामचैउवीसरहियं धारंतो

१ ग्लानिरहित । २ आजीविकारहित । ३ संप्राप्तकामस्य चतुर्दशदशास्ताश्रेमाः-१ दृष्टिसम्प्राप्ता-स्त्रीणां कुचाद्यवलोकनं २ दृष्टिसेवा-भावतः परस्परं  
दृष्टिमेलनं ३ हसितं-वक्रोक्तिगर्भं ४ ललितं-पाशकादिक्रीडनं ५ उपगूहितं-परिष्वङ्गः ६ दन्तनिपातं-दशनछेदविधिः ७ नखनिपातं-नखरदनजातिः  
८ चुंबनं-वक्रसंयोगः ९ आलिङ्गनं-गात्रसंश्लेषः १० आदानं-कुत्रापि ग्रहणं ११ करणासेवनं-नागरकादि प्रारंभयंत्रं १२ आसेवनं-मैथुनक्रिया १३ संभाषः-  
स्मरकथाजापः १४ अनङ्गक्रीडा-आख्यादावर्थक्रिया । असम्प्राप्तकामस्य दशावस्थास्ताश्रेताः-१ चिन्ता-अदृष्टकथामिलाषा २ अहो रूपादिगुणाः-तद्दर्शनेच्छा  
३ श्रद्धा-तत्सङ्गमामिलाषा ४ स्मरणं-कल्पितरूपस्यालेखादिः ५ विह्वलता-शोकाधिकतया आहारादिनिरपेक्षा ६ लज्जानाशः-गुर्वादिसमक्षं तद्गुणोत्कीर्तनं  
७ प्रमादः-तदर्थं सर्वारम्भप्रवृत्तिः ८ उन्मादः-नष्टचित्ततो यद्वा तद्वा जल्पनं ९ तद्भावः-स्तम्भादिकाधारे उपविश्य तच्चिन्ताकरणं १० मरणं-शोकाधिक-  
तया प्राणत्यागः ।

धाईसुय-  
महसेणप्प-  
वोहणनाम  
पणरसमो  
उद्देसो ।

॥ १२४ ॥



बंभयारि त्ति ॥८९॥ इय एवं जाजम्मं कुणसु तुमं दसविहं समणधम्मं । मुत्तु पमायं सम्मं रम्मं जइ महंसि सिवसम्मं ॥९०॥ इय सोउं अणुसद्धिं महसेणमुणी तहत्ति कुणमाणो । विहरइ महिं महप्पा गुरुणा सह चंडवेगेण ॥९१॥ ते दो वि समणसीहा सुयसागरपारगा महाभागा । छट्ठमदसमदुवालसाइ तिवं कुणंति तवं ॥९२॥ विहरित्तु चिरकालं काउं संलेहणं जहासुत्तं । ते दो वि महासत्ता दो मासा अणसणं काउं ॥९३॥ धम्मज्झाणोवगया समचित्ता सुक्कलेसमणुपत्ता । इय मरिऊणाऽणुत्तरविमाणवासे समुप्पण्णा ॥९४॥ इय सुदरिसणकहाए सुरसिवपुरपरमदंसणणिहाए । धाईसुयमहसेणप्प-बोहणो पणरसुद्देसो ॥९५॥ [ इइ पणरसमुद्देसो ]

अह सोलसमो उद्देसो ।

एवं सुदरिसणाए विजयकुमारस्स मुणिवरिंदस्स । सीलवईए तह चंडवेग-महसेणसाहूणं ॥१॥ सोउं संवेगकरं चरियं चंपगलया वि जयरणो । धूया संवेगपरा मोहेण सुदंसणाइ पुणो ॥२॥ तो विमलसेलसिहराउ हरिसिया तित्थ-वंदणणिमित्तं । भरुयच्छे संपत्ता उप्पइउं पाउआरूढा ॥३॥ अणुदियहं तत्थ पुणो पूयं मुणिसुवयस्स कुवंती । कालं गमइ सरंती सुदरिसणादेविपयकमलं ॥४॥ एवं सा चिरकालं अच्छंती तत्थ णाउ णियमरणं । चिंतइ जिणपूयाणं जइ किं पि फलं जए अत्थि ॥५॥ ता मज्झ वि देवत्तं तित्थे इत्थेय हुज्ज मह जेण । देवीसुदरिसणाए संजोगो होइ जं बहुसो ॥६॥ एवं णियाणबंधं काउं चंपगलया णरिंदसुया । पूयापुण्णफलेणं मरेवि सा किण्णरी जाया ॥७॥ अंतमुहुत्तेण तओ पज्जत्ती-

१ काङ्क्षसि ।

सुदंसणा-  
चरियम्भि

॥ १२५ ॥

भावमुवगया एसा । ओहीणाणबलेणं णियपुव्वभवं मुणेऊण ॥८॥ तम्मोहमोहियमई भारहखित्ते जिणिंदतित्थेसु । सम्मत्त-  
जुया मणुयत्तवज्जिया सा परिव्वभमइ ॥९॥ णिच्चं चिय भरुयच्छे सुव्वयभवणे महाविभूईए । वरकुसुममाइएहिं कुणइ पूयं  
णवणवेहिं ॥१०॥ अज्जदिणे पुण उज्जितपवए इत्थ तित्थजत्ताए । सिरिणेमिजिणं णमिउं संपत्ता किण्णरी देवी ॥११॥  
साऽहं साहम्मिय ! धम्मभाय ! धणपाल ! धम्मधणपाल ! । पउमाधाइभवाओ कहाणयं इत्तियं मज्झ ॥१२॥ तुमए पुट्ठाइ  
मए णियचरियं साहियं तह पसंगा । सुदरिसणाईणं पि हु तो पुणरवि भणइ सा एवं ॥१३॥ भइ ! तुमं पि हु धम्म-  
त्थिओ मित्तं इमस्स धम्मस्स । ता धम्मपाल ! णिसुणसु धम्माऽधम्मफलं पयडं ॥१४॥ जिणभणिओ च्चिय धम्मो कायवो  
जत्तओ बुहेहि जओ । धम्मेण सबरिद्धी धम्मेण मणिच्छियं सुक्खं ॥१५॥ धम्मं काऊण णरो जइ णिवसइ गिरिगुहासु  
पच्छणं । तत्थ वि लच्छी पेच्छइ तं पुण्णपहाइ दीवंतं ॥१६॥ सरिसे वि मणुयजम्मे धम्माऽधम्मस्स जं फलं इत्थ । तं  
दीसइ पच्चक्खं सुहदुक्खपवित्तिणाणाए ॥१७॥

तहाहि—तिहुयणपसिद्धभवणे एगे जायंति रूवगुणकलिया । अण्णे पुण पावकुले दोहग्गकलंकिया दुहिया ॥१८॥ एगे  
वसंति कप्पूररेणुधूसरियतुंगभवणेसु । अण्णे उ कोलबिलधूलिपूरिए जज्जरकुडीरे ॥१९॥ दाऊण पउरदाणं विविहाऽऽहारं  
च केइ भुंजंति । अण्णे णिच्चं परपत्थणेण उयरं पि न भरंति ॥२०॥ चलणे धोयंति धणेसराण कम्मं कुणंति दिवसणिसिं ।  
दुप्पूरउदरपूरणआसाए विणडिया जीवा ॥२१॥

मूलुद्धि-  
प्पबंधप्प-  
रूवगनाम  
सोलसमो  
उद्देसो ।

॥ १२५ ॥

अवि य—किविणाणं दाणफलं पइगेहं दुत्थिया किल कहंति । अम्हाण अदाणफलं एयं ता देह सय दाणं ॥२२॥ एगे आजम्मं देवगुरुजणे पूययंति कयउण्णा । अण्णे सेवाविच्चीपरायणा जिउ जिउ भणंति ॥२३॥

अण्णं च—जं साणसमो भिच्चो भणिओ तं दूमिओ मणे साणो । अवसो भोयणसयणे साणो न परवसो भिच्चो ॥२४॥ एगे दज्झंताऽगुरुधूवाउलिए वसंति चित्तहरे । अण्णे उण परदारे कोउयधूमंधिया णिच्चं ॥२५॥ कुंकुमकयंगराया एगे कालं गमंति लीलाए । अण्णे असुइविलित्ता मलमलिणतणू अपाउरणा ॥२६॥ एगे सयंति सयवत्तकुसुमपरिमलियपट्टूलीसु । अण्णे पलालसगलावणद्धकेसा कुसत्थरए ॥२७॥ एगे घणपावरणा पासायंतो सयंति सिसिरभरे । अण्णे हत्थावरणा वीणं वायंति दंतेहिं ॥२८॥ एगे जलहचंदणसित्ता विलसंति सिसिरकूपेसु । अण्णे भमंति <sup>१</sup>गिंभे गुरुभारभरेण भज्जंता ॥२९॥ एगे पाउसलच्छि पिच्छंति पियाजुया गवक्खगया । अण्णे विलीणचिक्खल्ललित्तचरणा चरंति चिरं ॥३०॥ एगे रमंति वरजुवइचाडुसंजणियविविहमणभावा । अण्णे कुघरिणिदुवयणदूमिया अट्टज्झाणपरा ॥३१॥ एगे गयतुरयगया वीइज्जंता वयंति चमरेहिं । विविहाऽऽउहहत्थगया अण्णे धावंति तप्पासे ॥३२॥ एगे सुहासणत्था भमंति सिच्छाइ धरियसियछत्ता । अण्णे वहंति तेच्चिय भारकंता णमियगत्ता ॥३३॥ कप्पूरकुंकुमागुरुपमुहं कयविक्रयं कुणंतेगे । अण्णे धूलीधोया वच्चोगिह-सोहगा अहवा ॥३४॥ एगे मणिरयणाई सुहं पणायंति हत्थसंणाहिं । अण्णे कुणंति कट्ठं कट्टसिलालोहकुट्टाई ॥३५॥ सच्च-परा णिरवज्जं चीवरमुत्ताइ ववहरंतेगे । अण्णे खरकम्मरया कालं पूरंति कूरतरा ॥३६॥ एगे वसणाइ णियंसयंति णिच्चं

१ कोउया० करीपाप्पि ।

२ ग्रीष्मे ।

३ विलीण० जुगुप्सित ।

४ वच्चो० गृहशोधकाः ।

सुदंसणा-  
चरियम्मि  
॥ १२६ ॥

णवाइ दिवाइं । अण्णे रत्थावडियं दंडीखंडं पि न लहंति ॥३७॥ एगे विभूसियंगा भुवणब्भुयभूसणगणेण । अण्णे सवंगं  
पि हु वणपट्टयवेढिया बाढं ॥३८॥ एगे आजम्मं पि हु अक्खयपंचिंदिया सया सुहिया । बहिरंधमूयपंगुत्तणेण अण्णे दुहिय-  
हियया ॥३९॥ एगे नियइच्छाए कीलंतुज्जाणकाणणाईसु । अण्णे गुत्तिणिहत्ता किस्संति गिरुद्धकरचरणा ॥४०॥ एगे बहु-  
लोयपिया रायाईणं पि माणणिज्जा य । अण्णे अवमाणपयं पए पए हुंति हीणगुणा ॥४१॥ एगे सया सुविणीयसयणपरि-  
वारसंजुया सुहिया । अण्णे इट्ठविउत्ता अणिट्ठसंजोगदुक्खत्ता ॥४२॥ पुण्णाणुबंधिपुण्णा उभयभवेसुं पि सुत्थिया एगे ।  
पावाणुबंधिपावा सबत्थ वि दुत्थिया अवरे ॥४३॥ कयपुण्णा पुण्णकरा करिस्सपुण्णा सया सुही एगे । विवरीया पुण अण्णे  
दुहिया सबत्थ वि वराया ॥४४॥ एगे तणं व रज्जं चएवि गिण्हंति संजमं धीरा । अण्णे पुण खप्परं पि णेअ मुयंति गरुयमोहा  
॥४५॥ एगे धम्माभिमुहं करंति पडिबोहिऊण भवगणं । अण्णे पावासत्तं अत्ताणं पि हु न वारंति ॥४६॥ इय धम्मफलं  
दीसइ मणुयाणं भद् ! ताव पच्चक्खं । तं सुरतिरिणिरयाणं कहंति तं णाणिणो चेव ॥४७॥

अण्णं च—देवा विसयपसत्ता नेरइया विविहदुक्खसंतत्ता । तिरिया विवेगविगला मणुयाणं धम्मसामग्गी ॥४८॥  
तेसु कयत्था मणुया दुलहं जिणसासणं लहेऊण । णिम्मलदढसम्मत्ता कुणंति जे चउबिहं धम्मं ॥४९॥ सा किण्णरी पयं-  
पइ संपइ पुण धम्मपाल ! सुणसु तुमं । जिणधम्मपालणाऽपालणस्स फलमिह सदिट्ठंतं ॥५०॥

तहा हि—इहभरहे अत्थि पुरी बहुपुण्णजणा पभूयधणपुण्णा । आमलकप्पा अलयव किंतु बहुधणयकयसोहा ॥५१॥

१ दंडी० साँधाहुभा जीर्णवस्त्र ।

मूलुद्धि-  
प्पबंधप्प-  
रूवगनाम  
सोलसमो  
उद्देसो ।

॥ १२६ ॥

तत्थेसाणदिसाए सबोउयपुष्फफलतरुसमिद्धं । कुट्टगणामुज्जाणं समत्थि सउणाण कयहरिसं ॥५२॥ तत्थ य जयघोस-  
णिवो जयलच्छी वसइ जस्स वच्छयले । पबलप्पयावमंतप्पभावविवसा सया णयरे ॥५३॥ तस्सऽत्थि महादेवी जयावली जीइ  
णिययरूवेण । विजियाउ व अमरीओ लज्जाइ न दंसणं दिंति ॥५४॥ तीइ णयरीइ णिवसइ णयविणयपरो परोवयारकरो ।  
सिट्ठी सुणंदणामा सुसावओ इद्धिमंतो य ॥५५॥ णिम्मलसीला वररूवधारिणी धारिणी पिया तस्स । जिणधम्मकम्मणि-  
रया इक्कारस ताण वरपुत्ता ॥५६॥ अह अण्णया कयाई सुरणरखयरिंदणमियकमकमलो । सिरिपासजिणवरिंदो समोसढो  
कुट्टगुज्जाणे ॥५७॥ सिरिपासजिणागमणं जयघोसणरेसरो णिसुणिऊणं । हरिसियहियओ जाओ सिहिव घणगज्जि-  
यणिणायं ॥५८॥ पहुपायपउमपणमणपउणो पुहईपहू पमोयपरो । संपत्तो तत्थ वणे सुणंदपमुहो य पउरजणो ॥५९॥  
तिपयाहिणी करेउं विहिणा वंदित्तु पासजिणणाहं । उचियट्ठाणणिविट्ठा सुणंति सबे वि इय धम्मं ॥६०॥ माणुस्सखित्त-  
माई सुदुल्लहं लहिय सबसामग्गिं । सग्गापवग्गसुहसाहगम्मि उज्जमह जिणधम्मे ॥६१॥ इत्थंतरम्मि पुणरवि सुणंदसिट्ठी  
णमित्तु भुवणगुरुं । भत्तिभरणिभरंगो कयंजली विण्णवइ एवं ॥६२॥ सामि ! मए उसभाईसेयंसंताणि णामधे-  
याणि । जिणणामसुमरणत्थं कयाणि पुत्ताणमेएसिं ॥६३॥ सुकुलुब्भवाण तह सोयराण सायरसुसिक्खियाणं पि । सामिय !  
विलक्खणत्तं पुत्ताणमिमाण सबेसिं ॥६४॥

तंजहा—जिट्ठो कुरूवदेहो बीओ पुण सुरहिकमलणीसासो । तइओ य वित्तहारी चउत्थओ परमसोहग्गो ॥६५॥  
पंचमओ अइधिट्ठो छट्ठो थोवे वि देहवायामे । अत्थोवज्जणकारी सत्तमओ पइखणं छुहिओ ॥६६॥ अट्ठमओ मिउ-

सुदंसणा-  
चरियम्मि

॥ १२७ ॥

तुच्छप्पयंपिरो णवमओ य अइचवलो । दसमो परिमियचारी न कया वि हु आवयं पत्तो ॥६७॥ इक्कारसमो उ सुओ वाढं सावज्जवज्जणुज्जुत्तो । णवरं वागी भोगी य णेव लाभाइपरिहीणो ॥६८॥ इय भयवं ! मज्झ सुआ सवे वि विभिण्ण-वित्तिणो जाया । साहेसु कस्स कम्मस्स पुव्वजणियस्स उदएणं ॥६९॥ तो णिम्मलदंतफुरंतकंतिपडलेण धवलयंतु व । गय-णाभोअं भुवणिक्रबंधवो भणइ भो ! सुणसु ॥७०॥ इह चेव भरहवासे मज्झिमखंडम्मि मगहविसयम्मि । कायंदिपुरीए अत्थि सावओ सिद्धिसिरिपुंजो ॥७१॥ सीलमई से भज्जा विणयसुसज्जा पवण्णगुरुलज्जा । तीए य णत्थि पुत्तु त्ति अण्णया दइ तं विमणं ॥७२॥ सिद्धी तं पइ जंपइ अलंघणिज्जं पुराकयं कम्मं । ण य किंचिवि पुत्तेहिं तहवि न सा मुंचए खेयं ॥७३॥ तो देवदेविमाईण कुणइ उवयाइयाइ विविहाइ । एक्कारसण्हमिक्किक्कवच्छरं गुरुविभूईए ॥७४॥ सहिओ गुरुयकिलेसो वित्तं वइयं न पाविओ पुत्तो । अजरामरत्तलोभा भुत्तो काउं न तं पत्तं ॥७५॥ अह अण्णदिणे तीइ गिहम्मि सिरिधम्म-घोससूरीणं । सीसा सुट्ठुवउत्ता भिक्खव्वा आगया दुण्णि ॥७६॥ तो अब्भुट्ठित्ता पुण पणमित्ता तीइ पुच्छिया एयं । भयवं ! कहेह किं मह होही पुत्तो अपुत्ताए ? ॥७७॥ अह ते भणंति मुणिणो भदे ! गिहमागयाण साहूणं । भिक्खाविहिं पमुत्तं वुत्तं णो कप्पए अण्णं ॥७८॥ अण्णं च अम्ह गुरुणो ससमयपरसमयमुणियपरमत्था । दवाइचउक्कविऊ कज्जाऽकज्जं वि याणंति ॥७९॥ पडिलाभिया य तत्तो सीलमईए विसुद्धसद्धाए । फासुयएसणिणं ते मुणिणो भत्तपाणेणं ॥८०॥ तो बीयदिणे परिवारसंजुया सा गया गुरुसमीवे । ते णमिय तयं पुच्छइ अत्थी जं पिच्छइ न दोसं ॥८१॥ गुरुणो भणंति भदे ! जईण सावज्जवज्जणरयाणं । परउवयारपराण वि वुत्तं पि न कप्पए पावं ॥८२॥ जओ नक्खत्तं सुमिणं जोगं णिमित्तमंतभे-

मूलहिट्ठ-  
प्पबंधप्प-  
रूवगनाम  
सोलसमो  
उद्देसो ।

॥ १२७ ॥

सज्जं । गिहिणो तं न आयक्खे भूआऽहिगरणं पयं ॥८३॥ तं पुण भदे ! णिसुणसु दंसणमूलं जिणिंदवरधम्मं । नीसेसदुक्ख-  
दलणं संजणणं सबसुक्खाणं ॥८४॥ जियरागदोसमोहो देवो देविंदविंदकयसेवो । पंचसमिया तिगुत्ता सुसाहुणो चिय सया  
गुरुणो ॥८५॥ जीवाऽजीवाइपयत्थसत्थसद्दहणसंगओ धम्मो । एयं चिय सम्मत्तं गिहिधम्मं सुणसु तुममित्तो ॥८६॥ पाणिवह-  
मुंसावाए अदत्तमेहुंणपेरिगहे चेव । दिसिभोगदंडसमइयदेसे तह पोसहविभागे ॥८७॥ इय गिहिधम्मं सम्मं कुणंति जे  
भावओ भवविरत्ता । सुरनरसुहाइ भुत्तुं ते जीवा जंति णिवाणं ॥८८॥ तो सीलमई जंपइ गहिण धम्मे इमम्मि किह  
भयवं ! । कुलदेवयाइ पूयं काहमहं ? तो गुरु भणइ ॥८९॥ सिवसुहकरं जिणिंदं पूइय को णाम पूअए अण्णं । संपत्ते  
कप्पदुमे किं एरंडं महइ कोइ ? ॥९०॥

अवि य—सयं सुकयं दुक्कयं मुत्तुं तुट्ठो जियाण रुट्ठो वि । सक्को वि न सक्कइ काउ किंचि सा केरिसी विरई ? ॥९१॥  
किंच—जीवेण जमिह भदे ! सुभमसुभं वा कयं पुरा कम्मं । तं तेणऽणुभवियवं विहलो पुत्ताइवामोहो ॥९२॥ संसा-  
रम्मि अणंते के के पुत्ताइणो न संपत्ता । अहवा जाएहि वि कोइ तेहि विहिओ न साहारो ॥९३॥ जे इहभवे वि णेवो-  
वयारिणो आवयाइ पडियाणं । को सद्दहिज्ज ते अण्णजम्मउवयारकरणम्मि ॥९४॥ इहपरभवे य एसो धम्मो पुण वंछि-  
यत्थदाणखमो । तो भदे ! तत्थ सया हुज्जसु अच्चंतमुज्जुत्ता ॥९५॥

किं बहुणा ? —तं णत्थि जं न सिज्झइ मणिच्छियं इक्कमाणसकएणं । जिणधम्मेणोहामियचिंतामणिकप्परुक्खेण ॥९६॥

१ ओहामिय० अभिभूत ।

सुदंसणा-  
चरियम्मि

॥ १२८ ॥

इय सोउं गुरुवयणं णिच्चलचित्ता गहित्तु गिहिधम्मं । सीलमई तुट्टमणा सपरियणा तो गया गेहे ॥९७॥ सिरिपुंजसिद्धि-  
पुरओ णियवुत्तंतं कहेइ सा सबं । सिद्धी वि भणइ धण्णा कयउण्णा तंसि जेण पिए ! ॥९८॥ सुलहा णरवररिद्धी सुरवर-  
रिद्धी वि होइ इह सुलहा । दुलहो पुण जीवाणं जिणिंदवरदेसिओ धम्मो ॥९९॥ ता एयम्मि पमाओ णिमेसमित्तं पि नहु  
विहेयबो । चिंतामणिब दुलहे तहत्ति पडिवज्जए सा वि ॥१००॥ तो ताइं दो वि देवं तिक्कालं पइदिणं पि पूयंति । आवस्स-  
याइकिरिया कुणंति तह उभयसंज्ञं पि ॥१०१॥ तिविहं पि दिंति दाणं कुणंति साहम्मियाण वच्छहं । पालंति णिरइयारं  
गिहिधम्मं इक्कचित्ताइं ॥१०२॥ अह सा सीलमईइ वि अमहिज्जंती कयाइ परिकुविया । कुलदेवया पर्यंपइ णिसाइ होऊण  
पच्चक्खं ॥१०३॥ पाविट्ठदुट्ठधिट्ठे ! णट्ठविणट्ठासि मं अपूअंती । सयकालपूइयं पि हु न भविस्ससि संपयं पावे ! ॥१०४॥  
इय जंपिरीइ तीए घोरागारा करालकरवाला । दारुणकयट्ठहासा मुक्का वेयालसंघाया ॥१०५॥ तह डमडमंतडमरुयकराल-  
णरसिरकवालकलियाओ । कत्तियकराउ कूराउ डाइणीउ पयडियाओ ॥१०६॥ असिमसिकसिणसरीरा फारफडाडोवफुरिय-  
फुकारा । चलगइलुलियदुजीहा णिदंसिया भीसणभुअंगा ॥१०७॥ अइकुडिलकढिणदाढा सुतिक्खकक्खडणहा अरुण-  
णयणा । दूरवियारियवयणा विहिया पंचाणणा समुहा ॥१०८॥ ते सबे सबत्तो सीलमईं भेसयंति समकालं । तालंता  
तज्जंता गज्जंता पलयजलयब ॥१०९॥ तहवि हु सा अक्खुहिया महासई पवरसत्तसंजुत्ता । चिट्ठइ एगगमणा सुमरंती  
पंचणवकारं ॥११०॥ तत्तो खरयरसंभूअभूरिरोसाइ देवयाइ इमं । पुणरवि बुत्ता एवंठिए वि जइ मे णमसि सुहे ! ॥१११॥  
ता मुंचामि तुममहं महंतमिहरा अणत्थसंघायं । दच्छिहिसि अचिरेण चिय सीलमईए तओ बुत्ता ॥११२॥ भद्दे ! किमे-

मूलुद्धि-  
पबंधप्प-  
रूवगनाम  
सोलसमो  
उद्देसो ।

॥ १२८ ॥



वमेव हि खिज्जसि इक्कं जिणं विमुत्तूणं । अण्णं न णमामि न संभरामि न थुवे न पूएमि ॥११३॥ एवं विणिच्छयं अवग-  
यस्स जं जस्स रोयए सो तं । मज्झं करेउ अहियं मरणाओ किंच जं काही ॥११४॥ तं पुण सब्बणुपयारविंदमिण्हिं मए  
सरंतीए । परमब्भुदयनिमित्तत्तणेण अंगीकयं चेव ॥११५॥ दुस्सिक्खिया वि अज्जवि इय जंपंतीइ तीइ कुवियाए । आणे-  
ऊण रुयंतो तप्पुरओ मारिओ भत्ता ॥११६॥ अवहरियमसेसं गिहसारमुप्पाडिउं च सा खित्ता । हरिहरिणसरहसदूलकोल-  
महिसाउले रण्णे ॥११७॥ तो णिसियं तरवारिं उक्खिविउं भासिया पुणो एवं । अज्जवि मं ण णमंससि जइ ता सर देवयं इदं  
॥११८॥ सीलमईए भणियं पुणरुत्तं जुज्जए किमिह वुत्तुं । जह तह अवस्समरणे पत्थावो एरिसो कत्तो ? ॥११९॥

जओ—धीरेण वि मरियव्वं काउरिसेण वि अवस्समरियव्वं । दुण्णं पि हु मरियव्वं वरं खु धीरत्तणे मरिउं ॥१२०॥ इय  
तीए णिच्छयं साहिऊण सा साहसिकरयणणिही । अप्पाणमप्पणच्चिय अणुसासइ मुणियजिणवयणा ॥१२१॥ रे जिय !  
सुइरं एवंविहेसु कूरेसु णिदयमणेसु । हद्धी ! देवत्तधियं तमकासी मिच्छविसविवसा ॥१२२॥ तक्कम्मविवागमिणं अणेग-  
भववेयणिज्जमिहयं पि । साहिज्जेण इमीए णिज्जरसु खणेण सुपसण्णा ॥१२३॥ तो परिसंता देवी ओहीए तीइ णिच्छयं  
ददुं । सत्तेण तुट्ठहियया उवसंहरिऊण तं डमरं ॥१२४॥ जंपिउमिमं पवत्ता देवी सेसाण धम्मथिरयाए । धम्मम्मि णिच्च-  
लत्तं तुह सरिसं जइ तुहच्चेव ॥१२५॥ ता सुयणु ! कहसु इत्तो जं किंच किं पि मज्झ णणु सज्झं । तुह असरिससत्तधणेण  
णूण कीयम्हि दासिन्न ॥१२६॥ भणइ इमा संपत्ते इमम्मि धम्मे न किंचि मह खूणं । तं पुण परलोगहिए सम्मत्ते णिच्चला  
होसु ॥१२७॥ आमं ति भणिय तीए वुत्तं तहवि हु वरेसु किंपि वरं । सा जंपइ जइ एवं सहाइणी हुज्ज ता धम्मे ॥१२८॥

सुदंसणा-  
चरियम्मि

॥ १२९ ॥

कुलदेवयाइ भणियं एवंविहधम्मणिच्चलमणाए । तेलुक्कं पि सहायं किं पुण अम्हारिसी तुज्झ ? ॥१२९॥ इक्कारसगुडियाओ तहवि हु सुहकारिणीउ एआओ । गिण्हसु महाणुभागे ! भुंजसु सुयसंतइणिमित्तं ॥१३०॥ तीइ अणिच्छंतीइ वि बंधित्ता ताउ उत्तरीयंते । वियसियवयणा णमिउं अदंसणमुवगया देवी ॥१३१॥ सीलमईए कहिओ सिट्ठिस्स जहट्ठिओ सबुत्तंतो । सो पभणइ एयाओ कमेण भुंजसु सुहमुहुत्ते ॥१३२॥ ती उत्तं जावइओ सुयाइसंगो जियस्स तावइओ । बंधो कम्मस्स दुहं च ता अलं नाह ! गुडियाहिं ॥१३३॥ एवं ति भणइ सिट्ठी तहा वि लोगठिई इमाऽवत्थि । जं असुयं दाइयदुज्जणेहि लुंपिज्जाए गेहं ॥१३४॥ गेलण्णे बुद्धत्ते च पुत्तरहियाण को कुणइ सारं ? । तह णियकारियजिणभवणविंववरपुत्थगाईणं ॥१३५॥ बहुरिद्धिसमिद्धाण वि पच्छा जाणइ न कोइ णामं पि । तं सुंदरि ! उवभुंजसु कमेण इक्किक्कियं गुडियं ॥१३६॥ ता तीइ चिंतियमिणं समं स मीणव को णु पइवरिसं । अप्पं णडिज्जइ य तीइ ताउ गिलियाओ सयलाउ ॥१३७॥ भविय-वयाणिओगेण तह य दिवप्पभावओ चेव । इक्कारसवरपुत्ता तीए गब्भे समुब्भूया ॥१३८॥ वड्ढंतेहिं तेहिं तीसे णिस्सीम-वेयणा जाया । ता सुमरियाइ कुलदेवयाइ सा खिप्पमवहरिया ॥१३९॥ सुपसत्थदोहलाए तीए पडिपुण्णवासरेहि इमे । वररूवलक्खणधरा जणणयणाणंदणा जाया ॥१४०॥ हरिसभरणिब्भरेणं तो सिरिपुंजेण गुरुविभूईए । वद्धावणयं काउं कयाइ इय तेसि णामाई ॥१४१॥ धणदेवो धणरक्खिय तह धणपालो तहेव धणमित्तो । धणगुत्तो धणधम्मो तह य धणाइच्च धणसम्मो ॥१४२॥ धणवेगो धणचंदो धणहरी एवं कमेण कयणामा । धाईहि वड्ढिया ते संजाया अट्ठ-वारिसिया ॥१४३॥ पिउणा गुरुरिद्धीए लेहायरियस्स अप्पिया एए । तेण वि सकलकलाओ सुहेण अज्झाविया सिग्घं ॥१४४॥

मूलुद्धि-  
प्पबंधप्प-  
रूवगनाम  
सोलससो  
उद्देसो ।

॥ १२९ ॥

संपत्ता तारुणं तरुणीजणयणभसलकमलं व । परिणाविया य पिउणा इब्भसुयाहिं महिड्डीए ॥१४५॥ वावारिया य दव्वो-  
वज्जणठाणेसु ते जहाजुगं । अण्णदिणे जणणीए सप्पणयं जंपिया एवं ॥१४६॥ भो भो वच्छा ! तुब्भे उज्जमह धणज्जणे  
जहा धणियं । सब्बपुरिसत्थमूले तह धम्मे किं न थेवं पि ? ॥१४७॥

जओ—धम्माउ च्चिय अत्थो धम्माओ चेव कामपुरिसत्थो । धम्माउ च्चिय मुक्खो जायइ सब्बेसि णियमेण ॥१४८॥  
धम्माउ रूवलायणपवरसोहग्गसस्सिरीयत्तं । संपज्जइ णिरवज्जं मणिच्छियं सिज्झइ य कज्जं ॥१४९॥ सो पुण पइदिणजि-  
णपायपउमपूआणमंसणाईहिं । सुतवस्सिसेवणारोवणाहि सिद्धंतसवणेणं ॥१५०॥ अपुवसत्थपढणेण पसमसंवेगगब्भत-  
वसा य । संभवइ ता इमेसु किच्चेसुं उज्जमह वच्छा ! ॥१५१॥ धणदेवाइसुएहिं भणियं अम्मो ! तुमं जमाऽऽइससि । तं  
सव्वमेगचित्ता अक्खेवेणं करिस्सामो ॥१५२॥

किंच—अम्हारिसाण बालाण सब्बहा धम्मकम्मविमुहाणं । अम्मो ! जइ न कहिस्ससि तुममवि किच्चं अणिबिण्णा ॥१५३॥  
ता भवकूवम्मि वयं णिवडंता फुडमुवेहिया तुमए । इत्तो वुत्ता अच्छसि जं उचियं तं कहेज्जासु ॥१५४॥ इय धणदेवाईणं  
वयणं सोऊण हरिसिया जणणी । सिरिपुंजसिट्ठिसमुहं महुमहुरगिराहि कहइ इमं ॥१५५॥ गिहिवासतरुस्स फलं व पुव-  
सुकएहि इय सुया जाया । उभयभवसुकयहेऊ जं एस जणप्पवाओ वि ॥१५६॥ त्यागभोगादयो भावा इहलोकोपका-  
रिणः । सन्ततिः शुद्धवंश्या हि इहलोके परत्र चेति ॥१५७॥ ता जइ णियजिणभवणं कारिज्जइ तो इमे वि भत्तीए । तप्पू-

१ असल० अमर । २ शीघ्रता से । ३ उपेक्षिताः ।

सुदंसणा-  
चरियम्मि

॥ १३० ॥

यणाइणिरया जिणधम्मपरायणा हुंति ॥१५८॥ आमं ति भणिय सिट्ठी तण्णयरिणिवं अणुण्णविय विहिणा । कारावइ जिणभवणं लसंतगुरुसिहरधवलधयं ॥१५९॥ सिरिसंतिणाहपडिमा अप्पडिमा ठाविया तहिं रम्मा । तीइ पइट्ठाइमहे भत्तीए तेडिओ संघो ॥१६०॥ घोसाविया अमारी विहियं साहम्मियाण वच्छलं । मग्गणगणाण दिण्णं दाणं मणवंछिय-  
ब्भहियं ॥१६१॥ सिट्ठी परितुट्ठमणो सकुडुंबो जम्मजीवियस्स फलं । मण्णंतो य अणुदिणं जिणभवणे कुणइ इय पूयं ॥१६२॥ णिंम्मलकुसुमपूयंणआरत्तियधूवकवर्पणकरा । छसुया दो चामरधरा दुण्णि य वायंति आउज्जं ॥१६३॥ सिट्ठी तह जिट्ठसुओ दुण्णि वि ण्हाविति तत्थ जिणणाहं । जम्माभिसेयपमुहं वहूहि सह भणइ सीलमई ॥१६४॥ एवं च तस्स सकुडुंबयस्स सिट्ठिस्स तुट्ठहिययस्स । वच्चंति के वि दिवसा सुहेण सद्धम्मणिरयस्स ॥१६५॥ अह अण्णदिणे तीए कायं-  
दीए पुरीइ उज्जाणे । मुणिचंदो णाम गुरु केवलणाणी समोसरिओ ॥१६६॥ तण्णमणत्थं सिट्ठी सकुडुंबो आगओ सपुर-  
लोओ । विहिणा वंदित्तु गुरुं उवविट्ठो देसणं सुणइ ॥१६७॥ अह सीलमई पुच्छइ भयवं ! किं अज्जियं मए पुबिं । जं चइउं बहुवित्तं कयाइ उवयाइयसयाइं ॥१६८॥ तहवि न जाओ पुत्तो जाया सयमेव तयणु बहुपुत्ता । मज्झ अणिच्छंतीइ वि तह जिणधम्मो मए पत्तो ॥१६९॥ तो भणइ गुरु इहयं भरहे वासम्मि कंचणपुरम्मि । धणवई णामा णारी कम्मयरी आसि अइदुग्गा ॥१७०॥ अह तत्थ इब्भगिहिणी लच्छी णामेण तीइ गिहवाहिं । इक्कारसरयणजुओ कहिं पि पडिओ पवरहारो ॥१७१॥ दट्ठूण तयं गिण्हित्तु धणवई परधणम्मि लुद्धमणा । णियगेहे गंतूणं संगोवइ एगदेसम्मि ॥१७२॥ लच्छी उण तं हारं णट्ठं णाऊण सुण्णवुण्णमणा । कोलाहलं करंती सबत्थ गवेसए दुहिया ॥१७३॥ कहमवि तं अलहंती रुयमाणी

मूळुद्धि-  
प्पबंधप्प-  
रूवगनाम  
सोलसमो  
उहेसो ।

॥ १३० ॥

मुक्कुसुमतंबोला । इकारसघडियाओ गयसवस्सव जा ठाइ ॥१७४॥ ता धणवईइ दहुं पच्छा पच्छाणुतावभरियाए । लद्धो  
 मए त्ति भणितीइ अप्पिओ तीइ सो हारो ॥१७५॥ लद्धम्मि तम्मि हारे अब्भत्थिय धणवई तओ तीए । इकारसदीणारा  
 दिण्णा लच्छीइ तुट्ठाए ॥१७६॥ तीइ पुण धणवईए परधणपरिभोगमुक्कमुच्छाए । तेहि उ दीणारेहिं कराविया जिणहरे  
 पूआ ॥१७७॥ बंधित्तु मणुस्साउं सुबोहिबीयं च अज्जियं कमसो । मरिऊण धणवई सा सीलमई इह तुमं जाया ॥१७८॥  
 पुव्वभवदुक्कएणं तेणं हाराऽवहारजणिणं । इकारसवरिसाई मणोदुहं दुस्सहं पत्ता ॥१७९॥ जिणपूआपुण्णेणं तेणं सुहसंपयं  
 पुणो पत्ता । णिच्चलसम्मत्तगुणा गिहिधम्मपरा य संजाया ॥१८०॥ लच्छी सा पुण मरिउं तुह कुलदेवी इमा समुप्पण्णा ।  
 तक्कम्मविवागेणं उवसग्गा तुह कया तीए ॥१८१॥ इय सोउं सीलमई जाई सुमरित्तु भणइ णमिय गुरुं । अहह !! भयवं !  
 विवागो कह असुहो ईसिपावस्स ? ॥१८२॥ जंपइ मुणिचंदगुरु भदे ! ईसिं पि णणु अभदस्स । लब्भइ फलं दसगुणं सब-  
 जहण्णं पि जं भणियं ॥१८३॥ वहमारणअब्भक्खाणदाणपरधणविलोवणाईणं । सबजहण्णो उदओ दसगुणिओ इक्कसि कयाणं  
 १८४॥ तिक्खरे उ पओसे सयगुणिओ सयसहस्सकोडिगुणो । कोडाकोडिगुणो वा हुज्ज विवागो बहुतरो य ॥१८५॥ इय  
 णाउं सविवेया भवसंभवदुक्खभीरुणो भवा । मा हरह परधणाईं मा भणह विरुद्धवयणाईं ॥१८६॥ अह सिरिपुंजो सिट्ठी  
 मुणिचंदगुरुं पुणो वि णमिऊण । भणइ भयवं ! इमाणं साहसु पुत्ताण गिहिधम्मं ॥१८७॥ भणइ गुरु सम्मत्तं इह पढमं  
 तो अणुव्वया पंच । तिण्णि य गुणव्वयाईं चउरो सिक्खावयाईं च ॥१८८॥ मूलं दारं पइट्ठाणं आहारो भायणं णिही ।  
 दुच्छक्कस्साऽवि धम्मस्स सम्मत्तं परिकित्तिं ॥१८९॥ लब्भइ लहु मुखफलं दंसणदढमूलधम्मरुक्खम्मि । दंसणपहाणदारा

सुदंसणा-  
चरियम्मि  
॥ १३१ ॥

सुहं पवेसो य धम्मपुरे ॥१९०॥ णंदइ वयपासाओ दंसणपीढम्मि सुप्पइड्डम्मि । धरणिव दंसणमिणं चरित्तजियलोग-  
आहारो ॥१९१॥ विरइरसो अविणट्ठो दंसणवरवइरभायणे ठाइ । मूलुत्तरगुणरयणाण दंसणं अक्खयणिहिब ॥१९२॥ सम्मत्तं  
पुण देवो गुरू य धम्मो य तत्थ इय देवो । गयरागदोसमोहो परमप्पा होइ अरिहंतो ॥१९३॥ पंचसमिया तिगुत्ता पवित्त-  
सीला सुसाहुणो गुरूणो । धम्मो य जिणुद्धिदो जीवाइपयत्थसहहणं ॥१९४॥ इय सम्मत्तं पडिवज्जिऊण सद्धाविसुद्धस-  
द्धागा । पडिवज्जंति इमाइं सत्तीइ दुवालसवयाइं ॥१९५॥ पढमे अणुवयम्मि दुविहं तिविहेण जावजीवाए । संकप्पियथू-  
लणिरावराहजियघायपरिहारो ॥१९६॥ कण्णागोभूणासावहारसक्खिज्जगोयरं अलियं । थूलं परिहरमाणस्सऽणुवयं भण्णए  
धीयं ॥१९७॥ थूलं सचित्ताचित्तत्थगोयराऽदत्तगहणविणियत्ती । खत्तखणणाइपरिवज्जणेण तमणुवयं तइयं ॥१९८॥  
कुणमाणस्स सदारे संतोसं अहव णरतिरिसुराणं । परदारे परिहरओ अणुवयं भण्णइ चउत्थं ॥१९९॥ धंणधंणस्खित्त-  
वत्थूळप्पसुवण्णे य कुंविद्यदुपए य । तिरिणसु य प्पमाणं अणुवयं पंचमं तमिह ॥२००॥ उड्डमहे तिरियम्मि य दिसासु चउ-  
मासगाइकालगयं । खित्तपरिमाणकरणं गुणवयं वुच्चए पढमं ॥२०१॥ भोगोवभोगविसयं गुणवयं भण्णए इहं बीयं ।  
सइ भुज्जइ त्ति भोगो सो पुप्फफलासणाइगओ ॥२०२॥ उवभोगो उ पुणो पुण उवभुंजइ भुवणभूसणाइगओ । तो दुण्ह  
वि परिमाणं कायवं णिययइच्छाए ॥२०३॥ भोयणओ वज्जेजा पंचुंवरिमाइयाइ दवाइं । बावीसअभक्खाइं बत्तीसअणंत-  
कायाइं ॥२०४॥ तसजंतुविमिस्साइं फलाइ फुल्लाइ तह य पत्ताइं । संधाणयं च तसथावराण जीवाण जोणि त्ति ॥२०५॥  
कम्मयओ पुण इंगालकम्मपमुहाइ पणरस विवज्जे । तह गुत्तिवालसूणाऽहिगारपमुहं च दुक्कम्मं ॥२०६॥ अवज्झाणपमायाऽऽ-

मूलुद्धि  
प्पबंधप्प  
रूवगना  
सोलसमं  
उहेसो ।

॥ १३१

यरियपौवउवएसहिंसदाणं च । चत्तारि हुंति भेया गुणवएऽणत्थदंडम्मि ॥२०७॥ खयरामरत्तरिउघायचिंतणाइं तहिं अव-  
 ज्ञाणं । विकहाजलकीलाइं पमायचरियं अणेगविहं ॥२०८॥ खित्ताण कसह गोणे दमेह एमाइपावउवएसं । सत्थग्गि-  
 मुसलजंताइ दाणओ हिंसदाणं च ॥२०९॥ एयं अणत्थदंडं चउविहं णिविडकम्मबंधकरं । वज्जिजं वज्ज भीरु ! मुहुत्त-  
 कालाइअवहीए ॥२१०॥ सावज्जजोगवज्जणणिरवज्जासेवणस्सरूवं च । सामाइयं ति भण्णइ पढमं सिक्खावयं णाम ॥२११॥  
 दीहरदिसिमाणस्स उ संखेवो एगदिवसमाईहिं । उवलक्खणओ सब्बयाण सिक्खावयं बीयं ॥२१२॥ तं पुण पव्वदिणेसुं  
 देसे सब्बे व काउ सत्तीए । तप्पारणए मुणिदिण्णभोयणे तिहिविभागवयं ॥२१३॥ सिक्खावयं चउत्थं इमं च एवं दुवाल-  
 सवयाइं । एयाण पालणे एगसो वि विरई भवे गिहिणो ॥२१४॥ धण्णा सुणंति तह सहहंति गिण्हंति तह ससत्तीए ।  
 पालंति य जाजीवं धण्ण च्चिय णिरइयारमिमं ॥२१५॥ सब्बाऽइयाररहियं गिहिधम्मं पालयंति जे जीवा । सब्बविरईपहाणं  
 धम्मं पावेंति ते सिग्घं ॥२१६॥ सत्तट्ठभवे हि तओ चारित्ताराहणेण मुक्खपयं । पावेंति सुकुलजाईरूवारोग्गाइ लहिऊण  
 ॥२१७॥ तो भो महाणुभावा ! जइ न समत्था समग्गवयगहणे । इक्किक्कं पि वयं ता गिण्हिय सफलं कुणह जम्मं ॥२१८॥  
 इय केवलिणा कहिए ते धणदेवाइदससुया कमसो । इक्किक्कं वयं गिण्हंति थूलवहविरमणाईयं ॥२१९॥ धणहरिणा पुण  
 सम्मं गहियं पोसहवयं संविभागजुयं । सब्बे दढसम्मत्ता मण्णंति कयत्थमप्पाणं ॥२२०॥ सिरिपुंजो सीलमई णिवुअहिय-  
 याइ दो वि गिण्हंति । मुणिचंदगुरुसमीवे पव्वज्जं कम्मगिरिवज्जं ॥२२१॥ काऊण दुक्करतवं अकलंकं पालिऊण चारित्तं ।  
 खविऊण कम्मजालं दुण्णि वि पत्ताइं परमपयं ॥२२२॥ गुरुपयकमलं णमिउं धणदेवाई सहोयरा ते उ । संपत्ता णियगेहे

सुदंसणा-  
चरियम्मि

॥ १३२ ॥

विहरइ अण्णत्थ सूरी वि ॥२२३॥ ते वि सिरिपुंजपुत्ता परुप्परं परमपीइसंजुत्ता । वोलंति बहुकालं तिवग्गसंसाहणपहाणा ॥२२४॥ वड्ढंते विहवभरे बहुमोहकरे सुयाइसंताणे । के वि न मइलंति वयं निययं पुण के वि मइलंति ॥२२५॥ ते विरइपालणा-  
पालणेण सुरणरतिरिक्खजोणीसु । वसिऊण किं पि कालं जहारिहं सुहदुहं सहिउं ॥२२६॥ पभणइ पासजिणिंदो सुणंद-  
वरसिद्धि ! दिवजोगेण । तुह धारिणीपियाए ते सबे णंदणा जाया ॥२२७॥ संपइ पुण सुणसु तुमं एएसि विलक्खणत्तण-  
णिमित्तं । पुवभवसुकयदुक्कयणियकम्मविसेससंजणियं ॥२२८॥ जिट्ठेण तेसि कइया भयभीएणं अही हओ तेण । तुह  
सिद्धि ! सुओ जाओ एसो सो मंगुलसरीरो ॥२२९॥ तइयसुएणं तइया विहिओ लोभेण मित्तधणदोहो । तदोसेण इमस्स  
उ थोवं पि धणं न ठाइ करे ॥२३०॥ जो पुण पंचमपुत्तो सो खंडियपंचमवओ लोभा । तेणेसो धणधणऽज्जणम्मि अइ-  
वाउलो जाओ ॥२३१॥ सत्तमओ पुण पुत्तो काउं भोगोवभोगवयभंगं । तिरिएसु भमिय जाओ छुहालुओ एस तुज्झ  
सुओ ॥२३२॥ नवमो पुण तेसि इमो गहिए सामाइए वि अणिरोहा । मणमाईणं एवं न चावलं चयइ तेणिणिं ॥२३३॥  
इक्कारसमो वि सुओ सुपोसहाउ अवज्जपरिहारी । किंतु दुवालसमवयं कइया वि अफासिउं भुत्तो ॥२३४॥ लाभोवभोग-  
भोगाइ णेव काउं खमो इमो सययं । अविकलदाणाभावेण कहणु एयाण संपत्ती ? ॥२३५॥ सेसा पुण भइसुआ निययनिय-  
माणुपालणवसेण । तत्तण्णिम्मलसुहफलभायणमेवं हि ते सुणसु ॥२३६॥ अणलियवयणो जो आसि णंदणो तेसि बीयओ  
य पुरा । सो इह सुगंधिणीसाससुंदरो तुह सुओ जाओ ॥२३७॥ जो पुण तेसिं चउत्थो चउत्थवयपालणुज्जओ पुबिं ।

१ मंगुल० असुंदर ।

मूलुद्धि-  
प्पबंधप्प-  
रुवगनाम  
सोलसमो  
उद्देसो ।

॥ १३२ ॥



सुदंस० २३

सो पवररूवलायणपुण्णसोहग्गवं जाओ ॥२३८॥ तसथावरजीवहिओ अविराहियदिसिवओ उ जो छट्ठो । देसंतरगमण-  
 विरहे वि वंछियं लहइ सो अत्थं ॥२३९॥ अट्ठमओ पुण पुत्तो अणत्थदंडस्त वज्जणगुणेण । गिरवज्जकज्जसज्जं जंपंतो  
 लोयसुहकारी ॥२४०॥ दसमो वि सुओ देसावगासियं जेण पालियं पुबिं । सो आवयाण थेवं पि णूण णो भायणं जाओ  
 ॥२४१॥ इय भो ! तुज्झ सुयाणं विसरिसभावाण संभवे हेऊ । वयगोयरो समग्गो वि दंसिओ लेसमित्तेण ॥२४२॥ इय  
 पहुकहियं सोउं ते सबे णंदणा उसहमाई । ऊहापोहपहाणा जाइसरणं समणुपत्ता ॥२४३॥ तो पुणरवि पासजिणं भत्तीइ  
 णमित्तु विण्णवित्ति इमं । तरियवो कहमम्हेहि दुत्तरो एस भवजलही ॥२४४॥ भणइ जिणो जइधम्मं गिहिधम्मं वा सस-  
 तीए काउं । तरिऊण भवसमुदं लहेह णिबानमइरेण ॥२४५॥ ते इक्कारस वि सुया सविसेससमुल्लसंतवेरग्गा । पव्वज्जं गहि  
 उमणा भणंति एवं जणणिजणए ॥२४६॥ अम्हे अवगयतत्ता अणंतभवभमणजलणसंतत्ता । गोसीसचंदणं पिव सेवेमो  
 पासपयपउमं ॥२४७॥ पज्जत्तमिण्हि धणभवनसयणविसओवभोगसुक्खेहिं । भुवणजणपूरियाऽऽसो पासो इक्को परं सरणं  
 ॥२४८॥ तेण पणीएण सिवप्पहेण गंतुं समीहिमो अम्हे । तो अणुजाणह तुब्भे मुंचह चिरकालियं पणयं ॥२४९॥ तो वित्ति  
 अम्मपियरो पुत्ता ! जा जीविमो वथं ताव । चिट्ठह गिहिधम्मपरा तुब्भे पच्छा वि पव्वयह ॥२५०॥ तो ते पुच्छंति जिणं  
 मज्झे प्पहु ! देससवविरईणं । अम्हारिसाण किं कोइ अत्थि अण्णो पवरधम्मो ? ॥२५१॥ अह भणइ भुवणणाहो भो भो  
 भवा ! समत्थि गेहीणं । इगदसपडिमारूवो सबपहाणो तयं सुणह ॥२५२॥ दंसणवयसामाइयपोसहपडिभा अवंभसंच्चित्ते ।  
 आरंभपेसंडदिट्ठवज्जए समणभूए य ॥२५३॥

सुदंसणा-  
चरियम्भि

॥ १३३ ॥

तहाहि—संकाइसलरहिओ थिज्जाइगुणो दयाइवरलिंगो । अविचलसम्मत्तधरो दंसणपडिमं धरइ मासं ॥२५४॥ पुबु-  
त्तगुणसमगो वीयाइ दुमासऽणुवए धरइ । तइयाइ तिण्णि मासे सामइयं कुणइ संझदुगे ॥२५५॥ चउमासे पवदिणे  
पडिपुण्णपोसहं चउत्थीए । पंचमियाए पोसहणिसिपडिमं कुणइ पणमासे ॥२५६॥ छट्ठीए छम्मासे मउलिकडो दिवस-  
भोइ असिणाई । बंभी य सत्तभीए सगमासे वज्जइ सच्चित्तं ॥२५७॥ आरंभ सयं करणं अट्टमिया अट्टमास वज्जेइ ।  
नवमी पुण नवमासे पेसाऽऽरंभे विवज्जेइ ॥२५८॥ खुरमुंडिल्लिहलिउद्धिवज्जओ दसमियाइ दसमासे । णिहिपुच्छंतणियाणं  
जइ जाणइ कहइ नवि इहरा ॥२५९॥ खुरमुंडलोयरयहरणपत्तधारी अच्छिण्णममकारो । समणुव सयणगेहे विहरइ इक्का-  
रस उ मासे ॥२६०॥ इय तुलिउं अप्पाणं कमेण इक्कारसाहि पडिमाहिं । के वि सउण्णा सम्मं पवज्जं संपवज्जंति ॥२६१॥  
इयरे पुत्ताइसिणेहभावओ पुण उवेंति गिहवासं । उच्चियत्तमप्पणो जाणिऊण सुइसुहसमायारा ॥२६२॥ एवमणुट्ठाणमिणं  
पडिमापडिबद्धमक्खियमसेसं । चूडारयणप्पडिमं सावयवयधम्मकम्मस्स ॥२६३॥ एयं अणुट्ठिऊणं जे पडिवण्णा जिणिं-  
दवरदिक्खं । दुस्सहपरीसहुच्चाऽऽहियं पि न चलइ मणो तेसिं ॥२६४॥ धण्णाणं चिय एवंविहेसु किच्चेसु अभिरमइ बुद्धी ।  
पावंति य पज्जंतं धण्णच्चिय पत्थुयत्थस्स ॥२६५॥ करकमलगोयरगया ताणं चिय परमसुक्खसंपत्ती । णित्थिण्णो वित्थिण्णो  
वि तेहि रुद्धो भवसमुदो ॥२६६॥ तेहिं चिय संपत्ता विजयपडागा तिलोयरणरंगे । एयाणुट्ठाणपुरस्सरो य जेहिं गहिओ  
समणधम्मो ॥२६७॥ इय सोउं परितुट्ठो जयघोसणिवो जयावलीइ समं । बारसवयाइ गिण्हइ दंसणमूलाइ पहुपासे  
॥२६८॥ तह य अभिगगहमेयं तिविहं पूयं तिसंझमवि णिच्चं । तिजयगुरूण जिणाणं तिगरणसुद्धो करिस्सामि ॥२६९॥

मूलुद्धि-  
प्पबंधप्प-  
ख्वगनाम  
सोलसमो  
उद्देसो ।

॥ १३३ ॥

परिपालिय गिहिधम्मं णियमं सो तीइ संजुओ राया । अणसणविहिणा मरिउं सणंकुमारे समुप्पणो ॥२७०॥ ते वि हु  
 सुणंदपुत्ता गिहिधम्मं गहिय मायपिउसहिया । सव्वे वि गया गेहे पट्ट वि अण्णत्थ विहरेइ ॥२७१॥ समणोवासगधम्मं  
 सो सिट्ठी पालिऊण कइवि दिणे । सह धारिणीइ मरिउं समाहिजुत्तो दिवं पत्तो ॥२७२॥ ते उसहमाइणो पुण कइया वि सहो-  
 यरा फुरियसद्धा । पडिवज्जिय पडिमाओ सम्मं फासितु सवाओ ॥२७३॥ सव्वे वि भवविरत्ता कुहुंवभारम्मि ठविय णिय-  
 पुत्ते । चाउज्जामं धम्मं पडिवण्णा सुगुरुसमीवे ॥२७४॥ अब्भत्थदुविहसिक्खा तिवत्तवच्चरणकरणिच्चरया । सुइरं चरित्तु  
 चरणं गुरुआणाऽऽराहणपहाणा ॥२७५॥ उवसमियसयलमोहा उवसमसम्मत्तचरणसुपवित्ता । उवसमसेढीइ गया उवसंतप्पा  
 पसंतमुहा ॥२७६॥ इक्कारसअंगधरा इक्कारसमे ठिया गुणट्ठाणे । मरिऊण समुप्पण्णा ते इक्कारस वि सव्वे ॥२७७॥ तित्ती-  
 ससागराइं तत्थ सुहं माणिउं पयणुरागा । चविउं विदेहवासे होऊण सिवं लहिस्संति ॥२७८॥ इय जिणधम्मस्स फलं कहि-  
 ऊण किण्णरी सदिट्ठंतं । जंपइ दिढसम्मत्तो कुणसु तयं धम्मपाल ! तुमं ॥२७९॥

जओ—साहीणे मणुयत्ते लद्धे वि हु दुलहम्मि जिणधम्मे । जस्स न दिढसम्मत्तं विडंविओ तेण णियजम्मो ॥२८०॥ मणु-  
 यत्ते जिणधम्मे लद्धे वि मए णियाणदोसेण । सग्गापवग्गसुक्खं हारिय किण्णरपयं पत्तं ॥२८१॥ अहवा जे चिक्कण-  
 कम्मभाइणो हुंति मज्झ सारिच्छा । ते चंदकंतमणिणा किणंति खलु अलियसूलमणिं ॥२८२॥ तो जिणधम्मं काउं  
 णियाणवंधं करेइ जो मूढो । सो धम्मपाल ! मूढो कोडीए कागिणिं किणइ ॥२८३॥ जम्हा अविकलभत्ती जिणिंदधम्मम्मि  
 हरइ दुक्खाइं । जह दुग्गयणारीए पत्तं भावेण देवत्तं ॥२८४॥ चलचित्तो मह सरिसो दुलहं लहिऊण माणुसं जम्मं । तुच्छ-

सुदंसणा-  
चरियम्मि

॥ १३४ ॥

सुहासाणडिओ सम्मत्तं हारए मूढो ॥२८५॥ आसणसिद्धिसुखो परित्तसंसारिओ य जो जीवो । सो णिच्चलसम्मत्तं धरइ सया सवगुणकलिओ ॥२८६॥

तंजहा—भासामइबुद्धिविवेगविणयकुसलो जियक्ख गंभीरो । उवसमगुणेहिजुत्तो णिच्छयववहारणयणिउणो ॥२८७॥ जिणगुरुसुयभत्तिरओ हियमियपियवयणजंपिरो धीरो । संकाइदोसरहिओ अरिहो सम्मत्तरयणस्स ॥२८८॥ इय सोउं पडिबुद्धो सधम्मपालो नमित्तु णेमिजिणं । सम्मदंसणमूलं गिहिधम्मं गिण्हइ पहिड्डो ॥२८९॥ तो सा भणइ सतोसा दढसम्मत्तोऽसि जेण धणपाल ! । पुट्टमपुट्टं पि मए तं तुह कहियं समित्तस्स ॥२९०॥ संपइ पुण वच्चिस्सं भरुयच्छे सवलियाविहारम्मि । अइकमइ पिच्छणारंभकालसमओ य मह तत्थ ॥२९१॥ इय भणिऊणं कज्जलतमालदलसामलम्मि गयणयले । उप्पइउं सट्ठाणे संपत्ता किण्णरी देवी ॥२९२॥ अह जंपइ धणपालो पिए ! अहं धम्मपालमित्तजुओ । गमिऊण बहिं रयणिं सुहपडिबुद्धो पभायम्मि ॥२९३॥ पत्तो जिणिंदभवणे संथुणिउं तत्थ णेमिजिणणाहं । ओयरिउं संपत्तो दियठाणमिणं हिरण्णउरं ॥२९४॥ णियगेहे संपत्तो तुमए पुट्टो जहित्थ उज्जिते । अज्जवि गिज्जंति मुणी सच्चं किं किण्णराईहिं ? ॥२९५॥ इच्चाइपुच्छिणं तुज्झ मए साहियं पिए ! सबं । जह किण्णरीइ कहियं सुदंसणाचरियमाईयं ॥२९६॥ इय धणसिरीइ सुणिउं भणियं पिय ! जत्थ एरिसं बुत्तं । तत्थुज्जिते रम्मे ममं पि वंदावि णेमिजिणं ॥२९७॥ तो धणपालो सिग्घं समग्गसामगिसंगमं काउं । संघजुओ सवयंसो पयत्थिओ तित्थजत्ताए ॥२९८॥ ठाणे ठाणे महया इट्ठीए चेइयाईं पूयंतो । गामागरणगरेसुं मुणिपयकमलं पणिवयंतो ॥२९९॥ साहम्मियवच्छलं कुणमाणो भत्तिणिब्भरो धणियं । दाणं दित्तो दुत्थि-

मूलुद्धि-  
प्पबंधप्प-  
रुवगनाम  
सोलसमो  
उद्देसो ।

॥ १३४ ॥

यजणाण करुणाइ अणियाणं ॥३००॥ सहजोदारगुणेणं मणोरहे मग्गणाण पूरंतो । सबस्स वि बहुमाणं जणयंतो उचिय-  
वित्तीए ॥३०१॥ दंसणसुद्धिणिमित्तं कुणमाणो पवयणुण्णइं परमं । धणपालो मित्तजुओ पत्तो उज्जितसेलतले ॥३०२॥

जो य केरिसो ?—सुरहितरुकुसुमवासियसीयलजलपसरणिज्झरंतेहिं । णिज्झरणेहि गिरिंदो सोहइ गयंदुव मयसहिओ  
॥३०३॥ जंबीरजंबुअंवयअंवाडयअंबिलीकयंवेहिं । खज्जूरदक्खदाडिमपूगीफलणालिकेरेहिं ॥३०४॥ पुण्णागणागचंपयअसो-  
यअंकुलबडलतिलएहिं । तालतमालपियालप्पवालकयमालसरलेहिं ॥३०५॥ मालइकेयइविचिकिलकरुणीमंदारकोविआरेहिं ।  
एलतयणागकेसरकक्कोललवंगपमुहेहिं ॥३०६॥ सबोउयरुक्खेहिं सुहया णंदणवणं व आरामा । तह कोइलरवमुहला सह-  
स्संबवणावली जत्थ ॥३०७॥ गयणग्गलगउत्तुंगसिंगरेवयगिरी गवलवण्णो । अंजणगिरिब तुंगो तं तिहुयणलगण-  
क्खंभो ॥३०८॥ अह तत्थ मुत्तु वाहणमाई घित्ठूण सबसामग्गिं । आरुहिउं उज्जिते पत्तो सिरिणेमिजिणभवनं ॥३०९॥

जं च केरिसं ?—सिरिणेमिमूलभवनं धवलसमुत्तुंगदेउलियकलियं । केलाससेलसिहरं व सहइ जं तुंगसिंगजुयं ॥३१०॥  
गुरुधवलधयवडाडोवसहियलहुसियपडागसयसहियं । भवजलहिजाणवत्तं व सहइ जं सुसिढचिंधजुयं ॥३११॥ जयजयरवं  
भणंतो तम्मज्झे पविसिउं सपरिवारो । अइउक्कंठियहियओ पसारियच्छो णियइ णेमिं ॥३१२॥

तंजहा—वरविंबुयपवरअहरो पिहुलकवोलो सुणास सुहवसणो । सारयससिसमवयणो विसालभालत्थलो भयवं ॥३१३॥  
दीहरबाहू गोउरउरत्थलो सरलजंघ वरचलगो । असरिसलावण्णणिही णयणाण सुहंजणं व पहू ॥३१४॥ पहरुवं पिच्छंतो  
अणिमिसणयणो जणो णिहुयगत्तो । लक्खिज्जइ लवलग्गो णिच्चलकाओ सुजोगिब ॥३१५॥ तो तं तिपयाहिणिउं भत्तिभरु-

सुदंसणा-  
चरियम्मि

॥ १३५ ॥

लसियवहलरोमंचो । हरिसंसुभरियणयणो पंचंगं णमइ णेमिजिणं ॥३१६॥ पुण पुण पहुमुहकमलं पलोयए पुणवि पणमइ जिणिंदं । एगगमणो तं चेव चिंतए भत्तिसंजुत्तो ॥३१७॥ तो सुइतणुसियवत्थो गइंदवयकुंडपवरसलिलेण । भरिऊण पवरकलसे कुंकुमकप्पूरमीसेणं ॥३१८॥ वज्जंताऽऽउज्जणिणायपसरपडिसहपूरियदियंतो । महया विच्छंढेणं सपरियणो णवइ णेमिजिणं ॥३१९॥ गोसीसचंदणेणं सरसेण सुरहिणा विलिंपित्ता । मणिकणयभूसणेहिं भूसित्ता भुवणभूसणयं ॥३२०॥ सबत्थचिय पसत्थं सक्कारित्ता पसत्थवत्थेहिं । पूयइ तिहुयणपुज्जं दसद्धवण्णेहि कुसुमेहिं ॥३२१॥

तहाहि—कुंदमुचकुंदमालइपाडलसयवत्तसत्तलाईहिं । करुणीचंपयकेयइवउलसिरिपमुहकुसुमेहिं ॥३२२॥ सयलसुमंगलणिलयस्स अगगओ णेमिजिणवरिंदस्स । सियसालितंदुलेहिं आलिहइ मंगले अट्ट ॥३२३॥ कुसुमेहि पंचवण्णेहि पूअए अट्टमंगले तत्तो । सरसेण चंदणेणं दलेइ पंचंगुलीतलयं ॥३२४॥ सिवसुहफलयं पवरप्फलेहि णालिकेरमाईहिं । सीलसुयंधं च पहुंचं सुगंधिगंधेहि पूइत्ता ॥३२५॥ पहुणो तिहुयणदीवस्स देइ मणिरयणदीवयं पुरओ । कणयकडुच्छयहत्थो धूवं उक्खि-वइ भत्तीए ॥३२६॥ चंदोदयं च दाउं महाधयं छत्तचमरचिंधयं । आरत्तियमाईयं करेइ किच्चं च सुयविहिणा ॥३२७॥ एवमवारियसत्तं काउं अट्टाहियं च वरमहिमं । वंदित्ता णेमिजिणं धणपालो थोउमाढत्तो ॥३२८॥

तद्यथा—देव ! त्रिभुवनकमलालङ्कारकरणैकतिलक !, देव ! त्रिभुवनजनतापरमानन्दसंदोहदायक !, देव ! त्रिभुवनप्रधानजनसमूहाऽभ्यर्चनीयचरणकमल !, देव स्वकीयचरणकमलन्यासपवित्रीकृतसकलपृथ्वीतल !, देव ! निर्मलाऽ-

१ आडम्बरेण ।

मूलुहिड-  
पबंधप्प-  
रुवगनाम  
सोलससो  
उद्देसो ।

॥ १३५ ॥

विकलकेवलज्ञानलोचनाऽवलोकितसकललोकालोकमण्डल !, देव ! विमलहरिवंशविशदकुमुदकुङ्कुमलविकाशनैककौमुदी-  
चन्द्रमण्डल !, देव ! तनुतरजरत्नवत्सत्वरपरित्यक्तप्राज्यसाम्राज्य !, देव ! प्रत्यग्रोदग्रयौवनभरप्रवर्त्तमानप्रतिपालितसंय-  
ममहाराज्य !, देव ! त्रिभुवनभवनोद्धरणैकमहास्तंभ !, देव ! दशधनुर्दंडमानाऽनन्यसमानसमाश्रितशरीरारम्भ !, देव !  
निर्जिताऽशेषभुवनदुर्दममदनद्विरदोरुकुम्भस्थलाऽस्थिविदारणैकपञ्चानन !, देव ! तीव्रतरतपोज्वलनज्वालावलीनिर्दग्ध-  
दुष्टाष्टकर्मकानन !, देव ! समूलोन्मूलितदुरन्तदुरितविषवल्लीवितान !, देव ! सकलकल्याणकलापकल्पपादपसुधाकु-  
ल्यासमान !, देव ! जाज्वल्यमानसंज्वलनादिकषायानलसन्तापसन्तप्तसत्त्वसङ्घातनिर्वापणैकसजलजलधर !, देव ! सर्व-  
थानिर्ममत्वसुतीक्ष्णकुलिशकोटिनिर्भिन्नमहामोहमहीधर !, देव ! सर्वभाषानुयायिभाषातिशयरत्नप्रभाप्रकाशितजीवाजीवा-  
दिपदार्थसार्थ !, देव ! प्रणतानेकनरनारीनिकरप्रदत्तचतुर्थपुरुषार्थ !, देव ! भवभ्रमणभीतभव्यजन्तुजातप्रकटितपरम-  
तत्त्व !, देव ! संक्षुभ्यमाणमहाम्भोधिध्वनिसमानशब्दप्रबोधितानेकभव्यसत्त्व !, देव ! निर्वाणमहानगरसन्मार्गप्रकाश-  
नैकाऽविश्रान्तप्रदीप्तमहाप्रदीप !, देव ! प्रभूतसद्भक्तिप्रबन्धबन्धुरचतुर्विधविबुधकोटीसतताऽविमुक्तसमीप !, देव !  
प्रवलतरमिथ्याज्ञानतमःपटलनिबिडपुटपाटनैकप्रभाकर !, देव ! क्षमामार्द्वाज्जवाद्यनेकगुणरत्नरत्नाकर !, देव ! दुःखप्रकर्षा-  
कीर्णनारकजनसङ्कीर्णनरकनगरगोपुररोधनैकदृढकपाटसम्पुट !, देव ! सम्यग्रत्नत्रयाराधनप्रधानसमाधानदुरारोहसमा-  
रूढसमुत्तुंगनिर्वाणनिष्कुट !, देव ! नितान्तागाधसंसाराम्भोधिमध्यनिमज्जन्तुसन्तानोत्तारणैकप्रगुणयानपात्र !, देव !  
दुर्धरशीलाङ्गसहस्राष्टादशकभारोद्धहनपवित्रचारित्रपात्र !, देव ! भक्तिभरनतसुरासुरनरेश्वरमणिमुकुटकोटिसंटंकसङ्घ-

सुदंशणा-  
चरियम्भि

॥ १३६ ॥

दितनानावर्णरुचिररत्नकरनिकरकर्बुरितपवित्रपादनलिन ! देव ! गरिष्ठवासनावससमुल्लसितगात्रगीर्वाणमालामुखकमल-  
विनिर्मितसद्वचोभिष्टुतसज्ज्ञानलक्ष्मीनिवासवासभवन !, देव ! प्रदर्शितस्वर्गापवर्गसंसर्गसन्मार्गप्रकाशनैकप्रवणप्रधानो-  
पदेशप्रबन्ध !, देव ! दुस्त्यजपरित्यक्त मातापितृभ्रातृपत्नीप्रभृतिभक्तानुरक्तप्रभृतिज्ञातिसम्बन्ध !, देव ! समुद्रविजय-  
प्रमुखदशदशार्हमहाराजीविराजितयादवकुलसमुद्भूतसत्पुरुषलक्षावतंस !, देव ! सतीजनमतल्लिकाश्रीशिवादेवीकुक्षि-  
सरोवरराजहंस !, देव ! प्रणष्टजन्मजरामरण !, देव ! जगत्रयैकसञ्ज्ञातशरण !, देव ! सर्वसुखसंसिद्धिकारण !, देव !  
दुर्वाराऽन्तरवैरिवारनिवारण ! देव ! विश्वविश्वोत्तमदेवाधिदेव !, देव ! प्रशस्तसमस्तसुरासुरविहितसेव !, देव ! विनि-  
र्मितकर्मपरिणाममहाराजपराजय !, देव ! द्वाविंशश्रीनेमिजिनेश्वर ! सुचिरं जय ॥ धनपाल इति स्तुत्वा नेमिं गद्यैः  
सुसंस्कृतैः । अर्द्धसंस्कृतसत्पद्यप्रबंधेनाऽस्तवीत्पुनः ॥३२९॥

तथाहि—हरिकुलविमलनभस्तलनिस्तरलशारदनिशीथिनीनाथ ! । जय जय नेमिजिणेश्वर ! भासुरभावलयकयसोह !  
॥३३०॥ भक्तिभरविनतशतमखशतानि शतशः समेत्य सुरशैले । तुह जम्ममज्जणं अप्पमज्जणं देव ! अकरिंसु ॥३३१॥  
देव ! मधुमथनशंखः शंखगुणेन त्वया तथाऽपूरि । जह अज्जवि तस्सहो णो विरमइ भुवनमज्झम्भि ॥३३२॥ येन नव-  
नलिनकुवलयविकसितशतपत्रपत्रलदलाक्षी । रायमई परिचत्ता धण्णा निययंति तं नेमिं ॥३३३॥ गायन्ति गीतकुशला  
यस्य यशःप्रसरममरनरनार्यः । सो पयडपयावनिहत्तसत्तुसंघो जयउ णेमी ॥३३४॥ या देव ! पशुष्वपि मोक्षकारिणी

मूलुद्धि-  
पबंधप-  
रुवर्गनाम  
सोलसमो  
उद्देशो ।

॥ १३६ ॥



हारिणी त्वया दृष्टिः । निहिया तइया तं चेव अम्ह उवरिं खिवसु इण्हिं ॥३३५॥ यो गिरिनारगिरीश्वरशृङ्गं शृङ्गारयत्यलं  
देवः । पणमह वम्महभडवायभञ्जणं तं जिणं नेमिं ॥३३६॥ इति निर्दग्धभवेन्धन ! पालक ! जगतोऽपि नेमिजिनचन्द्र ! ।  
देविंदविंदवंदिय ! चंदविवज्जिय ! णमो तुज्झ ॥३३७॥

अह धणपालवयंसो स धम्मपालो वि धम्मधणलुद्धो । सुललियपागयभासाइ सुललियं थुणइ पहुमेवं ॥३३८॥ कमल-  
दलदीहणयणं पसंतवयणं सिरीइ कुलभवनं । तिहुयणकयसेवं रेवयम्मि थोसामि नेमिजिणं ॥३३९॥ पणयाण तुमं चिंता-  
मणिव मणवंछियं पयच्छंतो । दिट्ठोऽसि देव ! रेवयगिरिसेहर ! गरुयपुण्णेहिं ॥३४०॥ अइदुग्गो मग्गपरिस्समो वि एसो  
सुहावहो मज्झ । तवसंजमुज्जमो इव तुह पयसेवाफलं जस्स ॥३४१॥ हसियं मुहेण नयणेहि वियसियं विहसियं कवोलेहिं ।  
दिट्ठे तुमम्मि जयनाह ! हरिसियं मज्ज हियएणं ॥३४२॥ अवणेइ मलं नासइ तण्हं संतावपसरमवहरइ । तुह दंसणं जियाणं  
गइंदवयकुंडसलिलं व ॥३४३॥ इह दिक्खा इह णाणं इह णिवाणं ति दंसियविसेसा । तुह भत्तीए हिययं हरंति रेवय-  
गिरिएसा ॥३४४॥ सामि ! तुमं कयमहिमं अंबासिहरट्ठियाइ अंबाए । अवलोइय अवलोयणसिहरे मह हरिसियं हिययं  
॥३४५॥ आणाइ तुम्ह कयमुज्जयंतसिहरेसु जेहि तवचरणं । पज्जुणसंबपमुहे ते हं वंदे मुणिवरिंदे ॥३४६॥ सयलनिय-  
जम्मजीवियजुवणविण्णाणणाणलच्छीए । लद्धं फलं मए वि हु जयनाह ! तुमं नमंतेण ॥३४७॥ इय देविंदऽभिंवंदिय !  
कुक्कम्मवणनेमि ! जिणनाह ! । अमयंजणसमदंसण ! पुणो वि नियदंसणं दिज्जा ॥३४८॥ ततो य धम्मपालो तत्थाऽऽगय-

सुदंसणा-  
चरियम्मि

॥ १३७ ॥

सुवणभाणुगुरुपासे । भवभयभीओ गिण्हइ सामण्णमणणसामण्णं ॥३४९॥ विहरित्तु समं गुरुणा सुइरं चरिऊण चारु-  
चारित्तं । सोहम्मो उववण्णो तओ चुओ पाविही सुक्खं ॥३५०॥ अह धणपालो संघेण संजुओ पुणवि नमिय नेमि-  
जिणं । पुणरुत्तं पिच्छंतो कहवि नियत्तो जिणगिहाओ ॥३५१॥ मुत्तूण तत्थ हिययं सरीरमित्तेण धणसिरीइ समं । ओय-  
रिओ संघजुओ कमेण पत्तो हिरण्णउरं ॥३५२॥ काउं तित्थुज्जवणं चिरकालं पालिऊण गिहिधम्मं । मरिऊण समाहीए  
सकलत्तो सो गओ सगं ॥३५३॥ भोत्तूण तत्थ दिवाइ भोगभोगाइं कालमपरिमियं । तत्तो चुओ कमेणं लहिही निवाण-  
सुक्खं पि ॥३५४॥ एवं किंचिवि कहियं सुदंसणापमुहभवजियचरियं । कहयंतसुणंताणं भवभेयं कुणउ भवियाणं ॥३५५॥  
इय सुदरिसणकहाए नवनवसंवेगसिरिघरनिहाए । मूलदिट्ठप्पबंधप्परुवगो सोलसुहेसो ॥३५६॥ [ इइ सोलसमुहेसो ]

पसत्थी—

सोलसइत्थुहेसा अहिगारा हुंति अट्ठ अत्थस्स । गाहाणं सबगं चउरो सहस्सा दुवण्णजुआ ॥१॥ अहिगारो धणपालो  
सुदंसणा विजैयकुमर सील्लवई । अस्सेसावयोह भाँया धाँइसुओ धावी इय अट्ठ ॥२॥ इत्थ य जमिहुस्सुत्तं वुत्तं मह  
तस्स दुक्कडं मिच्छा । पसिऊण परहियरया बहुस्सुया तं विसोहंतु ॥३॥ नवनवगमसंगमचंगआगमो जयउ वीरजिणणाहो ।  
.....॥४॥ जस्स पसायं पावित्तु पाणिणो सुहमुहेण मल्लीणा । सिवपयपासायसिरंसो गोयमगणहरो जयउ  
॥५॥ तइलोयलोयविप्फुरियगरुयकुदिंदुकंतकित्तिभरा । हुंतु सिवाय सुहम्मप्पहुपमुहा गणहरा सबे ॥६॥ चित्तावालयग-

प्रशस्तिः ।

॥ १३७ ॥

च्छिक्कमंडलं जयइ भुवणचंदगुरू । तस्स विणेओ जाओ गुणभवनं देवभहमुणी ॥७॥ तप्पयभत्ता जगचंदसूरिणो तेसि  
 दुण्णि वरसीता । सिरिदेविंदमुणिंदो तहा विजयचंदसूरिवरो ॥८॥ इय सुदरिसणाइ कहा णाणतवच्चरणकारणं परमं ।  
 मूलकहाओ फुडत्था लिहिया देविंदसूरीहिं ॥९॥ परमत्था बहुरयणा दोगच्चहरा सुवण्णलंकारा । सुणिहिव कहा  
 एसा णंदउ विबुहस्तिया सुयरं ॥१०॥ [ ४०५२ ] ग्रंथाग्रंथम् [ ४५०० ] अक्षरमात्रपदस्वरहीनं व्यंजनसंधिविवर्जि-  
 तरेफम् । साधुभिरेव मम क्षमितव्यं को न विमुह्यति शास्त्रसमुद्रे ॥१॥ श्रीमद्बृहत्तपागणनाथश्रीसुरसुन्दरगुरूणाम् ।  
 शिष्योऽशोधयदेतां प्रतिं प्रयत्नेन समयमाणिक्थः ॥२॥ श्री सुधानन्द विबुधाधीश्वरश्रीमहीसमुद्रवाचकेन्द्रप्रसादादियम-  
 शोधि ॥ इति ॥

॥ समत्तं सुदंसणाचरियं ॥

